

婦人良方卷之首

凡例

- 一各論有重複闕畧悉遵素難及歷代名醫治法增減庶灼見本症病因不致紛雜難曉
- 一各論有陳無擇熊啟峯二先生評論治法士繁就簡併入本論以便觀覽
- 一諸治驗原隨方者悉從其舊若詞義重複者刪之以便覽閱

古吳薛 已撰



國家圖書館, NATIONAL CENTRAL LIBRARY, TAIWAN, R.O.C.



一傷寒之症反覆變遷命係毫髮須熟讀仲景等書專為一科庶無博而不精之誤

一製藥之法當因病制宜本集所云未備不錄恐執泥也

一各方有合大劑者今減作小方庶得臨症損益量病加減其有常服者悉仍舊

一十一卷首論妊娠所禁之法當為遵守其所用之藥不可輕率

一補遺第二十四卷各卷已備不錄今補蒲唇等

一十四症方論足成其卷

一芍藥之性味酸寒產後用之於大補八珍等湯內以酒拌炒用無妨凡屬脾胃虛寒虛弱面色痿黃者亦宜酒拌炒用

用藥宜禁

各症詳見本門復錄之以示急也

一通經丸若脾胃無虧暴怒氣逆或生冷所傷陰血凝滯月經不通者宜暫用之若脾胃虛弱不能生血者宜用六君當歸若因脾胃鬱火內耗其血者宜用歸脾湯若因肝脾鬱怒氣血傷而



月經不通者宜用加味歸脾湯若因肝脾虛熱血傷而月經不通者宜用加味道遙散方見本門後做此

一艾附丸若脾胃虛寒陰血不足氣逆發熱月經不調或胎氣不成者暫宜用之若肝腎虧損陰虛發熱月經不調或崩漏帶下或便血吐衄小便淋瀝或晡熱內熱寒熱往來或盜汗自汗不時倏熱宜用六味地黃丸若兼脾氣不足飲食少思者佐以六君子湯

一四物湯若脾經血燥發熱或月經不調宜暫用之若因脾經虛熱肝經怒火所致宜用四君子佐以加味道遙散若因脾經氣虛血弱兼晡熱內熱宜用八珍湯加柴胡丹皮若因元氣下陷而致諸症宜用補中益氣湯

一人參橘皮湯若胎前氣痞痰滯作嘔不食者宜暫用之若脾胃氣虛胸膈痞脹痰停作嘔飲食少思者宜用半夏茯苓湯若因怒動肝火尅制脾土而致前症者宜用六君子加柴胡山梔枳



穀脾胃虛寒者用六君子加木香砂仁內半夏  
治脾胃虛寒諸症尤當用

一紫蘇順氣飲若胎動不安元氣無虧者宜暫用  
之若因脾氣虛弱者宜用六君子加紫蘇枳殼  
鬱結傷脾者宜用四君子加山梔柴胡蘇梗  
怒傷肝脾者宜用六君子加柴胡黃芩枳殼  
一四物膠艾湯若內熱胎痛下血不止者宜暫用  
之若因肝經風熱而下血者宜用防風黃芩  
若因肝火血熱宜用加味道遙散若因脾經鬱

火宜用加味歸脾湯若因脾氣虛陷宜用補中  
益氣湯倍加升麻柴胡若因事下血者宜用八  
珍湯加膠艾

一黃芩白朮二味爲安胎之藥若脾胃蘊熱中氣  
無虧者暫宜用之凡屬脾胃虛痞飲食少思或  
泄瀉嘔吐面色痿黃肢體倦怠者宜用六君子  
湯

一達生散若厚味安逸者宜用若芻蕘勞後者不  
宜用



一 妊娠腹痛須驗其面赤舌青者此胎已死用平胃散加朴硝三錢化下之下後隨用八珍大補等湯調補之若唇口俱青吐出痰沫者子母俱死也若面舌俱青者母死子活產下亦死

一 小續命湯若外中風邪腰背反張筋脉癱瘓者宜暫用之若產後失血過多陽火熾盛虛熱生風者宜用八珍湯加鈞藤丹皮如不應當用四君子湯加當歸丹皮鈞藤若陽氣脫陷者宜用補中益氣湯如不應急加附子氣血虛敗者宜

用十全大補湯如不應急加附子亦有生者

一 澤蘭湯若產後惡露腹痛胸滿少氣宜用之若體倦面黃食少少寐而惡露不止宜用加味歸脾湯若氣血虛損而惡露上攻先用失笑散後用八珍湯禁用黑神散奪命丹之類

一 產後口鼻起黑氣鼻衄者是胃氣虛敗而血滯也急用一味參蘇飲多有生者

婦人良方卷之首 終

婦人良方 卷之首



醫書十六種總目

婦人良方二十四卷

保嬰撮要二十卷

明醫雜著六卷

外科精要三卷

外科樞要四卷

小兒直訣四卷

原機啓微三卷

內科摘要二卷

醫書十六種總目





女科撮要二卷

鵝蕩機要三卷

正體類要二卷

小兒痘疹方一卷

保嬰粹要一卷

口齒類要一卷

保嬰金鏡錄一卷

傷寒金鏡錄一卷

總目終

婦人良方目錄

卷之一

調經門

月經序論第一

精血篇第二

產寶方序論第三

王子亨方論第四

月水不調方論第五

月經不通方論第六



養生必用論病第七

室女月水不通方論第八

室女經閉成勞方論第九

血枯方論第十

月水不利方論第十一

月水行止腹痛方論第十二

月水不斷方論第十三

殺血心痛方論第十四

暴崩下血方論第十五

帶下方論第十六

崩中漏下生死脉方論第十七

白濁白淫方論第十八

天水過期方論第十九

血分水分腫滿方第二十

卷之二

衆疾門

產寶方論第一

博濟方論第二



寇宗奭論第三

通用方序論第四

卷之三

衆疾門

中風諸症方論第一

中風角弓反張方論第二

中風口禁方論第三

中風不語方論第四

風痺手足不隨方論第五

中風自汗方論第六

筋脉痠癢方論第七 新附

虛風顫振方論第八 新附

風寒臂痛方論第九

賊風偏枯方論第十

偏風口喎方論第十一

血風心神驚悸方論第十二

失血過多心神不安方論第十三

風邪顛狂方論第十四



飛尸血厥方論第十五

卷之四

衆疾門

血風肢體骨節疼痛方論第一

血風白虎歷節走疰方論第二

血風癰瘰癢痒方論第三

虛風頭目眩暈方論第四

血風頭痛方論第五

頭項強痛方論第六

腰痛方論第七  
腰脚疼痛方論第八  
風邪脚氣方論第九

卷之五

衆疾門

勞瘵各疰方論第一

二十四種蒸病論第二 新附

骨蒸勞方論第三

血風勞氣方論第四



冷勞方論第五

卷之六

衆疾門

熱勞方論第一

客勞方論第二

寒熱方論第三

寡婦寒熱如瘧方論第四

惡寒方論第五

血風煩悶方論第六

血風攻脾不食方論第七

夢與鬼交方論第八

傷寒傷風方論第九

熱入血室方論第十

咳嗽方論第十一

咳嗽用溫藥方論第十二

勞嗽方論第十三

喘滿方論第十四

風痰積飲咳嗽方論第十五



心胸嘈雜方論第十六

卷之七

衆疾門

嘔吐方論第一

霍亂方論第二

翻胃吐食方論第三

血膈方論第四

鼻血方論第五

吐血方論第六

痰癰諸氣方論第七

疝瘕方論第八

八瘕方論第九

腹中瘀血方論第十

瘕痞方論第十一

食瘕方論第十二

積年血瘕方論第十三

血氣心痛方論第十四

血氣心腹疼痛第十五



血氣小腹疼痛第十六  
兩脇脹痛方論第十七  
心腹脹滿方論第十八

卷之八

衆疾門

小便淋瀝不通方論第一  
脬轉小便不利方論第二  
小便數方論第三  
遺尿失禁方論第四

小便出血方論第五  
大便不通方論第六  
老弱風人便秘戒用利藥第七  
泄瀉秘結方論第八  
泄瀉方論第九  
協熱下利方論第十  
滯下方論第十一  
痢後嘔噦方論第十二  
大便下血方論第十三



痔瘻方論第十四

脫肛方論第十五

陰腫方論第十六

陰痒方論第十七

陰冷方論第十八

陰挺下脫方論第十九

陰中生瘡方論第二十

交接傷丈夫頭痛方第二十一

交接輒痛出血方第二十二

卷之九

求嗣門

陳無擇求子論第一

褚尚書求男論第二

婦人無子論第三

千金翼求子方論第四

交會禁忌第五



男子受胎時日法第六

推支干旺相日法第七

推每月宿日第八

求子服藥須知第九

溫隱居求嗣保生篇第十

卷之十

胎教門

妊娠總論第一

受形論第二

受形篇第三

論胎教第四

孕元立本章第五

凝形殊稟章第六

氣質生成章第七

轉女為男法第八

卷之十一

候胎門

脉例第一



診婦人有妊歌第二

驗胎法第三

胎殺避忌產前將護法第四

食忌論第五

孕婦藥忌歌第六

卷之十二

妊娠門

隨月服藥將息法第一

惡阻方論第二

痰逆不食方論第三

胎動不安方論第四

胎漏下血方論第五

卒然下血方論第六

驚胎及僵仆方論第七

胎上逼方論第八

下如豆汁胎動腹痛方第九

誤服毒藥胎動方第十

心痛方論第十一



心腹痛方論第十二

中惡方論第十三

腰腹背痛方論第十四

小腹痛方論第十五

心腹脹滿方論第十六

卷之十三

妊娠門

數墮胎方論第一

胎不長方論第二

胎不安方論第三

墮胎後血下方論第四

未足月欲產方論第五

斷產方論第六

咳嗽方論第七

吐血衄血方論第八

子煩方論第九

煩躁口乾方論第十

卷之十四



妊娠門

中風方論第一

風痙方論第二

瘕瘕方論第三 新附

鬼胎方論第四

傷寒方論第五

時氣方論第六

熱病方論第七

傷寒熱病防損胎方論第八

熱病胎死腹中方論第九

瘧疾方論第十

霍亂方論第十一

卷之十五

妊娠門

泄瀉方論第一

下痢黃水方論第二

大小便不通方論第三

小便不通方論第四



子淋方論第五

遺尿方論第六

尿血方論第七

胎水腫滿方論第八

腹內鍾鳴方第九

龔彥德孕癰方第十

不語論第十一

傷食方論第十二

臟燥悲傷方論第十三

卷之十六

坐月門

產寶方周題序第一

將護孕婦論第二

滑胎例第三

月空方位例第四

逐月安產藏衣忌向方位第五

推姪婦行年法第六

體玄子借地法第七



禁草法第八

禁水法第九

八月預備藥物第十

卷之十七

產難門

產難論第一

楊子建十產論第二

催生方論第三

交骨不開產門不閉方論第四 新附

郭稽中產難方論第五

產難子死腹中方論第六

產難生死訣第七

卷之十八

產後門

產後將護法第一

調理法第二

通用方論第三

胞衣不出方論第四



血暈方論第五

顛狂方論第六

狂言謔語方論第七

不語方論第八

卷之十九

產後門

乍見鬼神方論第一

心神驚悸方論第二

中風心驚方論第三

中風恍惚方論第四

虛極生風方論第五

虛汗不止方論第六

冒悶汗出方論第七

汗多變瘕方論第八

口禁腰背反張方論第九

中風方論第十

四肢筋攣方論第十一

瘕瘕方論第十二 新附



脚氣方論第十三

卷之二十

產後門

遍身疼痛方論第一

腰痛方論第二

惡露不絕方論第三

惡露不下方論第四

惡露上攻心痛方論第五

惡露腹痛方論第六

兒枕腹痛方論第七

小腹痛方論第八

寒疝腹痛方論第九

兩脇脹痛方論第十

積聚癥塊方論第十一

血癥方論第十二

餘血奔心煩悶方論第十三

虛煩方第十四

卷之二十一



產後門

口乾痞悶方論第一

血渴方論第二

乍寒乍熱方論第三

瘧疾方論第四

蓐勞方論第五

虛羸方論第六

風虛勞冷方論第七

腹脹滿悶方論第八

卷之二十二

產後門

寒熱方論第一

頭痛方論第二

咳嗽方論第三

喘促方論第四

口鼻黑鼻衄方論第五



咳噫方論第六

血崩方論第七

月水不調方論第八

月水不通方論第九

四肢浮腫方論第十

腹痛瀉利方論第十一

痢疾及虛羸氣痢方論第十二

卷之二十三

產後門

痢疾作渴方論第一

大便秘澁方論第二

大小便不通方論第三

遺糞方第四

諸淋方論第五

小便頻數方論第六

小便不禁方第七

小便出血方論第八

陰脫玉門不閉方論第九



陰蝕疳方論第十

乳少或無方論第十一

乳自出方論第十二

妬乳方論第十四

卷之二十四

瘡瘍明 新附

繭唇方論第一

耳聾痛方論第二

瘰癧方論第三

結核方論第四

流注方論第五

血風瘡方論第六

赤白遊風方論第七

橫痃方論第八

鶴膝風方論第九

下注膝瘡方論第十

足跟瘡方論第十一

肺癰方論第十二



腸癰方論第十三

乳癰乳岩方論第十四

婦人良方目錄終

國家圖書館, NATIONAL CENTRAL LIBRARY, TAIWAN, R.O.C



婦人良方卷之一

臨川 陳自明 編

古吳 薛 巳 註

後學 蔣宗澹

朱雲璈

朱 明全校

調經門 凡醫婦人，先須調經，故以為首。

月經序論第一

岐伯曰：女子七歲腎氣盛，齒更，髮長，二七而天癸



國家圖書館, NATIONAL CENTRAL LIBRARY, TAIWAN, R.O.C.



至任脉通太衝脉盛月事以時下天謂天真之氣  
癸謂壬癸之水故云天癸也然衝爲血海任主胞  
胎二脉流通經血漸盈應時而下常以二旬一見  
以像月盈則虧也若遇經行最宜謹慎否則與產  
後症相類若被驚怒勞役則血氣錯亂經脉不行  
多致勞瘵等疾若逆於頭面肢體之間則重痛不  
寧若怒氣傷肝則頭暈脇痛嘔血而瘵癰瘍若  
經血內滲則竅穴淋瀝無已凡此六淫外侵而變  
症百出犯時微若秋毫成患重如山岳可不畏哉

愚按血者水穀之精氣也和調五臟洒陳六腑  
在男子則化爲精在婦人上爲乳汁下爲血海  
故雖心主血肝藏血亦皆統攝於脾補脾和胃  
血自生矣凡經行之際禁用苦寒辛散之藥飲  
食亦然詩云婦人和平則樂有子和則陰陽不  
爭平則氣血不爭故經云平和之氣二旬一見  
可不慎歟

精血篇第二 齊大夫褚澄遺書

飲食五味養骨髓肌肉毛髮男子爲陽陽中必有



陰陰中之數八故一八而陽精升二八而陽精溢  
女子爲陰陰中必有陽陽中之數七故一七而陰  
血升二七而陰血溢皆飲食五味之實秀也方其  
升也智慮開明齒牙更始髮黃者黑筋弱者強暨  
其溢也凡充身體手足耳目之餘雖針芥之歷無  
有不下凡子形肖父母者以其精血嘗於父母之  
身無所不歷也是以父一肢廢則子一肢不肖其  
父母一自虧則子一自不肖其母然雖鳥牝獸無  
天癸而成胎何也鳥獸精血往來尾間也精未通

而御女以通其精則五體有不滿之處異日有難  
狀之疾陰已痿而思色以降其精則精不出而內  
敗小便澀而爲淋精已耗而復竭之則太小便牽  
痛愈痛則愈便愈便則愈痛女人天癸既至踰十  
年無男子合則不調未踰十年思男子合亦不調  
不調則舊血不出新血誤行或漬而入骨或變而  
爲腫後雖合而難子合多則瀝枯虛人產衆則血  
枯殺人觀其精血思過半矣

愚按丹溪先生云人受天地之氣以生天之陽



氣爲氣地之陰氣爲血故氣常有餘血常不足  
夫人之生也男子十六歲而精通女子十四歲  
而經行故古人必待三十一二十而後嫁娶可見  
陰氣之難成而養之必欲其固也經曰年至四  
十陰氣自半而起居衰矣夫陰氣之成止供給  
得三二十年之運用况男子六十四歲而精絕女  
子四十九歲而經斷夫腎乃陰中之陰也主閉  
藏者肝乃陰中之陽也主疎泄者然而二臟皆  
有相火其系上屬于心心火一動則相火翕然

而從之所以丹溪先生只是教人收心養性其  
旨深矣天地以五行更迭衰旺而成四時人之  
五臟六腑亦應之而衰旺如四月屬巳五月屬  
午爲火大旺火爲肺金之夫火旺則金衰六月  
屬未爲土大旺土爲水之夫土旺則水衰况腎  
水嘗藉肺金爲母以補其不足古人於夏月必  
獨宿而淡味兢兢業業保養金水二臟正嫌火  
土之旺爾經又曰冬藏精者春不病溫十月屬  
亥十一月屬子正火氣潛藏必養其本然之陰



以助來春生發之氣則春末夏初無頭痛腳軟  
食少體熱注夏之病矣竊謂人之少有老態不  
耐寒暑不勝勞役四時迭病皆因氣血方長而  
勞心虧損或精血未滿而早斲喪故見其症難  
以名狀若左尺脉虛弱或細數是左腎之真陰  
不足也用六味丸右尺脉遲軟或沉細而數欲  
絕是命門之相火不足也用八味丸至於兩尺  
微弱是陰陽俱虛用十補丸此皆滋其化源也  
不可輕用黃柏知母之類設或六淫外侵而見

諸症亦因其氣內虛而外邪湊襲尤宜用前藥

附治驗

男子陰痿精耗治  
驗見內科摘要

一婦人年三十有七早孀居兩腿骨作痛晡熱  
體倦月經不調或發寒熱數年矣一日頸項兩  
側結核兩脇脹痛此係肝經鬱火而成也先用  
小柴胡湯合四物數劑肝症頓愈又用加味道  
遙散加澤蘭乳香沒藥三十劑血症漸痊再用  
加味歸脾等藥年餘而安

一孀婦兩腿作痛或用除濕化痰等藥遍身作



痛而無定處余曰此血症也不信乃服流氣飲之類而歿

一放出官人年四十餘臀腿內股作痛晡熱口乾月經不調此係肝經血少不能養經絡而然也宜用加味逍遙散加澤蘭葉五十餘劑諸症稍緩又以歸脾湯兼服二百餘劑而痊

一放出官人臀腿腫痛內熱晡熱惡寒體倦咳嗽胸痞月經過期而少彼以為氣毒流注服清熱理氣之劑益甚余曰此乃肝經瘀血停留所

致蓋肝經上貫鬲布脇肋循喉嚨下循膈內脈繞陰器抵少腹主治之法但當補其所不勝而制其所勝補者脾也制者肝也經曰虛則補之實則瀉之此定法也彼不信仍服前藥遂致不起

附方

六味丸

八味丸 二方見二十四卷第十一論

十補丸 方見二十四卷第四論即十全大補湯料煉蜜為丸



小柴胡湯 方見二十四卷第二論

四物湯 方見二十四卷第六論

加味逍遙散

加味歸脾湯 二方見二十四卷第四論

產寶方序論第三

大率治病先論其所主男子調其氣女子調其血氣血者人之神也然婦人以血為基本苟能謹於調護則血氣宣行其神自清月水如期血凝成孕若脾胃虛弱不能飲食榮衛不足月經不行肌膚

黃燥面無光澤寒熱腹痛難於子息或帶下崩漏血不流行則成瘵症

愚按前症若婦人脾胃久虛以致氣血俱衰遂而月經不行宜補其胃氣滋其化源或患中消胃熱津液不生而致血海乾涸宜清胃補脾其經自行矣經曰胃者衛之源脾者榮之本鍼經曰榮出中焦衛出上焦衛不足益之必以辛榮不足補之必以甘甘辛相合脾胃健而榮衛生是以氣血俱旺也或因勞心虛火妄動月經錯



行宜安心補血瀉火此東垣先生治法也

王子亨方論第四

論日經者常候也謂候其一身之陰陽愆伏知其安危故每月一至太過不及皆為不調陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致

愚按經云脾統血肝藏血此症多因志怒傷肝鬱結傷脾所致當從一經為主而參以前論治之

月水不調方論第五

婦人月水不調由風邪乘虛客於胞中而傷衝任之脉損乎太陽少陰之經蓋衝任之脉皆起於胞中為經絡之海與手太陽小腸手少陰心經為表裏上為乳汁下為月水然月水乃經絡之餘苟能調攝得宜則經應以時矣

愚按經曰飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行東垣先生所謂脾為生化之源心統



諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣又丹溪先生云先期而至者血熱也後期而至者血虛也愚所謂先期而至者有因脾經血燥有因脾經鬱火有因肝經怒火有因血分有熱有因勞役火動過期而至者有因脾經血虛有因肝經血少有因氣虛血弱主治之法脾經血燥者加味道遙散脾經鬱火者歸脾湯肝經怒火者

加味小柴胡湯血分有熱者加味四物湯勞役火動者補中益氣湯脾經血虛者人參養榮湯肝經血少者六味地黃丸氣虛血弱者八珍湯蓋血生於脾土故云脾統血凡血病當用苦甘之劑以助陽氣而生陰血也

### 附治驗

一婦人發熱口乾月經不調兩腿無力或用祛風滲濕之劑腿痛體倦二膝浮腫經事不通余作足三陰經血虛火燥名鶴膝風用六味八味



二九兼服兩月形體漸健飲食漸進膝腫漸消  
半載而痊

一婦人月事未期而至發熱自汗或用清熱止  
汗之劑作渴頭眩手掉身麻余曰此肝經血虛  
火動火爲陽陽盛則生風用柴胡炒苓連山梔  
歸芍生地丹皮各一錢參芪苓朮各一錢五分  
川芎七分甘草五分一劑汗止更用補中益氣  
而愈

一婦人經行勞役忽然昏憤面赤吐痰余曰此  
乃去血過多陽無所附故取急飲童便碗許神  
思漸爽更用參芪各五錢芎歸各三錢玄參柴  
胡山梔炙草各一錢一劑又用逍遙散加五味  
麥門一劑如此月餘漸愈但體倦面黃又以十  
全大補加五味麥門治之而愈

一婦人性善怒產後唇腫內熱或用清熱敗毒  
散唇口腫脹日晡熱甚月水不調再用降火化  
痰遂令食少作嘔大便不實唇出血水又用理  
氣消導胸膈痞滿頭目不清唇腫經閉又用清



胃行血肢體倦怠發熱煩躁涎水湧出又欲用  
通經之劑余曰病本七情肝脾虧損又數行攻  
伐故元氣之益虛耳法當補陰益陽遂以濟生  
歸脾湯加味逍遙散補中益氣湯調治元氣漸  
復諸症悉愈

薑黃散 治瘀血凝滯肚腹刺痛或腹脹發熱口  
乾等症

- 薑黃 當歸 酒拌各 蓬朮 醋炒
- 紅花 桂心 川芎

- 玄胡索 牡丹皮 各五分

右水酒各一半煎服

醋附丸 治元臟虛冷月候不調頭眩少食渾身  
寒熱腹中急痛赤白帶下心忡氣悶血中虛寒  
胎氣不固用醋煑香附半斤焙為末醋糊丸桐  
子大每服三四十九米飲下

愚按前症若元臟虛寒手足逆冷用八味丸手  
足發熱用六味丸氣血不足用八珍湯中氣不  
足用補中益氣湯脾氣不足用六君子湯脾氣



鬱結用歸脾湯若例用香散之劑恐陽氣燥而陰血漸衰也

附方

加味道遙散

八珍湯

歸脾湯三方見二十四卷第四論

加味小柴胡湯方見二十四卷第二論

加味四物湯

六君子湯二方見二十四卷第六論

補中益氣湯

方見二十四卷第十論

人參養榮湯

方見二十四卷第三論

八味丸

六味丸二方見二十四卷第十一論

月經不通方論第六

婦人月水不通或因醉飽入房或因勞役過度或因吐血失血傷損肝脾但滋其化源其經自通若小便不利苦頭眩痛腰背作痛足寒時痛久而血結於內變爲癥瘕若血水相併脾胃虛弱壅滯不



通變為水腫若脾氣衰弱不能制水水漬肌肉變為腫滿當益其津液大補脾胃方可保生

愚按經水陰血也屬衝任二脉上為乳汁下為月水其為患有因脾虛而不能生血者有因脾鬱而血不行者有因胃火而血消燦者有因脾胃損而血少者有因勞傷心而血少者有因怒傷肝而血少者有因腎水不能生肝而血少者有因肺氣虛不能行血者治療之法若脾虛而不行者調而補之脾鬱而不行者解而補之胃

火而不行者清而補之脾胃損而不行者溫而補之勞傷心血而不行者逸而補之怒傷肝而不行者和而補之肺氣虛而不行者補脾胃腎虛而不行者補脾肺經云損其肺者益其氣損其心者調其榮衛損其脾者調其飲食適其寒溫損其肝者緩其中損其腎者益其精皆當審而治之

附治驗

一婦人停食飽悶發熱或用人參養胃湯益甚



婦人良方  
三  
再用木香檳榔丸泄瀉吐痰腹中成塊飲食少  
思又用一陳黃連厚朴之類前症益甚腹脹不  
食月經不至余以爲胃氣虧損用補中益氣加  
茯苓半夏二十餘劑脾胃健而諸症愈又二十  
餘劑而經自行

一婦人飲食後或腹脹或吞酸彼服枳朮丸吞  
酸益甚飲食日少胸膈痞滿臍內酸痛畏見風  
寒又服養胃湯一劑臍內作痛又二劑腿膝浮  
腫月經不行余謂鬱結所傷脾虛濕熱下注依

晨用四君二陳芎歸午後以前湯送越鞠丸飲  
食漸進諸症漸愈又用歸脾八珍二湯兼服兩  
月餘而經行

一婦人性沉多慮月經不行胸滿少食或作脹  
或吞酸余以爲中氣虛寒用補中益氣加砂仁  
香附煨薑二劑胸膈和而飲食進更以六君加  
芎歸貝母桔梗生薑大棗數劑脾胃健而經自  
調矣

一婦人素有胃火或用清胃散而安後因勞役



躁渴內熱肌肉消瘦月經不行余謂此胃火消  
燬陰血用逍遙散加丹皮炒梔以清胃熱用八  
珍湯加茯苓遠志以養脾血而經自行矣

一婦人久患瘡形體怯弱內熱晡熱自汗盜汗  
飲食少思月事不行或用通經丸虛症悉具余  
曰此因虛而致瘡因瘡以閉經也用補中益氣  
及六味地黃丸各百餘劑瘡愈而經自行

一婦人久患瘡瘡作則經不行形虛脉大頭痛  
懶食大便泄瀉小便淋瀝口乾唇裂內熱腹膨

蓋由久瘡正氣已虛陰火獨旺用補中益氣湯  
治之尋愈惟不時頭痛乃加蔓荆子而痛止又  
兼用六味地黃丸而經行

一婦人因勞耳鳴頭痛體倦此元氣不足用補  
中益氣加麥門五味而痊三年後得子因飲食  
勞倦前症益甚月經不行晡熱內熱自汗盜汗  
用六味地黃丸補中益氣湯頓愈

一婦人胃氣素弱爲哭母吐血咳嗽發熱盜汗  
經水三月不行余以爲悲則傷肺思則傷脾遂



朝服補中益氣加桔梗貝母知母夕用歸脾湯送地黃丸而愈

一瘵婦少寐經水兩月餘一至誤服通經丸展轉無寐午前惡寒午後發熱余以爲思慮虧損脾血用歸脾湯作丸午前以六君送下午後以逍遙散送下兩月餘得寐半載經行如期年餘而瘵愈餘詳見各門

附方

補中益氣湯 方見二十四卷第十論

四君子湯

六君子湯 一方見二十四卷第六論

二陳湯 方見二十四卷第五論

越鞠丸 方見六卷第七論

歸脾湯

逍遙散

八珍湯 三方見二十四卷第四論

清胃散 方見二十四卷首論

六味丸 方見二十四卷第十一論



養生必用論第七

初虞世云女子十四天癸至任脉通月事以時于是有子天癸者物之自然月者以月至經者有常也其來過與不及皆謂之病若榮血虧損不能滋養百骸則髮落面黃羸瘦燥熱燥氣盛則金受邪金受邪則爲咳爲嗽爲肺癰爲肺痿必矣但助胃壯氣則榮血生而經自行須慎飲食調七情保神氣庶可得生若暴怒氣逆經閉不行當用行氣破血之劑

愚按劉宗厚先生云榮者水穀之精和調於五臟灑陳於六腑乃能入於脉也源源而來生化於脾總統於心藏受於肝宣布於肺施泄於腎灌溉一身目得之而能視耳得之而能聽手得之而能握足得之而能步臟得之而能液腑得之而能氣注之於脉少則瀦充則實常以飲食滋養則陽生陰長變化而爲血諸經恃此則百脉長養耗竭則百脉空虛可不慎哉若陰氣一傷變症百出妄行於上則吐衄衰涸於下則癆



閉血滲腸間則為腸風陰虛陽搏則為崩中濕蒸熱熱則為滯下熱極腐化則為膿血火極似水則血紫黑熱勝於陰發為瘡瘍濕滯於血則為痛痒癩疹蓄之在上則善忘蓄之在下則善狂

琥珀散 治心膈迷悶肚腹撮痛月信不通等疾

烏藥 二兩

當歸 酒製 一兩

蓬朮 醋製 一兩

右為末每服二錢溫酒調

萬病丸 治月經瘀閉臍腹作痛及產後癥瘕等

病

乾漆 炒烟出青 白為度

牛膝 酒浸焙 各一兩

右為末生地黃汁下升砂器慢火熬膏丸桐子大每服二十九空心米飲下仍參前論王之

紅花當歸散 治經候不行腰膝重痛小腹堅硬

紅花 當歸尾 酒拌

紫葳

牛膝 酒製

甘草 炙

蘇木 各二錢

白芷

桂心 各一錢半

赤芍藥 炒 一兩

劉寄奴 去根 五錢



右爲末每服三錢溫酒調

室女月水不通方論第八

論曰夫衝任之脉起於胞內爲經脉之海手太陽小腸手少陰心二經爲表裏女子十四而天癸至腎氣全盛衝任流通經血既盈應時而下否則不通也

愚按前症若稟陰血不足用四物參苓怒傷肝血用加味逍遙散鬱結傷脾用加味歸脾湯肝火拂鬱用加味小柴胡湯胃經積熱用加味清

胃散餘當參考前論

附方

四物湯 方見二十四卷第六論

加味逍遙散

加味歸脾湯 二方見二十四卷第四論

加味小柴胡湯 方見二十四卷第二論

加味清胃散 方見二十四卷首論

室女經閉成勞方論第九

寇宗奭曰夫人之生以氣血爲本人之病未有不



先傷其氣血者若室女童男積想在心思慮過度多致勞損男子則神色消散女子則月水先閉益憂愁思慮則傷心而血逆竭神色先散月水先閉且心病則不能養脾故不嗜食脾虛則金虧故發嗽腎水絕則木氣不榮而四肢乾痿故多怒鬢髮焦筋骨痿若五臟傷逼則死自能改易心志用藥扶持庶可保生切不可用青蒿茵蟲等涼血行血宜用柏子仁丸澤蘭湯益陰血制虛火上

愚按經云五穀入於胃其糟粕津液宗氣分爲

二隧故宗氣積于胸中出於喉嚨以貫心肺而行呼吸榮氣者秘其津液注之於脉化以爲血以榮四末內養五臟六腑若服苦寒之劑復傷胃氣必致不起

### 附治驗

一室女年十七瘵久不愈天癸未通發熱咳嗽飲食必思欲用通經丸余曰此蓋因真氣不足陰血未充故耳但養氣血益津液其經自行彼惑於速效仍用之余曰非其治也此乃慄悍之



劑大助陽火陰血得之則妄行脾胃得之則愈  
虛後果經血妄行飲食愈少遂致不救

栢子仁丸

栢子仁炒別研 牛膝酒製 卷栢各半兩

澤蘭葉一兩

右為末蜜丸栢子大每服三十丸空心米飲下

澤蘭湯

澤蘭葉二錢 當歸 芍藥炒各一錢

甘草炙五分

右水煎服

劫勞散 治勞嗽發熱盜汗體瘦喘中有紅或成

肺痿

白芍藥炒一錢 黃芪炒 甘草炒

人參 五味子炒并 當歸

半夏薑製 白茯苓 熟地黃自製

阿膠炒各五分

右薑棗水煎日三服鄉人楊无鳥女及并病此  
甚危百藥無効偶遇名醫得此方服三十餘劑



遂愈不發

血枯方論第十 出駱龍吉方

腹中論曰有病胸脇支滿妨於食病至則先聞腥臊臭出清液四肢清目眩時時前後血病名曰血枯此年少時因大脫血或醉而入房虧損腎肝蓋肝藏血受天一之氣以為滋榮其經上貫膈布脇肋若脫血失精肝氣已傷肝血枯澀不榮而胸脇滿妨於食則肝病傳脾而聞腥臊臭出清液若以肝病而肺乘之則唾血四肢清目眩時時前後血

清音字之誤乎

出皆肝病血傷之症也

愚按前症若飲食起居失宜而脾胃虛損當滋化源而佐以烏賊丸等藥若因脾土虛寒而不

能生血宜補命門火若服燥藥鬱火內作而津液消燂宜清熱養血若脾胃虧損而氣血虛宜

補中益氣若胃熱消中而血液耗損宜清脾胃

之火若大便秘澀小便清利而經不行宜清胞

絡之火若勞傷心火血涸而經不行宜補心養

血仍參看前第二論王治



附治驗

一婦人久患血崩，肢體消瘦，飲食到口則聞腥臊，口出清液，每食少許，腹中作脹，此血枯之症。肺肝脾胃虧損之患，用八珍湯、烏賊骨丸，兼服兩月，而經行百餘劑而安。

烏賊魚骨丸

烏賊魚骨

去甲 四兩

藺茹

一兩

右為末，以雀卵丸，小豆大，每服五丸，加至十九，鮑魚煎湯下，以飯壓之。

熟地黃湯

治大脫血，或醉入房，月事不行，以致

前症。

熟地黃

自製

澤蘭葉

白茯苓

人參

五味子

炒

附子

禹餘糧

製

當歸

酒製各五分

右為末，每服三錢，水煎，空心服。

附方

八珍湯 方見二十四卷第四論

茯苓補心湯

治婦人心氣虛耗，不能主血，又不



能制乎肺金，氣得以乘乎肝木。肝既虧損，則血不能藏，漸致精血枯涸，月事不調。此方專補心元之虛，抑其肺氣，調和榮衛，滋養血脈。

前方參蘇飲，內除木香與四物湯對勻，和每服四錢，以薑棗煎溫服。此方常進用以治宮娥多効。參蘇飲方見三卷首論四物湯方見二十四卷第六論。

### 月水不利方論第十

婦人月水不利者，由勞傷氣血，體虛而風冷客於胞內，傷於衝任之脈，故也。若寸脈弦，關脈沉，是肝

病也。兼主腹痛，孔竅生瘡，尺脈滑，血氣實，經絡不利，或尺脈絕不至，兼主小腹引腰痛，氣攻胸膈也。愚按前症屬肝膽，一經蓋肝膽相為表裏，多因恚怒所傷。若本經風熱，用補肝散，血虛用四物加酸棗仁。若腎水不足，用六味丸。若患諸瘡瘍，治見第八卷二十四卷。

牛膝散 治月水不利，臍腹作痛，小腹引腰氣攻胸膈。

牛膝酒製

桂心

赤芍藥炒



桃仁去皮尖

玄胡索炒

當歸酒浸

牡丹皮各一兩

木香二錢

右為末每服一錢溫酒調下或每服三五錢水煎

附方

補肝散 方見七卷第十七論

四物湯 方見二十四卷第六論

六味丸 方見一十四卷第十一論

月水行止腹痛方論第十二

婦人經來腹痛由風冷客於胞絡衝任或傷手太陽少陰經用溫經湯桂枝桃仁湯若憂思氣鬱而血滯用桂枝桃仁湯地黃通經丸若血結而成塊用萬病丸

愚按前症若風寒傷脾者六君加炮薑思慮傷血者四物加參朮思慮傷氣者歸脾加柴梔鬱怒傷血者歸脾逍遙兼服餘參前後論治之

附治驗

一婦人經行腹痛食則嘔吐肢體倦怠發熱作



渴此乃素稟氣血不足用八珍湯二十餘劑而愈後生子二年而經不行前症仍作服八珍湯逍遙散百餘劑方愈

地黃通經丸 治月經不行或產後惡露臍腹作痛

熟地黃白製四兩 蜚蠊去頭翅炒 水蛭糯米同炒黃去糯米

桃仁去皮尖各五十枚

右為末蜜丸桐子大每服五七丸空心溫酒下

萬病丸 方見前第七論

溫經湯

治寒氣客於血室以致血氣凝臍腹作痛其脉沉緊

當歸

川芎

芍藥

桂心

蓬朮醋炒

牡丹皮各五分

人參

牛膝酒炒

甘草炒各一錢

右水煎服

桂枝桃仁湯

治經脉頓然不行腹中作痛或上攻心脇欲死或因經脉不行漸成積塊臍下如覆杯



桂枝

芍藥

生地黄各二錢

桃仁七枚去尖 甘草一錢

右薑水煎

若因七情鬱結血隨氣滯者宜服此湯如不瘥  
用地黃通經丸已成血塊者用萬病丸方見前  
愚按前症若肝經怒氣用加味道遙散若肝經  
血虛用四物參朮柴胡牡丹皮若肝經血熱用  
四物牡丹皮若肝腎虛火用六味地黃丸若肝  
脾血虛用八珍加牡丹皮若肝脾鬱怒用加味

歸脾湯若氣虛血弱用補中益氣湯若脾不能  
攝血用六君子加川芎當歸若肝虛不能藏血  
用補肝散

附方

六君子湯

四物湯 二方見二十四卷第六論

歸脾湯

逍遙散

八珍湯 三方見二十四卷第四論



月水不斷方論第十三

婦人月水不斷淋瀝腹痛或因勞損氣血而傷衝任或因經行而合陰陽以致外邪客於胞內滯於血海故也但調養元氣而病邪自愈若攻其邪則元氣反傷矣

愚按前症若鬱結傷脾用歸脾湯甚怒傷肝逍遙散肝火妄動加味四物湯脾氣虛弱六君子湯元氣下陷補中益氣湯熱傷元氣前湯加五味麥門炒黑黃柏

附治驗

儒者錢思習子室年二十餘無嗣月經淋瀝無期夫婦異處幾年矣思習欲為娶妾以謀諸余余意此鬱怒傷肝脾虛火動而血不歸經乃肝不能藏脾不能攝也當清肝火補脾氣遂與加味歸脾逍遙二藥四劑送至其家仍告其姑日服此病自愈而當受胎妾可無娶也果病愈次年生子

一婦人性急每怒非太陽耳項喉齒胸乳作痛



則胸滿吞酸吐瀉少食經行不止此皆肝火之  
症肝自病則外症見土受尅則內症作余先以  
四物加白朮茯苓柴胡炒梔炒龍膽清肝養血  
次用四君加柴胡芍藥神麴吳茱萸炒黃連以  
培土制肝林下漸愈惟月經不止是血分有熱脾氣  
尚虛以逍遙散倍用白朮茯苓陳皮又以補中  
益氣加酒炒芍藥兼服而安

一婦人多怒經行旬餘方止後淋瀝無期肌體  
倦瘦口乾內熱盜汗如洗日晡熱甚皆由肝脾

虧損無以生發元氣用參芪歸朮茯苓神遠志棗  
仁麥門五味丹皮龍眼肉炙草柴胡升麻治之  
獲痊

一婦人懷抱不舒腹脹少寐飲食素少痰涎上  
湧月經頻數余曰脾統血而主涎此鬱悶傷脾  
不能攝血歸源取用補中益氣濟生歸脾而愈

附方

歸脾湯

逍遙散 二方見二十四卷第四論



加味四物湯

四君子湯

六君子湯 三方見二十四卷第六論

補中益氣湯 一方見二十四卷第十論

婦人殺血心痛方論第十四

婦人血崩而心痛甚名曰殺血心痛由心脾血虛也若小產去血過多而心痛甚者亦然用烏賊魚骨炒為末醋湯調下失笑散亦効

愚按前症若陰血耗散用烏賊丸收斂之若瘀

血不散用失笑散行散之若心血虛弱用芎歸湯補養之若鬱結傷血用歸脾湯調補之

附治驗

一婦人血崩兼心痛二年矣諸藥不應每痛甚虛症悉具面色痿黃余曰心主血蓋由去血過多心無所養以致作痛宜用十全大補湯參朮倍之三十餘劑稍愈百餘劑全愈

附方

失笑散 方見二十卷第五論



芎歸湯 方見十七卷第四論

歸脾湯

十全大補湯 二方見二十四卷第四論

暴崩下血不正方論第十五

婦人衝任二脉為經脉之海外循經絡內榮臟腑若陰陽和平經下依時若勞傷不能約制則忽然暴下甚則昏悶若寸脉微遲為寒在上焦則吐血衄血尺脉微遲為寒在下焦則崩血便血大抵數小為順洪大為逆大法當調補脾胃為主

愚按經云陰虛陽搏謂之崩又云陽絡傷則血外溢陰絡傷則血內溢又云脾統血肝藏血治法前症因脾胃虧損不能攝血歸源用六君加芎歸柴胡若肝經之火而血下行用奇効四物湯或四物加柴梔苓朮若肝經風熱而血妄行用加味道遙散或小柴胡梔芎丹皮若怒動肝火而血沸騰亦用前藥若脾經鬱結而血不歸經用歸脾加柴梔丹皮若悲傷胞絡而血下崩用四君加柴梔升麻故東垣先生云凡下血症



須用四君子以收功厥有旨哉若大吐血母以  
脉論當急用獨參湯救之若潮熱咳嗽脉數乃  
元氣虛弱假熱之脉尤當用大參溫補此等症  
候無不由脾胃先損故脉洪大察其有胃氣能  
受補則可救苟用寒涼止血之藥復傷脾胃反  
不能攝血歸源是速其危也

附治驗

太尹王大成之內久患崩自服四物涼血之劑  
或作或徹因怒發熱其血不止服前藥不應乃

王降火更加脇腹大痛手足俱冷余曰此脾胃  
虛寒所致先用附子理中湯體熱痛止又用濟  
生歸脾補中益氣一湯崩血頓愈若泥漏無補  
法則誤矣

錦衣楊永興之內患前症過服寒涼之劑其症  
益甚更加肚腹痞悶飲食不入發熱煩躁脉洪  
大而虛余曰此脾經氣血虛而發躁也當急用  
八珍湯加炮薑以溫補之緩則不救不信乃服  
止血降火之劑虛症蜂起始信余言緩不及治



矣

一婦人面黃或赤覺腰間或臍下作痛四肢困倦煩熱不安經行先發寒熱兩肋如束血湧如崩此脾胃虧損元氣下陷與相火濕熱所致用補中益氣加防風芍藥炒黑黃柏間以歸脾湯調補而血始歸經

一婦人因怒崩血久不已面青黃而或赤此肝木制脾土而血虛用小柴胡合四物清肝火生肝血又用歸脾補中二湯益脾氣生肝血而瘥

此症若因肝經風熱而血不寧者防風為丸以兼症之藥煎送或肝經火動而血不寧者炒條芩為丸以兼症之藥煎送若瘀血為患用五靈脂為末燒鐵器碎酒調服無不効者

奇効四物湯 治肝經虛熱血沸騰而崩久不止

當歸 酒拌

熟地黃 自製

白芍藥

川芎

阿膠 炒

艾葉 炒

黃芩 炒各等分

右每服四錢水煎



治血崩血瘦或經行產後心腹脇痛五靈脂炒烟  
盡為末每服一錢溫酒調或用二錢水酒童使  
煎服

治風熱血崩荆芥穗焙火燒焦為末每服三錢童  
便調

獨聖散

治肝經有風血崩用防風去叉蘆為末

每服一錢空心食前酒煮白麵清飲調下極驗

神應散

治血虛內熱血不歸源而崩用桂心燒

存性為末每服一二錢米飲調下

又方陳槐花一兩百草霜半兩為末每服一二錢  
燒紅秤錘焙酒下

附方

四君子湯

六君子湯

補中益氣湯

四物湯

歸脾湯

加味道遙散

二方見二十四卷第六論

方見二十四卷第十論

方見二十四卷第六論



八珍湯 三方見二十四卷第四論

小柴胡湯 方見二十四卷第二論

獨參湯 方見三卷第十三論

附子理中湯 方見二十卷第八論

帶下方論第十六

婦人帶下其名有五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如白涕傷足太陰脾經黃如爛瓜傷足少陰腎經黑如衄血

人有帶脉橫於腰間如束帶之狀病生於此故名爲帶

愚按徐用誠先云前症白屬氣而赤屬血東垣先生云血崩久則亡陽故白滑之物下流未必全拘於帶脉亦有濕痰流注下焦或腎肝陰淫之濕勝或因驚恐而木乘土位濁液下流或思慕爲筋痿戴人以六脉滑大有方用宣導之法此瀉其實也東垣以脉微細沉緊或洪大而虛用補陽調經乃兼責其虛也丹溪用海石南



星椿根皮之類乃治其濕痰也竊謂前症皆當  
壯脾胃升陽氣爲主佐以各經見症之藥色清  
者屬肝用小柴胡加山梔防風濕熱壅滯小便  
赤澀用龍膽瀉肝湯肝血不足或燥熱風熱用  
六味丸色赤者屬心用小柴胡加黃連山梔當  
歸思慮過傷用妙香散等藥色白者屬肺用補  
中益氣加山梔色黃者屬脾用六君子加山梔  
柴胡不應<sub>在</sub>用歸脾湯色黑者屬腎用六味丸氣  
血俱虛八珍湯陽氣下陷補中益氣湯濕痰下

注前湯加茯苓半夏蒼朮黃柏氣虛痰飲下注  
四七湯送六味丸不可拘肥人多痰瘦人多火  
而以燥濕瀉火之藥輕治之也

附治驗

一婦婦腹脹脇痛內熱晡熱月經不調肢體痠  
麻不時吐痰或用清氣化痰喉間不利帶下青  
黃腹脇膨脹又用行氣之劑胸膈不利肢體如  
麻此乃鬱怒傷損肝脾朝用歸脾湯以解脾鬱  
生脾氣夕用加味逍遙散以生肝血清肝火百



婦人良方 三六  
餘劑而愈

一婦人久瘥兼帶發熱口乾體倦用七味白朮散加麥門五味大劑煎與恣飲再發稍可乃用補中益氣加茯苓半夏十餘劑而愈

一婦人頭暈吐痰胸滿氣喘得食稍緩苦於白帶二十餘年矣諸藥不應此氣虛而痰飲也痰飲愈而帶自愈遂朝用六君子湯夕用六味地黃丸不月而驗

一婦人耳鳴胸痞內熱口乾喉中若有核吞

吐不利月經不調兼之帶下余以為肝脾鬱結用歸脾湯加半夏山梔升麻柴胡間以四七湯下白丸子而愈

一婦人吞酸飽滿食少便泄月經不調服清氣化痰丸兩膝漸腫寒熱往來帶下黃白面痿體倦此脾胃俱虛濕痰下注用補中益氣倍用參朮加茯苓半夏炮薑而愈

一婦人帶下四肢無力余曰四肢者土也此脾胃虛弱濕痰下注以補中益氣濟生歸脾一藥



治之而愈

一婦人帶下黃白怒則胸膈不利飲食少思或用消導利氣之藥痰喘胸滿大便下血余曰此因脾氣虧損不能攝血歸源用補中益氣加茯苓半夏炮薑四劑諸症頓減又用八珍加柴胡山梔而痊

附方

小柴胡湯

方見二十四卷第二論

龍膽瀉肝湯

方見二十四卷第八論

六味丸

方見二十四卷第十一論

妙香散

方見三卷第十三論

補中益氣湯

方見二十四卷第十論

六君子湯

方見二十四卷第四論

歸脾湯

八珍湯

加味道遙散

三方見二十四卷第六論

七味白朮散

方見二十一卷第二論

四七湯

方見十二卷第七論



婦人良方 崩中漏血生處 脉方論第十四論

崩中漏血生處 脉方論第十七

婦人崩中漏下之症已見前論按其寸口脉弦而大弦則爲緊大則爲乳緊則爲寒乳則爲虛虛寒相搏其脉爲牢婦人半產漏下赤白不止脉小虛滑者生脉大緊實數者死又脉急疾者死遲者生又云尺寸脉虛者漏血脉浮者俱不治

愚按前症闡內經微旨濟無窮天札須固胃爲善益胃爲五臟之本源人身之根蒂所用治法

當參前後論

附治驗

一婦人年將七十素有肝脾之症每作則飲食不進或胸膈不利或中脘作痛或大便作瀉或小使不利余用逍遙散加山梔茯神遠志木香而愈後憂女孀居不時吐紫血其病每作先倦怠而後發熱經日積憂傷肺積思傷脾肺脾傷舉是令子母俱病不能攝血歸經而致前症遂以前藥加炒黑黃連二分吳茱萸一分頓愈復



因怒吐赤血甚多躁渴垂死此血脫也法當補氣乃用人參一兩苓朮當歸各二錢陳皮炮黑乾薑各一錢炙甘草一錢一劑頓止

一婦人年六十有四久鬱怒頭痛寒熱春間乳內時痛服流氣飲之類益甚不時有血如經行又因大驚恐飲食不進夜寐不寧此因高年去血過多至春無以生發肝木血虛火燥所以至晚陰旺則發赤經云肝藏魂魂無所附故不能寐先以逍遙散加酒炒黑龍膽草一錢山梔一

錢五分二劑腫痛頓退又一劑而全消再用歸脾湯加炒梔貝母諸症悉愈

表弟方健甫內五十歲辛丑患血崩諸藥罔效壬寅八月身熱體痛頭暈涕出吐痰少食衆作火治展轉發熱絕粒數日余診之曰脾胃久虛過服寒藥中病未已寒病復起遂用八味丸料一服翌早遂索粥數匙再服食倍熱減痛止乃服八味丸而愈癸卯秋因勞役憂怒甲辰夏病復作胸飽發熱春痛腰疼神氣怫鬱或作內傷



或作中暑崩血便血煩渴引飲粒米不進昏憤時作脉洪大按之微弱此無根之火內虛寒而外假熱也以十全大補加附子一劑遂食粥三四匙是崩血漸減日服八味丸始得全愈婦見女科撮要

栢葉散 治元氣虛弱崩中漏血年久不愈亦治白帶

- 栢葉炒
- 續斷酒炒
- 川芎
- 生地黃
- 當歸
- 鱉甲炙
- 龜甲炙
- 禹餘糧各一兩五錢
- 阿膠炙
- 赤石脂煨
- 牡蠣煨
- 地榆

艾葉炒 鹿茸炙各五錢

右爲末每服一錢粥飲調下

地黄丸 治足二陰虧損經行數日不止或兼帶下無子

- 熟地黄自製
- 山茱萸肉
- 蕪荑仁各一兩
- 乾薑三錢炮
- 白芍藥微炒
- 代赭石各一兩
- 白殭蚕炒
- 厚朴薑製各三錢

右爲末蜜丸桐子大每服五十丸空心溫酒日三服許學士云凡婦人有白帶多致不產育宜



速治之故扁鵲過邯鄲聞婦人有此病遂自鳴帶下醫以就治之

白芷散 治下元虛弱赤白帶下或經行不止等症

白芷 兩

海螵蛸 二枚 燒

胎髮 一團 煨

右爲末每服一二錢溫酒調下

附方

東垣益胃升陽湯 治血脫當益其氣蓋先補胃氣以助生發之氣故曰陽生陰長諸甘藥爲之

先務舉世皆以爲補氣殊不知甘能生血此陽生陰長之理故先理胃氣則血歸於脾矣故曰脾統血方見三卷第十一論

東垣升陽除濕湯

方見十二卷第九論

東垣升陽益胃湯

治肺脾胃虛怠惰嗜臥四肢

不收身體沉重口乾食無味大便不調小便頻數食少食不消酒泚惡寒而或微熱崩帶不止方見三卷第十一論

十全大補湯



逍遙散

歸脾湯 三方見二十四卷第四論

八味丸 方見二十四卷第十一論

婦人白濁白淫方論第十八

婦人小便白濁白淫由心腎不交水火不濟用金鎖正元丹若心虛而致用平補正心丹降心丹感喜丸若思慮傷脾用四七湯吞白丸子更以烏沉湯加茯苓益智

愚按前症若元氣下陷用補中益氣湯脾胃虧

損六君加升麻柴胡脾經鬱結歸脾加黃柏山梔肝經怒火龍膽瀉肝湯虛則用加味逍遙散宜與帶下參看主治

附治驗

一婦人善怒或小腹痞悶或寒熱往來或小便頻數時下白淫藥久不愈面青口苦余以為積積而不能發散所致用龍膽瀉肝湯而愈用加味逍遙散八珍湯而安

鎖精丸 治下元虛弱小便白濁或白帶淋瀝小



便頻數

破故紙炒

青鹽

白茯苓

去皮

五味子

炒等分

右為末酒糊丸桐子大每服三十丸鹽湯或酒下

固精丸 治胞氣虛寒小便白濁或小便無度等症

牡蠣煨

鬼絲子

酒浸蒸炒

韭子炒

龍骨煨

五味子炒

白茯苓

去皮

桑螵蛸

酒炙

白石脂煨

右等分為末酒糊丸桐子大每服七十丸空心

鹽湯下

附方

補中益氣湯

方見二十四卷第十論

六君子湯

方見二十四卷第六論

歸脾湯

方見二十四卷第四論

龍膽瀉肝湯

方見二十四卷第八論

婦人天癸過期方論第十九

許學士云婦人經脉過期不盡腰腹疼痛或七七數盡而月經下者宜用當歸散治之



愚按前症若肝腎虛熱用當歸散肝血虛熱四物加柴梔丹皮肝火內動小柴胡加山梔丹皮肝火血燥加味逍遙散脾經鬱火加味歸脾湯肝脾鬱火歸脾逍遙兼服肝腎虧損歸脾六味兼服仍與前後月經不調治驗同用

附治驗

婦人年五十內熱脯熱經水兩三月不至此血虛有熱用逍遙散加山茱萸治之而愈後有痰作渴或小便不調或頭暈白帶用六味丸而

安

當歸散

當歸酒洗

川芎

白芍藥炒

黃芩炒

白朮炒各半兩

山茱萸肉一兩半

右為末每服一錢酒調日二服氣虛去芩加桂

心一兩

附方

四物湯

方見二十四卷第六論

小柴胡湯

方見二十四卷第二論



加味道遙散

加味歸脾湯 二方見二十四卷第四論

六味丸 方見二十四卷第十一論

婦人血分水分腫滿方論第二十

婦人經水不通則化為血，血不通則復化為水，故先因經水斷絕，後至四肢浮腫，致小便不通，名曰血分。宜用椒仁丸。若先因小便不通，後身面浮腫，致經水不通，名曰水分。宜用葶藶丸。經脈不通而化為水流走，四肢悉皆腫滿，亦名血分。其症與水

症相類，實非水也。用人參丸。

愚按前症或因飲食起居失養，或因六淫七情失宜，以致脾胃虧損，不能生發統攝氣血，乖違行失常道。若先因經水斷絕，後至四肢浮腫，小便不通，血化為水，名曰血分。宜用椒仁丸治之。若先小便不利，後至身面浮腫，經水不通，水化為血，名曰水分。宜用葶藶丸治之。此屬形氣不足，邪淫隧道，必用此藥以宣導其邪，而佐以補助元氣之劑，庶使藥力有所仗而行，則邪自不



能容而真氣亦不至於復傷矣大凡月水不通  
凝結於內久而變為血瘕血水相并亦為水腫  
附治驗

一婦人月經不調晡熱內熱飲食少思肌體消  
瘦小便頻數或用濟陰丸月經不行四肢浮腫  
小便不通余曰此血分也朝用椒仁丸夕用歸  
脾湯漸愈服人參丸兩月而愈仍專用歸脾湯  
五十餘劑而下

一婦人面自浮腫月經不通此水分也朝用葶

藶丸夕用歸脾湯漸愈更兼服人參丸而全愈  
一婦人素性急先因飲食難化月水不調或用  
理氣化痰藥反肚腹膨脹大便泄瀉又加烏藥  
蓬朮肚腹腫脹小便不利加猪苓澤瀉痰喘氣  
急手足厥冷頭面肢體腫脹指按成窟脉沉細  
右寸尤甚余曰此脾肺虛冷不能通調水道下  
輸膀胱滲泄之令不行生化之氣不運東垣云  
水飲留積若土在雨中則為泥矣得和氣暖且  
水濕去而陽化自然萬物生長喜其脉相應遂



與金匱加減腎氣丸料服之小便即通數劑腫  
脹消半四肢漸溫自能轉側又與六君加木香  
肉桂炮薑治之全愈後不戒七情不節飲食頓  
作泄瀉仍用前藥加附子五分而安

椒仁丸 治血分

椒仁 甘遂 續隨仁 附子 炮

郁李仁 黑牽牛 炒 五靈脂 去 當歸 石

吳茱萸 玄胡索 錢 芫花 酒 炒 石膏 錢

信砒 膽礬 錢 斑猫 糯米 炒

芫青 各二十箇糯米 炒黃去頭足

右為末麵糊丸菘荳大每服一丸陳皮湯送下

人參丸 治月經不利而化為水流走四肢悉皆  
腫滿

人參 當歸 大黃 蒸熟 切焙 桂心

藿麥穗 赤芍藥 白茯苓 各三兩 葶藶 炒別研

右為末煉蜜丸桐子大每服十五丸空心米飲

葶藶丸 治水分

甜葶藶 炒別研 五錢 續隨仁 五錢 別研 乾笋末 兩



右用棗肉ヲ九桐子ヲ大ニ每服七ニ九煎扁竹湯ヲ下ニ如  
太便利其減ヲ續隨子ヲ葶藶各一錢ヲ加ヲ白朮半ニ兩ヲ  
小調經散 治經水失道流入四肢浮腫方見產後四肢  
腫浮

附方

歸脾湯 方見二十四卷第四論

金匱加減腎氣丸 方見二十二卷第十論

六君子湯 方見二十四卷第六論

婦人良方卷之一終





婦人良方卷之二

臨川 陳自明 編

古吳 薛 巳 註

後學 蔣宗滄

朱雲璈

朱 月全 校

衆疾門 經脉不調衆疾生焉故以次之

產寶方論第一

古人治婦人別著方論者以其胎妊生產崩傷之



國家圖書館 NATIONAL CENTRAL LIBRARY, TAIWAN, R.O.C.





異况鬱怒倍於男子若不審其虛實而治之多致夭枉

愚按前說誠為精確諺云寧治十男子莫治一婦人寧治十婦人莫治一小兒義可見矣

博濟方論第二

夫人將攝順理則氣血調和六淫不能為害若勞傷血氣則風冷乘之脾胃一傷飲食漸少榮衛口衰肌膚黃燥面無光澤若入大腸則下利若入關元則絕嗣故婦人病有三十六種皆由衝任勞損

而致蓋衝任之脉為十二經之會海其病皆見於少陰太陽之經當於此候之

愚按前論精密學者當從此類推之

冠宗奭論第三

婦人雖有別科然亦有不能盡聖人之法岐伯曰凡病察其形氣相得則易治形氣相失則難治又曰診病之道觀人勇怯骨肉皮膚能知其情以為診法今富貴之家身處帷幔出手診候不能盡聖聞問切之情率爾投藥烏可盡其術乎况醫者質



婦人良方  
問諄諄病家遂謂術業不精而不信豈能使藥之  
奏効耶丹溪云凡人之形長不及短大不及小肥  
不及瘦人之色白不及黑嫩不及蒼薄不及厚而  
况肥人濕多瘦人火多白者肺氣虛黑者腎氣足  
形色既殊臟腑亦異外證雖同治法迥別所以肥  
人責脉浮瘦人責脉沉躁人疑脉緩緩人疑脉躁  
以其不可槩觀也若夫病勢危急必須察色以觀  
其外診脉以知其內醫之道庶乎不至於有誤矣  
府庠徐道夫母胃脘當心痛極右寸關俱無左

雖有微而欲絕手足厥冷余以上部無脉不吐  
爲不治然察其眼胞上下青黯此脾虛肝木所  
勝以參朮茯苓陳皮甘草補中益氣以木香和  
胃氣行肝氣以吳茱萸散脾胃之寒止心腹之  
痛遂急與一劑連去二次再進諸病悉愈

#### 通用方序論第四

夫通用方者蓋產前產後皆可用也或一方治諸  
症不可入於專門當通變而施治烏可泥也  
加減四物湯 治血虛月經不調腰腹作痛崩中



婦人良方  
漏下半產產後惡露內停或去血過多而痛方  
見八卷十三論

愚按血虛之症若肝脾血燥用加味道遙散肝  
火血燥用八珍湯加山梔牡丹皮肝經風熱血  
燥用六味地黃丸肝脾火燥血虛用四物柴胡  
山梔肝經氣血虛弱用四君芎歸熟地腎水涸  
而肝血虛用六味地黃丸金剋木而肝血虛與  
心火亢而肝血虛亦用前丸若氣虛而血弱用  
補心湯胃氣陷而血虛用補中益氣湯脾氣弱

而血虛用六君子湯脾氣鬱而血虛用加味歸  
脾湯大凡血虛之症或氣虛血弱或陽氣脫陷  
或大失血以致發熱煩渴等症必用四君歸芪  
或獨參甘溫之劑使陽旺則陰生其病自愈若  
用寒涼降火乃速其危也

交加散 治經脉不調腹中撮痛或結聚癥瘕產  
後中風

生地黃 取汁 生薑 十二兩 取汁

右以地黃汁炒薑粗薑汁炒地黃粗乾爲末每



婦人良方  
服三錢溫酒調加芍藥玄胡索當歸蒲黃桂心  
各一兩沒藥紅花各五錢尤効

補中丸 治氣血俱虛諸症卽八珍湯爲丸方見

四卷第  
四論

附方

加味歸脾湯

加味道遙散

八珍湯 三方見二十四卷第四論

六味丸 方見二十四卷第十一論

四物湯

四君子湯

六君子湯 三方見二十四卷第六論

補中益氣湯 一方見二十四卷第十論

獨參湯 方見三卷第十三論

婦人良方卷之二 終

婦人良方卷之二

五





國家圖書館, NATIONAL CENTRAL LIBRARY, TAIWAN, R.O.C.

如人良友

五



婦人良方卷之三

婦人中風諸症方論第一

夫中風者因內虛而中之也蓋風為四時八方之氣常以冬至之日自坎而起從其鄉來者王長養

臨川 陳自明 編

古吳 薛巳 註

後學 蔣宗澹

宋雲璈

朱明全校





萬物否則名爲虛風賊害萬物從背而入或中腑  
或中臟或中血脉經絡其症或肢體不遂或手足  
偏枯或痰涎壅塞或口眼歪斜或牙關緊急或腰  
背反張若眼開口閉涎流失音者難治如眼閉口  
開身瞞遺尿者死中風中氣皆用蘇合香丸中氣  
用三生飲若作風治百無一生

愚按中風者卽內經所謂偏枯風痺風懿風痺  
是也而有中腑中臟中血脉之分焉天中腑者  
爲在表中臟者爲在裏中血脉者爲在中在表

者宜微汗在裏者宜微下在中者宜調榮中腑  
者多着四肢如手足拘急不仁惡風寒此數者  
病淺皆易治用加減續命湯之類中臟者多滯  
九竅如眼瞽者中于肝舌不能言者中于心唇  
緩便秘者中于脾鼻塞者中于肺耳聾者中于  
腎此數者病深多難治中血脉者外無六經之  
證內無便溺之阻肢不能舉口不能言用大秦  
芫湯主之之中腑者多兼中臟如左關脉浮弦面  
目青左脇偏痛筋脉拘急目瞶頭目眩手足不



取坐踞不得此中膽兼中肝也用犀角散之類  
如左寸脉浮洪面舌赤汗多惡風心神顛倒言  
語蹇澁舌強口乾忪悸恍惚此中小腸兼中心  
也用麻黃散之類如右關脉浮緩或浮大面唇  
黃汗多惡風口喎語澁身重怠惰嗜卧肌膚不  
仁皮肉𦐇動腹膨不食此中胃兼中脾也用防  
風散之類如右寸脉浮澁而短面色白鼻流清  
涕多喘胸中冒悶短氣自汗聲嘶四肢痿弱此  
中太腸兼中肺也用五味子湯之類如左尺脉

# 婦人良方

一一之二

仰兩耳

虛鳴骨節疼痛足痿善恐此中膀胱兼中腎也  
用獨活散之類此皆言真中風也而有氣血之  
分焉蓋氣虛而中者由元氣虛而賊風襲之則  
右手足不仁用六君子湯加釣藤薑汁竹瀝血  
虛而中者由陰血虛而賊風襲之則左手足不  
仁用四物湯加釣藤竹瀝薑汁氣血俱虛而中  
者則左右手足皆不仁也用八珍湯加釣藤薑  
汁竹瀝其與中風相類者則有中寒中濕中火



取坐踞不得此中膽兼中肝也用犀角散之類如左寸脉浮洪面舌赤汗多惡風心神顛倒言語蹇澁舌強口乾忪悸恍惚此中小腸兼中心也用麻黃散之類如右關脉浮緩或浮大面唇黃汗多惡風口喎語澁身重怠惰嗜卧肌膚不仁皮肉瞶動腹膨不食此中胃兼中脾也用防風散之類如右寸脉浮澁而短面色白鼻流清涕多喘胸中冒悶短氣自汗聲嘶四肢痿弱此中太腸兼中肺也用五味子湯之類如左尺脉

浮滑面自黧黑腰脊痛引小腹不能俛仰兩耳虛鳴骨節疼痛足痿善恐此中膀胱兼中腎也用獨活散之類此皆言真中風也而有氣血之分焉蓋氣虛而中者由元氣虛而賊風襲之則右手足不仁用六君子湯加釣藤薑汁竹瀝血虛而中者由陰血虛而賊風襲之則左手足不仁用四物湯加釣藤竹瀝薑汁氣血俱虛而中者則左右手足皆不仁也用八珍湯加釣藤薑汁竹瀝其與中風相類者則有中寒中濕中火



中氣食厥勞傷房勞等症如中於寒者謂冬月  
卒中寒氣昏冒口噤肢攣惡寒脉浮緊用麻黃  
桂枝理中湯之類中於暑者謂夏月卒冒炎暑  
昏冒痿厥吐瀉喘滿用十味香薷飲之類中於  
濕者丹溪所謂東南之人多因濕土生痰痰生  
熱熱生風也用清燥湯之類加竹瀝薑汁中於  
火者河間所謂非肝木之風內中六淫之邪外  
侵良由五志過極火盛水衰熱氣怫鬱昏冒而  
卒仆也用六味九四君子獨參湯之類內有恙

怒傷肝火動上炎者用柴胡湯之類中於氣者  
由七情過極氣厥昏冒或牙關緊急用蘇合香  
丸之類誤作風治者死食厥者過於飲食胃氣  
自傷不能運化故昏冒也用六君子加木香勞  
傷者過於勞役耗損元氣脾胃虛衰不在風寒  
故昏冒也用補中益氣湯房勞者因腎虛精耗  
氣不歸源故昏冒也用六味丸此皆類中風者  
也夫內經王於風河間王於火東垣王於氣丹  
溪王於濕愚之斯論僭補前人之闕也若夫地



之南北人之虛實固有不同其男子女人大畧相似當與後論參着通變治之

附治驗

靳閣老夫人先胸脇脹痛後四肢不收自汗如冰小便自遺太便不實口緊目矜飲食不進十餘日矣或以爲中臟公甚憂余曰非也若風既中臟真氣既脫惡症既見禍在反掌焉能延之乃候其色面自俱赤而面或青診其脈左三部洪數惟肝尤甚余曰胸乳脹痛肝經血虛肝氣

否塞也四肢不收肝經血虛不能養筋也自汗不止肝經風熱津液妄泄也小便自遺肝經熱甚陰挺失職也太便不實肝木熾盛尅脾土也遂用犀角散四劑諸症頓愈又用加味逍遙散調理而安後因鬱怒前症復作兼發熱嘔吐飲食少思月經不止此木盛尅土而脾不能攝血也用加味歸脾湯爲主佐以加味逍遙散調補肝脾之氣清和肝脾之血而愈後每遇怒或睡中手足抽搐復用前藥卽愈



大叅朱雲溪母於九月內忽仆地痰昧不省人事唇口喎斜左目緊小或用痰血之劑其勢稍緩至次年四月初其病復作仍進前藥勢亦漸緩至六月終病乃大作小便自遺或謂風中於臟以爲不治余診之左關弦洪而數此屬肝火血燥也遂用六味丸加五味麥門芎歸一劑而飲食頓進小便頓調隨用補中益氣加茯苓山梔釣藤丹皮而安至十月復以傷食腹痛作瀉左目仍小兩關尺脈弦洪鼓指予以六君加木

香吳茱升麻柴胡一劑而痛瀉俱緩復以六君加肉果故紙一劑諸脈頓平痛瀉俱止余謂左關弦洪由肝火血燥故左目緊小右關弦洪由肝邪乘脾故唇口喎斜腹痛作瀉一十尺鼓指由元氣下陷設以目緊口喎誤作風中投以風藥以腹痛泄瀉誤作積滯投以峻劑復耗元氣爲害甚矣後以陽虛惡寒圍火過熱致痰喘誤服寒劑而卒

一婦人因怒仆地語言蹇澁口眼喎斜四肢拘



急汗出遺尿六脉洪大肝脉尤甚皆由肝火熾盛蓋肝主小便因熱甚而自遺也用加味逍遙散加釣藤及六味丸尋愈

一老婦兩臂不遂語言蹇澁服祛風之藥反致筋攣骨痛余謂此肝火血虛所致用八珍湯補氣血用地黃丸補腎水佐以排風湯年餘而愈  
一婦人經行口眼歪斜痰涎壅盛此血虛而肝火動用加味逍遙散加牡丹皮治之尋愈後因飲食停滯且吐痰涎此脾氣虛不能攝涎歸經

也用六君子二十餘劑而安

一婦人因怒口眼歪斜痰涎上湧口噤發搐此脾肺氣虛而肝木旺用六君子加木香釣藤柴胡治之漸愈又用加味歸脾湯調理而安

一產婦勤於女工忽仆地牙關緊急痰喘氣粗四肢不遂此氣血虛而發瘓朝用補中益氣湯加茯苓半夏夕用八珍湯加半夏各三十餘劑不應此氣血之未復藥之未及也仍用前一湯又五十餘劑尋愈



一婦人素有內熱，月經不調，經行後四肢不能伸，臥床半載。或用風濕痰火之劑，不效。其脈浮緩，按之則濡，名曰瘵症，屬風寒所乘。用加味逍遙散，加肉桂、防風、四劑，頓愈。更以八珍湯調理，兩月餘而瘥。

一婦人素經行後期，因勞怒，四肢不能屈，名曰瘵症。此血虛而風熱所乘，先用八珍湯，加釣藤、柴胡，漸愈。更佐以加味逍遙散調理而瘥。

一婦人四肢攣屈，煩痛自汗，小便短少，畏見風。

寒脈浮弦緩，此氣血虛而風寒濕熱相搏。先用東垣清燥湯，漸愈。再用加味逍遙散及八珍湯，加牡丹皮而瘥。

一婦人素有火，忽然昏曠，瘵瘵抽搐，善伸數欠，四肢筋攣，痰涎上升。此肺金燥甚，血液衰少而然也。用清燥湯六味丸兼服，尋愈。

一婦人肢節作痛，不能轉側，惡見風寒，自汗盜汗，小便短少，雖夏亦不去衣。其脈浮緊，此風寒客於太陽經，用甘草附子湯一劑而瘥。



婦人良方  
一婦人因怒發搐嘔吐痰涎口禁昏憤氣口脉  
大於人迎此氣滯而食厥用平胃散加茯苓半  
夏木香治之而甦更以六君子加木香漸愈乃  
去木香又二十餘劑而痊

一婦人元氣素虛勞則體麻發熱痰氣上攻或  
用烏藥順氣散祛風化痰丸之類肢體痿軟痰  
涎自出面色痿黃形體倦怠而脾肺二脉虛甚  
此氣虛而類風朝用補中益氣湯夕用十全大  
補湯漸愈又用加味歸脾湯調理尋愈

一婦人體肥胖頭目眩暈肢體麻木腿足痿軟  
自汗身重其脉滑數按之沉緩此濕熱乘虛也  
用清燥羌活一湯漸愈更佐以加味逍遙散全  
愈

一婦人口眼歪斜四肢拘急痰涎不利而惡風  
寒其脉浮緊此風寒客於手足陽明二經先用  
省風湯一劑後用秦朮升麻湯而愈

一婦人素性急患肝風之症常服搜風順氣丸  
秦朮湯之類後大怒吐血唇口牽緊小便頻數



或時自遺余以爲肝火旺而血妄行遂用小柴胡湯加山梔牡丹皮漸愈五年之後又大怒吐血誤服降火祛風化痰之劑大便頻數胸滿少食用清氣化痰之劑嘔而不食頭暈口乾不時吐痰用導痰降火之類痰出如湧四肢常冷余曰嘔而不食胃氣虛弱也頭暈口乾中氣不能上升也痰出如湧脾氣不能攝涎也四肢逆冷脾氣不能運行也用補中益氣加茯苓半夏治之諸症漸愈又用加味歸脾湯兼服而安

鴻臚王繼之室人素有癩症遇勞役怒氣則發良久自省一日因飲食勞役失宜發而半日方省不能言語或以爲風中於臟用祛風化痰順氣之劑及牛黃清心丸病益甚六脉浮大兩寸虛而不及本部不進飲食余曰此脾胃之氣傷也若風中於臟禍在反掌彼不信仍用風藥後果卒

婦人吐痰頭暈肢體麻木

見第四卷

娠婦發搐似中風

見第十四卷



產後發瘧似中風 見第十九卷

男子諸症 見內科摘要

排風湯 治風邪入臟狂言妄語

白鮮皮 白朮 白芍藥炒 桂心

川芎 當歸 防風 杏仁去皮

甘草各二兩 白茯苓 麻黃去節 獨活各二兩

三生飲 治卒中不省口眼喎斜痰壅喉響無問  
外感內傷痰涎食厥氣虛眩暈但六脉沉悉有  
神効

生南星 生烏頭去皮 生附子各半兩

木香 一錢

右每服半兩薑水煎不省人事以細辛阜角末  
少許吹鼻中得嚏進藥氣盛只用南星五錢生  
薑十四片煎飲之名星薑飲

愚按三生飲乃行經絡治寒痰之良藥斬關奪  
旗之神劑每服必用人參兩許驅其外邪而補  
其真氣否則不惟無益適以取敗觀先哲用芪  
附朮附等湯其義可見



加減小續命湯 治中風半身不遂口眼喎斜手足戰掉語言蹇澁神思昏亂筋攣骨痛或脚氣緩弱陰晦復作

麻黃去節根 防已 人參 黃芩炒

桂心 甘草炒 白芍藥 川芎

杏仁各一兩 附子炮半兩 防風一兩半

右每服五錢薑棗水煎精神恍惚加茯苓遠志有熱去附子加芍藥心煩加犀角半兩骨冷痛加桂附嘔逆腹脹加人參半夏一兩躁悶便澀

去附子加芍藥一兩竹瀝一合臟寒下利去防已黃芩加附子白朮一兩自注去麻黃杏仁加白朮一兩脚弱加牛膝石斛一兩身痛加秦朮一兩腰痛加桃仁杜仲半兩失音加杏仁一兩小引風湯

防風 獨活 細辛 川芎

五味子杵炒 白茯苓 人參 白芍藥炒

白朮炒 甘草等分

右每服五錢薑三片杏仁五箇水煎服加麻黃



茯苓附子當歸羚羊角等分即大引風湯也

必効竹瀝湯 治中風痰涎壅盛言語塞滯四肢緩縱

秦朮

防風

獨活

附子

炮各一錢

右以水二盞煎半盞入生地汁淡竹瀝各半盞再煎四五沸作四服病既去以他藥調治未愈再服最効

星香湯 治中風痰盛服熱藥不得者

南星

木香等分

右每服四錢薑十片水煎

星附湯 治中風痰涎上攻六脉沉伏不知人事

附子

生用

南星

生用各一兩

木香

半兩

右每服四錢薑水煎寒甚加天雄川烏多灸關元丹田二穴

附方

三化湯 治中風外有六經之形症先以加減續命湯治內有便溺之阻隔者此方主之

厚朴

薑汁炒

大黃

酒蒸

枳實

麩炒

羌活

各八兩



右每服一兩水煎

秦朮湯 治中風外無六經之形症內無便溺之阻隔乃血弱不能養於筋手足不能運口強不能言宜養血而筋自榮也

秦朮

石膏

各二兩 甘草 炒

川芎

當歸

芍藥

炒

羌活

獨活

防風

黃芩

炒

白芷

生地黃

熟地黃

製

白茯苓

白朮

各一兩

細辛 兩半

右每服一兩水煎陰雨加生薑七片春夏加知

母一兩

省風湯 治中風口噤口眼喎斜筋脉攣急抽掣

疼痛風熱痰實

防風

南星

生用各四兩

半夏

水浸洗生用

黃芩

炒

甘草

生用各二兩

右每服五錢水煎

大八風湯

方見後第六論

燒竹瀝法

用新竹截尺許作兩片用兩磚對立竹仰磚上中以火燒之兩頭瀝自出取荆瀝亦



然

烏藥順氣散 治風氣骨節疼痛遍身頑麻手足

癱瘓言語蹇澁宜先疎氣道後隨証投藥

麻黃節去

烏藥

陳皮去白

川芎

白芷

桔梗

枳殼去穰

甘草炒各一兩

乾薑炮半兩

僵蠶炒一兩

右每服五錢薑水煎頭痛加葱白有汗加薄荷

八味順氣散

白朮

白茯苓

青皮

白芷

陳皮炒

烏藥

人參各一兩

甘草炙半兩

右每服五錢水煎

導痰湯

半夏

南星

茯苓

陳皮炒

枳實炒

甘草炒

右薑水煎服

參蘇飲

治痰積中脘暈眩嘈雜怔忡噦逆或痰

停關節手足羸曳口眼喎斜半身不遂嘔吐惡

心頭疼發熱上



人參

紫蘇葉

半夏

茯苓

乾葛

前胡各三錢

甘草炒

木香

陳皮炒

枳殼製

桔梗各半兩

右每服一兩薑水煎腹痛加芍藥

附子理中湯

治中寒不語四肢強直昔有武士

守邊大雪出帳觀瞻忽然暈倒又馬觀文之內

厥逆惡寒腹痛服此悉愈方見十二卷第八論

牛黃清心丸

方見後第四論

秦艽升麻湯

治風寒客於手足陽明經口眼喎



斜惡見風寒四肢拘急其脉浮緊方見

秦艽二錢

升麻

乾葛

甘草

芍藥炒

人參各半兩

防風

桂枝各三錢

右每劑一兩連鬚葱白二莖水煎服

犀角散

治肝臟中風筋脉拘攣手足不收坐踞

不得俯背強直脇肋脹滿面赤心煩言語蹇澁

或風流注四肢上攻頭面作痛口眼喎斜脚膝

痛之

犀角屑二錢石膏

羌活

羚羊角各一錢



人參

甘菊花

獨活

黃芩

炒

天麻

枳殼

去穰 炒

當歸

黃芪

芎藭

白朮

酸棗仁

炒

防風

白芷

甘草

各五分

右薑水煎

薏苡仁散

治肝臟中風

薏苡仁

麻黃

去節各一錢半

防風

附子

炮去皮臍

川芎

栝子仁

桂心

枳殼

炒

石膏

細辛

獨活

羚羊角

各一錢

右薑水煎服

射于湯

治肝經受病多汗惡風善悲嗌乾目下

青黃可治急灸肝膈百壯一黃一白不可治

射干

芍藥

各二錢半

薏苡仁

三錢

桂心

五分

牡蠣

石膏

各二錢

右作一劑水煎服

治肝臟中風心神煩熱言語蹇澁不得安卧

竹瀝

荆瀝

葛根

生薑汁



白蜜各一合

右和勻頻服之

麻黃散 治心臟中風多汗惡風善怒心神顛倒

言語蹇澁舌強口乾面赤頭痛翕翕發熱胃背

拘急手心熱甚偃卧不側忪悸恍惚或寒顛心

驚悸口喎冒昧好笑

麻黃去節

白朮

防風

川芎

甘草炙

漢防已

當歸

人參各一錢

羌活

遠志去心

茯神去木各一錢半

升麻八分

桂心五分

右薑水煎入竹瀝半盞再煎一二沸

茯神散 治同前或四肢沉重精神不安或痰氣

不利

茯神去木

羌活

麻黃去節

龍齒另研

赤芍藥

甘草炙各一錢

蔓荆子

薏苡仁

麥門冬去心

人參去蘆

防風去蘆

犀角屑各一錢半

右薑水煎

加味牛黃散 治症同前或恍惚恐亂睡卧不寧



志意不定

牛黃

麝香

犀角鎊

羚羊角鎊

龍齒各另研 防風

天府

獨活

人參

茯神去木

升麻

甘草炙

白蘚皮 遠志去心各二錢半

天竺黃三錢另研

硃砂另研水飛 鐵粉另研

麥門冬去心各半兩

右為末每服一錢煎麥門冬湯調

遠志湯 治症同前或偃臥不側悶亂胃絕若唇

色正赤可治急炙心膈百壯若青黃不定面色

惺惺戰慄動者不可治

遠志夫心二錢半 人參

石菖蒲

羌活 細辛

麻黃去根各半兩

赤芍藥 白朮各一兩

右為末每服一錢煎小麥湯調日一服

防風散 治脾臟中風多汗惡風身體怠惰四肢

不能動色微黃不嗜食舌強語澁口喎斜僻肌

膚不仁腹膨心煩翕翕發熱神思如醉其脉浮

緩胃滿痰涎志意昏濁



獨活半一錢 防風

茯神去木

人參

附子炮去皮臍 前胡

沙參

半夏湯洗七次

黃芪炒

旋覆花

羚羊角末鎊

甘草炙各一錢

右薑水煎

白朮湯 治症同前或腹滿身黃嘔吐酸水急灸

脾脘百壯目下及手足青者不可治口角兩邊

黃者可治

白朮

厚朴薑製

防風各二錢

附子炮去皮臍

橘紅

白蘼皮

五加皮各一錢

右薑水煎

細辛散 治症同前或肉熱肌膚淫淫如蟲行或

汗大洩皮膚不澤唇鼻黃色

細辛

白朮

獨活

附子炮去皮臍

肉桂

防風各一錢 厚朴薑製

麻黃去節各二錢

枳實炒

甘草炒各一錢五分

右水煎

防風麻黃散 治症同前或志意恍惚肢體沉里

防風

麻黃去節

人參

川芎



附子炮去皮臍桂心

黃芪炒

赤茯苓

酸棗仁炒白木

獨活

桑白皮炒

羚羊角鎊末各一錢

甘草炒五分

右水煎服

五味子湯

治肺臟中風胃滿短氣胃悶汗出嘔

吸顫掉聲嘶體重四肢痿弱其脈浮晝瘥夜甚

偃卧胃悶其鼻兩邊下至口上至眉其色白者

急灸肺腧百壯若色黃其肺傷而為血矣撮空

拈衣摸床者必死

五味子杵

杏仁炒去

皮尖

桂心

各一錢

防風

去蘆

甘草炙

赤芍藥

川芎

各二錢

川椒

三分

右水煎服

獨活細辛散

治症同前或頭痛項強背痛鼻乾

心悶語蹇胸中少氣四肢疼痛

獨活

細辛

附子

炮去皮臍

甘菊花

麻黃去蘆

白芷

五味子

杵炒

紫苑茸

赤茯苓

肉桂

白木

桑白皮

川芎各一錢

甘草炙五分

杏仁

麩炒去皮

防風

各一錢



右水煎服

獨活散 治腎臟中風腰疼不得俛仰或偏枯耳鳴語聲渾濁面色浮腫骨節痠疼精神昏憤喜恐好忘而肌色黧黑身體沉重多汗惡風隱曲不利或兩脚冷痺頭昏耳聾語音渾濁

獨活

附子

炮去皮臍當歸酒洗

防風

天麻

桂心

各一錢川芎

甘菊花

枳殼

炒 麩

山茱萸

取肉 黃芪炒

丹參

牛膝

酒浸

草薢

酒浸 甘草炙

細辛

菖蒲

白朮

各五分

右水煎服

草薢散 治症同前或脊骨促痛不能行立肌膚黑色兩脇赤黃如餅者可治急灸腎腧自壯齒黃髮禿面如土色者不可治

草薢

酒浸

白茯苓

去皮 杜仲

炒去絲 狗脊各一兩

何首烏

天雄

去皮臍炮 澤瀉各半兩

右為末每服一錢米飲調下

吳茱萸丸

治症同前或惡風多汗面色浮腫腰



膝疼痛形色憔悴

吳茱萸 細辛

白茯苓 獨活

山茱萸取肉 木香

牛膝酒浸 石斛

草薢酒浸各半兩

附子炮去皮臍 芎藭各二錢

右為末酒糊丸桐子大每服二十九空心鹽湯

下日二服

黃芪丸 治症同前或麻痺腫痛少氣肢體乏力

黃芪炒

川椒炒

茴香炒

川烏頭去皮臍

狼毒

防風

白蒺藜炒 川練子肉

地龍

去土炒 黑附子炮去皮臍

赤小豆各等分

右為末酒糊丸桐子大每服二五二十九溫酒下

日二服

四君子湯

六君子湯 二方見二十四卷第六論

補中益氣湯 方見二十四卷第十論

四物湯 方見二十四卷第六論

十全大補湯

八珍湯



加味歸脾湯

加味逍遙散 四方見二十四卷第四論

理中湯 方見二十卷第八論

清暑益氣湯

十味香薷飲 二方見七卷第二論

東垣清燥湯 方見四卷第二論

六味丸 方見二十四卷第十一論

獨參湯 方見本卷第十三論

小柴胡湯 方見二十四卷第二論

蘇合香丸 方見後

羌活湯 方見後

甘草附子湯 方見後

平胃散 方見七卷第十八論

婦人中風角弓反張方論第二

論曰婦人氣虛風入諸陽之經或產後血虛汗出中風體強口噤腰背反張名爲發瘧因太陽經先傷風復感寒而致如發瘧狀但脈沉遲弦細無汗惡寒名剛瘧有汗不惡寒名柔瘧無汗者葛根湯



小續命湯有汗者去麻黃加葛根

愚按仲景先生云太陽病發汗太多致瘧風病下之則瘧二因方云氣血內虛風寒濕熱所中則瘧以風能散氣故有汗而不惡寒曰柔瘧寒能澁血故無汗而惡寒曰剛瘧非專於風濕因內虛發汗亡血筋無所榮而然乃虛象也竊謂傷寒汗下過度與產婦潰瘍等病及因尅伐之劑傷損氣血而變若金衰水旺先用瀉青丸後用異功散腎水虛用六味丸肝火旺先用加味

小柴胡湯次用加味四物湯發熱用加味逍遙散若木侮脾土用補中益氣加芍藥山梔脾經鬱結用加味歸脾湯脾土濕熱用大承氣湯大凡病後氣血虛弱用參朮濃煎佐以薑汁竹瀝時時用之如不應用十全大補湯更不應急加附子或用參附湯緩則不救仍與後治驗參看

附治驗

一婦人脾胃虛弱忽痰壅氣喘頭搖目劄手揚足擲難以候脉視其面黃中見青此肝木乘脾



土用六君加柴胡升麻治之而甦更以補中益氣加半夏茯苓而痊

葛根湯 治剛瘧無汗惡風

葛根 錢一 麻黃 去根 節 殭蠶 炒各三分 桂枝

粉草 炒 芍藥 各五分 大棗 三箇

右水煎出汗為度 凡產後麻黃宜斟酌用

附木湯 治手足逆冷筋脉拘急汗出項強口噤痰湧

附子 炮 白木 獨活 各五分 川芎

肉桂 各三分

右棗水煎服

桂心白木湯 治陰瘧手足厥冷筋脉拘急汗出不止

白木 桂心 附子 炮 防風

川芎 甘草 各等分

右每服五錢薑棗水煎

八物白木散 治陰瘧手足厥冷筋急脉拘而無汗者



白朮

麻黃去根節

茯苓

五味子

炒

羌活

各半兩

附子

炮

桂心

各三錢

良薑

一錢

右每服四錢薑水煎

凡用麻黃宜斟酌不可過多

附方

通關散

治卒然牙關緊急腰背反張藥不得嚥

細辛

薄荷葉

牙皂角

各等分

右為末每用少許吹鼻內候得噴嚏隨進湯藥

瀉青丸

方見二十四卷第三論

異功散

方見二十二卷第三論

六味丸

方見二十四卷第十一論

加味小柴胡湯

方見二十四卷第二論

補中益氣湯

方見二十四卷第十論

加味四物湯

方見二十四卷第六論

加味逍遙散

十全大補湯

加味歸脾湯

三方見二十四卷第四論

大承氣湯

方見

參附湯

方見十九卷第六論



婦人中風口噤方論第三

夫中風口噤乃體虛受風入於頷頰蓋手三陽之經結於頷頰上夾於口風邪乘之則筋攣故牙關急而口噤也

愚按前症若風邪客於手足陽明經口眼喎斜用秦艽升麻湯若風熱傷氣用省風湯當與後方同用

附治驗

一婦人因怒經事淋瀝半月方竭遇怒其經即

至甚則口噤筋攣鼻衄頭痛痰瘕搐搦瞳子上視此肝火熾甚以小柴胡湯加熟地黃山梔釣藤治之後不復發

一婦人素陰虛患遍身瘙痒誤服祛風之藥口噤抽搐肝脉洪數余曰肝血爲陰爲水肝氣爲陽爲火此乃肝經血虛火盛耳宜助陰血抑肝火用四物麥門五味柴胡山梔生草熟搗頓止又以八珍黃芪麥門五味釣藤炙草調理而痊天南星散 治中風口噤四肢拘急或痰氣上壅



天南星 薑汁炒黃 白附子 炮 黑附子 炮

烏蛇肉 酒炙 全蝎 炒等分

右為末每服五分薑汁溫酒調灌

走馬散 治中風口噤四肢強直

黑附子 炮 天麻 各半兩 桂心

石膏 麻黃 去根節 蝎梢 炒

川烏 炮去皮尖 南星 炮各一錢 麝香 二分另研

右為末每服三分豆淋酒調灌

附方

秦九升麻湯

省風湯 二方見本卷第一論

小柴胡湯 方見二十四卷第二論

四物湯 方見二十四卷第六論

八珍湯 方見二十四卷第四論

婦人中風不語方論第四

巢氏云脾脉絡胃夾咽連舌本散舌下心之別脉  
係舌本若心脾受邪則舌強不能言然喉嚨者氣  
之上下也會厭者聲之戶舌者聲之機唇者聲之



扇若風寒客於會厭故卒然而瘖經云醉臥當風使入發瘖

愚按前症若因痰迷心竅當清心火若因濕痰舌強當清脾熱若因風熱牙關緊急當清肝火若因風痰塞喉當導痰涎若因虛火上炎當壯水之主若因氣虛厥逆當益火之源若因腎虛舌瘖而不語當補腎氣

附治驗

一婦人因怒仆地痰湧不語灌半黃清心丸稍

甦用神仙解語湯加山梔柴胡桔梗漸愈又用六君柴胡山梔枳殼而痊  
一婦人忽然不語半年矣諸藥不應兩尺浮數先用六味丸料加肉桂數劑稍愈乃以地黃飲子三十餘劑而痊男子多有此症亦用此藥治之

神仙解語丹 治心脾受風言語蹇澁痰唾溢盛

白附子 炮

石菖蒲 去毛

遠志 去心甘草水煮十沸

天麻

全蝎

羌活



南星 牛膽釀如無只炮各一兩

木香 半兩

右為末麵糊丸桐子大每服一二十丸薄荷湯

下

防風湯 治中風內虛脚軟語蹇

石斛 一兩半酒炒 生地黃

杜仲 去皮切薑汁炒

丹參 各一兩 防風

川芎

麥門冬 去心 桂心

獨活 各五錢

右每服五錢棗水煎

竹瀝湯 治風中府脾四肢不遂言語強語滯或痰

涎上湯

歲靈仙 附子炮 桔梗 蔓荆子

防風 枳殼 去穰麩炒 川芎 當歸 各等分

右每服四錢薑水煎入竹瀝半盞凡四服忌飲茶

三黃獨活湯 治中風手足拘攣半身不遂失音不語

麻黃 去根節 黃芪 半兩 黃芩 七錢 獨活 一兩

右每服四錢水煎取汗為效



小省風湯 治中風癱瘓口眼喎斜口噤不語手足頭麻

防風 南星湯炮各三兩 甘草炙兩半

右每服四錢薑十片水煎

秦艽升麻湯 方見本卷第一論

愈風湯 治諸風肢體麻木手足不隨不能動履等症

天麻 牛膝同酒浸焙乾 草薺另研細  
玄參各六兩 杜仲七兩 羌活十四兩

當歸 熟地黃自製 生地黃各一斤

獨活五兩 肉桂三兩

右為末煉蜜丸桐子大常服五七十九病甚至百丸空心食前温酒或白湯下

地黃飲子 治腎氣虛弱舌瘡不能言足廢不能行

熟地黃自製 巴戟去心 山茱萸去核 肉苁蓉酒浸焙

石斛 附子炮 五味子炒 白茯苓

石菖蒲 遠志甘草湯泡 麥門冬去心 桂心各等分



右每服三錢入薄荷少許薑棗水煎服

牛黃清心丸 治諸風癱瘓語言蹇澁健忘恍惚

頭自眩暈胸中煩鬱痰塞喘嗽精神昏憤或尋

常風痰咳嗽或傷寒陽症汗下不解發熱煩渴

其効如神

牛黃一兩麝香二錢龍腦三味羚羊角一兩

當歸洗酒防風 黃芩 白朮

麥門冬去心白芍藥各一兩柴胡

桔梗 白茯苓 杏仁去皮芎藭

肉桂 大豆黃卷 阿膠各一兩

蒲黃 人參去蘆神麩各二兩雄黃另研

甘草五錢白斂七錢乾薑七錢犀角鎊末

乾山藥七兩金箔一千二百片內

大棗一百枚蒸熟去皮核研爛成膏

右各另為末煉蜜與棗膏丸每兩作十九丸用金

箔為衣每服一丸溫水化下

蘇合香丸 治氣中痰氣上攻牙關緊急不省人

事或卒暴氣逆心痛鬼魅惡氣及一切氣滯等



症

沉香 麝香 訶子肉 丁香

青木香 安息香 香附 草撥

白朮 白檀各二兩 薰陸香 蘇合油

龍腦另研 朱砂另研 烏犀角鎊末

右為末用安息香并煉蜜丸桐子大溫水化服

四九每兩作十丸熔黃臘包裹為善

青州白丸子 治半身不遂口眼喎斜痰涎壅塞

手足頑麻

半夏七兩水洗過生用

川烏頭半兩去皮臍生用

南星二兩生用

白附子二兩生用

右為末用絹袋盛之水浸日如急用以糊丸桐子大每服十丸薑湯下

瓜蒂散

瓜蒂錢二 赤小豆分五

右為末每夜於鼻內啗之取下黃水內服涼劑

六君子湯 方見二十四卷第六論

婦人風痺手足不隨方論第五



婦人風痺手足不隨或肌膚疼痛或肢體麻木  
蓋諸陽之經皆起於手足循行肢體因氣虛風邪  
所客而爲患也

愚按經云邪之所湊其氣必虛前症若風邪淫  
肝或怒動肝火血燥筋攣用加味道遙散脾肺  
氣虛肌膚不仁手足麻木用三痺湯若腎水虧  
損不能滋養筋骨或肝脾血虛而筋痿痺用六  
味丸服燥藥而筋攣者用四物生甘草氣血俱  
虛用八珍湯何醫林集要等方新刊丹溪心法

附錄云若人大拇指麻木不仁或手足少力或  
肌肉微掣二三年內必有太風之症宜先服八風  
湯天麻丸防風通聖散以預防之殊不知河間  
云風者病之末也所以中風有癱瘓者非謂肝  
木之風內中亦非六淫風邪外襲良由五志過  
極心火熾盛腎水虛衰不能制之則陰虛陽實  
而熱氣拂鬱心神昏憤筋骨無用而卒倒無知  
也治當以固元氣爲要若遽服八風等藥則反  
傷元氣適足以招風取中

仍參本卷  
首論主治



附治驗

一婦人因怒吐痰胸滿服一陳順氣化痰之劑半身不遂內熱口乾形氣殊倦余視之乃肝火熾盛而侮脾土也用逍遙散補中益氣湯六味地黃丸喜其慎疾年餘而愈

一孀婦胸脇脹痛內熱晡熱月經不調肢體痠麻不時吐痰或用清氣化痰藥喉間不利白帶腹脹又用清熱理氣藥膈不寬肢體時麻余曰此本鬱怒傷肝脾前藥傷甚耳朝用歸脾湯

以解鬱結生脾氣夕用加味道逍遙散以生肝血清肝火百餘劑而愈後因怒肢體復麻用補中益氣加山梔茯苓半夏而痊後復怒病再作月經如注脈浮洪而數此肝火傷脾不能攝血所致也用六君芎歸炮薑一劑而血止用補中益氣加炮薑茯苓半夏四劑而胃醒更用歸脾湯逍遙散調理而痊

一婦人頭暈吐痰用化痰理氣藥肢體或麻服祛風化痰藥肢體常麻手足或冷或熱此脾土



虛而不能生肺金用補中益氣加茯苓半夏炮薑二十餘劑脾氣漸復諸症稍愈更用加味道遙散二十餘劑而愈後因怒吐痰自服清氣化痰丸飲食不進吐痰甚多胸脇脹滿余用六君子倍加參朮少加木香數劑而康

三痺湯 治血氣凝滯手足拘攣風痺等疾

續斷 酒浸 杜仲 去皮切 薑汁炒

防風

桂心 細辛 人參

白茯苓

當歸 白芍藥 炒 黃芪 炒

牛膝 酒浸 炒

甘草 炒各五分 秦艽 生地黃 川芎

獨活 各三分

右薑水煎服

五痺湯 治風寒濕氣客留肌體手足緩弱麻痺不仁

片薑黃 羌活 白朮 防已 各一錢

甘草 炙五分

右薑水煎服

附方



東垣羌活湯 治濕熱身重或眩暈麻木小便赤澀下焦痿軟不能行履

羌活 防風 柴胡各一錢 藁本

獨活 茯苓 澤瀉 猪苓

黃芪炒 甘草炙 陳皮 黃柏酒炒

黃連炒 蒼朮 升麻 川芎各五分

右水煎服

甘草附子湯 治風濕相搏骨節煩疼不時抽痛不能伸屈抑之則痛劇汗出短氣小便不利惡

風不欲去衣或微腫痛

甘草炙一兩 附子一枚重一兩三四錢方是炮去皮尖不真不効

白朮炒一兩 桂枝二兩

右每服五錢水煎

八珍湯 治肝脾氣血俱虛不能養筋以致筋攣

骨痛或不能行履或發熱晡熱寒熱往來等症

加味道遙散 治肝經風熱血燥筋攣肢體不遂

內熱晡熱等症

歸脾湯 三方見二十四卷第四論



六味丸

方見二十四卷第十一論

四物湯

方見二十四卷第六論

補中益氣湯

方見二十四卷第十論

六君子湯

主方見二十四卷第六論

婦人中風自汗方論第六

古方續命排風越痺等湯皆用麻黃取其發汗而散風邪也然而無汗者為宜若自汗者用之則津液轉脫反為大害故仲景云中風自汗用桂枝湯發搖口眼瞶動遍身出汗用獨活湯續命煮散以

復榮衛而却風邪

愚按前症若腠理不固而自汗者用桂枝湯或防風白朮牡蠣湯若過服風藥而自汗者用白朮防風湯若陽氣虛弱而自汗者用芪附湯若兼盜汗用補中益氣湯送六味丸如不應<sub>六</sub>用當歸六黃湯

獨活湯 治風虛昏憤手足痲癢發熱及中風自汗等症

獨活

羌活

人參

防風



當歸

細辛

茯神去木

半夏薑製

桂心

白薇

遠志去心

菖蒲

川芎

各五分

右薑水煎服

續命煮散

治風氣昏憤四肢無力口眼攣動或

時搐搦或津液不足渴飲熱湯及產後中風自

汗等症

防風

獨活

當歸

人參

細辛

葛根

芍藥炒

川芎

甘草炒

熟地黄

自製半夏薑製

遠志去心

荆芥穗

各半兩

桂心

七錢半

右每服五七錢薑水煎汗不止加牡礪粉五分

防風白朮牡礪散

治中風氣虛腠理不密自汗

不止等症

白朮炒

牡礪煨

防風等分

右為末每服一二三錢米飲下日三服如不止服

黃芪建中湯

附方



柴胡桂枝湯 治傷風發熱自汗或鼻鳴乾嘔或  
痰氣上攻等症

桂枝二錢 黃芩炒 人參 白芍藥炒各錢半

甘草炙 半夏薑製 生薑各一錢 柴胡四錢

大棗二枚

右作一劑水煎服

白朮防風湯 治服表藥過多而自汗者

白朮炒 黃芪炒各二兩 防風兩

右每服五七錢水煎溫服未應倍之

芪附湯 方見十九卷第六論

補中益氣湯 方見二十四卷第六論

六味丸 方見二十四卷第十一論

當歸六黃湯 方見十九卷第十論

婦人筋脉痠疼方論第七 新附

醫學綱目云痠者筋脉急也痠者筋脉緩也急則引而縮緩則縱而伸或縮或伸動而不止者名曰痠痠俗謂之發搐是也凡癩癩風痙破傷風三症皆能痠痠但癩癩則仆地不省風痙痠痠則角弓



反張破傷風癱瘓則有瘡口竊謂瘕者屬肝經風熱血燥或肝火妄動血傷瘕者屬肝經血氣不足或肝火汗多亡血以致手足伸縮不已抽搦不利若因風熱血燥用羚羊角散加釣藤鈎山梔若肝火妄動用加味四物湯加釣藤鈎山梔若肝經血氣不足用八珍湯加釣藤鈎山梔若肝火亡血用加味道遙散加釣藤鈎山梔如不應須用六味丸以補腎水生肝木爲主佐以前劑治之若其脈長弦者是肝之本脈也則易治其脈短澁者是肺金

尅肝木也則難治其面色青中見黑者是水生木也當自愈青中見白者是金尅木也必難愈

附治驗方藥

一婦人素口苦月經不調或寒熱妊娠五月兩臂或拘急或緩縱此肝火傷血所致也用四物加柴胡山梔丹皮釣藤鈎治之而愈  
一妊婦因怒寒熱頸項動掉四肢抽搦此肝火血虛風熱用加味道遙加釣藤鈎數劑而痊

附方



羚羊角散 方見十四卷第二論

加味四物湯 方見二十四卷第六論

八珍湯

加味逍遙散 二方見二十四卷第四論

六味丸 方見二十四卷第十一論

婦人顫振方論第八 新附

黃帝曰人之顫者何氣使然岐伯曰胃氣不實則諸脉虛諸脉虛則筋脉懈墮筋脉懈墮則行陰用力不復故為顫因其所在補分肉間醫學綱目云

顫振與瘈瘲相類瘈瘲則手足牽引而或伸或屈顫振則但顫動而不伸屈也胃虛有痰用參朮以補氣茯苓半夏以行痰如實熱積滯用張子和三法

愚謂顫振者掉眩也易曰鼓萬物者莫疾于風鼓之為言動也大抵掉眩乃風木之搖運也諸風掉眩皆屬于肝治法若肝木實熱用瀉青丸肝木虛熱用六味丸肺金尅肝木用瀉白散肝木虛弱用逍遙散加參朮鈞藤鈞脾血虛弱用



六君子加芎歸釣藤鈎胃氣虛弱用補中益氣湯加釣藤鈎若產後顫振乃氣血虧損虛火益盛而生風也切不可謂風爲論必當大補斯無誤矣

附治驗方藥

一婦人性善怒發熱經水非過期則不及肢體倦怠飲食少思而顫振余以爲脾氣不足肝經血少而火盛也午前以調中益氣湯加茯苓只母送六味丸午後以逍遙散送六味丸兩月餘

而愈

一婦人身顫振口妄言諸藥不効余以爲鬱怒所致詢其故蓋爲素嫌其夫而含怒久矣投以小柴胡湯稍可又用加味歸脾湯而愈

附方

海藏愈風湯 治產後一切失血過多及汗後中

風搐搦方見十九卷第十二論

交加散 治瘵癢或顫振或產後不省人事口吐

痰涎



當歸

荆芥穗等分

右為細末每服三錢水一盞酒少許煎至七分灌下咽即有生理

增損柴胡湯

治產後或經適斷致手足牽搐咬

牙昏冒異症

柴胡八錢

黃芩炒四錢

半夏三錢

石膏四錢

知母二錢

黃芪炒五錢

甘草炙一錢

右為粗末每服半兩薑五片棗四枚水煎溫服

本事青鹽丸

治肝腎虛損腰膝無力顫振躓曳

茴香

末三兩

兔絲子

末四兩

乾山藥

末二兩

青鹽

一兩

右先將兔絲子洗淨無灰酒浸晒七日冬夫近火煨炙乾另為細末和勻酒糊丸梧子大每服五七十丸溫酒或鹽湯下常服壯筋力進飲食一婦人素患足躓曳久服此藥履地如故本事星附散 治中風能言而手足躓曳脈虛浮而數

天南星

半夏

味薄切片薑汁浸透

黑附子



白附子 炮 川烏 炮

白僵蠶 炒 沒藥

人參

白茯苓 各等分

右為粗末每服一盞酒水各一盞同煎至八分去滓熱進二三十服汗出即瘥予在桐廬有患此症用前藥三服得汗手足即能舉動

三因獨活散

治氣虛感風或驚恐相乘肝膽受

邪使上氣不守正位致頭招搖手足顛掉漸成

目昏

獨活

地骨皮

細辛

芎藭

菊花 甘味

防風 去

甘草 炙等分

右為粗末每服三錢水盞半煎至一盞去滓煎取清汁六分入竹瀝少許再煎一二沸食後溫飲日二服

世傳茯苓丸

治手臂抽牽或戰掉不能舉物服

此藥立愈又治臂痛如神方見後并註兼治之法

附方

補中益氣湯

方見二十四卷第十論



六味丸

方見二十四卷第十一論

加味歸脾湯

逍遙散

二方見二十四卷第四論

小柴胡湯

方見二十四卷第二論

婦人風寒臂痛方論第九

婦人臂痛或筋脉攣急遇寒則劇者由肝氣虛弱風寒客於經絡故其脉緊細宜用栝子仁丸舒筋湯若臂痛而不能舉或痛無定處此脾虛邪氣相搏中腕伏痰故其脉沉細如此宜用茯苓丸控沉

丹王之

愚按前症若肝血虛用加味逍遙散中氣虛用補中益氣湯血氣俱虛用八珍湯風熱血燥用秦朮地黃湯脾腎虛寒用栝子仁丸脾胃實熱用茯苓丸水不能生木用六味丸逍遙散怒動肝火用小柴胡加川芎當歸眩暈晡熱用四物柴梔丹皮晡熱月經不調用加味逍遙散食少體倦無寐盜汗用加味歸脾湯

附治驗



先太宜人遍身作痛筋骨尤甚不能屈伸口乾  
目赤頭眩痰壅胸膈不利小便赤短夜間殊甚  
遍身作痒如蟲行此屬肝腎氣虛而熱也用六  
味地黃丸料加山梔柴胡而愈

栝子仁丸

栝子仁二兩 熟地黃自製二兩 茯苓

枳殼去穰炒 覆盆子炒 五味子并炒 附子炮

石斛酒蒸炒 鹿茸酥炙 酸棗仁炒 桂心

沉香 黃芪各一兩 蜜水一方等分

右為末煉蜜丸栝子大每服二十九空心溫酒

下

舒筋湯 治風寒所傷肩臂作痛及腰下作痛又

名五痺湯

片薑黃一錢 甘草炒 羌活各三分 白朮

海桐皮 當歸 赤芍藥各五分

右水煎服

茯苓丸 治脾氣虛弱痰邪相搏停伏中脘以致

臂內筋脉攣急而痛



茯苓二兩 半夏薑製二兩 枳殼半兩製 風化朴硝一兩

右為末薑汁糊丸桐子大每服二十九食後薑湯下

控涎丹 凡人忽胸背手足頭項腰膝牽痛不定或頭痛昏倦痰唾稠粘喉中鋸聲手脚重痺此痰涎伏於胸膈也宜此治之

甘遂去心 大戟去皮 真白芥子各等分炒

右為末糊丸桐子大臨卧薑湯下五七丸痰盛服十九丸

白芥子散

治臂痛牽引背胛或輟或作由榮衛循行失度痰滯經絡或似癱瘓

真白芥子 木鱉子各三兩 沒藥另研

桂心 木香各半兩

右為末每服一錢溫酒下

愚按前三方脾氣虛弱者必佐以六君子湯中氣虛弱者必佐以補中益氣湯氣血虛者必佐以八珍湯脾氣鬱滯者必佐以歸脾湯肝經怒氣者必佐以逍遙散若專用前方治之胃氣益



虛病氣益甚不可不謹

流氣飲 治七情氣滯胸脇悶痞咽喉不利嘔喘  
面浮一便不調或氣攻肩背脇肋作痛或脚氣  
喘急腹脹便閉元氣充實者宜用此藥慎之

紫蘇葉

黃芪 炒

青皮 去白

當歸

半夏 薑製

烏藥

芍藥 炒

茯苓

桔梗

防風 各三錢

川芎

陳皮 各七錢五分

枳實 炒

木香 二錢五分

甘草 炙五分

大腹子 一兩薑製

右每服半兩薑棗水煎服

交加散 方見前

四物湯 治血滯中風血虛手足不遂如臂痛加

紅花煎 方見前

交加散加木瓜牛膝治冷痺肩臂作痛即人參敗  
毒和五積散

烏藥順氣散加羌活木瓜治外邪氣滯筋骨作痛  
或痰氣不利

附方

秦艽地黃湯 治肝膽經風熱血燥肩臂疼痛或



筋脉引急或時牽痛其內症發熱或寒熱晡熱  
月經不調或肢體酸痛等症

秦朮

熟地黃自製當歸各一錢

川芎

芍藥

牡丹皮 白朮

茯苓各一錢五分

釣藤鈞一錢柴胡

甘草炙各二分

右水煎服

逍遙散

加味逍遙散

加味歸脾湯

八珍湯

四方見二十四卷第四論

六味丸

方見二十四卷第十一論

小柴胡湯

方見二十四卷第二論

四物湯

補中益氣湯

二方見二十四卷第六論

婦人賊風偏枯方論第十

論曰賊風偏枯其狀半身不遂肌肉枯瘦骨間作  
痛經云汗出偏沮使人偏枯如樹木一枝津液不  
到則枯槁被風所害古人有云醫風先醫血血行



風自滅治法當用大八風湯增損茵芋酒續斷湯以養其血則風自祛矣

愚按醫風先醫血此論得之大抵此症多因胎前產後失於調養以致精血乾涸肝木枯槁治法當滋其化源考之生氣通天論曰風客淫氣精乃亡邪傷肝也陰陽應象大論曰風氣通於肝風搏則熱盛熱盛則水乾水乾則氣不榮故精乃亡此風病之所由作也

附治驗

一婦人性善怒常自汗月經先期余以為肝火血熱不信乃汎用降火之劑反致月經過期復因勞怒口噤呻吟肢體不遂六脉洪大面目赤色用八珍麥門五味山梔丹皮數劑漸愈兼用逍遙散六味丸各三十餘劑全愈

大八風湯 治中風偏枯失音不語時復恍惚或昏憤發熱

- 當歸 杏仁 甘草 炙
- 桂心 乾薑 炮各二兩 五味子 炒 升麻 各二兩
- 去皮尖 麩炒黃



川烏炮去皮尖黃芩炒

芍藥炒

防風

獨活 川芎

麻黃去節

秦艽

石斛酒去根人參

茯神去木

石膏

黃芪炒

紫苑各一兩

大豆三兩去皮炒

右每服五錢水煎服

續斷湯

當歸三兩

陳皮

芍藥炒

細辛各一兩

生地黄二兩續斷酒浸炒

右每服五七錢水煎臍寒下痢加熟附子一兩

金生虎骨散

治半身不遂肌肉乾瘦忌用麻黃

發汗恐津液枯竭惟當潤筋養血消風

當歸二兩

赤芍藥

續斷酒浸炒

白朮

藁本

虎骨炙各五兩

烏蛇肉炙半兩

右為末每服一錢酒調骨痛加生地一兩自利

加天雄半兩

虎脛骨酒 治中風偏枯四肢不隨一切風痺筋

脉攣拳

石斛

石楠葉

防風

虎脛骨炙



當歸

茵芋葉

杜仲

炒

牛膝

酒浸

續斷

酒浸

芎藭

巴戟

去心

狗脊

各一兩

右以絹囊盛藥用酒一斗漬十日每服一盞温

飲

附方

八珍湯

逍遙散

二方見二十四卷第四論

六味丸

方見二十四卷第十一論

婦人偏風口喎方論第十一

論曰偏風口喎者因體虛受風而入足陽明胃經  
蓋足陽明之經上夾於口風乘之其筋偏急故也

愚按前症當參本卷首論治之

附治驗

方藥與前諸  
治驗參看

一婦人懷抱鬱結筋攣骨痛喉間似有一核脹  
烏藥順氣等藥口眼歪斜臂難伸舉痰涎愈多  
內熱脯熱食少體倦余以為鬱火傷脾血燥生  
風用加味歸脾湯二十劑形體漸健飲食漸進  
又用加味道遙散十餘劑痰熱少退喉核少消



更用升陽益胃湯數劑諸症漸愈但臂不能伸  
此肝經血少而筋攣耳用六味地黃丸以滋腎  
水生肝血而愈

附方

升陽益胃湯

治脾胃虛弱肢體怠惰或體重節  
痛口舌乾渴飲食無味大便不調小便頻數飲  
食不消兼見肺病灑淅惡寒悽慘不樂乃陽氣  
不和也

羌活

獨活

防風各五錢柴胡

白朮

茯苓湯者不用澤瀉各三錢人參

黃連炒

陳皮各四錢

右每服三五錢薑棗水煎早溫服如小便愈而  
病益加是不宜利小便也當少減茯苓澤瀉

加味歸脾湯

加味逍遙散

二方見二十四卷第四論

六味丸

方見二十四卷第十一論

婦人怔忡驚悸方論第十二

夫心藏神為諸臟之王血氣調和則心神安靜若



勞傷心血外邪乘襲則心神驚悸恍惚憂懼不安  
用排風湯治之

愚按丹溪先生云驚悸者血虛用珠砂安神丸  
痰迷心竅用定志丸怔忡者屬火屬痰思慮便  
動者屬虛時作時止者火動也假如病因驚而  
致驚則神出其舍痰乘而入矣蓋人之所主者  
心心之所養者血心血一虛神氣不守此驚悸  
之所由作也治當調養心血和平心氣而已金  
氏婦暑月赴筵因坐次失序自愧成病言語失

倫兩脉弦數余曰當補脾自痰清熱不信以數  
巫者噴水咒之而死或謂病既無邪以邪治之  
何至於死予曰暑月赴筵外受蒸熱辛辣適口  
內傷鬱熱而况舊有積痰加之愧悶其痰愈盛  
又驚以法尺益驚其神而氣血不寧噴以法水  
閉其肌膚而汗不得泄內燔則陰既消而陽不  
能獨立不死何待故滑伯仁先生云若膽氣虛  
寒用茯神湯膽氣實熱用酸棗仁丸心氣虛熱  
用定志膏茯苓補心湯心氣實熱用珠砂安神



丸茯神散

附治驗 方藥

文學歸雲橋內月事不及期忽崩血昏憤發熱  
不寐或謂血熱妄行投以寒劑益甚或謂崩成  
受傷投以止血亦不効余曰此脾氣虛弱無以  
統攝故耳法當補脾而血自止用補中益氣加  
炮薑不數劑而驗惟終夜少寐驚悸別服八物  
湯不効余曰雜矣乃與歸脾湯加炮薑以補心  
脾遂如初

一婦人勞則心跳怔忡寒熱往來用歸脾湯爲  
主佐以八珍湯諸症漸愈又用加味逍遙散寧  
志丸而安後復作服歸脾定志二藥卽愈

一婦人患驚悸怔忡日晡發熱月經過期飲食  
少思用八珍湯加遠志山藥酸棗仁三十餘劑  
漸愈佐以歸脾湯全愈後因勞發熱食少體倦  
用補中益氣湯又因怒適月經去血不止前症  
復作先以加味逍遙散熱退經止又用養心湯  
治之而痊



一婦人驚悸怔忡無寐自汗盜汗飲食不甘怠惰嗜卧用歸脾湯而愈至年餘懷抱鬱結患前症兼衄血便血仍用前湯而愈

茯神散 治五臟氣血虛弱驚悸怔忡宜用此安

神定志

茯神去木

人參

龍齒另研

獨活

酸棗仁炒各三錢

防風

遠志去心

桂心

細辛

白朮炒各三錢

乾薑炒各三兩

右為末每服四五錢水煎服或蜜為丸服

茯苓補心湯 治心氣不足善悲愁怒衄血面黃

五心煩熱或咽喉痛舌本作強

茯苓四兩

桂心

甘草炒各三兩

紫石英煨

人參各一兩

大棗三十枚

麥門冬去心三兩

赤小豆三十四粒

右水七升煎一升半分三服

茯神湯 治膽氣虛冷頭痛目眩心神恐畏不能

獨處胸中煩悶

茯神去木

酸棗仁炒

栝子仁炒



白芍藥炒 五味子杵炒各一兩 桂心

熟地黃製自 人參 甘草炒各半兩

右每服五錢薑水煎

酸棗仁丸 治膽氣實熱不得睡卧神思不安驚悸怔忡

茯神去木 酸棗仁炒 遠志去心 栝子仁炒

防風各一兩 枳殼炒 生地黃杵膏各半兩

青竹茹二錢五分

右為末煉蜜丸桐子大每服七八十丸滾湯下

定志丸 治心神虛怯所患同前或語言鬼恠喜笑驚悸

人參 茯苓各兩半 菖蒲 遠志去心各一兩

右為末蜜丸如前服

養心湯 治心血虛驚悸怔忡不寧或盜汗無寐

發熱煩躁

黃芪炒 白茯苓 茯神去木 半夏麴

當歸酒拌 川芎各半兩 辣桂去皮 栝子仁

酸棗仁炒 五味子杵炒各三錢 甘草炙四錢



右每服三五錢薑棗水煎服

硃砂安神丸 治心經血虛頭暈心神驚悸等症

硃砂 飛過 五錢 黃連 酒洗 六錢 甘草 炙 五分 生地黃

當歸 各一錢 五分

右為末飯糊為丸每服十五丸如一二服不應

當服歸脾湯補之

治要茯苓散 治心經實熱口乾煩渴眠卧不安

或心神恍惚

茯神 麥門冬 各一兩 通草 五錢

升麻 各一兩二錢五分 紫苑 各七錢五分

知母 一兩 赤石脂 一兩七錢五分 大棗 十二

淡竹茹 五錢

右每服一兩水煎

補中益氣湯 方見二十一卷第十論

歸脾湯

八珍湯

加味逍遙散 三方見二十四卷第四論

寧志丸 方見後



婦人失血心神不安方第十三 原無論

竊謂前症若脾肝鬱熱用加味逍遙散脾肝鬱結用加味歸脾湯脾胃虛弱氣血不足用八珍湯十全大補湯脾肺虛弱氣血不足用補中益氣湯六君子湯痰氣鬱滯用六君桔梗貝母如不應審係氣虛但補脾胃如不應用獨參湯如惡寒發熱屬氣血俱虛內熱晡熱屬血虛作渴面赤是血脫煩躁皆宜甘苦之劑以補陽氣而生陰血經云血脫補氣若用寒涼之劑以降火

則誤矣仍審所屬之因而治之

寧志膏 治失血心神不安言語失常不得安睡等症

辰砂 另研 酸棗仁 炒 人參 白茯苓

琥珀 另研各五分 滴乳香 一錢研

右爲末每服一錢煎棗湯空心調下

附方

妙香散 治心氣不足精神恍惚虛煩少睡盜汗等症



甘草錢炒五 遠志去心炒一兩

辰砂另研三錢

麝香二錢另研 人參錢五

木香煨二錢手 山藥薑汁炙一兩

茯苓 茯神去木

黃芪各一兩 桔梗錢五

右為末每服二錢溫酒調

茯神湯 方見前

溫膽湯 治膽虛痰熱驚悸不眠

半夏 竹茹 枳實麩炒各二兩

陳皮 生薑四兩 甘草炒二兩

右每服一兩水煎

半夏湯 治膽腑實熱精神恍惚寒熱泄瀉或寤

汗憎風善太息

半夏一錢五分 黃芩一錢 遠志一錢

生地黄二錢

秫米一合 酸棗仁炒三錢

宿砂一錢五分

右長流水煎服

獨參湯 治元氣虛弱惡寒發熱或作渴煩躁痰

喘氣促或氣虛卒中不語口噤或痰涎上湧手

足逆冷或難產產後不省喘急用好人參一兩

或三四兩炮薑五錢一劑水煎徐徐服蓋人參



性寒故薑佐之如不應急加炮附子

加味逍遙散

加味歸脾湯

八珍湯

十全大補湯 四方見二十四卷第四論

補中益氣湯 方見二十四卷第十論

六君子湯 一方見二十四卷第六論

婦人風邪顛狂方論第十四

婦人顛狂由血氣虛而風邪所乘若邪并於陰則

發狂邪并於陽則發顛夫顛者卒發而意不樂直

視仆地吐湧涎沫口喎目急手足撩戾無所知覺

良久而甦狂者少卧不饑自高賢自辨智自貴倨

妄笑歌樂安行不休素問云陽厥狂怒飲以鉄落

狂怒出於肝肝屬木鉄落金也以金制木之意一婦人眼見鬼物言語失

常循衣直視或作心病治之無効投養正丹二服

煎乳香送三三生飲立愈 養正丹三三生飲方見本卷第一論

愚按前症劉宗厚先生云有在母腹中受驚者

或有聞大驚而得者蓋驚則神不守舍舍空則



痰涎歸之或飲食失節胃氣有傷痰停胸膈而  
作常尋火尋痰固元氣若頑痰膠固上膈必先  
用吐法若在腸胃亦須下之

竊謂此症若因元氣虛弱或痰盛發熱等皆是  
虛象如慢驚症無風可祛無痰可逐但補脾胃  
生氣健旺神智自清痰涎自化若誤用辛散祛  
逐腦麤之劑必為敗症

附治驗

一婦人素清苦因驚而癲或用風痰等藥愈甚

余用參芪歸朮濃煎佐以薑汁竹瀝二劑餘方

愈仍參十八十九卷狂言謔語乍見鬼神方

防風扶神散 治風顛啼泣歌笑或心神恐懼或

語言失常

防風 扶神去木 獨活 人參

遠志去心 龍齒 菖蒲去毛 石膏

牡礪煨各一兩 秦艽 禹餘糧煨 桂心各五錢

甘草炒三分 蛇蛻一條

右每服五錢水煎服



婦人良方  
排風湯

牛黃清心丸

治諸風緩縱不隨言語蹇澁痰涎

壅盛怔忡健忘或發癲狂

二方見本  
卷首論

婦人飛尸血厥方論第十五

夫飛尸者遊走皮膚穿行臟腑每發刺痛變作無常遁尸者附骨入肉攻通血脉見尸喪聞哀哭發便風尸者淫濯四肢痛而昏沉得風雪便作沉尸者纏骨結臍內腫心脇發而絞痛遇寒冷便作注尸者舉身沉重精神錯雜時覺昏憤每至節氣便作

並宜蘇合香丸治之

愚按丹溪云凡人忽手足逆冷肌膚起如米粒頭面青黑精神恍惚或錯言妄語或牙關緊急或昏寐仆倒弔死問喪人廟登墓多有此病先以蘇合香丸灌之次服調氣散平胃散玉機微義云卒厥飛尸客忤鬼擊口噤用麻黃湯寒厥表熱裏寒則下利清穀食入則吐脉沉手足冷用四逆湯熱厥腹滿身重難轉面垢譫語遺溺手足厥冷自汗脉沉滑用白虎湯若人身忽然



婦人良方  
不動目閉口噤惡聞聲音眩冒頃時方寤此由  
出汗過多氣併於血陽獨上而不下氣壅塞而  
不行耳氣過血還陰陽復通移時方寤名曰鬱  
冒亦名血厥宜服白薇湯倉公散

附治驗

錦衣楊永興舉家避青有僕沉醉失避者既而  
神思昏昧遍身青傷各煎金銀藤湯灌之即愈  
一婦人忽昏憤發謔語自云爲前謀賴某人銀  
兩某神責我將你起解往城隍理問兩脚踝膝

覺處皆青腫痛不可忍口稱苦楚次日方甦痛  
尚不止用金銀藤兩許水煎服即愈

一婦人入古墓患前症以紫金錠灌之即甦通  
政余子華太常汪用之皆因往弔而卒死喪家  
想卽是症

蘇合香丸 方見本卷第四論

白薇湯

白薇

當歸

各一兩

人參

甘草

一錢

右每服五錢水煎



倉公散 治卒中鬼擊心腹如刺下血不省及卧  
魔齒脚指不覺并諸毒等症

皂莢 藜蘆 雄黃 礬石 煨研各

右每用少許吹入鼻中未嚏再吹以得嚏為度

內鼻散 治尸厥脉動靜而若死用石菖蒲末吹

鼻中仍以桂末安於舌上蘇合香丸亦何

硫黃散 治尸厥不省四肢逆冷腹中如雷鳴或

痰氣不降

焰硝半兩 硫黃一兩各另為細末

右每服三分酒調灌之良久再服即甦

附方

麻黃湯 治寒厥或傷寒惡風發熱身痛無汗者

麻黃六錢 桂枝四錢 甘草炙二錢 杏仁二十枚炒

右作一劑水煎服

調氣散 治氣厥不省或痰氣上壅及治氣滯胸

膈不利

白豆蔻 丁香 檀香 木香各一錢

藿香 甘草炙各六錢 砂仁四錢



右為末每服一錢入鹽少許沸湯調下

四逆湯

白虎湯 二方見七卷第二論

神仙追毒丸

又名紫金錠又名太乙丹能解一切

毒或狐狸莽草毒菌河鮑疫死牛馬肉毒或蛇

犬惡蟲所傷及鬼怪惡瘡等毒或一廣斷腸草

蛇毒化菌等毒

文蛤

即五倍子槌破洗焙為末三兩

山茨菰

去皮淨末二兩

千金子

一名續隨子去殼研去油一兩

麝香

二錢另研

紅牙大戟

去蘆焙為末一兩五錢

右用糯米濃飲和作四十粒用井華水或薄苛

湯磨服利一兩次用粥止之修合須端午七夕

重陽或天德月德日於淨室焚香修製効驗不

能具述宜珍藏之凡人居家出入不可無此藥

箱外有婦與旅合陰以定年藥置食中且戒之

日子幾時來果從其言彼復以藥解之可無恙

若過期不往必死若遇此毒及前一應諸毒服

前藥一粒或吐或下即愈昔有女子勞瘵為尸



婦人良方  
蟲所墜磨服一粒吐下小蟲更服蘇合香丸遂  
愈若茵蕈菰子砒石時行瘟疫山嵐瘴氣自縊  
溺水打折傷死瘀血內滯心頭微溫用薑湯磨  
灌一粒可甦其急喉閉纏喉風脾腫赤眼癰疽  
發背諸瘡湯火所傷用東流水磨塗并服顛邪  
鬼氣鬼胎煖酒磨服余謂喉閉以下諸症果能  
灼見形病俱實乃可用之

婦人良方卷之三終



婦人良方卷之四

臨川陳自明 編

古吳薛 巳 註

後學蔣宗澹

宋雲璈

朱 明全校

婦人血風肢體骨節疼痛方論第一

婦人血風由氣血不足腠理不密風冷乘之以致邪正相搏故骨節疼痛肢體發熱口舌咽乾





愚按東垣先生云飲食失節脾胃虛弱乃血所生病故口中津液不行若火熱來乘土位故肢體發熱作渴若肝經血熱用四物羌活黃芩黃柏肝經血虛用逍遙散山梔川芎風濕兼痰用四物南星半夏羌活蒼朮風濕傷脾用羌活勝濕湯暑濕傷氣用清燥湯氣鬱肝脾用四君木香枳殼檳榔胃氣受傷用補中益氣湯瘀血流注用四物桃仁紅花骨痛筋攣用當歸沒藥丸倦怠無力用補中益氣羌活川芎

附治驗

一婦人自汗盜汗發熱晡熱體倦少食月經不調吐痰甚多二年後遍身作痛陰雨益甚此氣虛而風寒所乘用小續命湯疼痛頓止用補中益氣加味歸脾三十餘劑諸症悉愈  
一婦人月經不調且素有痛風遇勞必作用衆手重按痛稍止此氣血俱虛用十全大補加獨活而痛痊六味丸逍遙散而經調  
一婦人肢體作痛面色痿黃時或赤白發熱惡



寒吐瀉食少腹痛脇脹月經不時或如崩漏或痰盛喘嗽頭目眩痛或五心煩熱口渴飲湯或健忘驚悸盜汗無寐等症臥床年許悉屬肝脾虧損氣血不足所致用十全大補加味歸脾兼服月餘諸症悉痊

芎藭散

川芎錢一 赤茯苓 赤芍藥 酸棗仁炒  
 桂心 當歸酒洗 木香 牛膝酒洗  
 羌活 枳殼炒 甘草各三分

右水煎服

羚羊角散 治血風身體疼痛手足無力

羚羊角鎊 酸棗仁炒 檳榔各一兩  
 五加皮 防風 赤芍藥 當歸酒洗  
 骨碎補炒 海桐皮 川芎各五錢 甘草三錢

右爲末每服二錢溫酒調下

通靈丸 治血風手足疼痛不可忍

白附子一兩 全蝎半兩 麝香一字 僵蠶二兩炒去絲  
 右爲末煉蜜丸桐子大每服十九溫酒下日三



服

當歸沒藥丸 治風血肢體刺痛筋攣骨痺或手足麻木

當歸 五靈脂 各一兩 炒 沒藥 兩半

右為末醋糊丸桐子大每服三十丸薑湯下

虎骨散 治血風走痛或打撲作痛

虎骨 酥炙 敗龜板 酥炙 當歸 酒洗 桂心

牛膝 酒洗 漏蘆 地龍 去土 歲靈仙

玄胡索 炒自然銅 製等分

右為末每服二錢熱酒調下

附方

羌活勝濕湯 治頭痛脊痛腰似折項似拔

羌活 獨活 各一錢 藁本 防風

甘草 炙各五分 蔓荆子 川芎 各二分

右水煎服如身重腰沉沉然是濕熱也加黃柏

一錢附子五分蒼朮二錢

東垣清燥湯 方見後

四物湯 方見二十四卷第六論



補中益氣湯 方見二十四卷第十論

四君子湯 方見二十四卷第六論

小續命湯 方見十九卷第八論

逍遙散

加味歸脾湯

十全大補湯 三方見二十四卷第四論

六味丸 方見二十四卷第十一論

婦人血風白虎歷節走疰方論第二

婦人血風白虎歷節由體虛風邪乘之隨血而行

或淫溢皮膚或卒然掣痛走疰如虎齧者加減小續命湯王之

愚按東垣云若人身體沉重走疰疼痛此濕熱相搏或風熱鬱而不得伸附着於有形也是症多因飲食起居失節或因七情勞役失宜脾胃虧損腠理不密外邪所侵以致內熱晡熱自汗盜汗或經候不調飲食不甘治法濕熱腫痛者清燥湯兼痰佐以二陳湯肝火作痛者加味逍遙散脾鬱作痛者加味歸脾湯血虛作痛者四



物湯氣虛作痛者，四君子湯氣血俱虛者，八珍湯俱加羌活川芎，月經先期而痛者，加味道遙散頭眩倦怠而痛者，補中益氣湯大抵按之痛甚者，病氣實按之痛緩者，元氣虛勞役而痛者，亦元氣虛也，飲食失宜而痛者，脾氣虛也，惱怒而痛者，肝火盛也，若晝輕而夜重者，血分病也。

與前兼用

附治驗

一婦人歷節發熱作渴，飲食少思，月經過期，其

脉舉之洪大，按之微細，用附子八物四劑而痛止，用加味道遙而元氣復，用六味丸而月經調。一婦人體肥胖，素有熱，月經先期，患痛風，下體微腫痛甚，則小便頻數，身重，脉緩，此風濕血虛，而有熱，用羌活勝濕湯一劑，腫痛漸愈，用清燥湯數劑，小便漸清，用加味道遙散，內熱漸愈，又為飲食停滯發熱，仍痛，面目浮腫，用六君加柴胡升麻而愈。又因怒氣，小腹痞悶，寒熱嘔吐，用前藥加山梔木香而安，惟小腹下墜，似欲去後



此脾氣下陷用補中益氣而愈後因勞役怒氣作嘔吐痰遍身腫痛經行寒熱此肝木侮脾土用六君加柴胡山梔腫痛嘔吐悉退後用補中益氣而安

一婦人飲食少思畏風寒患痛風嘔吐寒熱脉弦緊用附子八物而四肢痛愈用獨活寄生而腰痛漸痊惟兩膝腫痛用大防風湯而痛漸愈用歸脾逍遙而元氣復

漏蘆散 治走疰疼痛

漏蘆 當歸酒洗 牛膝各三錢 桂心

地龍去土 防風 羌活 白芷

甜瓜子 沒藥各半兩 虎脛骨 敗龜板各酥炙二兩

右爲末每服二錢熱酒調下

四生丸 治骨節作痛或渾身麻痺

白殭蠶炒去絲 地龍去土 白附子

五靈脂 草烏去皮尖各等分

右爲末米糊丸桐子大每服二十丸茶清送下酒調服亦可



麝香丸 治歷節諸風走痛或如蟲行

大川烏 三箇去皮 尖生用 全蝎 二十箇 黑豆二十粒

地龍 去土 五錢 麝香 一字

右為末米糊丸棗豆大每服十九溫酒下。許

學士云予得此方凡歷節及不測疼痛一二服

便瘥治一貴婦遍身走痛夜如蟲噬三服而愈

附子八物湯 治歷節痛如錐鍛

附子 炮 乾薑 炮 芍藥 炒 茯苓

人參 甘草 桂心 各五分 白朮 一錢五分

右水煎服一方去桂用熟地黃一錢

獨活寄生湯 方見後

小續命湯 方見後 一婦人兩踝作痛上行膝髀肩肘

痛如錐鍛至夜尤劇六脉皆緊一劑而愈又鄧

安人夏月患此人迎脉虛此因暑而得用酒蒸

黃連丸一服亦安

附方

東垣清燥湯 治元氣虛濕熱乘之遍身痠軟或

肺金受邪絕寒水生化之源腎無所養小便赤



少大便不調腿腰痠軟或口乾作渴體重麻木  
頭目眩暈飲食少思或自汗盜汗肢體倦怠胸  
滿氣促上

黃芪一錢五分黃連炒神麴炒五味子九粒

猪苓柴胡甘草炙各二分蒼朮

白朮炒麥門冬去心陳皮炒生地黃

澤瀉各五分白茯苓人參當歸酒洗

升麻各三分黃柏酒拌一分

右水煎服

二陳湯方見二十四卷第五論

八珍湯

加味道遙散

加味歸脾湯三方見二十四卷第四論

四物湯

四君子湯

六君子湯三方見二十四卷第十論

補中益氣湯方見二十四卷第十論

六味丸方見二十四卷第十一論



羌活勝濕湯

方見前

大防風湯

方見二十四卷第九論

婦人血風癩瘡瘙痒方論第三

婦人瘙痒癩瘡五心煩熱乃血風攻症用人參荆芥散消風散逍遙散大抵因體虛風寒相搏赤屬血分而白屬氣分也經云汗出見濕乃生瘰癧凡汗出不可露卧沐浴使人身振寒熱致生風瘰愚按前症有身發疙塔或如丹毒痒痛不常或膿水淋漓發熱煩渴或頭目昏眩日晡益甚或

寒熱發熱月經不調皆肝經風熱血燥用加味逍遙散為主佐以四君芎歸若忿怒身發疙塔痛痒寒熱乃肝火血燥用加味小柴胡湯氣血俱虛八珍加柴胡丹皮若夜間發熱作渴謔語乃熱入血室用小柴胡加生地血虛四物合小柴胡後用加味道逍遙散調理若鬱結食少體倦內熱晡熱乃脾經血燥用加味歸脾湯寒熱加山梔熟地若遊走瘙痒乃血風走注用何首烏散血虛逍遙散風熱消風散若專用風藥復傷



陰血必致筋攣等症

附治驗

一婦人身發疙瘩或如丹毒痒痛不常搔碎成瘡膿水淋漓發熱煩渴頭目眩暈日晡益甚此血虛內熱之症以當歸飲加柴胡山梔治之而愈

一婦人患前症肢體疼痛頭目不清自汗盜汗月水不調肚腹作痛食少倦怠先用人參荆芥散後用逍遙散治之而痊

一婦人因忿怒身發疙瘩憎寒發熱余謂肝火用小柴胡湯加山梔黃連治之而愈後口苦脇痛小便淋漓復用前藥全愈

一婦人患前症發熱夜間譫語此血分有熱以小柴胡湯加生地治之而安後用四物湯加柴胡山梔丹皮而熱退又用逍遙散全愈

一室女十四歲天癸未至身發赤斑痒痛左關脉弦數此因肝火血熱以小柴胡湯加山梔生地丹皮治之而愈若因怒而致者亦宜治以前



藥治驗餘見二十四卷血風門

何首烏散 治皮膚瘙癢痒遊走無定

何首烏 防風

白蒺藜

炒

天麻

殭蠶

胡麻

炒

蔓荆子

各一

茵陳

五分

右水煎服

附方

四物湯

四君子湯 二方見二十四卷第六論

加味小柴胡湯

小柴胡湯 二方見二十四卷第一論

八珍湯

加味歸脾湯

加味逍遙散

逍遙散 四方見二十四卷第四論

消風散

方見二十四卷第七論

當歸飲

方見二十四卷第六論

人參荆芥散

方見五卷第三論





婦人虛風頭目眩暈方論第四

婦人頭眩由氣虛風入於腦循脈引於目系目系急而然也邪甚則必癩素問云頭痛癩疾下虛上實過在足少陰巨陽甚則入腎狗蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則暈狗蒙者如以物蒙其首招搖不定目眩耳聾皆暈之狀故肝厥頭痛不同也

愚按丹溪先生云眩者言其黑運旋轉其狀目

閉眼暗身轉耳聾如立舟船之上起則欲倒蓋虛極乘寒得之亦不可一途而取軌也若風則有汗寒則掣痛暑則熱悶濕則重滯此四氣乘虛而眩運也若鬱結生痰而眩暈者此七情虛火上逆也若淫慾過度而眩暈者此腎虛氣不歸源也若吐衄漏崩而眩暈者此肝虛不能攝血也有早起眩暈須臾自定者元氣虛也正元飲下黑錫丹傷濕頭運用腎着湯加川芎有痰用青州白丸子頭風風熱也久則目昏偏頭風



相火也久則目緊便澁皆宜出血以開表之竊  
謂前症肝虛頭暈用釣藤散腎虛頭暈六味丸  
頭暈吐痰養正丹不應入味丸血虛四物參苓  
白朮不應當歸補血湯氣虛四君歸芪不應益  
氣湯肝木實瀉青丸虛用地黃丸不應川芎散  
脾氣虛二陳參朮柴胡升麻不應益氣湯加茯苓  
苓半夏脾胃有痰半夏白朮天麻湯風痰上壅  
四神散發熱惡寒八物湯七情氣逆四七湯傷  
濕而暈除濕湯

附治驗

一婦人素頭暈不時而作月經遲而少此中氣  
虛弱不能上升而頭暈不能下化而經少用補  
中益氣湯而愈後因勞仕地月經如湧此勞傷  
火動用前湯加五味子一劑而愈前症雖云氣  
無所附實因脾氣虧損耳  
一婦人內熱口乾勞則頭暈吐痰帶下詳見六

卷第十六論

養正丹 治虛風頭眩吐涎不巳蓋此藥升降陰



陽補接真氣非止頭眩而已

黑鉛

水銀

硫黃 研

硃砂 各一兩 研

右用砂器銚下水銀攪勻離火少時入硫砂再攪候冷為末飯丸菘豆大每服二十九空心食前棗湯下

釣藤散 治肝厥頭暈

釣藤鈎

陳皮 炒

半夏 薑製

麥門冬 去心

茯苓

茯神 去木

人參 去蘆

甘菊花

防風 各一錢

甘草 各二分

石膏 各二錢

右薑水煎

川芎散 治肝腎虛風頭自眩暈或頭痛耳鳴目系緊急

小川芎

山藥

白茯苓

甘菊花 野菊不用

人參 各半兩

山茱萸肉 一兩

右為末每服二十錢酒調日三服

三五七散 治八風五痺肢體不仁或風寒入腦頭痛目旋耳內蟬鳴

附子 炮

細辛 各三兩

乾薑 炮

山茱萸 各五兩



防風

山藥

炒各七兩

右爲末每服二十錢溫酒調

四神散 治血風眩暈頭痛寒熱嘔痰

菊花

當歸

酒洗

旋復花

去梗

荆芥穗

各二錢

右葱白三寸茶末一錢水煎

蒼耳散 治血風頭旋或不知人事用啜起草嫩

心陰乾爲末酒服二十錢其功甚効

治頭旋如天動地轉各日心眩膽礬一兩細研用

麵餅劑一箇拌勻勒如骰子大瓦上焙乾每服

一散爲末燈心竹茹煎湯調下此去痰之法當審而用之

附方

正元飲 治下元虛敗痰氣上湧頭目眩暈臟腑

滑泄時或自汗手足逆冷霍亂轉筋等症

紅豆

炒二錢

人參

去蘆二兩

茯苓

二兩

附子

炮去皮尖一兩

甘草

炙二兩

肉桂

五錢

川芎

山藥

姜汁炒

烏藥

乾葛

各一兩

白朮

乾薑

炮三錢

黃芪

炙一兩五錢



右每服三錢薑棗水入鹽少許煎送黑錫丹  
 黑錫丹 治真陽虛敗痰氣壅塞心火炎熾或赤  
 白帶下等症

肉桂

沉香

附子

炮去皮臍

葫蘆巴

酒浸炒

破故紙

炒

茴香

炒

肉苳蔻

麵裹煨

陽起石

研水飛

金鈴子

蒸去皮核

木香

各一兩

硫黃

黑錫

去灰各二兩

右將黑錫硫黃入銚內煉結砂子傾出地上去  
 火毒研細餘藥為末和勻再研至黑光色酒糊

光桐子大陰乾入布袋擦令光潤每服四十九丸  
 腎着湯 方見十五卷第八論

青州白丸子 方見三卷第四論

六味丸

八味丸 二方見二十四卷第十一論

當歸補血湯 方見十九卷第六論

四物湯

四君子湯 二方見二十一

補中益氣湯 一方見二十四卷第十論



二陳湯 方見二十四卷第五論

瀉青丸 方見二十四卷第三論

八物湯 方見二十四卷第四論

四七湯 方見十二卷第七論

除濕湯 卽腎着湯加川芎

半夏白朮天麻湯 方見四卷第五論

婦人血風頭痛方論第五

許學士云婦人患頭風者十居其半每發必掉眩如在車船之上蓋因肝經血虛而風邪襲之爾用



川芎當歸散若頭痛連齒時發時止連年不已此風中腦謂之厥逆頭痛宜白附子散及灸曲鬢穴在耳掩前正尖上灸七壯左痛灸左右痛灸

愚按東垣云足太陽頭痛脉浮緊惡風寒川芎

羌活獨活麻黃爲主少陽經頭痛脉弦細往

來寒熱柴胡爲主足陽明頭痛身熱目疼鼻乾

惡寒發熱脉浮緩而長升麻湯或石膏白芷爲

主手太陽頭痛有痰體重或腹痛爲痰癖脉沉

緩蒼朮半夏南星爲主足少陰經頭痛足寒氣



逆爲寒厥脉沉細麻黃附子細辛湯爲主足厥陰頭項痛或吐涎沫厥冷脉浮緩吳茱萸湯主之諸血虛頭痛當歸川芎爲主諸氣虛頭痛人參黃芪爲主氣血俱虛頭痛調中益氣少加川芎蔓荊細辛療厥頭痛半夏白朮天麻湯厥逆頭痛羌活附子湯如濕氣在頭者以苦吐之不<sub>レ</sub>可執方而治若脉雜亂而病見<sub>レ</sub>不一宜補胃爲<sub>レ</sub>主

附治驗

一婦人因勞耳鳴頭痛體倦用補中益氣加麥門五味而痊二年後得子因飲食勞倦前症益甚月經不調晡熱內熱自汗盜汗用六味地黃丸補中益氣湯頓愈經云頭痛耳鳴九竅不利腸胃之所生也故脾胃一虛耳目九竅皆爲之病

一婦人兩眉稜痛後及太陽面青善怒此肝經風熱之症用選奇湯合逍遙散加山梔天麻黃芪半夏黃芩而愈此症失治多致傷目或兩耳



出膿則危矣頭痛手掉身麻見一卷第五論

川芎當歸散

川芎錢一 當歸酒拌 羌活 旋覆花

細辛 蔓荊子 防風 石膏煨

藁本 荊芥穗 半夏麩 生地黃

甘草炙各五分

右薑水煎

白附子散 治風邪風痰頭痛連齒不時舉發或連年不愈

麻黃不去根節 烏頭皮炮去 南星炮各半兩 白附子炮一兩

全蝎炒五枚 辰砂 麝香 白薑炮各一錢

右為末酒調服三分臥少時

川芎茶調散 治諸風上攻頭目昏重偏正頭痛

薄荷入兩 川芎 荊芥各四兩 羌活

白芷 防風 甘草炙各二兩 細辛一兩

右為末每服一錢食後茶清調

如聖餅子加細辛其効甚速若頭痛筋攣骨重少氣臧噫腹滿咳嗽煩寃其脉舉之則弦按之石



堅由腎氣不足而逆上謂之腎厥頭痛宜玉真  
丸硫黃丸

硫黃丸 治頭風不問新久服此除根屢用屢効

硫黃 兩二 硝石 兩一

右為末滴水丸指頂大每服一丸空心細嚼茶  
清下

一方用生菜菹汁仰臥注兩鼻數年之患一注即  
愈

一方治風邪犯腦患頭痛不可忍不問年歲

硝石 人中白 腦子 等分

右為末用一字吹入鼻中

都梁丸 治產前產後風邪所傷頭痛頭暈方見後

附方

調中益氣湯 治氣血俱虛而頭痛

芍藥 三分 升麻 二分 黃芪 錢一 甘草 五分

五味子 七粒 當歸 白朮 人參 各三分

柴胡 橘皮 各二分

右水煎



半夏白朮天麻湯

半夏一錢五分 白朮

神麴炒各一錢 天麻

黃芪

人參

蒼朮

陳皮

澤瀉

茯苓各五分

乾薑三分

大麥蘖一錢五分

黃栢酒製二分

右每服半兩水煎

羌活附子湯

麻黃

黑附子炮

白芷

白殭蠶

黃栢各三分

羌活

蒼朮各五分

防風

甘草

升麻各五分

黃芪五分

右水煎服

選奇湯

治風熱上壅鬚稜骨痛或頭目眩暈

羌活

防風各三錢

甘草

二錢夏生冬炒

黃芩

酒製冬去之

右每服三錢水煎時時服

吳茱萸湯

升麻湯

麻黃附子細辛湯

三方見六卷第十二論



補中益氣湯 方見二十四卷第十論

六味丸 方見二十四卷第十一論

逍遙散 方見二十四卷第四論

頸項強痛方論第六

夫頸項屬足太陽膀胱足少陰腎二經相為表裏若感風寒濕氣則發熱惡寒頸項強急腰背反張瘦瘠口噤脉沉遲弦細新產血虛出汗多患此症若因鼾睡失枕而致用三五七散追風散若風邪所傷用都梁丸木瓜煎

愚按東垣云肩背痛不可回顧此手太陽氣鬱而不行以風藥散之竊謂前症若因肝木自旺用瀉青丸精血不足六味丸風熱淫肝加味逍遙散怒動肝火加味小柴胡湯肝經血虛加味四物湯腎不能生肝六味丸膀胱氣滯羌活勝濕湯大抵肝火旺則肝血虛而筋燥頸項強急或腰背反張或四肢拳攣或頸項等處結核

附治驗

一婦人耳內或耳後項側作痛寒熱口苦月經



不調此肝膽經火兼傷脾胃用四君加柴胡升麻黃芪芍藥而愈後因勞役怒氣嘔吐脇脹用六君子湯加山梔柴胡而安

一婦人因怒寒熱作渴左目緊小頭頸動掉四肢抽搐遍身疼痛此血虛肝熱則生風也用加味道遙加鈞藤鈞數劑諸症漸愈又用八珍湯而痊

追風散 治風邪所乘頭目眩痛口眼歪斜牙關緊急或百節疼痛鼻塞聲重項背拘急皮膚瘙

痒面若蠱行

川芎

防風

石膏 煨

川烏

炮去皮臍尖

甘草 炙

荆芥穗

白僵蠶

炒去絲各一兩

天南星

羌活

地龍 去土

白附子 炮

全蝎

去尾針

白芷

各半兩

草烏

炮去皮臍尖

沒藥

研

乳香

研

雄黃

研各一錢

右為末每服五分用茶清少許食後臨卧調下  
都梁丸 治諸風項背不利頭目眩暈腦門作痛  
或產前產後傷風頭目昏重血風頭痛用白芷



未蜜丸彈子大每服一丸細嚼荆芥煎湯下

木瓜煎

木瓜

不犯鐵器二箇取蓋去穢

沒藥

二兩研

乳香

一兩研

右以木瓜去核入藥仍蓋合之飯上蒸爛研成膏每服二匙生地黄汁半盞無灰酒和服有入患此自午發至夜方止余曰此足少陰經症發必先從足起蓋足少陰之筋自足太指起至頭筋者肝之合也日中至夜天之陽陽中之陰又曰陽中之陰肺也自離至兌陰旺陽弱之時

故靈寶畢法云離至乾腎氣絕而肝氣弱肝腎一十臟受陰氣故發於是時予受此方二服而愈附方

瀉青丸

方見二十四卷第三論

六味丸

方見二十四卷第十一論

八珍湯

加味道遙散

二方見二十四卷第四論

加味小柴胡湯

方見二十四卷第二論

加味四物湯



四君子湯

二方見二十四卷第六論

羌活勝濕湯

方見前

婦人腰痛方論第七

夫腎主於腰若婦人腰痛由腎氣虛弱外感六氣內傷七情皆能致之如因風邪所乘用小續命湯加桃仁杜仲如因寒濕所傷五積散腎經虛弱青娥丸如因氣血凝滯用牽牛茴香之類

愚按陳無擇先生云若形體虛羸面色黧黑腿足痿軟不能行立此失志所為也腹急脇脹目

視眊眊宗筋弛縱白淫下注此鬱結所為也肌肉不仁飲食不化腸胃脹滿閉墜腰脇此憂思所為也皆屬內因若腰冷作痛身重不渴小便自利飲食如故因勞汗出腰痠脇痛或墜墮血滯或房勞精竭皆屬內外因也竊謂前症失志腎虛熱者六味丸腎虛寒者八味丸鬱怒傷肝實用龍膽瀉肝湯虛用六味丸補肝散憂慮傷脾者歸脾湯逍遙散腎着者寒則朮附湯虛則腎着湯腰膝痛者寄生湯養腎散瘀血滯者如



神湯舒筋湯房勞腰痛者青蛾丸十補丸

附治驗

一婦人腰痛三年矣每痛必面青頭暈目緊余以為肝脾氣虛用補肝散而愈三年後因勞役患頭痛兼惡心用補中益氣湯加茯苓半夏蔓荊子而愈

一婦人苦腰痛數年不愈余用白朮一味大劑服不三月而痊乃胃氣虛閉之症故用白朮也如神湯 治男婦腰痛

延胡索 當歸 桂心等分

右為末每服一錢溫酒調甚者不過數服

獨活寄生湯 治足三陰虛風濕所侵脚膝歷節

作痛

獨活 桑寄生 續斷酒炒 杜仲姜汁炒

細辛 牛膝酒拌炒 秦艽 茯苓

白芍藥炒 桂心 川芎 防風

人參 熟地黃自製常歸酒拌 粉草炙各五分

右水煎



舒筋散 治風寒傷腎脊作痛或閃挫氣滯血瘀亦良

玄胡索炒 杜仲姜汁炒 官桂去皮 羌活  
芍藥等分

右為末每服一錢酒調

又方橘核炒木香研酒下

附方

濟生木附湯 治寒濕傷腎腰重冷痛小便自利或手足逆冷

附子炮

白朮各一兩

杜仲姜炒

半兩

右每服四錢薑水煎

三因腎着湯 治腎虛為病身重腰冷如水洗狀不渴而小便自利飲食如故腰以下冷痛如帶數千錢

茯苓

白朮各四兩

乾薑炮

甘草炙各二兩

右每服四錢水煎空心服

青蛾丸 治腎虛腰痛或外邪所侵腰腿或筋骨

作痛



胡桃仁二十枚 蒜研膏四兩

破故紙酒浸炒八兩

杜仲去皮薑汁浸炒一斤

右爲末蒜膏丸桐子大每服五十九丸空心醋湯下蒜不用亦可

六味丸

十補丸

八味丸三方見二十四卷第十一論

龍膽瀉肝湯方見二十四卷第八論

補肝散方見七卷第十七論

歸脾湯

逍遙散二方見二十四卷第四論

養腎散方見後

婦人腰脚疼痛方論第八

腎主於腰脚女人胞絡係焉若勞傷腎氣風冷客於脉絡故腰脚作痛也治當補元氣爲主佐以祛邪之劑

愚按前症若眞陽衰敗寒邪乘襲手足俱冷頭痛惡寒或嘔吐腹痛等症宜用本方若氣血虛



婦人良方  
弱寒邪所感惡寒發熱頭痛作渴或嘔吐腹痛  
等症宜用五積散若元氣虛弱濕熱所傷兩脛  
腫痛寒熱身疼或嘔吐不食等症宜用續蘇敗  
毒散若脾胃虛弱元氣下陷寒熱嘔吐發熱頭  
痛喘渴體倦等症宜用補中益氣湯若足三陰  
精血虧損陰火內動內熱肺熱作渴痰甚小便  
頻數等症宜用六味地黃丸若足三陰陽氣虛  
敗惡寒發熱手足俱冷吐痰不食二便滑數等  
症宜用八味地黃丸

附治驗

一婦人先腰膈作痛後兩腿亦痛余以爲足三  
陰虛寒外邪所傷用小續命湯及獨活寄生湯  
或作或止所用飲食極熱腹中反快余曰邪氣  
去而元氣虛寒也診其脉果沉細用養腎散漸  
愈又用十補丸而痊

一婦人所患同前但發熱作渴喜冷飲食脉洪  
數按之遲澀余以爲血虛有熱用羚羊角散去  
檳榔加白朮茯苓數劑更用加味道遙散而痊



一婦人患前症時或腿膝作痛脉浮數按之遲  
 緩此元氣虛而風濕所乘用獨活寄生湯頓愈  
 又用八珍湯而安  
 一婦人因怒患前症寒熱往來口苦不食晡熱  
 內熱余以為肝火血虛先用小柴明山梔頓愈  
 又用加味道遙散而瘳  
 一婦人患前症寒熱頭痛殊類傷寒此寒邪之  
 症用續蘇敗毒散而安又用補中益氣調補而  
 愈

骨碎補散

治陽氣虛弱外寒所侵腰脚疼痛腹

脇拘急

- |     |   |    |    |    |    |    |       |
|-----|---|----|----|----|----|----|-------|
| 骨碎補 | 炒 | 草薺 | 酒炒 | 牛膝 | 酒炒 | 桃仁 | 去皮    |
| 海桐皮 |   | 當歸 | 酒拌 | 桂心 |    | 檳榔 | 各五分   |
| 赤芍藥 | 炒 | 附子 | 炮  | 川芎 |    | 枳殼 | 麩炒各三分 |

右薑棗水煎

養腎散 治腎經虛弱風寒所侵以致腰脚疼痛

不能步履

- |    |    |    |    |    |  |     |      |
|----|----|----|----|----|--|-----|------|
| 蒼朮 | 一兩 | 乾蝎 | 三錢 | 天麻 |  | 草烏頭 | 炮去皮尖 |
|----|----|----|----|----|--|-----|------|



黑附子

炮去皮臍  
各二錢

右爲末每服一錢酒調服麻痺少時隨愈孕婦  
勿服此治風寒傷腎膀胱虛寒之良藥用之得  
宜殊有神効

附方

五積散

方見後

檳蘇敗毒散

方見二十四卷第十論

補中益氣湯

方見二十四卷第十論

十補丸

六味丸

八味丸

三方見二十四卷第十一論

小續命湯

方見前

獨活寄生湯

方見前

羚羊角散

方見前

加味道遙散

八珍湯

二方見二十四卷第四論

小柴胡湯

方見二十四卷第二論

婦人風邪脚氣方論第九



婦人脚氣乃肝脾腎三經或胞絡氣虛爲風毒所搏而患蓋胞絡屬於腎主於腰脚三經絡脉起於足中指若風邪客於足從下而上動於氣故名脚氣皆由六淫七情或產後或經行風毒相搏其症或頭痛身熱肢節作痛或大便秘結小便不利或脚膝緩弱足脛腫滿或腰膝枯細忪悸嘔逆或小腹不仁舉體轉筋或胸滿氣急遍體酸痛用香蘇散加檳榔生薑若寒中三陽必冷用小續命湯若暑中三陰必熱用小續命湯去附子大躁者紫雪

最良無紫雪以自合薄苛煎冷水調服大便秘用脾約丸麻仁丸三和散補藥淋洗皆大禁也

愚按嚴用和先生云前症初患不覺因他病乃發先從脚起或緩弱痺痛不能行履或兩脛腫滿或足膝細小或心中怔忡或小腹不仁或舉體轉筋或見食作嘔或胸滿氣急遍體酸痛其脉浮而弦者因於風濡而弱者因於濕洪而數者因於熱遲而濇者因於寒男子由於腎氣虧損女子血海虛弱七情所致竊謂前症若足三



陰虛弱用還少丹若脾氣虛寒用八味丸若飲食停滯腎腿痠脹浮腫作痛此脾氣下陷用六君子少加柴胡升麻不應須用八味丸若發熱口渴月經不調兩腿無力此足三陰血虛火燥用六味八味二丸兼服前症西方之人多患之因素食乳酪脾胃壅滯脛足腫滿至於南方亦有因膏粱厚味濕熱下注而患者故古人謂之壅疾所用之方多疎通發散之劑然感於房勞過度虧損三陰治法又當以固本爲主故六物

附子爲元氣虛弱寒邪內侵之聖藥所屬各經等方附後

附治驗

一婦人兩膝赤痛寒熱口苦嘔吐懶食面色青黃或赤此肝木乘脾土用小柴胡湯加山梔升麻茯苓一劑頓愈又用六君子湯加柴胡山梔全愈  
一婦人飲食勞役兩膝兼腿疼痛或時寒熱余以爲脾虛濕熱下陷用補中益氣湯加山梔茯



如人良方  
苓半夏治之而痊後復作用六君子湯加柴胡  
山梔全愈

一婦人經行後寒熱晡熱兩腿作痛此肝經血  
虛也用加味逍遙散加山梔治之而愈後因勞  
日晡內熱或用四物黃柏知母之類前症益甚  
更加食少作瀉余以爲元氣下陷前藥復傷先  
用六君子湯加補骨脂一劑調補脾胃而瀉止  
食進又用補中益氣湯升舉元氣而愈

大腹皮散 治脚氣肢節煩疼心神壅悶或頭暈

喘嗽不食

大腹皮 紫蘇 荆芥 赤芍藥炒

青皮 木瓜不犯鐵器獨活各五分枳殼麩炒一錢

右薑葱水煎

半夏散 治脚氣上攻心腹脹滿飲食不下嘔吐  
不止

半夏薑製 陳皮 人參 大腹皮

桂心各三分 檳榔一錢 赤茯苓 紫蘇各五分

右薑水煎



桑白皮飲 治兩脚浮腫小便赤澀腹脇脹滿或  
喘嗽痰湧嘔吐不食

桑白皮炒 郁李仁去皮 赤茯苓各一錢

木香 防已酒拌 大腹皮 紫蘇子炒

木通去節 檳榔 青皮各五分

右薑水煎

附方

大黃左經湯 治四氣乘注足陽明經以致膝腿  
作痛或足脛赤腫嘔吐不食大小便秘結或惡

食喘急自汗等症

細辛 茯苓 羌活 大黃煨

甘草炙 前胡 枳殼炒 厚朴姜製

黃芩炒 杏仁去皮尖等分

右每服五錢薑棗水煎

麻黃左經湯 治風寒暑濕乘注足太陽經以致  
腰足攣痺肢節重痛或增寒發熱無汗惡寒或  
自汗惡風頭疼

麻黃 乾葛 細辛 白朮



茯苓

防已

酒拌

桂

羌活

甘草 炙

防風

右每服半兩薑棗水煎服

半夏左經湯

治足少陽經為風寒暑濕乘注以致惡寒發熱腰腿疼痛或頭目眩暈嘔吐不食或熱悶心煩腿痺不隨

或熱悶心煩腿痺不隨

半夏 薑製

乾葛

細辛

白朮

麥門冬 去心

茯苓

桂枝

防風

乾薑 炮

黃芩 炒

小草

甘草 炙

柴胡

右每服半兩薑棗水煎熱悶加竹瀝喘急加杏

仁桑白皮

六物附子湯

治四氣乘於足太陰經以致骨節

煩疼四肢拘急自汗短氣小便不利或手足浮

腫

附子 炮

桂

防已

各四錢

甘草

炙二錢

白朮

茯苓

各三錢

右每服半兩薑水煎



換腿丸 治足三陰經為風寒暑濕之氣所乘發為攣痺緩縱或上攻胸背下注脚膝疼痛發熱行步艱辛上

薏苡仁

南星

石楠葉

石斛

檳榔

草薢

酒拌

川牛膝

酒浸

羌活

防風

木瓜

各四兩

黃芪

炒

當歸

酒拌

天麻

續斷

酒炒各一兩

右為末酒糊丸如桐子大每服五十丸鹽湯下

五積散 治風寒所傷以致脚氣疼痛或寒熱拘

急嘔吐不食等症

當歸

酒拌

芍藥

炒

川芎

炮薑

人參

茯苓

陳皮

桔梗

炒

厚朴

薑炒

白芷

蒼朮

半夏

薑製

肉桂

麻黃

甘草

炒各五分

右薑棗水煎

當歸拈痛湯

治濕熱為病肢節煩疼肩背沉重

胸膈不利或兼遍身作疼足脛腫痛不可忍

者或濕熱流注下部瘡瘍赤腫



羌活

人參

苦參酒製

升麻

乾葛

蒼朮各一錢

甘草炒

黃芩酒炒

當歸

茵陳酒製各五分

防風

知母酒炒

澤瀉

猪苓

白朮各四分

右水煎服

紫蘇子湯

治脚氣上攻陰陽交錯清濁不分上

重下虛中滿喘急嘔吐自汗無復紀律

紫蘇子微炒

半夏薑製

前胡

厚朴薑製

甘草炙

當歸酒拌各二兩

桂心

陳皮

右每四錢入薑棗煎服

還少丹 方見二十三卷第四論

六味丸

八味丸 二方見二十四卷第十一論

小柴胡湯 方見二十四卷第二論

六君子湯 方見二十四卷第六論

補中益氣湯 方見二十四卷第十論

加味逍遙散 方見二十四卷第四論



婦人良方卷之四終

五



國家圖書館, NATIONAL CENTRAL LIBRARY, TAIWAN, R.O.C.



婦人良方卷之五

國家圖書館, NATIONAL CENTRAL LIBRARY, TAIWAN, R.O.C.

臨川陳自明 編

古吳薛 巳 註

後學蔣宗澹

宋雲璈

朱 明仝校

婦人勞瘵各症方論第一

夫骨蒸痿痺復連尸症勞症蟲症毒症熱症冷症  
食症鬼症症者注也自上注下與前人相似故曰



症其變有二十一種或三十六種或九十九種  
入沉沉默默寒熱盜汗夢與鬼交遺泄白濁或腹  
中有塊或腦後兩邊有結核咳嗽膿血下利羸瘦  
死而傳症甚至滅門更有蜚尸遁尸寒尸喪尸尸  
注謂之五尸人爲其症者不自知所苦雖有狸骨  
獾肝天靈蓋等方未嘗見効唯崔氏灸法早用有  
濟若寒熱自汗面白目乾口苦神昏善恐不能獨  
固傳在肝也若寒熱面黑鼻燥善忘大便秘瀉口  
舌生瘡傳在心也若寒熱面青唇黃舌本硬強言

語不出飲食無味羸瘦吐涎傳在脾也若寒熱面  
赤鼻白乾燥毛折咯嗽喘急吐涎膿血傳在肺也  
若寒熱面黃耳焦脚脰痠痛小便白濁遺瀝腹痛  
傳在腎也

愚按前症誠然有之故葛仙翁用獾肝一具陰  
乾杵末水下方寸七日三服未愈再作宋宣和  
間一法師善考訊鬼恠時一婦以疾投狀既而  
如有鬼祟所附曰非我爲患乃病人命自衰爾  
渠今已成蟲食肺故令吐血聲嘶又屢掠問彼



所畏何物云以獼爪爲末酒服之則去矣患家如其言得愈獼爪卽獼肝之類歟玄珠云蟲瘡多有兄弟互相傳染甚至絕戶此乃冤牽相傳及風水所係雖有符文法水下蟲之方然蟲去而人亦亡若能平素保養亦可免矣竊究濟生微旨云益氣補肺益精滋腎皆資其化源也蓋人之精血常不足加之數奪其真資化失常則胃氣不固精氣滑脫不能上接陽氣故頭重或痛氣弱而食少元氣下陷脉卽微弱外散欲絕

而虛洪或見損脉此實元氣不足之所致非有外感賊邪之病也

### 附治驗

一婦人素勤苦因喪子飲食少思忽吐血甚多而自止此後每勞則吐數口瘵症已具形體甚倦午前以補中益氣午後以歸脾湯送地黃丸而愈

一女子患前症反其唇視有白點此蟲蝕肺也余云急尋獼肝治之不信果咳膿而歿後聞其



兄弟三人皆夭於此症大凡久嗽當視其兩唇  
若上唇有點蟲蝕上部下唇有點蟲蝕下部

二十四種蒸病論新附

所謂勞蒸者毛折髮焦肌膚甲錯其蒸在皮外熱  
內寒身振肉瞶其蒸在肉髮焦鼻衄或復尿血其  
蒸在血身熱煩躁痛如針刺其蒸在脉爪甲焦枯  
眼昏脇痛其蒸在髓頭眩熱悶涎濁眵淚其蒸在  
腦男子失精女子白淫其蒸在玉房乍寒乍熱中  
腕煩悶其蒸在二焦小便赤黃凝濁如膏其蒸在

膀胱大便秘泄腹中雷鳴其蒸在小腸大腹隱痛  
口舌乾疼其蒸在大腸口鼻乾燥腹脹自汗睡卧  
不安其蒸在胃口苦耳聾兩脇下痛其蒸在膽裏  
急後重肛門秘澁其蒸在廣腸小腹疔痛筋脉絳  
緩陰器自強其蒸在宗筋眩暈下淚躁怒不常其  
蒸在肝舌黑氣短煩悶灑淅其蒸在心唇乾口瘡  
胸腹脹悶畏寒不食其蒸在脾咳嗽喘滿咯痰吐  
血聲嘶音啞其蒸在肺耳輪焦枯脚氣酸痛其蒸  
在腎情想不寧精物時下其蒸在右腎心膈噎塞



攻擊疼痛俛仰煩寃其蒸在兩此症蟲多嚙心肺  
治當絕其根也

愚按醫林集要云前症若蒸肺用天麥門冬桔  
梗紫苑烏梅肉若蒸皮石膏桑白皮若蒸氣喘  
促鼻乾身熱不安人參黃芩梔子若蒸大腸大  
黃芒硝若蒸心黃連生地黃當歸若蒸脉蒸血  
皆用生地黃當歸童子小便若蒸小腸赤茯苓  
木通生地黃若蒸脾芍藥木瓜苦參若蒸肉芍  
藥若蒸胃石膏粳米大黃芒硝乾葛若蒸膽柴

胡瓜萹若蒸二焦石膏竹葉若蒸肝川芎當歸  
前胡若蒸筋川芎當歸若蒸腎生地黃石膏知  
母寒水石藁本若蒸腦生地黃防風若蒸髓天  
門冬當歸生地黃若蒸骨鱉甲地骨皮當歸牡  
丹皮生地黃若蒸玉房知母黃柏當歸芍藥若  
蒸解澤瀉茯苓生地黃沉香滑石若蒸膀胱澤  
瀉滑石凡此多因熱病食肉與油膩房勞飲酒  
而成者久蒸不除變為疳症卽死亦有瘡疾久  
而不愈以致咳嗽失治漸成骨蒸勞瘵之症當



推標本而治之

崔氏灸骨蒸勞瘵用細繩一條男左女右從足大  
姆指頭齊量起從脚板底當脚跟中心向後引繩  
循脚肚貼肉直上至曲脊中橫紋截斷又令患人  
解髮分兩邊見頭縫自額門平分至腦後乃平身  
正坐取前所截繩一頭從鼻端齊引繩向上正循  
頭縫至腦後貼肉垂下循脊骨引繩向下至繩盡  
處當脊骨以黑點記此黑點不別取一繩令患人  
合口將繩按於口上兩頭至吻却鈞起繩中心至



鼻端根下如人字樣齊兩吻截斷將此繩展直於  
前在脊骨上黑點處取中橫量勿令高下於繩兩  
頭以白圈記之此是灸穴初灸七壯累灸至百壯此名患門穴初  
灸此訖次令其人平身正坐稍縮臂膊取一繩連  
項向前雙垂與鳩尾齊鳩尾是心岐骨無是岐骨者胸前兩岐骨間量取一寸即是即截斷却背翻繩頭向項後以繩中停取  
心正令當喉嚨結骨上第二次墨點處摺中橫量  
繩兩頭以白圈記之此是灸穴初灸七壯至百壯又將第十次  
量口繩摺中當脊直上下豎停中心在第一次墨



記上下繩頭盡處以白圈記之

此是灸穴初灸七壯累灸至五百壯

此縱橫四方凡四穴是名曰四花穴初灸各七壯

若瘡愈其疾未効依法復灸故云累灸至百壯

時可用灸足三寸半以瀉其火為好若婦人纏足短小難為量只取

膏盲膈灸之在第四椎下兩傍各三寸是穴次灸四花穴道軒用

此法灸之無有不効者

神仙秘法 取勞蟲須先擇良日焚香禱祝令病

人面向福德方服神効

青桑皮 楊柳枝 梅枝 桃枝 俱向東者各七莖

葱白 七莖 阿魏 一錢 青蒿 一握如無以子代

真安息香 一錢

右用童便一升半煎一升入阿魏再煮數沸入  
硃砂半兩小檳榔半兩麝香五分五更并天明  
各進一服下白蟲尚可治以淡粥補之用藥調  
理三五月再服以除病根如蟲黑已入腎不可  
救矣

治心胸痛引兩脇昏悶聲濁熱雍去鼻衄或痰喘發

熱



桑白皮炒

枳殼炒

木通

子芩炒

生地黄

白芍藥

甘草各五分

右水煎服

溫金散

治肺嗽惡寒發熱唾痰皮毛焦燥

甘草炒

黃芩炒

桑白皮炒

防風各兩

杏仁

廿七粒製人參

茯神

各五錢麥門冬三錢

右煎五味用米泔浸一宿曬乾入人參等三味

每服三錢入蠟一豆大水煎

桔梗飲子

治心氣不足解倦溢血或喘嗽痰甚

桔梗炒

甘草炒

黃芪炒

麥門冬

人參各一錢

青皮三錢

右水煎服

治咽喉痛

百藥煎去黑皮

鵬砂

甘草

生白礬等分

右為末每服一二錢食後用米飲調細呷嚥之

含化丸

治肺間邪氣胸中積血作痛失音痰喘

蛤蚧一雙去足炙

訶子去核

阿膠粉炒



麥門冬去心 細辛

甘草炙

生地黄各半兩

右為末蜜丸芡實大食後含化一丸

河車丸 治一切勞瘵虛損骨蒸等疾

紫河車

一具初生男胎者尤良洗淨杵爛本  
草云人肉治瘵病胞衣主勞損面黃

皮黑諸疾瘦悴

白茯苓

半兩

乾山藥二兩

右為末麵糊和入河車加三末丸梧子大每服

三五十九空心米飲下嗽甚五味子湯下

補肺湯 治勞嗽五臟虧損肺熱發熱盜汗自汗

唾痰喘嗽

桑白皮炒

熟地黄各一錢

人參

紫苑

黃芪炒

五味子炒各五分

右水煎入蜜少許食後服

養正膏 治傳尸出汗取蟲辟邪

鱉甲

一兩醋炒

青蒿

一握

淡豆豉

三七粒

葱白

兩莖

安息香

一分研

桃柳桑枝

各七莖

天靈蓋

用七莖大一片酥灸

桃仁

四十九箇去皮尖雙仁

右隔夜以水一升浸至五更煎至半升入童便

半升煎取四合調檳榔麝香末各一錢日高時



頓服以衣覆十指汗出如藕絲瀉下如蟲狀甚者旬日再服

阿膠丸 治勞嗽出血咯血發熱肺熱口渴盜汗

阿膠炒 生地黃 卷柏葉 山藥炒

大薊根 五味子杵炒 鷄蘇各一兩 栝子仁炒

人參 防風 麥門冬去心各半兩

右為末煉蜜丸彈子大每服下丸細嚼麥門冬煎湯下

四君子湯加秦艽黃蠟水煎服尤妙治勞嗽咯血

神授散 治傳尸蟲用川椒二十斤去核并合比者

炒為末每服一錢酒糊丸空心米飲下服盡見効

蘇合香丸 治傳尸骨蒸勞瘵疰疥鬼氣心痛方見三卷第四論

附方

四君子湯 方見二十四卷第五論

補中益氣湯 方見二十四卷第十論

歸脾湯 方見二十四卷第四論



六味地黃丸 方見二十四卷第十一論

婦人骨蒸勞方論第二

夫骨蒸勞者由積熱附於骨而名也亦曰傳尸癘  
疢復連無辜其名不一此病皆由脾胃虧損所致  
其形羸瘦腹脹泄痢肢體無力傳於腎則盜汗不  
止腰膝冷痛夢鬼交侵小便赤黃傳於心則心神  
忪悸喜怒不時頰唇赤色乍熱乍寒傳於肺則胸  
滿短氣咳嗽吐痰皮膚甲錯傳於肝則兩目昏暗  
脇下妨痛閉戶忿怒五臟既病則難治療

愚按前症多因經行胎產或飲食起居七情而  
傷肝脾之所致又或失於調攝或過於攻伐而  
成東垣先生云發熱之症肺熱者輕手乃得微  
按全無日西猶甚乃皮毛之熱其症喘嗽寒熱  
輕者用瀉白散重者涼膈散白虎湯地骨皮散  
心熱者微按之皮膚之下肌肉之上輕手乃得  
微按至皮毛則熱少加力按之則全不熱是熱  
在血脉也日中太甚其症煩心心痛掌中熱而  
臑用黃連瀉心湯導赤散硃砂安神丸脾熱者



輕手捫之不熱重手按至筋骨又不熱不輕不重在輕重之間此熱在肌肉遇夜猶甚其証急惰嗜卧四肢不收無氣以動用瀉黃散肝熱者按之肌肉之下至骨之上寅卯時猶甚四肢滿悶便難轉筋多怒多驚筋痿不能起於床用瀉青丸柴胡飲腎熱者輕手重按俱不熱加重手按至骨分其熱蒸手如火其症骨蒸如蟲蝕困熱不能起於床用滋腎丸此治實熱之法也竊謂肺經虛熱者用人參補肺湯脾氣虛而不能

生肺者用六君子湯脾熱遺於肺者用二黃丸心經虛熱者用補心湯命門火衰不能生土者用八味丸肝虛不能生心者用補肝散腎尅心者用附子理中湯脾經虛熱者用人參黃芪散土尅水者用承氣湯脾不能培肝者用六君子湯元氣下陷及金不能生水者俱用補中益氣湯肺尅肝及腎經虛熱與腎不能生肝者俱用六味丸

附治驗



一婦人發熱晡熱盜汗自汗殊畏風寒飲食少  
思或腹脹吞酸或大便不實此脾胃不足諸經  
虧損朝用補中益氣丸用八珍湯倍用參苓白  
朮各二十餘劑諸症漸愈因喪母哀傷患盜汗  
便血用加味歸脾湯數劑而止仍用前一藥又  
五十餘劑尋愈月經兩月而至適因怒去血過  
多發熱作渴肢體酸倦頭自暈痛用逍遙散加  
味歸脾湯一藥調補而痊

一婦人盜汗自汗遍身酸疼五心發熱夜間益

甚或咳嗽咽乾或盜汗自汗月經兩三月一至  
用加味道遙散六味地黃丸兼服臨臥又服陳  
朮丸三月餘諸症悉愈其經乃兩月一至又服

兩月而痊

陳朮丸即陳皮白朮爲丸

一婦人患前症食少倦怠肌肉消瘦日晡發熱  
至夜益甚月水過期漸至不通時發渴躁誤用  
通經之劑熱倦愈重飲食愈少余用八珍湯加  
升麻丹皮山梔柴胡治之熱漸退又用八珍丹  
皮軟柴胡調理而愈



一婦人飲食少思胸膈不利或胸中作痛或大便作瀉或小便不利用逍遙散加山梔茯苓遠志木香而愈後因怒寒熱往來倦怠煩熱以前藥加炒黑黃連三分頓愈用八珍湯調理而愈後因怒吐血躁渴用人參五錢苓朮當歸各三錢陳皮甘草各一錢治之而愈

一婦人胸脇作痛內熱晡熱月經不調余謂鬱怒傷損肝脾朝用歸脾湯以解鬱結生脾氣夕用加味道遙散以生肝血清肝火半載而愈後

因飲食失調兼有怒氣月經如注脈浮洪而數用六君子加芎歸炮薑一劑而血止用補中益氣加炮薑茯苓半夏治之而元氣復又用歸脾湯逍遙散調理而康

一婦人內熱口乾頭暈吐痰帶下體倦飲食少思余謂脾氣虛弱而不能生肺金用補中益氣湯加茯苓半夏脾氣漸復飲食漸進諸症漸退再用加味道遙散治之尋愈

一婦人腹脹脇痛內熱晡熱月經不調不時吐



痰或用化痰行氣之劑胸膈不利余謂脾氣鬱結肝經血虛朝用歸脾湯夕用加味道遙散百餘劑而諸症漸愈又因飲食停滯或用峻厲之劑口乾體倦余用七味白朮散補中益氣加茯苓半夏中氣漸愈又以補中益氣及八珍湯兼服而痊

一婦人患前症將愈因怒胸膈不利飲食少思服消導利氣之藥大便下血余曰此脾氣復損不能攝血歸源用補中益氣加茯苓半夏炮薑

血止用八珍加柴胡炒梔熟退用八珍湯道遙散而痊

一婦人肌體倦瘦口乾內熱盜汗如洗日晡熱甚用參芪歸朮茯神遠志棗仁麥門五味丹皮龍眼肉炙草柴胡升麻治之獲痊後因喪子懷抱不舒腹脹少寐飲食少思痰涎上湧月經頻數余爲鬱悶傷脾不能攝血制涎歸源耳用補中益氣濟生歸脾漸愈又用八珍湯調理而痊一婦人發熱口乾月經不調肢體無力腿痛體



倦二十膝浮腫余作足三十陰經血虛用六味丸逍  
遙散兼服兩月形體漸健飲食漸進膝腫漸消  
而痊

一婦人日晡熱甚月水不調飲食少思大便不  
實胸膈痞滿頭目不清肢體倦怠發熱煩躁余  
爲七情肝脾虧損之症用濟生歸脾湯加味道  
遙散補中益氣湯調治元氣漸復而愈

一婦人月經不調晡熱內熱飲食少思肌體消  
瘦小便頻數或用清熱生血之劑月經不行四

肢浮腫小便淋瀝余朝用金匱加減腎氣丸夕  
用歸脾湯漸愈又用八珍湯兩月而愈

一婦人胸脇膨滿小腹悶墜內熱晡熱飲食不  
甘體倦面黃日晡則赤灑淅惡寒此脾肺氣虛  
先用六君子加川芎當歸諸症漸愈又用補中  
益氣加茯苓半夏諸症全愈後飲食失節勞怒  
惡寒發熱不食用加味小柴胡二十劑而熱退用  
逍遙散歸脾湯調理而康

天靈蓋散 治骨蒸四肢無力晡熱頰赤食少心



煩

天靈蓋炙 安息香炙 地骨皮 當歸

山梔仁 人參 貝母去心 黃芪

桃仁去皮尖雙仁 炒黃 檳榔各一兩 煎醋

柴胡 生地黄 赤茯苓 麥門冬

阿魏

右每服五錢桃柳枝各七寸薑五片葱白五寸童使煎

愚按醫學綱目云柴胡本經並無一字治勞熱

今治勞方鮮有不用者誤世多矣凡此症乃真臟虧損而虛熱王海藏先生云苟無實熱而用柴胡不死何待蓋柴胡乃肝膽之藥雖能升胃氣下陷每劑不過分許而可多用哉產後氣血虛熱尤宜禁忌

懶肝丸 治骨蒸勞熱或潮熱發熱體瘦煩疼不欲飲食

懶肝具一 鱉甲醋 柴胡各一兩半 硃砂另研

桃仁去皮尖雙仁 炒黃 升麻 天靈蓋炙



犀角 鎊

梔子仁 炒

地骨皮

知母 各一兩

黃芪 炒

甘草

炒各五錢 麝香 一錢 研

右爲末煉蜜丸桐子大每服三十丸空心食前滾水下

黃芪丸

治骨蒸煩熱肢羸作痛口乾心躁睡卧

不寧等症

黃芪 炒

麥門冬

去心 茯神

柴胡

生地黃

甘草

炒各一兩 酸棗仁 炒

郁李仁 去皮

杏仁

去皮尖 麩炒

枸杞子

人參

黃芩

炒各三錢 鱉甲 二兩 製

右爲末蜜丸桐子大每服三十丸食遠清粥飲

下

鯨鬼丸

治骨蒸傳尸鬼氣伏連

麝香 分三

犀角 鎊

木香

白朮

各一兩

鬼箭羽

桃仁

去皮尖雙仁 麩炒黃

辰砂

另研

虎頭骨

酥炙 雄黃

各一兩 五錢

右爲末蜜丸桐子大溫水下二十丸此藥能辟

瘟疾可佩之



地仙散 治骨蒸肌熱煩燥勞熱口乾能生津液而清肺火

地骨皮 麥門冬 防風各五分 甘草炒三分

右薑水煎服

十全大補湯 治氣血虛熱加柴胡地骨皮秦艽

秦艽散 治五心煩熱頰赤

逍遙散 治血虛五心煩熱肢體疼痛頭目昏重

心忪頰赤口燥咽乾發熱盜汗減食嗜卧月水

不調臍腹脹痛寒熱如瘧痰嗽潮熱肌體羸瘦

漸成骨蒸 方見二十四卷第四論

枳殼散 治婦人手足煩熱盜汗肌痒經候不調

煩倦心膈滿悶狀如勞氣

枳殼去穰麩炒二兩 半夏麩 赤芍藥各一兩

柴胡 黃芩炒各一兩五錢

右為末每服三錢薑棗水煎服

華陀解勞生肌進食活血養心石膏每服水和錢

許甚驗

青蒿散 治體倦虛疲勞熱九月採青蒿去梗用



童子小便浸三日曬為末每服一錢烏梅一箇煎湯調服

清心蓮子飲參蘇飲加黃芩麥門冬並治五心煩熱手足熱甚

附方

加味小柴胡湯 方見二十四卷第二論

柴胡飲 治肌熱積熱或汗後餘熱脉洪實弦數

柴胡 人參 黃芩 芍藥

甘草 當歸 大黃 煨各二錢五分

右薑水煎服

瀉白散 治肺臟氣實心胸壅悶咳嗽煩喘大便

不利

桔梗 炒 地骨皮 甘草 炙 瓜蒌仁

升麻 半夏 薑 製 桑白皮 炒 杏仁 去皮尖 等分

右每服四錢薑水煎

導赤散 治心虛蘊熱小便赤澀或成淋瀝口舌

生瘡等症

生地黃 木通 甘草 等分



右每服三錢竹葉水煎

瀉黃散 治脾熱口臭咽乾或口舌生瘡發熱作瀉

瀉

石膏

山梔子炒 防風

甘草

藿香等分

右每服三錢水煎

涼膈散 治上焦積熱煩躁作瀉頭目昏瞶咽喉

腫痛便溺赤澀語言謔妄等症

大黃煨

朴硝

甘草

各二兩 連翹四兩

梔子仁炒

黃芩炒

薄荷葉

各一兩

右為末每服二三錢竹葉七片水煎溫服

白虎湯 治胃熱作瀉暑熱尤効又治熱厥腹滿

身難轉側面垢譫語遺溺手足厥冷自汗脉沉

滑大便泄清水無度

知母

石膏

各二錢 粳米半合

右水煎服

附子理中湯 治脾胃虛寒手足厥冷飲食不入

或腹鳴切痛嘔逆吐瀉方見二十一卷第八論



硃砂安神丸 方見三卷第十論

地骨皮散 方見六卷第三論

黃連瀉心湯用一味黃連為末每服一錢以白湯

調下

瀉青丸 方見二十四卷第三論

承氣湯 方見前

滋腎丸 方見八卷第一論

八參補肺湯 方見二十四卷第十二論

補中益氣湯 方見二十四卷第六論

六君子湯 方見二十四卷第六論

三黃丸 方見八卷第八論

補心湯 方見前

六味丸

八味丸 二方見二十四卷第十一論

補肝散 方見七卷第十七論

人參黃芪散 方見十三卷第十論

加味歸脾湯

八珍湯



加味逍遙散

逍遙散

歸脾湯

五方見二十四卷第四論

七味白朮散

方見二十一卷第二論

金匱加減腎氣丸

方見二十一卷第十論

婦人血風勞氣方論第三

婦人血風勞症因氣血素虛或產後勞傷外邪所乘或內有宿冷以致腹中疼痛四肢酸倦發熱自汗月水不調面黃肌瘦當調補肝脾氣血為主

愚按東垣云喜怒不節起居不時有所勞傷皆損其氣氣衰則火旺火旺則乘其脾土脾主四肢故因熱懶言動作喘乏表熱自汗心煩不安當病之時宜安心靜坐存養其氣以甘寒瀉其熱氣以酸味收其散氣以甘溫補其中氣經言勞者溫之損者溫之要畧云平人脈大為勞以黃芪建中湯治之

附治驗

一婦人勞則足跟熱痛余以為足三陰血虛用



聖愈湯而痊後遍身搔痒誤服風藥發熱抽搐  
肝脉洪數此肝家血虛火盛而生風以天竺二膽  
星爲丸用四物麥門五味苓連炙草山梔柴胡  
煎送而愈

一婦人素清苦勤於女工因感風邪自用表散  
之劑反朝寒暮熱自汗盜汗形氣虛甚其脉或  
浮洪或微細其面或青白或痿黃此邪去而氣  
血愈虛也用十全大補湯三十餘劑漸愈又用  
加味道遙散兼治半載而痊

人參荆芥散 治遍身疼痛頭昏目澁心忪煩倦  
寒熱盜汗頰赤口乾痰嗽胸滿月水不調腹痛  
癖塊

- 荆芥
- 人參
- 生地黃
- 柴胡
- 鱉甲醋炙
- 酸棗仁炒
- 枳殼炒
- 羚羊角鎊
- 白朮各七分
- 川芎
- 當歸酒拌
- 桂心
- 防風
- 甘草各五分

右薑水煎日一服

地黄煎 治血虛心忪發熱



生地黃 熟地黃 自製等分

右用薑汁和水拌杵丸桐子大每服五十丸空心白湯下日三服若臟腑虛寒早間先服八味丸下服

愚按前方肝脾血虛發熱內熱晡熱盜汗作渴體倦筋骨疼痛筋脉拘攣血虛發躁虛熱生痰咳嗽之良劑若因肝脾腎精血燥熱生痰胸膈痞滿喘咳作渴及一切虛火症必用六味丸為主

乞力伽散 治血虛肌熱或脾虛蒸熱或內熱寒熱

熟

白朮 白茯苓 白芍藥 炒各一錢 甘草 炒五分

右薑棗水煎

附方

黃芪建中湯 方見二十一卷第四論

聖愈湯 方見二十四卷第九論

四物湯 方見二十四卷第六論

六味丸



加味逍遙散

二方見二十四卷第四論

六君子湯

方見二十四卷第六論

補中益氣湯

方見二十四卷第十論

歸脾湯

十全大補湯

二方見二十四卷第四論

人參養榮湯

方見二十四卷第三論

八味丸

方見二十四卷第十一論

婦人冷勞方論第五

婦人冷勞屬血氣不足臟腑虛寒以致膈下冷痛

手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也

愚按前症有內外真寒然有內外真熱亦有內真熱而外假寒者又有內真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之症也宜用附子理中湯以回陽八味地黄丸以壯火若飲食如常大便堅實胸腹痞脹飲食喜冷手足煩熱面赤嘔吐不畏風寒此內外真熱之症



也宜用黃連解毒湯以消陰六味丸以壯水若  
飲食如常大便堅實胸腹痞脹飲食喜寒手足  
逆冷面黃嘔吐畏見風寒此內真熱而外假寒  
也亦用解毒湯六味丸若飲食少思大便不實  
吞酸噎氣胸腹痞滿手足逆冷面赤嘔吐畏見  
風寒此內真寒而外假熱也亦用附子理中湯  
與八味丸當求其屬而治之經曰益火之源以  
消陰翳壯水之主以制陽光使不知真水火之  
不足泛以寒熱藥治之則舊疾不去新病復生

矣夫所謂屬者猶王也謂心腎也求其屬也者  
言水火不足而求之於心腎也火之源者陽氣  
之根卽心是也水之主者陰氣之根卽腎是也  
非謂火爲心原爲肝水爲腎王爲肺也大抵寒  
亦抑心熱亦強腎在治者審之

### 附治驗方藥

一婦人食少作嘔口吐痰涎面黃腹痛月經不  
調手足逆冷余謂此內外俱寒之症遂以六君  
加附子木香治之而愈



先太宜人忽嘔吐酸水內熱作渴飲食不進惟  
喜冷水面色青赤投之以藥入口卽吐此內外  
真熱之症積十餘日以黃連一味煎湯飲之徐  
加白朮茯苓仍加陳皮當歸炙草至月餘始進  
米飲稀粥調理而愈

一婦人內熱作渴太便秘結畏惡風寒手足逆  
冷余以爲內真熱而外假寒先用黃連解毒湯  
後用六味丸而愈

太方室趙氏初患痰喘熱渴醫以降火散氣治

之肌日削而氣日索延至甲辰木旺痰盛身熱  
口腐腹脹神昏絕食幾死先生診之云此乃虛  
熱無火投以壯水生津之劑隨服隨効得以不  
死竊喜久安忽值戊申夏初坐則頭墜不能起  
視臥則背冷覺風透體煩熱暈眩咳嗽痰湧手  
足麻冷病勢危殆自分必死得先生在診之日  
此內真寒外假熱之症也遂以大補薑附之劑  
飲之不三四服而太勢已平仍以前藥加減而  
愈則其他以有餘之火治之無怪乎其展轉增



劇也微先生則山妻不死於甲辰之春難免於  
戊申之夏矣太方感慨不巳援筆備述求附卷  
末度幾醫者之不昧病者之得全先生之惠垂  
諸無窮豈一世一人之幸哉長洲沈太方頓首  
拜書

八味丸

六味丸

二方見二十四卷第十一論

附子理中湯

方見十卷第八論

黃連解毒湯

方見六卷第十一論

六君子湯


方見二十四卷第六論

婦人良方卷之五終

婦人良方卷之五

五





國家圖書館, NATIONAL CENTRAL LIBRARY, TAIWAN, R.O.C.

婦人良友

五月



婦人良方卷之六

臨川陳自明 編

古吳薛 巳 註

後學蔣宗澹

宋雲璈

朱 明全校

婦人熱勞論第一

婦人熱勞由心肺壅熱傷於氣血以致心神煩躁  
頰赤頭疼眼澁唇乾口舌生瘡神思昏倦四肢壯





熱飲食無味肢體酸疼心怔盜汗肌膚日瘦或寒熱往來當審其所因調補氣血其病自愈矣

愚按前症乃壯火食氣虛火煎熬真陰之所致也王太僕云如太寒而甚熱之不熱是無火也熱來復去晝見夜伏夜發晝止是無水也當治其心如太熱而甚寒之不寒是無水也熱動復止條忽往來時動時止是無水也當助其腎心盛則生熱腎盛則生寒腎虛則寒動於中心虛則熱收於內竊謂前症若肝脾血虛用四物參

朮肝脾鬱怒小柴胡合四物湯脾胃氣虛補中益氣湯肝脾血虛加味逍遙散肝經風熱加味小柴胡湯心經血虛天王補心丹肺經氣虛人參補肺湯肝經血虛加味四物湯大抵午前熱屬氣分用清心蓮子飲午後熱屬血分用四物參朮丹皮熱從左邊起肝火也實則四物龍膽山梔虛則四物參朮黃芪熱從臍下起陰火也四物參朮黃柏知母酒拌炒黑五味麥門肉桂如不應急用加減八味丸不時而熱或無定處



或從脚心起此無根虛火也用加減八味丸及十全大補湯加麥門五味王芝

附治驗

一婦人經行不調飲食少思日晡熱甚余以為肝脾氣血俱虛用十全大補加山茱山藥丹皮麥門五味而愈次年秋寒熱如瘧仍用前藥而愈

一婦人生育多胎月經不調兩足發熱年餘其身亦熱勞則足痠痛又年許唇腫裂痛又半年

唇裂見血形體瘦倦飲食無味月水不行此氣血俱衰之症彼誤用通經丸等藥復傷氣血遂致不起惜哉

黃芪散 治發熱羸瘦心燥口乾不欲飲食或盜

汗晡熱

人參

黃芩

炒

當歸

各三錢

柴胡

五分

黃芪

炒

地骨皮

白茯苓

麥門冬

去心

生地黃

白芍藥

炒各一錢

甘草

炒三分

右薑水煎



猪肚丸 治熱勞羸瘦

柴胡 赤茯苓 人參 黃芪 各一兩

黃連 炒三兩 地骨皮 木香 各五錢 桃仁 去皮尖

鱉甲 各一兩

右為末用嫩猪肚一枚入藥縫合蒸熟研爛丸桐子大每服三五十九食前米飲下日二服

附方

清心蓮子飲 治熱在氣分口乾小便白濁夜間

安靜晝則發熱又治口舌生瘡或口苦咽乾煩

躁作渴小便赤澀下淋不止或莖中作痛

黃芩 炒 麥門冬 去心 地骨皮 車前子 炒

甘草 各一錢半 石蓮肉 茯苓 黃芪 炒

柴胡 去苗 人參 各一錢

右每服五錢水煎

補中益氣湯 方見二十四卷第十論

加味四物湯

四物湯 二方見二十四卷第六論

加味小柴胡湯



小柴胡湯

二方見二十四卷第二論

十全大補湯

加味逍遙散

二方見二十四卷第四論

天王補心丹

寧心保神益血固精壯力強志令

入不忘清三焦化痰涎祛煩熱除驚悸療咽乾

育養心神

人參去蘆

茯苓

玄參

丹參

桔梗

遠志

各五錢

當歸

酒浸

五味

麥門冬去心

天門冬

栢子仁

酸棗仁

炒各一兩

生地黃

兩四

右為末煉蜜丸桐子大用硃砂為衣每服一二三

上丸臨卧竹葉煎湯送下一方多石菖蒲熟地

黃杜仲百部茯神甘草此方內天麥門冬玄參

生地雖能降火生血化痰然其性沉寒損傷脾

胃尅伐生氣若人飲食少思大便不實者不宜

用

人參補肺湯

方見二十四卷第十二論

加減八味丸

方見二十四卷第十一論



婦人客熱方論第二

婦人客熱由元氣虛而外熱乘之以致口燥心煩  
 四肢壯熱肌肉消瘦治法當審其因而調補之  
 愚按前症若客邪所侵用補中益氣加川芎防  
 風肝虛血少六味地黃丸胃火飲冷錢氏瀉黃  
 散胃虛飲湯七味白朮散潮熱時熱八珍湯晡  
 熱內熱逍遙散發熱體倦補中益氣湯恚怒發  
 熱小柴胡湯鬱怒發熱加味歸脾湯寅卯酉戌  
 時熱升陽益胃湯

附治驗

一婦人素有胃火服清胃散而安後因勞役躁  
 渴內熱肌肉消瘦月經不行此胃火消燦陰血  
 用逍遙散加丹皮炒梔以清胃熱用八珍湯加  
 茯神遠志以養脾血元氣充足而經自行矣

麥門冬散 治四肢倦痛煩悶不食或寒熱往來

- 麥門冬去心 柴胡
- 赤芍藥 桑白皮炒 黃芪炒各四分 生地黃
- 甘草炒各三分
- 赤茯苓 羚羊角鎊



右薑水煎

附方

補中益氣湯

方見二十四卷第十論

六味丸

方見二十四卷第十一論

瀉黃散

方見五卷第三論

七味白朮散

方見一十一卷第一論

八珍湯

加味歸脾湯

逍遙散

方見二十四卷第四論

小柴胡湯

方見二十四卷第二論

升陽益胃湯

方見三卷第九論

清胃散

方見二十四卷首論

婦人寒熱方論第三

經曰陽不足則先寒後熱陰不足則先熱後寒皆由勞傷氣血陰陽不調寒熱如瘧也當分氣血虛實而治之

愚按前症若寸口脉微名曰陽不足則陰氣上入於陽中用補中益氣湯若尺部脉弱名曰陰



不足則陽氣下陷入陰中用益陰腎氣丸若因氣血俱虛用八珍湯若因怒動肝火用小柴胡湯若陰陽俱不足則氣血不歸其本部以致寒熱交爭也

附治驗

一婦人年六十有四久鬱怒頭痛寒熱春間乳內時痛服流氣飲之類益甚時有血如經行又大驚恐飲食不進夜寐不寧兩乳腫脹兩脇厥痛午後色赤余以為肝脾鬱怒火燥先以逍遙

散加酒炒黑龍膽一錢山梔一錢五分服一二劑腫痛頓愈又一二劑全愈再用歸脾湯加炒梔貝母諸症悉愈

地骨皮散

治血風氣虛時作寒熱或肺熱內熱

柴胡

地骨皮

各一兩

桑白皮

炒

枳殼

炒

前胡

黃芪

炒各五分

白茯苓

五加皮

人參

甘草

桂心

白芍藥

各三分

右薑水煎服

柴胡散

治寒熱體痛口乾心煩飲食少思肌體



消瘦

柴胡 黃芪炒 赤茯苓 白朮各一錢

人參 地骨皮 枳殼炒 生地黃

苦梗 桑白皮炒 赤芍藥各三分

鱉甲炙二錢 麥門冬去心一錢 甘草三分

右薑水煎服

益陰腎氣丸 治諸臟虧損發熱晡熱潮熱盜汗

或寒熱往來五心煩熱或口乾作渴月經不調  
或筋骨痠倦飲食少思或頭自不清痰氣上壅

咳嗽晡甚胸膈痞悶或小便赤數兩足熱痛或  
脚足痿軟肢體作痛等症此壯水之主以制陽  
光之劑也

澤瀉 茯苓 生地酒拌 牡丹皮

山藥 茱萸肉 當歸 五味子炒

熟地自製 杵膏

右為末入一十膏加煉蜜丸桐子大硃砂為衣每  
服五十九空心淡鹽湯下

補中益氣湯 方見二十四卷第十論



六味丸

方見二十四卷第二論

小柴胡湯

方見二十四卷第二論

八珍湯

逍遙散

歸脾湯

三方見二十四卷第四論

寡婦寒熱如瘧方論第四

倉公傳與褚氏論皆云師尼寡婦獨陰無陽慈心萌而不遂是以慊慊成病以致乍寒乍熱而類瘧狀久則為勞又有經閉白淫痰逆頭風膈氣痞悶

面黧瘦瘠等證皆寡婦之病診其脉獨肝脉弦出寸口而上魚際皆血盛而致經云男子精盛則思室女人血盛則懷胎觀其精血思過半矣

愚按前症若肝脉弦出魚際用生地黃丸血虛佐以四物湯若兼怒動肝火而寒熱佐以加味逍遙散若虧損肝經而寒熱佐以八珍湯若虧損元氣而寒熱佐以補中益氣湯若鬱傷脾氣而寒熱佐以濟生歸脾湯

附治驗



一寡婦不時寒熱脉上魚際此血盛之症用小柴胡湯加生地黄治之而愈但畏風寒此脾胃氣虛用加味歸脾補中益氣二湯兼服而止

一婦人因夫久出經商發寒熱月經旬日方止服降火涼血藥內熱益甚自汗盜汗月經頻數余曰內熱自汗乃脾氣虛弱也月經頻數乃血不歸脾也用歸脾湯六味丸而愈

一室女寒熱肝脉弦長而出寸口用小柴胡湯加生地黄烏梅治之而愈既嫁而諸症悉痊

一室女久患寒熱月經失期以小柴胡湯加生地黄治之少愈更以生地黄丸而痊

生地黄丸 許學士云有一師尼惡風體倦乍寒乍熱面赤心煩大小柴胡湯雜進其病益劇予診視之曰三部脉無寒邪但肝脉弦長而上魚際服此丸而愈

柴胡 秦艽 黃芩 赤芍藥

生地黄 二兩酒 濕杵膏

右為未煉蜜丸桐子大每服三十丸烏梅湯下



日三服

附方

補中益氣湯

四物湯

方見二十四卷第六論

加味道遙散

方見二十四卷第十論

八珍湯

加味歸脾湯

歸脾湯

四方見二十四卷第四論

小柴胡湯

方見二十四卷第二論

六味丸

方見二十四卷第十一論

婦人惡寒方論第五

婦人惡寒有陰陽二證發熱而惡寒者發於陽也  
 無熱而惡寒者發於陰也發於陽者脈浮數宜解  
 表發於陰者脈沉細宜溫裏凡惡寒不可過覆衣  
 被及近火熱若寒熱相搏令人寒甚若寒氣入腹  
 血室結聚最難治療

愚按前症若怠惰嗜卧洒淅惡寒乃陽不能伸  
 發用升陽益胃湯若勞傷形氣而惡寒乃無陽



以護衛用補中益氣湯若飲食傷脾胃而惡寒  
乃元氣虛損用六君子湯若加煩躁妄言或欲  
飲水仍進前劑但加薑桂若體倦煩渴頭痛自  
汗用補中益氣加五味麥門東垣云晝則發熱  
惡寒是陰氣上溢於陽分也夜則惡寒是陰血  
自旺於陰分也海藏云六月大熱之氣反得大  
寒之症當捨時從症治以薑桂之類丹溪云久  
病惡寒乃痰鬱於脾抑遏陽氣不得外泄治當  
解鬱

附方

升陽益胃湯

方見三卷第九論

補中益氣湯

六君子湯

方見二十四卷第六論

婦人血風煩悶方論第六

婦人血風煩悶由勞傷氣虛而風邪乘之血氣不  
和以致肢節熱疼口乾不卧而煩悶也當調補元  
氣為主

愚按前症多屬肝脾血虛發熱當參照前寒熱



方論主治

赤芍藥散 治煩悶不食體倦頭眩身體疼痛等症

赤芍藥酒炒 白茯苓各一錢 甘草炒 柴胡各五分

右薑棗水煎

婦人血風攻脾不食方論第七

夫脾為中州意智之臟也諸經皆賴其養與胃為表裏胃主司納脾主腐化若勞傷真氣外邪乘之諸症生焉

愚按經云胃乃脾之剛脾乃胃之柔傷胃則脾無所稟受傷脾則不能為胃運化是以脾胃為之表裏藉飲食以滋養百脉者也竊謂前症若飲食所傷六君子湯勞役所傷補中益氣湯若風寒所傷用人參理中湯木旺乘土六君加柴胡嘔吐腹痛或大便不實前湯加木香胸膈虛痞或肚腹不利六君子湯鬱怒傷損肝脾歸脾湯命門火衰八味仍審諸經錯雜之邪而治之假如不能食而肌肉削乃脾胃經本病右關脉



緩而弱乃脾胃之本脉若見弦緊或四肢滿閉  
淋澀便難轉筋此肝之脾胃病也若兼洪大或  
肌熱煩熱面赤此心之脾胃病也若兼浮澁或  
氣短而急咳嗽痰盛此肺之脾胃病也若兼沉  
細或善恐善欠此腎之脾胃病也各當於本經  
藥中加兼症之藥此東垣先生之治法也

附治驗方藥

一婦人停食飽悶或用人參養胃湯木香檳榔  
并而泄瀉吐痰腹中成塊又與二陳黃連厚朴

反加腹脹不食余以為脾胃氣虛不能消磨用  
補中益氣加茯苓半夏五十餘劑脾胃健而諸  
症痊

一婦人飲食每用碗許若稍加非大便不實必  
吞酸噎腐或用二陳黃連枳實反加內熱作嘔  
余曰此未傳寒中不信仍作火治虛症悉至月  
經不止余用六君加炮薑木香數劑諸症漸退  
又以補中益氣加炮薑木香茯苓半夏數劑全  
愈後因飲食勞倦兼以怒氣飲食頓少元氣頓



怯仍用前藥更加發熱脉洪大按之而虛兩尺如無此命門火衰用補中益氣加薑桂及八味丸兼服兩月餘諸症尋愈此症若因中氣虛弱用人參理中湯或六君子加木香炮薑不應用左金丸或越鞠丸虛寒加附子理中湯無者不愈

一婦人飲食後或腹脹或吞酸自服枳朮丸飲食日少胸膈痞滿腿內酸痛畏見風寒或用養胃湯腿痛浮腫益盛月經不行余以爲鬱結所

傷脾虛濕熱下注侵晨用四君芎歸一陳午後以前湯送越鞠丸諸症漸愈又用歸脾八珍二湯兼服兩月餘而經行

一婦人胸滿少食或腹脹吞酸或經候不調此中氣虛而不能施化也用補中益氣加砂仁香附煨薑而飲食進更以六君芎歸貝母桔梗而經自調

一婦人年三十餘忽不進食日飲清茶水菓三四年餘矣余謂脾氣鬱結用歸脾湯加吳茱萸四



劑遂飲食如常若人脾胃虛而不飲食當以四神丸治之

一婦人不進飲食二十年矣日飲清茶菓品之類肝脾二脉弦浮按之微而結滯余謂肝脾氣鬱用六君木香吳茱下痰積甚多飲食頓進形體始瘦卧床月餘仍服六君之類而康

越鞠丸 治鬱傷氣滯以致胸膈痞悶或肚腹膨脹或咽喉不清或痰氣不爽或飲食少思或吞酸不腐宜用此藥清之若人脾胃虛弱用六君

子湯為主大凡中氣虛弱變症百出難以各狀但用四君補其脾胃元氣漸復諸症自退若用治病之藥則誤矣

香附

蒼朮

川芎

梔子

神麩

山查

各等

右為末用神麩糊丸棗豆大每服六七十丸食遠白湯送下

四君子湯

六君子湯

一方見二十四卷第六論



補中益氣湯

三方見二十四卷第十論

八味丸

方見二十四卷第十一論

人參養胃湯

方見七卷第六論

二陳湯

方見二十四卷第五論

左金丸

方見七卷第十七論

人參理中湯

附子理中湯

二方見二十卷第八論

歸脾湯

八珍湯

二方見二十四卷第四論

二神丸

四神丸

二方見八卷第八論

婦人夢與鬼交方論第八

人稟五行秀氣而生承五臟神氣而養若調理失節血氣虛衰則鬼邪干其正隱避而不欲見人時獨言笑或時悲泣是其候也脉息遲伏或如鳥啄或綿綿而來不知度數面顏不變亦其候也

愚按前症多由七情虧損心血神無所護而然也宜用安神定志等藥則正氣復而神自安若



脉來乍大乍小乍短乍長亦為鬼祟也宜灸鬼哭穴以患人兩手拇指相並用線緊扎當合縫處半肉半甲間灼艾灸七壯若果是邪祟病者即乞求免灸云我自去矣

茯神散 治妄有所見言語雜亂時或昏昧痰熱

茯神 一兩 半炒 茯苓 人參 石菖蒲 各一錢

赤小豆 五分

右水煎服

桃仁丸 治與鬼魅交通

辰砂 另研 檳榔 當歸 桃仁 各二錢

水銀 一錢 棗肉一個 研令星盡 麝香 阿魏 麴裹煨

沉香 各半兩

右為末煉蜜丸桐子大每服十九空心桃仁湯下

辟瘟丹

虎頭骨 二兩 硃砂 雄黃 雌黃

鬼臼 阜茨 蕪荑仁 鬼箭羽

藜蘆 各一兩

右為末煉蜜丸彈子大囊盛二十九男左女右繫



臂上及用一丸當病人戶前燒之一切邪鬼不敢近

妙香散

治心氣不足精神恍惚夢與鬼交語言

錯亂先服此以補氣血鎮心安神然後以前方

治之

方見三卷第十三論

婦人傷寒傷風方論第九

傷寒之症若氣口脉緊盛即下之入迎緊盛即汗之左關浮緊亦當發其汗若犯胃熱譫語喜忘小腹滿小便自利用抵當湯胃實譫語用承氣湯脉

緊無汗名傷寒脉緩有汗為傷風熱病脉洪大為中暑用香薷飲脉細弱為中喝用白虎湯胃實用承氣湯傷寒先服黃龍湯不分男女但妊娠用藥宜清涼不可輕用桂枝半夏桃仁朴硝等類凡用藥病稍退則止不可盡劑此為大法

愚按前症當宗仲景先生治法但胎前產後須以安胎補益為主須臨症審之

黃龍湯即小柴胡湯去半夏

桂枝紅花湯 治傷寒發熱口燥舌乾經脉不來



桂枝

芍藥

甘草

炒各一錢

紅花 二錢

右薑棗水煎服良久再進汗出可解

黃芩芍藥湯

治婦人內熱口燥咽乾腹滿不食

黃芩 炒

芍藥 酒炒

白朮

各一錢

熟地黃

自製一錢

右水煎寒加生薑

當歸湯

治傷寒喘急煩燥或戰而作寒此陰陽

俱虛不可下宜服此藥

柴胡 錢一

白朮

炒七分

人參

甘草

炒

赤芍藥

當歸

各五分

五味子

枳木通

各三分

右薑棗水煎

瀉心二黃湯

治傷寒六七日內有燥屎大便秘

結譴語目赤毒氣閉塞

大黃 煨

黃芩 炒

黃連

炒各一錢

右水煎服取微利如目赤睛疼加赤茯苓竹葉

燒裙散

治女子病新瘥與男子交者名曰陰易

其症則裡急胯痛頭重不舉日中生花或頭面

烘熱耳中蟬鳴胸中煩悶甚者百節解散用男

子舊襪襠着左腹者剪取一塊燒灰每日二服



白湯下男子病則以女人者如不應參附湯  
婦人熱入血室方論第十

婦人傷寒傷風發熱經水適來晝則安靜暮則譫  
語有如瘧狀此爲熱入血室治者無犯胃氣及上  
二焦宜服小柴胡湯若脈遲身涼當刺期門穴下  
針病人立吸停針良久徐徐出針凡針期門穴必  
瀉勿補肥人一寸瘦人一寸半也

愚按前症若因勞役或怒氣發熱適遇經行而  
患前症者亦用小柴胡加生地黃治之血虛用

四物加柴胡若病既愈而熱未已或元氣素弱  
並用補中益氣湯脾氣素鬱用濟生歸脾湯血  
氣素虛用十全大補湯

附治驗

一婦人經行感冒風邪晝則安靜夜則譫語此  
熱入血室也用小柴胡加生地治之頓安但內  
熱頭暈用補中益氣加蔓荊子而愈後因怒惱  
寒熱譫語胸脇脹痛小便頻數月經先期此肝  
火血熱妄行用加味逍遙加生地黃而愈



一婦人因怒寒熱頭痛譫言妄語至夜益甚月經暴至此怒動肝火用加味逍遙散加生地黃治之神思頓清又用補中益氣湯而痊

一婦人經行感身譫語或用發散寒涼之劑前症益甚月經不止肚腹作痛嘔吐不食痰涎自出此熱入血室而藥復傷胃也用香砂六君及歸脾而痊

乾薑柴胡湯 治婦人傷寒經脈方來熱入血室寒熱如瘧或狂言見鬼

柴胡 一錢

桂枝 三分

括蕪根 五分 牡蠣 煨

乾薑 炮

甘草 炒各二分

右水煎汗出而愈

海蛤散 治婦人傷寒血結胸膈宜服此藥及針期門穴

海蛤

滑石

煨水飛

甘草

各二分

芒硝

一兩

右為末每服一錢用鷄子清調下小腸通利其結血自散更用桂枝紅花湯發其汗則愈

方見前

附方



小柴胡湯

方見二十四卷第二論

四物湯

香砂六君子湯

二方見二十四卷第六論

補中益氣湯

方見二十四卷第十論

歸脾湯

十全大補湯

加味逍遙散

三方見二十四卷第四論

婦人咳嗽方論第十一

夫肺為四臟之華蓋內統諸經之氣外司腠理皮

毛若外邪入於肺中故令咳嗽當以脈息辨之浮而弦者起於風濡而弱者起於濕洪而數者起於熱遲而澁者起於寒風者散之濕者燥之熱者涼之寒者溫之虛者補之

愚按丹溪云春是木氣上升夏是火氣炎上秋是濕熱傷肺冬是風寒外來當發散行痰開滕理用二陳湯加麻黃桔梗杏仁痰飲隨症加藥勞嗽宜四物加竹瀝薑汁乾咳咳嗽難治此症乃痰鬱火邪也用苦梗開之夏用補陰降火不巳



則成勞上半日多嗽者胃火也用貝母石膏午  
後嗽者陰虛也用四物加炒黑黃柏知母黃昏  
嗽者火氣浮於肺也用五味子五倍子五更嗽  
者飲食之火流於肺也以貝母軟石膏肺脹而  
嗽或左或右不得眠此痰挾瘀血氣滯而病宜  
養血疎肝清痰用四物加桃仁訶子青皮竹瀝  
之類嗽而脇下痛宜疎肝氣以青皮挾痰實者  
白芥子之類血礙氣作嗽者桃仁大黃薑汁左  
服治嗽多用生薑以其辛散故也痰因火動逆

上作嗽者先治火次治痰以知母止嗽清肺滋  
陰降火夜嗽用清陰分之劑若嗽多用粟殼不  
必疑但要去病根此乃收後藥也竊謂前症午  
前嗽屬胃火盛用竹葉石膏湯胃氣虛用補中  
益氣加炒山梔午後嗽屬陰血虛用四物黃柏  
知母二味酒拌炒黑腎水虛用六味地黃丸黃  
昏嗽用四物五味麥門并前丸五更嗽用六君  
子不得眠及兩脇下痛用六味地黃補中益氣  
若因氣虛腠理不密六淫所浸當祛外邪而實



脾土若因心火太過當伐肝木而滋肺金若因肺金氣虛當補脾土而生肺氣若因腎水虧損虛火炎上當補肺腎以滋化源大抵風邪胃火此實熱為患易治惟肺腎虧損此真臟為患最難調治

附治驗

一婦人素勤苦冬初咳嗽發熱吐血盜汗遍身作痛或寒熱往來用化痰降火之藥口燥筋攣此血本虛而藥復損之耳余用八味丸為主佐

以補中益氣麥門五味山藥年餘而痊

一婦人咳嗽發熱嘔吐痰涎日夜約五六碗喘咳胸痞燥渴不食崩血如湧此脾土虛寒用八

味丸及附子理中湯而愈全見女科撮要

一婦人不得於姑患嗽胸膈不利飲食無味此脾肺俱傷痰鬱於中也先用歸脾湯加山梔撫芎貝母桔梗諸症漸愈後以六君加芎歸桔梗間服全愈

一婦人咳嗽早間吐痰甚多夜間喘急不寐余



謂早間多痰乃脾虛飲食所化夜間喘急乃肺  
 虛陰火上衝用補中益氣加麥門五味而愈  
 一婦人患咳嗽脇痛發熱日晡益甚余曰此肝  
 脾虛熱而傷肺也用加味道遙散加熟地治之  
 而愈後因怒氣勞役前症仍作兼太陽痛或寒  
 熱往來或咳嗽遺尿此肺氣虛而尿脬失利也  
 仍用前散及地黃九而瘥

一婦人久咳嗽面色痿黃或時眩白肢體倦怠  
 飲食少思稍多則瀉此脾土虛而不能生肺金

朝用補中益氣湯夕用六君子湯為主間佐以  
 八珍湯三月餘漸愈後感寒邪喘嗽胸腹作脹  
 飲食不入四肢逆冷此中氣尚虛不能充皮毛  
 肥腠理司開闔之所致也遂用六君加生薑桔  
 梗而愈

附方

法製清氣化痰丸 順氣快脾化痰消食

半夏 南星去皮尖 白礬 阜角

乾薑各四兩



右先將白礬等三味用水五碗煎取水三碗却入半夏二味浸一日再煮至半夏南星無白點為度晒乾

陳皮

青皮

紫蘇子

蘿蔔子

炒另研

杏仁

去皮尖炒研

葛根

神麩

炒

麥蘖

炒

山查子

香附子

右為末蒸餅丸桐子大每服五七十九臨卧茶湯任下

茯苓湯

治胸中有痰飲吐水心胸虛滿不能進

食

茯苓

人參

白朮

炒各三兩枳實兩

橘皮

二兩半

生薑

四兩

右用水六升煮取三升分三服

加減小柴胡湯

治咳嗽寒熱往來

柴胡

半夏

黃芩

炒各一錢甘草炒

乾薑

炮各五分

五味

炒杵三分

右水煎服

黃連解毒湯

治一切實火喘咳脉洪大或狂言



煩躁口乾飲冷喘急鄭聲目睛赤痛

黃連 黃芩 梔子 黃柏 各一錢

右水煎服

梔子仁湯 治喘咳發熱潮熱發狂煩躁面赤咽痛

梔子仁 赤芍藥 大青 知母 各一錢

升麻 黃芩 石膏 甘草

杏仁 各二錢 柴胡 二錢五分 豆豉 百粒

右水煎服

麥門冬湯 治火熱乘肺咳嗽有血胸脇脹滿五

心煩熱

麥門冬 去心 桑白皮 炒 生地黃 各一錢 半夏

紫苑 桔梗 淡竹葉 麻黃 各七分

五味子 枳 甘草 各五分

右薑水煎服

二陳湯 方見二十四卷第五論

竹葉石膏湯 方見十三卷第十論

蒲中益氣湯 方見二十四卷第十論



四物湯

六君子湯 二方見二十四卷第六論

六味丸

八味丸 二方見二十四卷第十一論

附子理中湯 方見二十卷第八論

歸脾湯

加味逍遙散

八珍湯 三方見二十四卷第四論

咳嗽用溫藥方論第十二 初虞世

經曰微寒為欬，寒甚為腸澼。古人立方多用乾薑、桂心、細辛之屬。若熱在上焦而咳，虛則為肺痿，實則為肺癰。或因氣血不足，或因酒色厚味，或因重亡津液，燥氣焚金，故脉數發熱，咳嗽膿血，宜辛溫建中之屬。若用柴胡、鱉甲、門冬、葶藶等藥，則誤矣。愚按丹溪云：陰分嗽者多，屬陰虛，肺脹不得眠者，難治。肺痿專主補氣養血清金，肺氣有餘者宜瀉之，以桑白皮為主。半夏、茯苓佐之，瀉其有補其不足，肺燥者當潤之，屬熱者桔梗大力。



子知母鷄子清聲啞者屬寒細辛半夏生薑肺  
 虛者人參膏阿膠為主陰不足者六味地黃為  
 要藥或知母茯苓湯陰虛氣喘四物加陳皮甘  
 草以降其氣補其陰竊謂前症嗽而鼻塞聲重  
 風邪傷肺也用參蘇飲面赤喘嗽火尅肺也人  
 參平肺散寒熱交作肝氣不和也四君加知母  
 柴胡桔梗咳喘短氣肺虛也人參補肺湯體倦  
 少食脾虛也參朮補脾湯口乾咽燥虛火上炎  
 也六味丸大凡發熱喘嗽或咳唾膿血飲食不

入急補脾肺滋腎水多有得生者脉浮大而面  
 色赤者皆難治脉浮短瀼者可療

參蘇飲 治外感風寒咳嗽氣逆血蘊上焦發熱  
 氣促或咳血衄血或痰嗽不止加黃芩山梔各  
 加味參蘇飲

- |    |     |    |    |    |    |
|----|-----|----|----|----|----|
| 人參 | 紫蘇  | 葉去 | 半夏 | 姜汁 | 茯苓 |
| 陳皮 | 桔梗  |    | 葛根 |    | 前胡 |
| 枳殼 | 麩炒各 |    | 甘草 | 炙五 |    |
| 一錢 |     |    | 分  |    |    |
- 右薑水煎服



金沸草散

治肺經受風頭自昏疼咳嗽聲重涕

唾稠粘

荆芥穗錢一前胡

麻黃

旋覆花各七分

甘草炙

赤芍藥

半夏各五分

右生薑棗水煎服

定喘湯

治痰喘胸滿坐卧不安聲重鼻塞頭昏

半夏麩

明阿膠炒

甘草炒各五分

粟殼製一錢

五味子杵炒

桑白皮炒

麻黃去節

人參各三分

右薑二十片烏梅半箇水煎臨卧服

金不換正氣散

治肺胃虛弱咳嗽不已喘滿涎

盛

杏仁製

甘草

枳殼各五分

粟殼製一錢

右生薑烏梅水煎

錄驗橘皮湯

治肺傷冷濕咳嗽喉中作聲上氣

頭痛

陳皮

紫苑

麻黃

杏仁製

當歸各一錢

桂心

甘草炒

黃芩各五分炒

右水煎



華蓋散 治肺感寒邪咳嗽聲重胸膈煩滿頭目昏眩

蘇子炒 陳皮 赤茯苓 桑白皮炒

麻黃各一錢 甘草五分

右薑水煎服

千金五味子湯 治咳嗽皮膚乾燥睡中有血胸脇疼痛

五味子杵炒 桔梗炒 紫苑 甘草炒

續斷各一錢 竹茹三錢 赤小豆撮 生地黃

桑白皮各五錢

右水煎服

知母茯苓湯 治咳嗽不已往來寒熱自汗喘促

或肺痿

知母 茯苓各一兩 五味子杵 人參

薄荷 半夏 柴胡 白朮

款花 桔梗 麥門冬去心 黃芩炒各五錢

川芎 阿膠 甘草各三錢

右每服一兩薑水煎



小青龍湯 治肺感寒咳嗽喘息加杏仁煎有汗  
去麻黃細辛發熱頭疼脈沉細或嘔或欬或利  
或噎或小使不利小腹滿脹喘嗽之聖藥

瀉白散

桔梗湯

人參平肺散

人參補肺湯

參朮補脾湯

六味丸

五方見二十四卷第十二論

方見二十四卷第十一論

四物湯

四君子湯

二方見二十四卷第六論

勞嗽方論第十三

經曰感於寒微則為咳甚則為泄蓋肺主氣合於  
皮毛邪傷皮毛則咳為肺病傳於各臟以時受邪  
肺為嫩臟邪易傷而難治其嗽有肺心脾腎肝風  
寒支飲膽之十種亦有勞嗽者華陀謂之邪嗽孫  
真人謂之淫嗽此因酒色過度勞傷肺經重者咯  
唾膿血輕者時發時瘥或先嘔血而後嗽或先咳



嗽而吐血此又挾邪傳症孫真人用通氣九夢與鬼交用四滿丸蛤蚧天靈蓋桃柳枝安息香之類若肺中有蟲入喉痒嗽須以藥含化其蟲卽死嗽卽止

愚按仲景先生云咳而兩脇痛不能轉側兩脇滿屬於肝臟用小柴胡湯咳而嘔苦水屬膽腑黃芩半夏生薑湯咳而喉中如梗狀甚則咽腫喉閉屬心臟桔梗湯咳而大便失氣屬小腸腑芍藥甘草湯咳而右脇痛陰引肩背甚則不可

動動則咳劇屬脾臟升麻湯咳而嘔嘔甚則出長蟲屬胃腑烏梅丸咳而喘息有聲甚則唾血屬肺臟升麻湯咳而失尿屬大腸腑麻黃附子細辛湯咳而遺溺屬膀胱茯苓半夏湯咳而不止三焦受之其狀腹滿不食涕唾面自浮腫氣逆異功散用之對証其效如神仍參五卷看

附治驗

婦人患前症晡熱內熱寒熱往來作渴盜汗小便頻數其經兩二月一行此肝脾氣血虛損



用八珍湯六味丸各六十餘劑諸症漸愈其經  
兩月一行仍用前一藥間以加味道遙散各三  
十餘劑後恚怒適經行去血過多諸症悉至飲  
食少思腹脹氣促用十全大補湯數劑漸愈仍  
用前藥調補漸愈復因喪子胸腹不利食少內  
熱盜汗便血無寐用加味歸脾湯仍兼前藥而  
愈

一婦人患前症不時發熱或時寒熱或用清熱  
之劑其熱益甚盜汗口乾兩足如炙遍身皆熱

昏憤如醉良久熱止方甦或彌熱至旦方止此  
陰血虛而陽氣弱也余朝用六味丸科夕用十  
全大補湯月餘諸症稍愈更兼以補中益氣湯  
兩月餘而愈

深師四滿丸 治上氣嗽飲嗽燥嗽冷嗽邪嗽謂  
之五嗽

- 乾薑 炮
- 桂心
- 躑躅花
- 芎藭
- 紫苑 各二兩
- 芫花根皮 二分
- 蜈蚣 一枚去頭足炙
- 細辛
- 甘草 炙
- 鬼督郵
- 人參



半夏洗各一兩

右為末煉蜜丸大豆許每服五丸米飲下日三服未應加至七八丸

溫金散

治勞嗽喘悶咯痰中有血方見前勞瘵類

阿膠丸

治勞嗽并嗽血咯血方見前勞瘵類下補遺

團魚丸

治骨蒸勞嗽累効

貝母

前胡

知母

杏仁

柴胡各等分

生團魚二箇

右藥與魚同煮熟取肉連汁食之將藥焙乾為

末用骨更煮汁一盞和藥丸梧子大每服二十丸煎黃芪六一湯空心送下病既安仍服黃芪六一湯調理

附方

地骨皮散

知母炒

柴胡

甘草炒

人參

地骨皮

茯苓

半夏

姜製各一錢

右薑水煎服

海藏紫苑散

治咳中有血虛勞肺痿



人參

紫苑

知母

貝母

桔梗炒

茯苓

阿膠

五味子杵三分

甘草炙五分

右薑水煎服

參朮調中湯

瀉熱補氣止嗽定喘和脾胃進飲食

食

黃芪四分

桑白皮五分

人參

炙甘草

青皮

白茯苓

白朮

五味子杵五分

地骨皮

麥門冬

陳皮

各五分

右水煎服

二陳湯

治脾胃虛弱中脘停痰或嘔吐惡心或

頭自不清飲食少思

方見二十四卷第五論

異功散

方見二十四卷第五論

六味丸

方見二十四卷第十一論

八珍湯

加味逍遙散

十全大補湯

加味歸脾湯

四方見二十四卷第四論



補中益氣湯

方見二十四卷第十論

喘滿方論第十四

岐伯曰夜行則喘出於腎淫氣病肺有所墮恐喘出於肝淫氣害脾有所驚恐喘出於肺淫氣傷心度水跌仆喘出於腎與骨皆因外邪所感而致太陽病則脈浮無汗而喘用麻黃湯陽明病則汗出腹滿喘而潮熱承氣湯表邪未解喘促汗出葛根黃芩湯微喘桂枝厚朴杏仁湯汗出而喘麻黃杏子甘草石膏湯表邪未解小青龍湯去麻黃加杏

仁感寒伏熱而喘九寶湯氣鬱痰盛喘促四七湯涎多而喘干縉湯不得卧而喘神秘湯寒熱喘咳棗膏丸上氣喘促神授湯上盛下弱吞黑錫丹若四肢逆冷脈息沉細或寸大尺小胸脹冷汗大便頻數上氣喘促此虛極挾寒之陰症急用返陰丹愚按東垣云肺金受邪由脾胃虛弱不能生肺乃所生受病故咳嗽氣短氣上皮毛不能禦寒精神少而渴情慘不樂皆陽氣不足陰氣有餘也治法若肺氣虛弱用四君枳殼半夏脾虛不



能生肺，補中益氣湯。七情氣結，四七湯。脾經鬱結，歸脾湯。脾氣虛弱，人參補肺散。肺經火盛，人參平肺散。腎水敗濁，六味丸。真陽虛損，八味丸。或兼小便不利為害，尤速非一丸不能救，仍與前十一十二論互用。

附治驗

一婦人傷風寒作喘，或用表散愈而復患，仍用前藥，其症益甚。飲食少思，胸腹不利。此因脾肺氣虛也。予先用六君子湯，加桔梗，漸愈。又用補

中益氣湯全愈

一婦人患前症，屬命門火虛，不能生脾土，用補中益氣湯八味地黃丸，而痊後復患。其喘益甚，用前藥不應，遂用黑錫丹二服，喘止。仍用前二藥，而諸症痊。凡屬邪氣有餘者，其症易識。治効亦速。其屬元氣不足者，變症不一，効非可以旦夕期也。

神秘湯 治水氣乘肺作喘，或支飲喘滿痰嗽不食。



陳皮去白

紫蘇葉

人參

桑白皮

生薑各一錢

右水煎服

干縉湯

半夏

十枚炮製

甘草炙一寸

生薑

如指大

阜角

去皮尖一寸

右薑水煎服

棗膏丸

治息貫在右脇下大如杯令人濕瀆寒

熱喘咳

甜葶藶

炒研

陳皮

苦梗

各等分

右為末煮棗肉丸桐子大每服數丸白湯下許  
學士云余常停飲水積食已必噁漸喘覺肺系  
急服此良驗

神授湯

治上氣喘急不得臥

橘紅

苦梗

紫蘇

人參

各一錢

五味子

杵炒三分

右薑水煎服

九寶湯

治伏熱咳嗽喘急虛勞自汗者不可服

薄荷

紫蘇

大腹皮

洗

甘草

炒



杏仁去皮 陳皮各錢

右薑十片烏梅一箇水煎

四磨湯 治七情鬱結上氣喘急滿悶痰涎上湧

人參 檳榔 沉香 烏藥

右四味各濃磨カニシ白沸湯少許ヲ溫服

五味子湯 治咳嗽皮膚乾燥唾中有血胸脇疼痛

五味子并炒 桔梗炒 紫苑 甘草炒

續斷各五錢 竹茹一錢 赤小豆撮 生地黃一錢

桑白皮二錢炒

右水煎服

附方

六君子湯

四君子湯 二方見二十四卷第六論

補中益氣湯 一方見二十四卷第十論

四七湯 方見十一卷第七論

歸脾湯 方見二十四卷第四論

人參補脾散



人參平肺散 二方見二十四卷第六論

六味丸

八味丸 二方見二十四卷第十一論

黑錫丹 方見四卷第四論

婦人風痰積飲嗽咳方論第十五

婦人脾胃虛弱風邪外侵以致痰滯咳嗽眼昏頭眩經云九竅不利腸胃之所生也無擇云凡屬風熱三生飲化痰丸屬寒冷金沸草散屬暑熱消暑丸屬氣鬱四七湯在上瓜蒂散吐之在下控涎丹

利之仍觀人之勇怯脈之虛實

愚按前症若肝經患怒用小柴胡湯肝經風熱用釣藤散肝腎氣虛用川芎散脾經鬱結用濟生歸脾湯鬱怒傷肝脾用加味逍遙散脾虛痰逆用白朮半夏天麻湯脾氣虛弱用六君子益氣湯肺氣鬱滯用二陳貝母桔梗陰虧水泛六味地黃腎虛陰火加減八味丸腎虛火不歸源八味地黃丸仍與前按互相用之

附治驗



一婦人內熱口乾勞則頭暈吐痰帶下或用化痰理氣藥前症益甚肢體或麻又用祛風化痰藥肢體常麻手足或冷或熱此脾土不能生肺金也余用補中益氣加茯苓半夏炮薑二十餘劑漸愈又用加味道遙散二十餘劑全愈後因怒吐痰胸痞或用清氣化痰丸食少痰甚胸脇脹滿脉或浮大或微細余以六君倍用參朮少加木香而康

一婦人咳嗽脇痛或用清肺化痰降火等劑久

不愈更加內熱喘熱若兩脇或小腹內熱其咳益甚小使自遺余曰此屬肝經血虛火動用六味丸加五味子滋腎水以生肝血用補中益氣生脾土以滋肺金而尋愈

旋覆花湯 治風痰嘔逆飲食不下頭自昏悶等症

旋覆花 枇杷葉 川芎 細辛

赤茯苓 各一錢 前胡 一錢五分

右薑棗水煎



大半夏湯 治痰飲脾胃不和咳嗽嘔吐飲食不  
入

半夏

白茯苓

生薑

各二錢

右薑水煎服胃痞共加陳皮ラ如不應ハ四七湯亦善

導痰湯

治痰涎壅盛胸膈痞塞或咳嗽惡心飲

食少思

半夏二錢

南星

枳實

炒

茯苓

橘紅一錢

甘草五分

右薑十片水煎

附方

川芎散 治肝腎氣虛頭風眩暈

小川芎

山藥

白茯苓

甘菊花

人參各五錢

山茱萸肉一兩

右每服一兩食前空心水煎服或為末酒調日

三服

小柴胡湯

方見二十四卷第二論

釣藤散

方見

卷第四論

歸脾湯



加味逍遙散 二方見二十四卷第五論

白朮半夏天麻湯 方見四卷第五論

六君子湯 方見二十四卷第六論

補中益氣湯 方見二十四卷第十論

二陳湯 方見二十四卷第六論

六味丸

加減八味丸

八味丸 三方見二十四卷第十一論

婦人心胃嘈雜方論第十六

婦人嘈雜此脾胃鬱火痰滯血液淚汗而成用猪血炒食之乃以血導血而使之歸源爾旋覆花湯尤善

愚按前症若因食鬱用六君山查山梔若因胃熱用二陳薑炒芩連若因六鬱用越鞠丸若因氣滯用四七湯桔梗枳殼大抵此症屬病氣元氣俱不足須用六君為主少佐以治痰之藥若以火治之必變吞酸中滿

附治驗



一婦人飲食少思胸中嘈雜頭暈吐痰此中氣虛而有熱用六君子湯加炒黑山梔桔梗而愈後因勞碌頭暈發熱吐痰不食用補中益氣加半夏茯苓天麻而痊

一婦人中脘嘈雜口中辛辣或咳嗽吐痰發喘面色或白或赤此脾氣虛而肺中伏火也用六君子加山梔桔梗柴胡及炒黑片苓治之尋愈一婦人嘈雜吞酸飲食少思大便不實此脾氣虛寒而下陷用補中益氣湯加茯苓半夏炮薑

漸愈又常服人參理中丸則安

一婦人飲食後嘈雜吞酸此食鬱為痰用六君子湯送越鞠丸漸愈又用加味歸脾湯而痊後因怒兩脇脹痛中脘作酸用四君湯送左金丸漸安仍用六君子湯送越鞠丸而痊

旋覆花湯 治脾胃虛寒中脘停痰汪洋嘈雜腸鳴多睡嘔吐不食脇肋脹痛脉沉遲弦細

- 旋覆花
- 細辛
- 橘紅
- 桂心
- 人參
- 甘草
- 炒
- 苦梗
- 白芍藥



半夏各五分 赤茯苓三分

右薑水煎服

余治婦人心胸嘈雜用茯苓補心湯治之而愈方見前

附方

補中益氣湯

四君子湯

六君子湯二方見二十四卷第六論

二陳湯方見二十四卷第五論

越鞠丸方見前第七論

四七湯方見十卷第七論

歸脾湯方見二十四卷第四論

人參理中湯方見二十一卷第八論

婦人良方卷之六終





國家圖書館, NATIONAL CENTRAL LIBRARY, TAIWAN, R.O.C.

婦人良友

吳



婦人良方卷之七

臨川 陳自明 編

古吳 薛 巳 訂

後學 蔣宗澹

宋雲璈

朱 明全校

婦人嘔吐方論第一

婦人嘔吐良由脾胃不調外邪乘之或胃中虛冷或胃口有熱或中脘停痰或胃經血弱治法胃冷



國家圖書館 NATIONAL CENTRAL LIBRARY, TAIWAN, R.O.C.





者、丁香散理中丸胃熱者、小柴胡湯竹茹湯胃虛者、藿香正氣散停痰者、半夏茯苓湯二陳湯血虛者、十全大補湯加陳皮半夏藿香。

愚按東垣先生云前症內有故寒與新穀俱入於胃新故真邪相攻氣併相逆復出於胃故爲噦補手太陰瀉足少陰又云胃因氣逆爲噦夫嘔吐噦者俱屬於胃以其氣血多少爲異耳如嘔者陽明也陽明多血多氣故有聲有物血氣俱病也仲景云嘔多雖有陽明症慎不可下孫

真人云嘔家多服生姜爲嘔家之聖藥也氣逆者必散之故以生姜爲主吐者太陽也太陽多血少氣故有物無聲爲血病也有食入則吐以橘皮去白王之噦者少陽也多氣少血故有聲無物乃氣病也以薑製半夏爲主若脾胃虛弱寒邪所客飲食所傷者用六君丁香藿香生薑之類若胃中有熱膈上有痰用二陳山梔黃連生薑若久病胃虛嘔而不納穀者用生薑參朮黃芪香附之類亦有痰膈中焦食不得下者有



氣逆而嘔者有氣鬱於胃口者有食滯於心肺之分而復出者有胃口有火與痰而嘔者若注船大吐渴飲水者即死童便飲之最妙前論云血不歸源而嘔用十全大補湯誠發前人之未發愚常用屢効此論與王安道先生瀉洞集所論少異仍宜參看之

附治驗

太守陽山之內素善怒胸膈不利吐痰甚多吞酸噉腐飲食少思手足發熱數年矣所服非苓

連枳實必櫛蘇厚朴左關弦洪右關弦數此肝火血燥木乘土位朝用六味地黃丸以滋養肝木夕用六君歸芍以調補脾土而愈乙巳夏因大怒吞酸噉腐胸腹脹滿或用二陳石膏治之吐涎如湯外熱如灼脉洪大按之如無余曰此脾胃虧損虛陽發越於外脾敗而涎泛出也用六君加姜桂一鍾即睡覺而諸症如失又數劑而康

先太守人飲食後聞外言忤意嘔吐酸水內熱



作渴惟飲冷水氣口脉大而無倫面色青赤此  
肝脾鬱火投之以藥入口即吐第二日吐宿食  
第七日吐酸黃水十一日吐苦水脉亦洪大仍  
喜飲冷以黃連煎湯冷飲少許至二十日加白  
朮茯苓二十五日加陳皮三十七日加當歸灸  
草至六十日始進米飲半盞漸進薄粥調理得  
痊

一婦人食後因怒患瘡嘔吐用藿香正氣散而  
愈後復怒吐痰狂言熱熾胸脇脹痛手按少得

脉洪大無倫按之微細此屬肝脾一經血虛以  
加味逍遙散加熟地川芎二劑脉症頓退再用  
十全大補湯而安矣府庠沈姬文母患脾虛中  
滿痰嗽發熱又食濕麪冷茶吞酸嘔吐絕食誤  
服苓連青皮等藥益加寒熱口乾流涎不收聞  
食則嘔數日矣迎治余曰脾主涎此脾虛不能  
約制也欲用人參安胃散惑於衆論以爲胃經  
實火宿食治之病日增劇忽思冬瓜食如指甲  
一塊頓發嘔吐酸水不止仍服前藥愈劇復邀



視之則神脫脉絕瀕死矣惟目睛尚動余日寒  
 淫于內治以辛熱然藥不能下矣急用鹽艾附  
 子炒熱熨臍腹以散寒回陽又以口氣補接母  
 口之氣又以附子作餅熱貼臍間時許神氣少  
 甦以參朮附子為末仍以是藥加陳皮煎膏為  
 丸如粟米大入五七粒于口隨津液嚥下即不  
 嘔二日後加至十粒諸病少退其涎不止五日  
 後漸服前劑一二匙胃氣少復乃思粥飲後投  
 以參朮等藥溫補脾胃五十餘劑而愈

丁香散 治脾胃氣弱嘔吐水穀不消

丁香 白朮 縮砂 草菓 各三錢

人參 當歸 白芷 藿香 各一兩

甘草 橘皮 神麩 呵子 各半兩

右為末每服二服薑棗湯調

竹茹湯 治胃熱嘔吐

乾葛 半夏 甘草 竹茹 各二錢 姜炒 三錢 五分 一彈

右薑棗水煎服

許學士先生云胃熱者手足心熱也政和中一



宗人病傷寒，得汗，身涼數日，忽嘔吐，藥食不下，用丁香、香薷、香滑石等藥，下咽即吐，余曰：此正汗後餘熱留胃脘，正宜竹茹湯用之，即愈。

許仁則半夏丸 治胃冷嘔逆不食

半夏 洗去滑 一斤  
小麥麵 一斤

右水和丸，如彈子，大，水煮熟，初服四五丸，二服加至十四五丸，旋煮間服。

七味人參丸 服前丸不應，可服此藥。

人參 白朮 各五兩  
厚朴 姜製 各四兩  
細辛 各四兩

生薑 橘皮 兩  
桂心 兩

右為末，煉蜜丸，桐子大，米飲下，十九漸加至二十丸。

青金丸 治嘔吐不已

硫黃 二錢  
水銀 一錢

右入銚內，慢火化以木片，撥炒成砂，研至黑不見白星，薑汁糊丸，菉豆大，每服一二三十丸，米飲下。

附方



人參安胃散

治脾胃虛熱嘔吐泄瀉或飲食不

入

人參錢一

黃芪錢二

生甘草

炙甘草

各五

分

白芍藥分七

白茯苓分四

陳皮分三

黃連

分炒二

右水煎服

六君子湯

方見二十四卷第六論

加味逍遙散

十全大補湯

二方見二十四卷第四論

六味丸

方見二十四卷第十一論

藿香正氣散

方見二十一卷第九論

婦人霍亂方論第二

論曰嘔吐而利者名霍亂也因腸胃虛弱飲食過度觸冒風冷清濁相干所致或先腹痛而吐或先吐而痛或吐利並作當分寒熱而治之飲冷者五苓散飲湯者理中丸四肢逆冷脉微細者用通脉四逆湯加猪膽汁中暑霍亂煩渴飲冷轉筋者用香薷散脉浮洪者易治微遲者難治

愚按賈元良先生云暑者相火行令也夏月人



感之自口齒而入傷心胞絡之經其症頭疼口乾面垢自汗倦怠少氣或背寒惡熱甚者迷悶不省或霍亂吐利嘔痰腹痛或下血發黃生斑等症治法清心火利小便爲主若自汗熱甚用白虎湯若頭疼惡寒用十味香薷散泄瀉煩渴飲水吐逆用五苓散熱甚煩渴用益元散清之若表解裏熱甚者用黃連解毒湯脉微下利作渴喜溫或厥冷不省人事宜竹葉石膏湯加熟附半枚冷飲次以來復丹五苓散治之故東垣

云脾胃虛弱遇夏月溼用身重短氣甚則四肢痿軟脚欬眼黑當滋肺氣以補水之源是以五月常服五味子人參麥門冬之劑爲熱傷元氣故耳丹溪所謂夏月伏陰在內也蓋人之腹屬地巳月六陽盡出於地之上矣是人之陽氣亦浮于肌表散于皮毛而腹中之陽虛矣又加以涼臺水館大扇風車寒泉水菓冰涼之物自內及外不用溫熱病所由生陳無擇云凡中暍切不得用冷藥惟用溫養得冷卽死道途無湯卽



以熱土熨臍中，溺以熱床，卽魁槩可見矣。內經曰：脈虛身熱，得之傷暑，難經曰：傷暑得之，爲正邪火自病也。當惡臭，其病身熱而煩，心痛，其脈浮大，而散傷寒論曰：太陽中暈者，身熱疼痛，而脈微弱，或發熱惡寒，而脈微細，芤連大抵寒傷形，熱傷氣，蓋傷氣而不傷形，則氣消而脈虛弱。故先哲立法，夏月宜補，良有以也。前症若內有所積，外有所感，用一陳加減治之，或蘿蔔子搗碎服而吐之，若飲米湯卽死，云云同前論。若轉

筋不在，男子以手挽陰，女子以手牽乳，近兩邊此千金妙法也。乾霍亂不得升降，死在須臾，當以鹽湯吐之後，以一陳湯加川芎、蒼朮、防風、白芷、薑煎服。若登園而不通，加枳殼。若食瓜果飲冷，乘風霍亂，用六一和湯倍加藿香。凡中暑而亡者，皆因元氣虛弱，而暑熱乘之，以致泄瀉，陽氣暴脫，實爲陰寒之症，宜急補其陽，庶得保生。緩則不救，其他執爲暑熱，投以寒藥，鮮不誤事。愚故以回陽固本之方，繼之於後。



附治驗

進士李通甫之內冬間開衣箱其內衣裳乃夏  
月所晒者開時覺暑氣所侵良久患霍亂足指  
足跟俱轉筋甚惡自分必死用香薷飲一劑急  
煎下嘔即愈

加減理中丸 治肚腹疼痛手足逆冷飲食不入  
等症

人參

白朮

乾薑

甘草 各等分

右為末煉蜜杵勻每兩作五丸每服一丸白湯

化下嘔吐加枳實泄瀉加乾薑吐瀉乾嘔加半  
夏體冷微汗腹寒加炮附子水煎服

四順附子湯 治霍亂吐利腹痛手足厥冷脉微

絕方見八卷  
第十一論

四逆湯加猪胆汁名四逆猪胆汁湯

甘草 二兩 乾薑 三兩 附子 一枚生

右每服五錢水煎入猪胆汁半合作二服

香薷散 治吐利腹疼發熱頭痛或霍亂轉筋拘  
急



香薷二錢 白匾豆 厚朴姜製 茯苓各一錢

右水煎冷服連進一二劑加黃連名黃連香薷飲

附方

十味香薷散 治伏暑身體倦怠頭疼惡寒或吐瀉等症

香薷一兩 人參 陳皮 白木炒

茯苓 黃芪炒 木瓜不犯鐵器 厚朴姜製

甘草炒各半兩

右每服一兩水煎

清暑益氣湯 治長夏濕熱所蒸四肢困倦精神

短少懶於動作胸滿氣促支節作疼或氣高而喘身熱而煩心下膨悶小便黃數大便溏頻或瀉痢作渴不思飲食自汗體重

黃芪炒 蒼朮 升麻各一錢 人參

白木 神麴炒 陳皮各五分 甘草炙

黃栢炒 麥門冬去心 當歸各三分 葛根二分

澤瀉五分 青皮二分 五味子九粒炒并



右水煎服

白虎湯 治胃熱作渴暑熱尤効又治熱厥腹滿身難轉側面垢譫語不時遺溺手足厥冷自汗脈沉滑

知母

石膏 各三錢 粳米 半合

右水煎服

人參白虎湯

治暑熱發渴脈虛等症

人參 一錢五分

知母 一錢

石膏 兩半

甘草 一錢

右入粳米一合水煎服

人參益氣湯

治暑熱傷氣四肢困倦嗜臥少食

兩手指麻木

黃芪 炒八錢

甘草 七錢內人參 兩半 升麻 二錢

白芍藥 炒三錢

五味 百四十箇 枳殼 炒 柴胡 二錢半

右咬咀分作四服

大順散

治胃暑伏熱引飲過多脾胃受濕水穀

不分清濁相干陰陽氣逆霍亂嘔吐臟腑不調

甘草 炒

乾薑 炮

杏仁 去皮尖炒

桂皮 去

右為末每服二三錢湯點服



消暑丸 治傷暑發熱頭疼或嘔吐泄瀉一二服不  
分

半夏

甘草炒

茯苓各半斤

右為末生姜汁和丸桐子大每五十丸水下易  
簡方姜汁好醋煮半夏末作糊丸服

姜附湯

治霍亂轉筋手足厥冷汗出嘔逆腹痛

脉欲絕者

乾姜

炮一兩

附子

一箇生用

右為末每服五錢水煎服

通脉四逆湯

治霍亂惡寒腹痛身冷自汗脉沉

微如欲絕

吳茱萸

二兩炒

附子

炮一兩

桂心

通草

細辛

白芍藥

炒

甘草

炙各半兩

當歸三錢

右每服四錢水酒生姜煎如不應更加倍服之  
以勁為度

半夏解毒湯

治一切暑熱毒五心煩躁口舌咽

乾

黃栢炒

黃芩炒

山梔子炒

半夏等分



右每服五錢水煎

六和湯 治胃暑伏熱煩悶霍亂轉筋吐瀉寒熱交作頭目昏痛嗜臥倦怠小便赤澀不問胎產並服之

縮砂

半夏

湯炮七次

杏仁

去皮

人參

甘草

炙各一兩

赤茯苓

藿香

木瓜

各二兩

香薷

厚朴

姜製

白扁豆

姜汁畧炒

各四兩

右每服一兩姜棗水煎服

益元散

治中暑身熱小便不利或發熱體痛口

乾作湯

滑石

六兩

甘草

微炒一兩

右為末每服三錢加蜜少許湯水任下

二陳湯 方見二十四卷第五論

來復丹

五苓散 二方見二十一卷第十論

竹葉石膏湯 方見十三卷第十論

婦人翻胃吐食方論第三 論新增

愚按病機云前症有三日氣積寒也皆從三焦



論之上焦吐者從於氣氣者天之陽也其脉浮而洪食已暴吐渴欲飲水大便燥結氣上衝胸發痛其治法當降氣和中中焦吐者從於積有陰有陽食與氣相假為積而痛其脉浮而匿其症或先痛而後吐或吐而後作痛治法當以小毒藥去其積檳榔木香行其氣下焦吐者從于寒地之道也其脉沉而遲其症朝食暮吐暮食朝吐小便清大便秘而不通治法當以毒藥通其閉塞溫其寒氣大便漸通復以中焦藥和之

不令大便秘結而自愈也王太僕曰食不得入是有火也食入反出是無火也又發明日噎者六腑之所主陽也氣也塞者五臟之所主陰也血也二者皆由陰中伏火而作也劉宗厚先生曰若二焦傳化失常所致主於氣也若血虧胃脘乾稿所致因於血也塞猶填塞不通之義故發明有治幽門不通噎塞不便通幽湯例蓋陽無陰不能通化陰之失位而陽伏其中傳化不變而反上行矣故前症或由飲食起居七情虧



損脾胃，痰飲停滯中氣不運，當以補中益氣湯爲主。若鬱結傷脾，用歸脾湯，加枳殼、桔梗。若悲怒傷肝，用小柴胡，加梔子、參朮。脾氣虛弱，用六君，加山梔、枳殼。氣血俱虛，用八珍湯，加山梔、半夏。若用行氣之藥，胸膈痞悶，用六君、芍藥、歸心之類。若過用香燥之劑，而大便結燥，用四物、參朮之類。若飲食不能入，用六君、山梔、吳茱萸、製黃連。若食入而反出，用六君、炮姜、白豆蔻、黃連、製吳茱萸。若痰滯而食反出，用六君、枳殼、桔梗。若飲食

少思，大便不實，胸膈痞悶，吞酸噯腐，食反不化，是爲脾胃虛寒，用東垣固真丸，或八味丸。若發熱煩熱，身惡風寒，腹畏熱食，或手足俱冷，胸膈腹脹，是內真寒，外假熱，用神效附子丸，或八味丸。大凡嘔吐善食，喜飲冷水，是爲有火，嘔吐少食，喜飲熱湯，是爲無火，當審其因而治之。

### 附治驗

一婦人患前症，胸膈痞悶，得去後，或泄氣稍寬，余曰：此屬脾氣鬱結而虛弱也，當調補爲善。不



信乃別用二陳枳實黃連之類不應又用香燥破氣前症益甚形氣愈虛余用加味歸脾湯調治半載而痊

一婦人患前症胸脇脹悶或小腹不利或時作瀉小便瀦滯余曰此肝火血虛也當清肝火生肝血養脾土生肺金以余言爲迂別服利氣化痰等劑前症益劇虛症益起余用加味逍遙散加味歸脾湯兼服尋愈

一婦人患吐痰甚多手足常冷飲食少思余曰

此肝脾鬱怒兼命門火衰不信另服化痰利氣之劑胸腹愈脹又服峻利疎導之劑余曰非其治也必變脾虛發腫之症急服金匱加減腎氣丸庶有可救仍不信反服沉香化氣等丸果發腫而歿

白聖散 治虛熱翻胃用白聖土一斤米醋一升煨土赤入醋內再煨再入以醋乾爲度取土一兩入炮薑一錢爲末每服一錢米飲下甚者二錢須服四兩有効



治實熱翻胃用黃連五錢生薑汁浸炒山查二錢  
 保和丸三錢同為末糊丸麻子大胭脂為衣每  
 服六十九煎入參湯入竹瀝下之  
 太倉丸 治胃弱翻胃

肉豆蔻 砂仁各二兩 丁香一兩 陳倉米一升

右為末薑汁糊丸桐子大每服六七十丸薑湯  
 下

青金丹 每服三十九生薑陳皮煎湯送下方見前

吐類

附方

東垣補真丸

肉苁蓉酒浸 葫蘆巴炒 附子炮去 陽起石煨

肉豆蔻麩裹 川烏炮去 沉香 兔絲子淨酒

五味子各五錢 鹿茸酒浸 巴戟去心 鍾乳粉各一兩

右為末用羊腰子兩對治如食法葱椒酒煮搗  
 爛入酒糊丸如梧子大每服七十九空心米飲  
 鹽湯任下

神効附子丸 治脾腎虛寒嘔吐或翻胃膈噎用



黑附子重一兩四五錢端正底平尖圓一枚灰  
火炮皮裂入生姜自然汁內浸潤晒乾仍炮再  
入汁浸潤仍晒再炮用盡姜汁半碗為度却去  
皮臍為末以人參煎膏丸黍米大每服數丸津  
唾嚥下胃氣稍復飲食稍進投以溫補之劑

六君子湯 見二十四卷第六論

補中益氣湯 方見二十四卷第十論

四物湯 方見二十四卷第六論

歸脾湯

加味歸脾湯

八珍湯

加味逍遙散 四方見二十四卷第四論

八味丸 方見二十四卷第十一論

二陳湯 方見二十四卷第五論

金匱加減腎氣丸 方見二十二卷第十論

婦人血膈方論第四

愚按前症若氣逆而血滯用流氣飲若志怒而  
血逆用小柴胡山梔丹皮血虛用四物參朮柴



胡山梔丹皮若鬱結而血傷用加味歸脾兼加  
味逍遙散脾虛不能生血用六君歸芎胃虛不  
能生血用益氣湯若肝虛而不能藏血用補肝  
散如不應兼以六味丸若因脾肺虛用補中益  
氣湯如不應用六君加芎歸

附治驗

一婦人患前症胸膈痞悶余曰此屬脾經血虛  
遂用四君芎歸調補脾氣尋愈又因怒兼兩脇  
痞悶頭目不清月經旬餘未竭用加味逍遙散

加鈞藤治之復瘥

一婦人患前症胸膈作痛面青目劓小便頻數  
或時寒熱此肝氣滯而血凝先用失笑散二服  
痛止又用加味逍遙散而愈

一婦人所患同前泛用行氣破血之劑以致不  
起

神功散 治血滯胸腹作痛

五靈脂

炒

莪朮

桂心

芸薹子

炒各  
半兩

右每服二錢酒水煎



附方

流氣飲 方見三卷第七論

小柴胡湯 方見二十四卷第二論

加味歸脾湯

加味道遙散 二方見二十四卷第四論

四物湯 方見二十四卷第六論

補中益氣湯 方見二十四卷第六論

四君子湯

六君子湯 二方見二十四卷第六論

補肝散 方見本卷第十七論

六味丸 方見二十四卷第十一論

失笑散 方見二十卷第五論

製吳茱萸黃連法用二味等分用熱湯拌濕和勻重湯頓煮使氣相通同炒焦各揀出聽用

婦人鼻血方論第五

婦人氣血調和則循環經絡若勞傷元氣陰虛火動氣逆於肺則血隨鼻而衄產後尤不可治陳無擇曰亦有因怒氣而得者趙恭人鼻衄先用蘇合



香丸四粒，次用五苓散濃煎白茅花湯調服，卽止。又用芎歸湯調理而安。一富男鼻血六脉洪數，訊之云曾服丹藥，遂用芩連大黃爲末水調服，解之而愈。

愚按前症若熱鬱於胃經，用犀角地黄湯。若伏暑於內，用黃連香薷飲。若大怒血蓄于上，用小柴胡湯。若脾損不能攝血，歸源用歸脾湯。大凡雜症見血，多因陰分鬱熱，或內有所傷，皆屬五志所動，經日諸見血，身熱脉大者，難治是火邪。

勝也身凉脉靜者，易治是正氣復也。仍與後症同用。

附治驗

一婦人經素不調，因怒衄血，此肝火熾盛，用加味小柴胡加紅花二劑，血止。又用加味道遙散八珍湯兼服三十餘劑，經行如期。

一婦人鬱結而患前症，用加味歸脾湯，其血漸止，飲食漸進，用加味道遙散，元氣漸復，寒熱漸止。後因怒仍衄，寒熱往來，用小柴胡湯加芎歸。



丹皮而愈

一婦人因勞血服涼血之劑更致便血或以血下為順仍用治血余曰此因脾氣下陷而血從之當升補脾氣庶使血歸其經不信果血益甚余朝用補中益氣湯夕用加味歸脾湯而愈此症用寒涼止血不補脾肺而死者多矣

刺薊散 治血熱鼻衄

刺薊

生地黃 各二錢 桑耳

亂髮灰

艾葉 炒各一錢 蒲黃 五分

右水煎服

犀角地黄湯 方見後

又方用白茅根汁一合飲之即止

又方用生葱心塞鼻中血即止若刀斧所傷用之血亦止

四物湯加側柏生地黃治虛熱吐血甚效若脾經血虛須用四君加芎歸若脾經氣鬱須用歸脾湯若肝腎虧損須用六味丸若氣血俱虛須用十全大補湯



附方

濟生犀角地黄湯 治熱鬱不解泛行經絡或流腸胃隨氣湧泄以致衄血吐血或為便血並皆治之

犀角鎊如無 升麻代 生地黃 白芍藥 牡丹皮各二錢

右每服四五錢水煎若實熱熾甚加炒黃芩若去血過多或脾肺之氣虧損不能攝血歸源者急用四君子湯懷抱鬱結者用歸脾湯

枇杷葉散 治暑毒攻心衄血嘔血或吐瀉作渴

香薷二錢 厚朴姜製 甘草炙 麥門冬去心

木瓜不見 白茅根各二錢 枇杷葉 陳皮

丁香各五分

右末每服二五錢姜水煎

黃連香薷飲 治伏暑衄血便血不拘四時方見本卷

第一論

小柴胡湯

加味小柴胡湯 二方見二十四卷第二論

歸脾湯



加味逍遙散

八珍湯

加味歸脾湯 四方見二十四卷第四論

補中益氣湯 方見二十四卷第十論

婦人吐血方論第六

婦人吐血者由臟腑傷損所致夫氣血外行於經絡內榮於臟腑若六淫七情飲食起居有所損傷行失常道逆則吐血也

愚按前症若脾經鬱熱用犀角地黄湯脾胃伏

暑用黃連香薷飲心脾鬱熱用生地黄湯心氣耗損用茯苓補心湯脾氣勞傷用鷄蘇散思慮傷脾用歸脾湯暴怒肝火用加味小柴胡湯久怒肝傷六味地黄丸脾肺虛熱用麥門冬飲肝腎虛熱用六味地黄丸氣血俱虛用十全大補湯經云肺朝百脉之氣肝統諸經之血必用其溫之劑補其陽氣使血各歸其經如大吐血病毋論其脉急用獨參湯救之若潮熱咳嗽而脉數者元氣虛而假熱之脉也皆由脾胃先損須



用人參之類本草云人參治脾胃不足補中溫  
中瀉脾肺中火東垣先生云脾胃虛者心火亢  
甚而乘土位脾氣受邪須用黃芪最多人參甘  
草次之脾胃一虛肺氣先絕故用黃芪以益皮  
毛而閉腠理嘗治氣血虛弱用十全大補最善  
若用寒涼止血胃氣反傷無不致禍

附治驗

一老婦每作先飲食不進或胸膈不利或中皖  
作痛或大便作瀉或小使不利余以為肝脾之

症用逍遙散加山梔茯神遠志木香而愈後鬱  
結吐紫血每作先倦怠煩熱以前藥加炒黑黃  
連二分吳茱萸二分頓愈復因怒吐赤血甚多  
燥渴垂死此血脫也法當補氣乃用人參一兩  
苓朮當歸各三錢陳皮炮黑乾薑各二錢炙甘  
草木香各一錢一劑頓止又用加味歸脾湯調  
理而痊

一女子懷抱素鬱胸滿食少吐血面赤用六味  
丸及歸脾加山梔貝母芍藥而愈



一婦人爲哭母吐血咳嗽發熱盜汗經水不行  
此悲傷肺思傷脾朝服補中益氣加桔梗貝母  
知母夕用歸脾湯送六味丸而愈

柔脾湯 治虛熱吐血衄血汗出

甘草 炒

白芍藥 炒

黃芪 各半兩

熟地黄

自製一兩五錢

右每服五錢水酒煎○一婦人月經不利忽妄  
行嘔血察其形脉如常用四生丸即安一女子  
飽食負重而吐血用前湯及青餅子而愈世治

吐血並用竹茹地黄藕汁亦不可拘泥如陽乘  
於陰血得熱則流散經水沸溢理宜涼解地黄  
犀角之類如陰乘於陽所謂天寒地凍水凝成  
冰須當溫散乾姜肉桂之類

四生丸 治陽乘於陰以致吐血衄血

生荷葉

生艾葉

生栢葉

生地黄

各等分

右研九鷄子大每服一丸水煎服陳白華云先  
公嘗遊靈石寺主僧置飯設卓一僧見卓不穩  
急俯穩之舉首即嘔血明年到寺問舊嘔血者



何如王僧言服得四生丸遂愈自得此方屢治  
有効愚意前症乃內熱暴患用之有効若人病  
久本元不足須補脾以滋化源否則虛火上炎  
金反受尅獲生鮮矣

犀角地黄湯 方見前

薑草湯 若陰乘於陽寒而嘔血

甘草 炒 乾姜 各一錢

右水煎服理中湯亦妙

花蕊石散 治瘀血積於內以致大小便不通或

血畜於上而吐不止一婦人苦吐血百藥不効  
童便酒調不數服而愈 方見胎衣不下

如聖散 治吐血不已每服二錢米飲下 方見十卷催  
中生

附方

濟生鷄蘇散 治勞傷肺經唾中有血咽喉不利

鷄蘇葉 黃芪 炒 生地黃 阿膠 炒

貝母 白茅根 各一錢 桔梗 炒 麥門冬 去心

蒲黃 炒 甘草 炒各五分



右姜水煎服

生地黄散 治鬱熱衄血咯血吐血陰虛而不能愈者

枸杞子 柴胡 黃連炒 地骨皮

天門冬 白芍藥炒 甘草炒 黃芩炒

黃芪炒 生地黄 熟地黄自製各五分

右水煎下血加地榆

三因茯苓補心湯 治面色黃瘁五心煩熱咳嗽吐血

半夏 前胡 紫蘇 茯苓

人參 枳殼炒 桔梗炒 甘草炒

乾葛各五分 當歸一錢 川芎 陳皮

白芍藥各一錢 熟地黄自製一錢五分

右姜棗水煎服

麥門冬飲子 治氣虛吐血或氣虛不能攝血者

五味子粒 麥門冬去心 黃芪炒各一錢

當歸身 人參 生地黄各半錢

右水煎服



十全大補湯 治胃氣虛弱吐血衄血便血不止  
以致外症惡寒發熱自汗盜汗食少體倦或寒  
熱作渴頭疼眩暈而似中風或氣血俱虛胸腹  
脇痛或骨節作痛經候不調或寒熱往來發熱  
晡熱或五心發熱咽乾舌燥或痰嗽喘促胸膈  
虛痞或嘔吐泄瀉手足冷熱等症

歸脾湯

加味道遙散 三方見二十四卷第四論

加味小柴胡湯 方見二十四卷第二論

六味丸

八味丸 二方見二十四卷第十一論

獨參湯 方見三卷第十一論

補中益氣湯 方見二十四卷第十論

黃連香薷飲

枇杷葉散 二方見本卷前

婦人痿痺諸氣方論第七

婦人痿痺因元氣虛弱而邪氣積聚蓋痿者左腹  
內近臍左右有筋脈急痛如臂如指如絃之狀痿



者僻在兩肋之間有時而痛皆陰陽不和經絡痞膈飲食停滯冷氣固結而成也

愚按前症因飲食起居七情失宜虧損臟腑氣血乖違陰絡受傷循行失度所致羅謙甫先生曰養正邪自除必先調養使榮衛充實若不消散方可議下但除之不以漸則必有顛覆之害若不守禁忌縱嗜慾其有不喪身者鮮矣

附治驗

一婦人內熱作渴飲食少思腹內初如鷄卵漸

大四寸許經水三月一至肢體消瘦齒頰似瘡脈洪數而虛左關尤甚此肝脾鬱結之症外貼阿魏膏午前用補中益氣湯午後用加味歸脾湯兩月許肝火少退脾土少健午前以補中益氣下六味丸午後以逍遙散下歸脾丸又月餘日用蘆薈丸一服空心以逍遙散下日晡以歸脾湯下喜其謹疾調理年餘而愈

一婦人腹內一塊不時上攻或作痛有聲或吞酸痞悶月經不調小便不利一二年餘矣面色青



黃余以為肝脾氣滯以六君加芎歸柴胡炒連木香吳茱各少許一劑却與歸脾湯下蘆薈會丸三月餘肝脾和而諸症退又與調中益氣加茯苓丹皮中氣健而經自調

一婦人性多鬱善怒勤於女工小腹內結一塊或作痛或痞悶月經不調恪服伐肝之劑內熱寒熱胸膈不利飲食不甘形體日瘦牙齦蝕爛此脾土不能生肺金肺金不能生腎水腎水不能生肝木當滋化源用補中益氣六味地黃至

仲春而愈

松江太守何恭人性善怒腹結一塊年餘上脘蝕透血氣虛極時季冬肝脉洪數按之弦緊或用伐肝木清胃火之藥余曰真氣虛而邪氣實也恐伐肝木至春不能發生耳用八珍湯以生氣血用地黃丸以滋腎水肝脉頓退因大怒耳內出血肝脉仍大煩熱作渴此無根之火也仍以前藥加肉桂二劑脉欽熱退復因大怒果卒於季冬辛巳日乃金剋木故也



婦人良方 三十一  
一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽余曰脾為諸陰之首目為血脉之宗此脾傷五臟皆為失所不能歸於目也遂用補中益氣濟生歸脾二湯專主脾胃年餘而愈麝香丸 治疰癧冷氣心腹作痛

麝香

二錢 另研

五靈脂

炒

阿魏

五錢 麩裹 煨令麩熟

桃仁

三稜

各二兩 醋製

芫花

醋炒

檳榔

各一兩

莪茂

醋製

桂花

沒藥

木香

當歸

各半兩

右為末飯丸桐子大每服十九淡醋湯下

治疰癧神効以豬猪肝一具重十餘兩用芭豆仁五十枚入肝內用醪醋二碗慢火熬乾研爛量入三稜末丸桐子大每服五丸食前熱酒下

羅安人每經行臍腹痛甚以桃仁桂枝湯下劑而瘥 方見第一卷十二論

治經來腹先痛用局方七氣湯送來復丹局方積氣丸疰癧瘕瘕諸氣亦效



附方

蘆薈丸 治海癰肌肉消瘦發熱潮熱飲食少思口乾作渴或肝痺食積口鼻生瘡牙齦腫爛等症

蘆薈 胡黃連 黃連炒焦 木香

白燕萸炒 青皮各五錢 當歸 茯苓

陳皮各一兩五錢 甘草炒七錢

右為末米糊丸桐子大每服七八十丸米湯下  
阿魏膏 治一切瘡塊更服胡連丸

羌活 獨活 玄參 官桂

赤芍藥 川山甲 生地黄 兩頭尖

大黃 白芷 天麻各五錢 槐柳桃枝各三錢

紅花四錢 木鼈十枚去殼 亂髮如鷄子一團

右用香油二斤四兩煎黑去粗入髮煎髮化仍去粗徐下黃丹煎軟硬得中入芒硝阿魏蘇合油乳香沒藥各五錢麝香二錢調勻即成膏矣攤貼患處內服丸藥黃丹須用真正者効凡貼膏藥先用朴硝隨患處鋪半指厚以紙蓋用熱



熨斗熨良久如硝耗再加熨之二時許方貼膏藥若是肝積加蘆薈末同熨

六君子湯 方見二十四卷第六論

補中益氣湯 方見二十四卷第十論

八珍湯

加味歸脾湯

歸脾湯

逍遙散 四方見二十四卷第四論

六味丸 方見二十四卷第十一論

調中益氣湯 方見四卷第五論

婦人疝瘕方論第八

婦人疝瘕之病由飲食不調氣血勞傷或胎產經行風冷相搏所致蓋疝者痛也瘕者假也脉弦急者生虛弱者死尺脉濇浮牢為血實氣虛腹痛逆氣上行此為胞中有惡血久則結成瘕也

愚按子和先生云遺溺閉瘕陰痿瘕痺精滑白淫皆男子之疝也若血涸月事不行行後小腹有塊或時動移前陰突出後陰痔核皆女子之



疝也但女子不謂之疝而謂之瘕

附治驗

一婦人小腹痞脹小便時下白帶小水淋瀝此肝經濕熱下注用龍膽瀉肝湯而愈

一婦人小腹痛小水不利或胸乳作痛或脇助作脹或氣逆心吻余以為肝火而血傷脾用

四物柴胡青皮玄胡索木香而愈

一婦人小腹痞悶小便不利內熱體倦懶食用

八珍湯加柴胡山梔龍膽草治之而安

乾漆散 治疝瘕脇肋疼痛

乾漆炒令烟盡 木香 芫花醋炒 赤芍藥

桂心 當歸 川芎 琥珀各半兩

大黃二兩炒 牛膝一兩 桃仁去皮尖一兩另研 麝香一錢

右為末每服一錢溫酒調下

蟠葱散 治前症屬寒氣不散疼痛甚効方見二卷十四

第八論

附方

寶鑑疾莉湯 治陰疝小腹作痛小便不利手足



逆冷或脇腹悶痛

蒺藜去刺 附子炮 梔子去皮各半兩

右末每二錢水煎食前溫服

丹溪定痛散 治寒疝疼痛速効

枳殼十五箇 山梔子炒 唐菖子 吳茱萸炒過

荔枝核炮各等分

右末用長流水調下一二錢空心服

三因失笑散 治小腸疝氣痛或血疝肚腹作痛

方見二十卷第五論

龍膽瀉肝湯 方見二十四卷第八論

四物湯 方見二十四卷第六論

八珍湯 方見二十四卷第四論

婦人八瘕方論第九

婦人臟腑調和經脈循環則月水以時故能生子而無病若乘外邪而合陰陽則小腹胸脇腰背相引而痛月事不調陰中腫脹小便淋瀝面色黃黑則瘕生矣八瘕者黃青燥血脂狐蛇蠶是也千金外臺言之詳矣



愚按經曰氣主虛之血主濡之若血不流則凝而為瘕也瘕者中雖硬而忽聚忽散多因六淫七情飲食起居動傷臟腑而成當與疝癰諸症治同慎不可復傷元氣

桃仁煎 治血瘕

桃仁 大黃炒各一兩 蜚蟲半兩 朴硝一兩

右為末以醇醋一鍾石器中煮三分下前三味不在手攪煎至可丸下朴硝丸桐子大不喫晚食五更初温酒下五丸日午下穢物如未見再

服仍以調氣血藥補之予向在毗陵一婦人小便不通臍腹脹甚予診之曰此血瘕也用前藥一服腹痛下血塊血水即愈此藥猛烈太峻氣血虛者斟酌與之

大硝石丸 治七癥八瘕當用此藥去之不可令人困

硝石三兩 大黃四兩 人參一錢 甘草八分

右為末苦酒一升石器中先入大黃煎膏入餘藥丸梧子大每服二十丸米飲下三百一服空



下赤物

婦人腹中瘀血方論第十

婦人腹中瘀血者由月經閉積或產後餘血未盡或風寒滯瘀久而不消則為積聚癥瘕矣

愚按前症若鬱結傷脾用加味歸脾湯若志怒傷肝用加味道遙散若產後惡露用失笑散若肝脾虧損用六君柴胡以補元氣為主胃氣虛弱用益氣湯加茯苓半夏為主大凡腹中作痛畏手按者此內有瘀血若形體如蠶屬病氣元

氣俱實用桃仁承氣湯直下之若痛而肢體倦怠飲食少思此脾胃受傷屬病氣有餘元氣不足用當歸散調和之若痛而喜手按腹形體倦怠飲食少思此形氣病氣俱不足用六君炮姜芎歸純補之若痛而大便不實飲食難化此脾腎虛寒用六君炮姜肉果溫補之若痛而作嘔少食此脾胃虛弱用六君炮姜藿香若痛而嘔吐不食泄瀉用六君加姜桂若兼手足逆冷自汗更加附子此症多有因攻伐而致者



附治驗

一婦人耳下腫赤寒熱口苦月經不調小腹內  
一塊此肝火氣滯而血凝也用小柴胡加山梔  
川芎丹皮治之諸症悉退

一婦人久患腹痛去瘀血方止而復大痛諸藥  
不納予以脾胃之氣虛寒用參朮炮薑丸如黍  
每用數粒津嚥下後以二味濃煎漸呷而愈

桃仁丸 治瘀血不利月水不調發熱作渴心腹  
滿急或肚腹中作痛

桃仁

大黃

炒各三兩

蜜蟲

炒去翅足

水蛭

炒焦各四十枚

右為末煉蜜丸桐子大每服五六丸空心熱酒  
下

附方

桃仁承氣湯

治瘀血小腹急痛大便不利或譫

語口乾漱水不嚥遍身黃色小使自利或血結  
胸中手不敢近腹或寒熱昏迷其人如狂

桃仁

半兩

大黃

炒一兩

甘草

錢二

肉桂

錢一

右薑水煎發日五更服



附方

加味歸脾湯 治瘀血已去或脾經失血小腹作痛無寐發熱盜汗或脾傷不能攝血或脾傷痛嗜臥少食或憂思傷脾血虛發熱或肢體腫痛大便不調或經候不准晡熱內熱

加味逍遙散 二方見二十四卷第四論

失笑散 方見二十卷第五論

六君子湯 方見二十四卷第六論

補中益氣湯 方見二十四卷第十論

當歸散

方見後卷第五論

小柴胡湯

方見二十四卷第二論

婦人癥痞方論第十一

婦人癥痞由飲食失節脾胃虧損邪正相搏積于腹中牢固不動故名曰癥得冷則作痛冷入子藏則不孕入胞絡則月水不通

愚按前症若脾胃虛弱用六君子加芎歸若肝脾虛弱用補中益氣及歸脾湯若肝火鬱滯佐以蘆薈地黃二九外貼阿魏膏患者須慎七情



六淫飲食起居治者不時審察病機而藥之庶幾有效

附方

川山甲散

治癥痞瘀血心腹作痛

川山甲

灰炒

鱉甲

醋炙

赤芍藥

大黃

炒

乾漆

炒令烟盡

桂心

各一兩

川芎

芫花

醋炒

當歸尾

各十兩

麝香

一錢

右為末每服一錢酒調下

六君子湯

方見二十四卷第六論

補中益氣湯

方見二十四卷第十論

歸脾湯

方見二十四卷第四論

六味地黃丸

方見二十四卷第十二論

蘆薈丸

阿魏膏

二方見本卷第七論

婦人食癥方論第十二

婦人食癥由臟腑虛弱經行不怠生冷飲食或勞傷元氣所致陳無擇云經不行者宜先導之然後固元氣為主



愚按前症若形氣虛弱須先調補脾胃為主而佐以消導若形氣充實當先疏導為主而佐以補脾胃若氣壅血滯而不行者宜用烏藥散散而行之若脾氣虛而血不行者宜用四君芎歸補而行之若脾氣鬱而血不行者宜用歸脾湯解而行之若肝脾血燥而不行者宜用加味道遙散清而行之大抵食積痞塊之症為有形蓋邪氣勝則實真氣奪則虛當養正闕邪而積自除矣雖然堅者削之客者除之胃氣未虛或可

少用若病久虛乏者不安輕用

烏藥散 方見後

婦人積年血癥方論第十三

婦人積年血癥由寒溫失節脾胃虛弱月經不通相結盤牢久則腹脇苦痛宜用三稜煎主之

愚按前症多兼七情虧損五臟氣血乖違而致蓋氣主噓之血主濡之脾統血肝藏血故鬱結傷脾恚怒傷肝者多患之腹脇作痛正屬肝脾二經症也竊謂羅謙甫先生云養正積自除東



垣先生云人以胃氣為本治法宜固元氣為主而佐以攻伐之劑當以歲月求之若欲速效投以峻劑反致有誤右七症方藥當互相參用

附方

三稜煎 治血癥血瘕食積痰滯

莪術 醋浸炒

三稜 各三兩

青皮 去白

半夏

麥芽 炒各一兩

右用好醋一鍾煮乾焙為末醋糊丸桐子大每服三四十九淡醋湯下痰積薑湯下

婦人血氣心痛方論第十四

婦人血氣心痛由臟腑虛弱風冷所乘蓋心為諸臟之主若心受傷名真心痛朝發夕死夕發旦死若心絡傷故痛發乍輕乍甚而成斯症也

愚按前症若寒邪所傷溫散之飲食停滯消導之肝火妄動辛平之脾氣鬱結和解之仍與後六症方藥同用

附治驗

一婦人久患心痛飲食少思諸藥到口即吐予



以爲脾土虛弱用白朮一味同黃土炒去土每服一兩以米泔煎濃徐服少許數日後自能大飲用三斤餘而安

上舍陳履學長子室素怯弱產後患疥瘡年餘不愈因執喪旬月每欲眩仆一日感氣忽患心脾高腫作疼手不可按而嘔吐不止六脉微細或見其形實誤認諸痛不可補氣乃用青皮木香五味吳茱萸等藥而愈繼復患瘡且墮胎又投理氣行血之藥病雖去元氣轉脫再投參芪

補劑不應矣六脉如絲欲絕迎予至診之日形雖實而脉虛極反用理氣之劑損其真氣故也連投參芪歸朮附子薑桂二劑間用八味丸五日寢食漸甘六脉全復此症若心脾疼扁時即服此等藥瘡亦不作矣

附方

烏藥散 治血氣壅滯心腹作痛

- 烏藥
- 我茂醋浸炒
- 桂心
- 當歸
- 桃仁
- 青皮
- 木香各等分



右為末每服一二錢熱酒調下

靈苑方 用生五靈脂為末每服一錢沸湯下日

三十服

八味丸 方見二十四卷第十一論

婦人血氣心腹疼痛方論第十五

婦人血氣心腹疼痛由臟腑虛弱風邪乘之真邪相搏隨氣上下故心腹作痛也

愚按前症若氣滯血瘀用沒藥散勞傷元氣用益氣湯肝脾鬱結用四七湯怒動肝火用小柴

胡湯肝脾血虛用四物湯脾肺氣虛用四君子湯中氣虛弱用補中益氣湯氣血俱虛用八珍湯

附治驗

一婦人每怒心腹作痛久而不愈此肝火傷脾氣也用炒山梔一兩生薑五片煎服而痛止更以二陳加山梔桔梗乃不發  
一婦人懷抱鬱結不時心腹作痛諸藥不應用歸脾湯倍加炒山梔而愈



陳湖陸小村母久患心腹疼痛每作必胸滿嘔吐手足俱冷面赤唇麻咽乾舌燥寒熱不時月餘竟夕不安其脉洪大衆以痰火治之屢止屢作迨乙巳春發頻而甚仍用前藥反劇此寒涼損真之故內真寒而外假熱也且脉息洪弦而有怪狀乃脾氣虧損肝木乘之而然當溫補胃氣遂用補中益氣湯加半夏茯苓吳茱萸木香一服熟寐微曉洪脉頓歛怪脉頓除諸症釋然

附方

琥珀散 治氣滯心腹撮痛或月經不行小腹痛

烏藥

莪茂 醋浸炒 當歸 用

右爲末每服一錢溫酒調下

蠲痛散 治血氣刺痛

荔枝核 燒存性 半兩

香附子 一兩

右爲末每服一錢溫酒調下

菖蒲丸 治血積心脾作疼男大德續添

九節菖蒲 六兩

吳茱萸 炒 香附子 各四兩

右爲末醋調神麴糊丸桐子大每服四五十丸



淡薑湯調下

沒藥散 治血氣不行心腹作痛或行注疼痛或月經不調發熱晡熱並用之

紅花

沒藥

當歸

玄胡索

炒各等分

右為末每服一錢童便酒調下

木香枳木丸

破滯氣消飲食開胃進食消化痰涎

涎

木香

枳實

炒各一兩白木二兩

右每服五錢薑棗水煎服

木香化滯湯

治脾胃虛弱飲食停滯腹脹作痛

或心下痞滿不思飲食若憂怒飲食而致者尤宜用之

木香

紅花

各二錢 橘皮

當歸

稱各一錢

柴胡

四錢

草豆蔻

炙半兩

半夏

一兩

枳實

炒二錢

右每服三五錢薑水煎服

補中益氣湯

方見二十四卷第十論

四君子湯



四物湯 二方見二十四卷第大論

四七湯 方見十一卷第七論

小柴胡湯 方見二十四卷第二論

八珍湯

歸脾湯 二方見二十四卷第四論

二陳湯 方見二十四卷第五論

婦人血氣小腹痛疼方論第十六

婦人小腹疼痛由胞絡受冷搏於血氣結於小腹因虛發動故痛也

愚按前症若氣寒血結用葳靈仙散氣滯血凝用當歸散肝經血虛用四物湯加參朮柴胡肝經濕熱用龍膽瀉肝湯肝脾氣虛用六君子湯加柴胡芍藥肝脾虛寒用六君子湯加柴胡肉桂若兼嘔吐加木香四肢逆冷再加炮薑

附治驗

通府張孟威云其妹小腹痛服附子理中湯附子服過八十餘枚此乃沉寒痼冷之甚不多有者



附方

歲靈仙散 凡冷氣滯血小腹疼痛或經行遇怒  
腹脹痛宜用之

歲靈仙 兩一 當歸 沒藥 木香

桂心 各半兩

右為末每服一錢熱酒調

當歸散 凡血積小腹疼痛或因氣逆月經不行  
肚腹作痛

當歸 炒 赤芍藥 劉寄生 沒藥

枳殼 炒 玄胡索 炒各等分

右為末每服一錢熱酒調下

四物湯

六君子湯 二方見二十四卷第六論

龍膽瀉肝湯 方見二十四卷第八論

附子理中湯 方見二十一卷第九論

婦人兩脇脹痛方論第十七

婦人兩脇脹痛因臟腑虛弱氣血不調風冷客於  
胞絡相搏壅塞故也



愚按東垣先生云胸脇作痛口苦舌乾寒熱往來發嘔發吐四肢滿悶淋瀝便難腹中急痛此肝木之妄行也竊謂前症若暴怒傷血用小柴胡芎歸山梔氣虛用四物參朮柴梔若久怒傷氣用六君芎歸山梔若氣血俱虛用六味地黃丸若經行腹痛寒熱晡熱或月經不調發熱痰咳少食嗜臥體痛用八珍柴胡丹皮若脇脹發熱口渴唾痰或小便淋瀝頸項結核或盜汗便血諸血失音用六味丸若兩脇作脹視物不明

或筋脉拘急面色青小腹痛或小便不調用補肝散若槩用香燥之劑反傷清和之氣則血無所生諸症作焉丹溪先生云右脇痛用推氣散小龍薈丸當歸蘆薈丸控涎丹抑青丸十棗湯皆病氣元氣俱實之劑用者審之

附治驗

一婦人性急吐血發熱兩脇脹痛日晡益甚此怒氣傷肝氣血俱虛也朝用逍遙散倍加炒黑山梔黃栢貝母桔梗麥門冬夕以歸脾湯送地



黃丸而愈

一孀婦內熱晡熱肢體痠淋不時吐痰或用人清氣化痰藥喉間不利白帶腹脹用行氣散血藥胸膈不利肢體時麻此鬱怒傷肝脾而藥益甚也予則朝用歸脾湯以解脾鬱生脾氣夕用加味逍遙散以清肝火生肝血百餘劑而愈後因怒飲食日少肢體時麻此乃肝火侮土用補中益氣加山梔茯苓半夏而痊又飲食失調兼有怒氣肢體麻甚月經如注脉浮洪而數此脾受

肝傷不能統血而致崩肝氣虧損陰血而脉大繼用六君加芎歸炮薑而血崩止又用補中益氣加炮薑茯苓半夏而元氣復更用歸脾湯逍遙散調理而康

附方

歲靈仙散 治冷氣血滯兩脇作痛方見前

人參紫荆皮散 治心腹刺痛胸膈飽滿不進飲食

紫荆皮

蒼朮

石菖蒲 各一兩



香附子二兩

人參半兩

木香三錢

右為末米糊丸桐子大每服二十九食後薑湯下

左金丸

一名四金丸

治肝火胸脇脹痛或發寒熱或頭目作痛或大便不實或小便淋瀝或小腹疼痛及一切肝火之症

黃連

炒六兩

吳茱萸

一兩湯煮片時用

右為末粥丸白朮陳皮湯下

當歸龍薈丸

治肝經實火胸脇脹痛或大便秘

結小便澀滯凡屬肝經實火皆宜用之

當歸

龍膽草

炒焦

梔子仁

炒

黃連

炒

黃芩

炒各一兩

大黃

炒

蘆薈

青黛

各五錢

木香

二錢五分

麝香

另研五分

右為末用神麩糊丸桐子大每服二十九薑湯下

補肝散

治肝腎一經氣血虧損脇脹作痛或脇脹頭暈寒熱發熱或遍身作痛經候不調

當歸

山藥

五味子

炒

山茱萸肉



黃芪炒

川芎

木瓜

各半兩

熟地黃自製

白朮

炒各一錢

獨活

酸棗仁

炒各四錢

右為末每服五錢棗水煎服

小柴胡湯

方見二十四卷第二論

四物湯

方見二十四卷第六論

補中益氣湯

方見二十四卷第十論

六君子湯

方見二十六卷第六論

六味丸

方見二十四卷第十一論

八珍湯

逍遙散

歸脾湯

加味逍遙散

四方見二十四卷第四論

婦人心腹脹滿方論第十八

婦人心腹脹滿由心脾虛損邪氣乘之此足少陰腎經之脉起於足小指貫腎絡膀胱入肝肺出絡於心若邪搏三經併結於脾脾虛則心腹脹滿矣  
愚按前症脾胃虛痞用六君子湯脾胃虛寒者用人參理中湯鬱結氣滯者用歸脾湯肝侮脾



土用六君柴芍，脾氣壅滯，用平胃散，肺氣壅滯，用紫蘇飲，宿食壅滯，用養胃湯，脾血虛痞，用四物參朮。右六症當互相參用，仍與六卷第七論同用。

附治驗

嘔吐心腹痛見七卷第一論

一婦人胸膈不利，飲食少思，腹脹吞酸，或用疎利之藥，反致中滿不食，予以爲脾土虛而肝木勝，用補中益氣湯，加砂仁、香附、煨薑，又以六君子，加芎歸、桔梗，而愈。

吳江史，玄年，母久病之後，遇事拂意，忽胸腹脹

滿，面自微腫，兩腿重滯，氣逆上升，言語喘促，所服皆清氣之劑，不効。予曰：此脾肺虛寒也。先用六君子湯一劑，病勢頓減，後用補中益氣，加茯苓、半夏、乾薑二劑，形體頓安。後以七情失調，夜間腹脹，乃以十全大補，加木香，治之而痊。

附方

白朮散 治脾胃氣滯，心腹脹滿，不欲飲食。

白朮

炒

草果

呵子

茯苓

檳榔

桂心

各五分

陳皮

厚朴

姜製



人參各一錢 甘草炒三分

右薑棗水煎服

愚按前方治胸膈氣滯飲食內停之良劑若脾血虛痞須用四物參朮脾氣虛痞須用四君子芎歸

補遺治心腹脹滿予嘗獨用厚朴薑汁炒每服五錢薑七片水煎溫服不拘時候間服沉香降氣湯得効此病氣元氣壅實之治法也

附方

平胃散 治脾氣壅滯胸腹不利或飲食不進停滯嘔吐

蒼朮

厚朴

姜製

陳皮

各一錢五分

甘草

炙五分

右薑棗水煎服

人參養胃湯 治脾氣壅滯胸膈不利或飲食壅滯

滯胸腹脹悶或兼外感風寒頭痛嘔吐等症方見

第二十一卷 第九論

四物湯

六君子湯

二方見二十四卷第六論



補中益氣湯

方見二十四卷第十論

人參理中湯

方見二十卷第八論

十全大補湯

歸脾湯

二方見二十四卷第四論

紫蘇飲

方見十三卷第八論

調中益氣湯

方見四卷第九論

婦人良方卷之七終



婦人良方卷之八

臨川 陳自明 編

古吳 薛 巳 註

後學 蔣宗澹

宋雲璈

朱 明全校

婦人小便淋瀝不通方論第一

婦人淋瀝由腎虛而膀胱熱也蓋膀胱與腎為表裏主於水行於脬者為小便也若腎虛則小便頻





數膀胱熱則小便淋瀝甚則不通腹脹喘急當速治之

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱熱用黃芩清肺飲若肝經濕熱用龍膽瀉肝湯血虛用加味逍遙散陰虛用六味丸加柴胡山梔大抵不瀉而不利者熱在下焦血分也用滋腎丸渴而不利者熱在氣分也用清肺飲尺脉數而無力者陰火盛

而陽不能化也用六味丸滋腎丸為主尺脉浮而無力者陽氣虛而陰不能生也用加減八味丸滋腎丸為主

附治驗

一婦人素有前患內熱體倦余以為肝火血少脾氣虛弱用八珍逍遙二散兼服月餘而小便利又用八珍湯而氣血復  
一婦人患前症面青脇脹投之諸藥不應予以為此肝經氣滯而血傷用山梔川芎煎服數劑



而愈

一婦人小便不利小腹并水道秘悶或時腹脇脹痛余以為肝火用加味道遙散加龍膽草四劑稍愈乃去膽草佐以八珍散加炒黑山梔兼服而瘥

石韋湯 治小便實熱氣滯淋瀝

石韋

黃芩炒

木通

榆白皮

葵子

藿麥

甘草各五分

右薑水煎服

鷄蘇散 治血熱淋瀝

鷄蘇葉

木通各二兩

生地黃

滑石各三兩

刺薊根一兩

右每服半兩淡竹葉三七片水煎

桃仁煎 治血瘕小便如淋臍腹脹痛方見血瘕門第七卷

第九論

火府丹 治心經積熱小便澀及五淋加甘草名導赤散

生地黃

二兩

木通為末

黃芩

炒各一兩

右加蜜丸桐子大每服三十丸木通煎湯下



許學士云一卒病渴日飲水斗許不食者三月  
心中煩悶時已十月余謂心經有伏熱與火府  
丹數服越二日來謝云當日三服渴止又三服  
飲食如故此本治淋用以治渴可謂通變也  
一方牛膝一合水煎入麝香少許服之鄞縣耿武  
尉夢得其內患淋下砂石剝剝有聲甚爲苦楚  
一服而愈

附方

滋腎丸 治熱在血分不渴而小便不利或腎虛

足熱腿膝無力不能履地又下焦陰虛小便不  
利肚腹腫脹或皮膚脹裂眼睛突出此神劑也  
知母酒炒 黃柏酒炒各二兩 肉桂二錢  
右各另爲末水丸桐子大每服二百丸空心百  
滾湯下

黃芩清肺飲 治肺熱小便不利用此藥清之

黃芩炒 山梔炒各一錢

右水煎服不利加鹽豉二十粒

五淋散 治膀胱有熱水道不通淋瀝不出或尿



如豆汁或成砂石或如膏汁或熱拂便血

赤茯苓一錢五分 赤芍藥 山梔各一錢

當歸 甘草各一錢二分

右入燈心水煎服

補中益氣湯 方見二十四卷第十論

八珍湯

加味歸脾湯

加味逍遙散 三方見二十四卷第四論

龍膽瀉肝湯 方見二十四卷第八論

加減八味丸

六味丸 二方見二十四卷第十一論

婦人脬轉小便不利方論第二

婦人脬轉或內熱傳搏於胞或忍小便氣逆於內以致小腹急痛不得小便甚者至死

愚按前症不問男女孕婦轉筋小便不利命在反掌非八味丸不能救餘參前後論主治

附治驗

一婦人小便淋澁小腹脹悶胸滿喘急諸藥不



應余視爲轉筋之症用八味丸一服小便如湧而安

一婦人因鬱怒小便滴瀝漸至小腹腫脹痰咳喘促余用八味丸料煎服小便卽利而痊

一婦人素善怒小便淋瀝不利月經不調半載矣或兩脇脹悶或小腹作痛或寒熱往來或胸乳作痛或咽喉噎塞或兩腳筋攣或肢節結核面色青黃不澤形氣日瘦左關弦洪右關弦數此鬱怒傷肝脾血虛氣滯爲患朝用加味歸脾

湯以補脾氣解脾鬱祛肝火夕用滋腎丸生肝散滋腎水以生肝血抑肝火舒筋膜兼服月餘而愈

### 滋腎生肝飲

- |                     |                     |                     |
|---------------------|---------------------|---------------------|
| 山藥                  | 山茱萸                 | 熟地黃                 |
| <small>肉各一錢</small> | <small>肉各一錢</small> | <small>自製二錢</small> |
| 澤瀉                  | 茯苓                  | 牡丹皮                 |
|                     |                     | <small>各七分</small>  |
| 五味子                 | 白朮                  | 當歸                  |
| <small>杵炒五分</small> |                     |                     |
|                     |                     | 甘草                  |
|                     |                     | <small>各三分</small>  |

右水煎服

恣白湯 治氣滯小便不通腹脹欲死



橘皮三兩

葵子一兩

葱白一莖

右水煎分三服

八味丸 治脬轉小便不通殊有神効但世所不

用以致誤人多矣方見二十四卷第十一論

滑石散 治脬轉小便數日不通

滑石一兩

寒水石二兩

葵子一合

右為末以水一斗煮至五升時服一升即利

又方

亂髮燒灰

葵子

車前子各等分

右為末每服二錢酒調下

石韋湯

治脬轉小便不通方見前

治強忍小便致脬轉尿不利困篤欲死

滑石二兩

亂髮灰一兩

右為末每服三錢桃白皮一觔細切熟杵入水

三盞絞取汁調服

千金翼用杏仁

二十粒去皮尖

麩炒黃嚙細水送下立通

一方皂角為末吹鼻內取嚏

婦人小便數方論第三



小便乃腎與膀胱主之蓋腎氣通於陰若一經虛而熱乘之則小便澁滯虛則頻數也

愚按前症若肝經火動用逍遙散加龍膽草車前子膀胱火動六味丸加麥門五味肝腎濕熱龍膽瀉肝湯驚傷肝脾加味逍遙散加味歸脾湯肝脾肺氣虛補中益氣加麥門五味肝經血虛加味道遙散腎氣虛敗鹿茸散如不應用八味丸

附治驗

一婦人患前症小便頻數日晡熱甚此肝脾血虛氣滯而兼濕熱也用味逍遙散加車前子而愈

一婦人患前症發熱煩躁面自赤色脉洪大而虛余謂此血虛發躁用當歸補血湯數劑而痊一婦人久患前症泥屬於火雜用寒涼止血之劑虛症悉具余曰此脾胃虧損而諸經病也當補中氣為主遂以六君補中一湯兼服兩月餘尋愈



方藥

桑螵蛸散 治腎氣虛寒小便數少或時頻數或夜間尤數

桑螵蛸 三十枚炒 鹿茸 炙

牡礪 煨

甘草 炒二兩 黃芪 炒

右為末每服一二三錢食前空心用薑湯調下日二服

縮泉丸 治脬氣虛寒小便頻數或遺尿不止小兒尤効

烏藥

益智仁 等分

右為末酒煎山藥末為糊丸桐子大每服七十丸鹽酒或米飲下

鹿茸散 治腎氣虛寒便溺數甚或夜間頻數遺溺

鹿茸 炙

桑寄生 當歸

烏賊魚骨

龍骨 煨各二兩 白芍藥 炒 附子 炮各三錢 桑螵蛸 炙各五錢

右為末每服二錢空心并食前用溫酒調下作丸服亦可凡用附子重一兩三四錢底平頂圓



周圍有辨者方是

附方

當歸補血湯

八味丸

六味丸

加減八味丸 四方見二十四卷第十一論

逍遙散

加味逍遙散

加味歸脾湯 三方見二十四卷第四論

六君子湯 方見二十四卷第六論

補中益氣湯 方見二十四卷第十論

婦人遺尿失禁方論第四

經云膀胱不利為癃不約為遺溺乃心腎之氣失其常度也故有便道澀而遺者有失禁而不知自遺者亦有生產傷膀胱不時而遺者有解寒臟冷遺而不知者

愚按內經曰胞移熱於膀胱則癃溺血膀胱不利為癃不約為遺溺注曰膀胱為津液之府水



注由之然足三焦脉實約下焦而不通則不得小便足三焦脉虛不約下焦則遺溺也靈樞經曰足三焦者太陽之別也並太陽之正入絡膀胱約下焦實則閉癰虛則遺溺竊謂前症若肝腎虛熱挺孔痿痺用六味丸如不應加減八味丸陽氣虛憊膀胱積冷用鹿茸丸如不應加山藥山茱五味若肺氣虛寒前湯加桂附此症屬虛熱者多真寒者少治宜審察

### 附治驗

一婦人小便自遺或時不利日晡益甚此肝熱陰挺不能約制用六味丸料加白朮酒炒黑黃栢七分知母五分數劑諸症悉愈若誤用分利之劑愈損真陰必致不起

一老婦患前症惡寒體倦四肢逆冷余以為陽氣虛寒用補中益氣加附子三劑不應遂以參附湯四劑稍應仍以前藥而安附子計用四枚人參三斤許



一婦人病愈後小便出尿此陰陽失於傳送名大小腸交也先用五苓散二劑而愈又用補中益氣湯而安

鹿茸丸 治陽氣虛寒小便白濁滑數不禁或臍

腹陰冷大便不實

鹿茸炙 椒紅 桂心 附子炮

牡礪煨 補骨脂炒 石斛 肉苁蓉酒浸

雞胫脰炙 沉香各一兩 桑螵蛸炙三錢

右為末酒糊丸桐子大每服二十九空心温酒

下

秘元丹 治陽氣虛小便不禁或夜多小便頻數

白龍骨煨三兩 訶子十箇去核 縮砂去皮一兩

右為末糯粥丸桐子大每服五十九空心鹽酒

下

又方鹿角鎊炒為末每服三五錢空心熱酒調下

又方雞胫脰炙為末每服一二錢空心酒調下且

二三服

又方桑螵蛸酒炒為末每服一二錢空心薑湯調下



附方

六君子湯

方見二十四卷第六論

補中益氣湯

方見二十四卷第十論

六味丸

加減八味丸

八味丸

三方見二十四卷第十一論

參味湯

方見十九卷第六論

五苓散

方見二十一卷第九論

婦人小便出血方論第五

心主於血，通行經絡，循環臟腑。若得寒，則凝澀得熱，則妄行，失其常道，則溢滲於腠，則衄，出血也。愚按前症，肝經血熱者，加味逍遙散；怒氣血傷者，加味逍遙散；送髮灰。若肝經風熱，用前散送子芩丸。氣血俱虛者，八珍散送髮灰。膏梁積熱者，清胃散加槐花、甘草。風熱傷胃者，四君子加防風、枳殼。胃氣不能攝血者，補中益氣湯。鬱結傷脾，不能攝血者，濟生歸脾湯。

附治驗



一婦人尿血因怒寒熱或頭疼或脇脹此肝血  
虛而肝火盛用加味道遙散而血脹止補中益  
氣加蔓荊子而頭痛痊後鬱怒腹痛尿血仍用  
前散加龍膽草并歸脾湯治之將愈又因飲食  
所傷復作心忪不寧徹夜不寐仍用前湯而痊  
一婦人尿血面黃體倦飲食不甘晡熱作渴此  
脾胃氣虛不能運血歸經用補中益氣以補胃  
氣用歸脾湯以解鬱結更用加味道遙散以調  
養肝血而痊

一婦人小便出血服四物蒲黃之類更加發熱  
吐痰加芩連之類又飲食少思虛症蜂起肝脈  
弦而數脾脈弦而緩此因肝經風熱為沉陰之  
劑脾傷不能統攝其血發生諸臟而然也余用  
補中益氣湯六味地黃丸而痊

鹿茸散 治勞損尿血發熱內熱或寒熱往來口  
乾作渴

鹿茸 炙

當歸

熟地黃 自製

葵子 炒

蒲黃 炒

續斷 酒炒  
等分



右爲末每服二錢酒調下

髮灰散 治起居所傷小便尿血或恐尿肝轉臍

下急痛小便不通又治肺疽心衄內崩吐血舌

上出血用亂髮燒灰本草云能療赤血通關隔利水道破癥瘕癰腫狐疝

刺痛注雜瘡療肝轉臍大小便止咳嗽嗽鼻衄

右每服一錢以米醋湯調服

生地黃散 治血熱小便出血

生地黃二錢黃芩五錢阿膠炒栢葉炒各一錢

右水煎服

當歸散 治血分有熱小便出血或時尿血

當歸 羚羊角鎊 赤芍藥各半錢

生地黃 刺薊葉各一錢

右水煎服

又方治血分有熱用生地黃杵取汁每用一小盞

日二服

又方治血分有熱小便尿血用炒蒲黃末每服二

錢溫酒調下滾湯亦可

又方腎虛鹿角膠二兩炙黃爲末作二服長流水



調

附方

八珍散

加味道遙散

歸脾湯 二方見二十四卷第四論

子芩丸 方見十二卷第六論

清胃散 方見二十四卷第一論

四君子湯 方見二十四卷第六論

補中益氣湯 方見二十四卷第十論

婦人太便不通方論第六

夫大便不通者，由臟腑不調，寒熱之氣結於腸胃，或經水過多，內亾津液，宜用三腕散，或四物加青皮，或七宣丸，麻仁丸，選而用之。

愚按前症或太腸津血乾涸，或血虛火燥，不可計其日期，飲食數多，必待腹滿脹，自欲去而不<sub>レ</sub>能者，乃用猪膽汁潤之。若妄服苦寒辛散之劑，元氣愈傷，或通而不止，或成中痞之症，大抵血虛火燥，用加味道遙散，氣血俱虛，用八珍湯燥



藥傷血用四物連翹甘草射伐傷氣用四君川芎當歸內熱作渴飲湯脈實用竹葉黃芪湯內熱作渴飲冷脈瀉用四物送潤腸丸肝膽剋脾土而不能輸送用小柴胡加山梔郁李仁腸胃氣虛而不能傳送用補中益氣加芍藥厚味積熱而秘結用清胃散加芍藥其有熱燥風燥陽結陰結皆不可妄損中氣治者審之

附治驗

一婦人痰喘內熱大便不通兩月不寐脈洪大

重按微細此屬肝脾腎虧損朝用六味丸夕用逍遙散各三十餘劑計所進飲食百餘碗腹始痞悶正前所謂血虛火鑠也以猪膽汁導而通之用十全大補湯調理而安  
通神散 治大便實熱不通其證心腹脹痛手不得近心胸煩悶而欲飲食者

大黃 炒

芒硝

檳榔

桃仁 杵

郁李仁 湯浸去皮微炒各一兩

右爲末每服二錢粥飲調



大麻仁丸 治腸胃風結大便常秘而欲飲食者

大麻仁 別研如膏 大黃 炒各二兩 檳榔

木香 枳殼 楚炒各一兩

右為末入麻仁煉蜜丸桐子大每服二十丸温

水下

皂角丸 治大腸經有風大便秘結而不堅實者

皂角 炙去子 枳殼 楚炒等分

右為末煉蜜丸桐子大每服七十丸空心米飲

下

蘇麻粥順氣滑腸用紫蘇子麻子仁水研取子煮

粥食之

潤腸丸 治伏火風熱大腸乾燥若因失血或因

腎虛當滋腎水最忌此丸

麻子仁 桃仁 去皮尖另研各一兩 羌活

當歸尾 大黃 煨 皂角仁 秦艽 各五錢

右另研為末煉蜜丸每服五十丸空心白湯送

下如直腸乾澁用猪膽汁導之亦忌前藥

附方



加味道遙散

八珍湯 二方見二十四卷第四論

補中益氣湯 方見二十四卷第十論

四物湯

四君子湯 二方見二十四卷第六論

竹葉石膏湯 方見十三卷第十論

小柴胡湯 方見二十四卷第二論

清胃散 方見二十四卷第一論

瘡科竹葉黃芪湯 方見二十四卷第四論

婦人老弱風人便秘戒用利藥方論第七

初虞世云肺主氣肺氣不降則大腸不能傳送空用杏仁枳殼訶子等藥若老弱風人津液短少大便秘澁用胡麻杏仁麻仁阿膠皂角之類每見用駛利之藥大便雖通精血復傷反致他病一男子病風淫末疾或用駛藥利之患肺痿咯膿血至大便不通而死惜哉

愚按前症若胃強脾弱津液不得四布但輸膀胱小便數而大便難者用脾約丸若陰血枯槁



內火燔灼脾肺失傳大便秘而小便數者用潤腸丸此丸若用之於熱甚氣實與西北稟厚者無有不効若用於東南及虛熱而氣血不足者則脾愈弱而腸愈燥反致虛痞矣此東垣先生之治法也其搜風順氣丸中貴及西北人用之多効東南人用之無不致害

附治驗

一老婦大便欲去而難去又不堅實腹內或如敵或作脹兩關尺脈浮大余以為腸胃氣血虛

弱每服十全大補湯加肉苁蓉去後始快若間二三日不服腹內仍脹大便仍難

搜風順氣丸 治痔漏腸風風熱閉結元氣克實者

車前子 一兩 五錢 大麻子 微炒 大黃 五錢半 生半熟

牛膝 酒浸 郁李仁 湯泡 兔絲子 酒浸蒸杵曬為末

枳殼 炒 山藥 各二錢

右為末煉蜜丸桐子大每服三十丸空心白湯送下



子和脾約丸

麻仁一兩二錢半 枳殼炒 厚朴薑製

芍藥各一兩 大黃四兩蒸 杏仁去皮尖炒一兩二錢

右為末入杏仁膏煉蜜丸梧子大每服三二十丸空心用滾湯送下內杏仁研爛

婦人泄痢秘結方論第八

經云春傷於風夏必發泄蓋木刑土也土不能滲泄則木氣勝故津液燥而秘不可專以風治張氏母年七十患痢頻數腰脚拘攣百方不愈用葠藜

酸棗仁治之即愈黃魯直苦秘結亦用前藥而愈故受症有不同也

愚按前症若因足三陰虧損發熱作渴胸膈不利飲食善消面帶陽色脉洪而虛肢體倦怠者用補中益氣湯六味地黃丸脾肺氣虛補中益氣湯脾經鬱結用加味歸脾湯氣血俱虛者八珍加肉苁蓉腎經津液不足者六味地黃丸胃火消鑠津液竹葉黃芪湯肝木侮土小柴胡加山梔郁李仁枳殼膏梁積熱清胃散加山梔郁



李仁枳殼若燥在直腸用猪膽導之

附治驗

一老婦大便月餘不通痰喘內熱不得就枕脉洪大重按微細朝用六味丸夕用逍遙散各五十餘劑計進飲食百餘碗小腹始悶此火燥而消鑠也以猪膽汁潤之用十全大補而安後仍不通用八珍倍加茯苓常服而通

治風人大便或秘

皂莢子

三百粒破作兩片慢火炒燥入酥棗大又炒燥又入酥至焦黑為度

右為末蜜丸桐子大每服三十丸煎蒺藜酸棗仁湯空心下良久未利再服漸加至百丸以通為度

蒺藜湯用蒺藜炒并去刺二兩酸棗仁炒香一兩每用五錢水一盞煎七分去滓送下前丸

大五柔丸 治臟氣不調大便難利或為秘結堅硬

大黃

飯上蒸焙末

枳殼

去穰麩炒

白芍藥

末

葶藶

炒為末

牛脂

熬油

茯苓

酒浸焙各一兩



桃仁 百枚去皮尖研 杏仁 四十枚去皮尖

右和勻煉蜜丸桐子大米飲下三十丸日三服以和為度

二仁丸 安康郡太守苦風秘予處此方用之甚効

杏仁 去皮尖 麻仁 別研 枳殼 去穰

訶子 炒去核

右用煉蜜丸桐子大每服一二三十丸溫水下未利增之

蜜兌法用好蜜四五兩石器中微火熬不在手攪候可丸以蛤粉塗手捏如指長三寸許入太孔內以手掩良久即通未通再作文潞公泄利求速効用石脂龍骨等藥便秘累日甚苦余告曰此燥糞在直腸藥所不及請以蜜導之下結糞四五枚而愈

通氣散 治虛人憂怒以致傷肺與大腸不能傳送

陳皮 蘇葉 枳殼 炒 木通 各一錢



右水煎服

皂角丸蘇麻粥亦佳見前

附方

補中益氣湯 方見二十四卷第十論

六味丸 方見二十四卷第一一論

加味歸脾湯

八珍湯

逍遙散

加味逍遙散

十全大補湯 五方見二十四卷第四論

竹葉黃芪湯 方見二十四卷第四論

小柴胡湯 方見二十四卷第二論

清胃散 方見二十四卷首論

婦人泄瀉方論第九

論曰泄瀉之症因腸胃虛冷而邪氣乘之經云春傷於風夏必發泄蓋風傷肝肝木旺而剋脾土屬外因也若七情不平臟氣受傷屬內因也若飲食生冷傷脾屬不內外因也大法寒者溫之熱者涼



之滑者澁之濕者燥之

愚按前症若生冷所傷用六君木香砂仁辛熱所傷用二陳炒連山梔麵食所傷用六君神麵米食所傷用六君穀蘖飲食不時而傷用四君子湯飲食過多而傷用六君子湯飲食停滯人參養胃湯脾氣虛弱者六君升麻柴胡脾氣虛寒六君木香炮薑肝木乘脾者六君柴胡芍藥肝火剋脾者六君芍藥山梔中氣虛而下陷者補中益氣湯鬱結傷脾者濟生歸脾湯腎氣虛

者五味子散脾氣虛者二神丸脾腎虛者四神丸命門火衰者八味丸真陽虛敗者固真丸仍與滯下方參用

附治驗

侍御沈東江之內停食腹痛作瀉以六君加木香炮薑而愈後復作傳為腎泄用四神丸而安侍御徐南湖子室瀉屬腎經不信余言專主滲泄以致不起

一婦人年踰五十不食夜飯五更作瀉二十年



矣後患痢午前用香連丸午後用二神丸各二服而痢止又以二神丸數服而食夜飯不月而形體如故

吳江史玄年母素有血疾殆將二神丸平居泄瀉飲食少思面黃中滿夏月尤甚治血之藥無慮數百劑未嘗少減余以為脾腎虛損用補中益氣湯送二神丸復用十全大補湯煎送前丸食進便實病勢頓退若泥中滿忌參朮痰痞忌熟地便泄忌當歸皆致誤事

桂香丸 治虛寒滑泄腹痛或嘔吐不食手足逆冷

附子 炮 肉苳蔻 炮 丁香 桂心

白茯苓 各一兩 木香 炮 白乾薑 炮 各兩半

右為末米糊丸桐子大每服五十丸空心米飲下

胃苓散 治脾胃所傷吐瀉不止水穀不化即五苓散合平胃散

右每服五七錢用薑棗水煎空心服仍節飲食



木香散 治臟腑虛寒下泄米穀口舌生瘡或嘔

吐不食

木香 煨

破故紙 炒各一兩

良薑

縮砂 炒

厚朴 製各三錢 赤芍藥 炒 橘紅

桂心

白朮 各半兩 胡椒

吳茱萸 泡各一錢

肉荳蔻 煨 檳榔 筒一

右為末每服三錢用豬肝四兩批薄以藥摻拌量入水醋鹽葱薑煮乾空心頓食或丸桐子大每服百丸粥飲下日三服○府博趙安人患泄

瀉諸藥無効診之日此肝腎虛也服前散而愈

經日洩痢前後不止腎虛也又日諸厥因泄皆

屬於下下謂下焦肝腎之氣也門戶束要肝之

氣也肝氣厥而上行故下焦不能禁固而泄痢

腎為胃關門戶不要故倉廩不藏也

香連丸 治痢疾并水瀉暑瀉腹痛不問赤白神

効

黃連 淨二兩

吳茱萸 去枝梗 十兩

右先將二味用熱水拌和入磁器內置熱湯頓



一白同炒至黃連紫黃色去菜用連為末每末  
四兩入木香末一兩淡醋米飲為丸桐子大每  
服二三十丸滾湯下久痢中氣下陷者用補中  
益氣下中氣虛者用四君子下中氣虛寒者加  
薑桂

三黃丸 治熱痢腹痛或口舌生瘡咽喉齒痛及  
一切實火之症

黃芩

黃連

黃柏 各炒  
等分

右各另為末水糊丸桐子大每服七八十丸白

湯下

芍藥湯

治熱痢便血後重經日澀而便膿血此

氣行而血止也行血則膿自愈調氣則後重除

芍藥

炒一兩

當歸

黃連

炒各半兩

檳榔

木香

甘草

炙各二錢

桂五分

黃芩

炒五錢

右每服半兩水煎如不減加大黃此症多有因  
中氣虛弱脾氣鬱結者治當審察

二神丸

加五味二兩吳茱萸  
黃四兩名四神丸

治脾腎虛弱侵晨五更

作瀉或全不思食或食而不化大便不實神效



破故紙

四兩 炒

肉苳菘

二兩 生用

右為末用大紅棗四十九枚生薑四兩切碎同  
棗用永煮熟去薑取棗肉和藥丸桐子大每服  
五十丸空心鹽湯下

五味子散

治腎經虛弱大便不實或夜間或五  
更泄瀉

五味子

兩 炒

吳茱萸

兩 半

右為末每服一錢空心米飲調下其効如神米  
糊為丸亦可

白朮芍藥湯

治脾經受濕水泄注下體重腹滿

形體倦怠不欲飲食或暴泄無數水穀不化

白朮

炒

芍藥

炒各 二錢

甘草

炒一 錢半

右水煎服

茯苓湯

治濕熱泄瀉或飲食傷瀉

白朮

炒

茯苓

各五 錢

右用水煎食前服一方有芍藥等分名白朮散  
滲濕湯 治寒濕所傷身重腰冷如坐水中或小便  
便秘澀大便溇泄此症多因坐臥濕地或陰雨



所襲而致

蒼木

白木炒

甘草炒各一兩 乾薑炮

茯苓各二兩 陳皮

丁香各二錢半

右每服四五錢棗木煎

防風芍藥湯

治殮泄身熱脉弦腹痛及頭痛

防風

芍藥炒

黃芩炒各二錢

右用水煎服

六君子湯

四君子湯方見二十四卷第六論

補中益氣湯方見二十四卷第十論

人參養胃湯方見七卷第十八論

十全大補湯

濟生歸脾湯二方見二十四卷第四論

八味丸方見二十四卷第十一論

東垣補真丸方見七卷第七論

婦人協熱下痢方論第十

論曰下利赤黃米穀不化作渴嘔逆小便不利心  
胸煩躁脉虛大而數此胃經虛熱津液不分併於



大腸所致先用五苓散次用玉粉丹四味阿膠丸  
主之

愚按前症若胃氣虛弱用補中益氣湯肝木侮  
脾土用六君子湯鬱結傷脾土用歸脾湯命門  
火衰用八味地黃丸餘參各論主之

附治驗

一婦人五月間患痢日夜無度小腹墜痛發熱  
惡寒余以為脾氣虛弱用六君子湯送香連丸  
二服漸愈仍以前湯送四神丸四服全愈至七

月終怠惰嗜臥四肢不收體重節痛口舌乾燥  
飲食無味大便不實小便頻數瀝浙惡寒悽慘  
不樂此肺之脾胃虛而陽氣不神也用升陽益  
胃湯而痊

玉粉丹

蛤粉

硫黃等分

右為末米糊丸桐子大每服五十丸用米飲下  
四味阿膠丸

黃連炒

赤茯苓

二兩芍藥

炒三兩

阿膠

炒一兩



右為末以醋丸桐子大每服二十九丸食前米飲下

附方

補中益氣湯 方見二十四卷第十論

六君子湯 方見二十四卷第六論

歸脾湯 方見二十四卷第四論

八味丸 方見二十四卷第十一論

婦人滯下方論第十一

經六春傷於風夏生飧泄蓋風喜傷肝然春時肝

木反剋脾土以致滯下赤白裏急後重先服神木散次用五苓散之類煩渴腹痛小便赤澀脉洪數為熱用白頭翁湯之類脉虛弱為伏暑用香需散之類如風邪下血用胃風湯腹痛嘔逆手足俱冷六脉微細為臟腑虛寒急服四順附子湯灸氣海丹田二穴久痢腸滑用理中湯加肉果訶子或十全大補湯加木香肉果之屬若一方一郡所患相類者乃屬疫症

愚按東垣云太陰經受濕水瀉變膿血脾傳於



腎者謂之賊邪，難愈先痢，而後瀉者謂之微邪。易痊若厥陰經下痢，脈沉遲，手足厥逆，用麻黃小續命湯汗之。若身冷自汗，小便自利，脈微嘔吐，用漿水散溫之。若脈疾身動，下迫聲響，用白朮芍藥湯。脈沉身靜，飲食不入，用薑附湯。身軀沉重，四肢不舉，用朮附湯。竊謂前症若飲食停滯，用六君子湯以補脾胃，消飲食。若胃氣下流，用補中益氣湯以補脾胃，升元氣。若風傷腸胃，宜用神木散以補脾胃，解外邪。若痰積中焦，宜

用六神丸以補脾胃，化痰滯。大凡脾胃虛弱，宜補中氣，調飲食。

附治驗

一老婦食後因怒患痢，裏急後重，肛門脫下，此脾氣下陷，用大劑六君加附子肉蔻煨木香各一錢，吳茱五分，骨脂五味各一錢，五分，一劑諸症悉退。惟小腹脹悶，此肝氣滯於脾也。與調中益氣加附子木香五分，四劑而愈。後口內覺鹹，此腎虛水泛，與六味地黃丸一劑頓愈。又以飲



食失，空大便不實，四肢逆冷，此脾胃復傷，與六君加附子五分，八味丸而愈。

先太，宜人仲夏患痢，腹痛去後無度，煩渴飲湯，手按腹痛稍止，脉鼓指而有力，此真氣虛而邪氣實也。急用人參五錢，白朮茯苓各二錢，陳皮炙草附子升麻各一錢，服之即睡覺而索食，脉症頓退，再劑而安。此取症不取脉也。其時同患是症，服痢藥者俱致不起，惜哉。

神木散 治春傷於風，夏生飧泄，或傷風頭痛項

背拘急，鼻流清涕。

蒼朮炒二錢 藁本 川芎各一錢

羌活 粉草炒一錢五分 細辛五分

右思薑水煎服，欲發汗加葱頭。

四順附子湯

生附子去皮 白乾薑炮 甘草炒 人參各一兩

右每服四五錢水煎，吐瀉腹痛加肉桂半兩，小便不利加茯苓半兩。若體寒自汗手足逆冷，六脉虛弱，背寒面垢，或面如塗油，齒乾煩悶，躁滑



引飲此爲伏身者宜用小柴胡湯五苓散酒蒸薑  
連丸ラ

加減參附湯 治寒痢陽氣脫陷嘔吐不食手足  
俱冷ラ

大附子炮 大人參各二錢 丁香十五粒

右用薑十片米一撮水一鍾煎服如不應再加

乏

治禁口痢甚妙石蓮肉爲末每服一錢陳米飲調  
下

又方乾山藥半生半炒黃爲末不拘時用米飲調  
下

附方

胃風湯 治風冷乘虛客於腸胃以致水穀不化

泄瀉注下或腸胃濕毒下如豆汁或下瘀血ラ

人參 白茯苓 芍藥 肉桂

當歸 白芍藥炒 白朮炒各等分

右每服三二錢入粟米數粒ラ水煎空心食前熱  
服



水煮木香丸 治久痢裏急後重日夜無度其効

如神

罌粟殼去穰 青皮去白 甘草炒各二兩 四錢

訶子炮去核 當歸 木香各六兩

右為末煉蜜丸彈子大每服一丸水煎化空心服

戊巳丸 治胃經受熱泄痢不止或飲食不入腹

痛不止

黃連炒 吳茱萸去梗 白芍藥各五兩

右為末麵糊丸桐子大每服三十丸米飲食前下

真人養臟湯 治下痢赤白裏急後重腹痛脫肛

粟殼蜜炙三兩 人參六錢 白朮六錢 肉桂八錢

訶子皮一兩 當歸六錢 木香煨二兩

肉豆蔻麵煨半兩 白芍藥炒一兩 甘草八錢

右每服四錢用水煎臘寒加附子一兩

升陽除濕防風湯如大便閉塞或裏急後重數至

閭而不能便或有白膿或兼下血此鬱結而不



通也以此湯舉其陽則陰氣自降矣慎勿利之

蒼朮 米泔浸 四錢 防風 二錢 白朮 炒

白茯苓 白芍藥 炒各一錢

先將蒼朮用冰一鍾半煎至一鍾內諸藥同煎至八分食前熱服夫飲食入胃其氣上升輸精心肺然後下降若脾胃有傷不能上升下流腎肝而成泄利法空升補中氣不可疎下此東垣發前人所未論也

調中益氣湯夫脉弦洪緩而沉按之中下不得下

澁其證四肢滿閉肢節煩疼難以屈伸身體沉重煩心不安忽肥忽瘦四肢懶倦口失滋味大小便清利而數或上飲下便或大便澁滯夏月發泄或便後見血或下白膿胸滿短氣咽膈不通嗜睡無力飲食少思 方見四卷第五論

麻黃續命湯

防風 杏仁 去皮尖 各二兩 麻黃 去節 二兩  
人參 黃芩 炒 甘草 炙 芍藥 炒  
防已 肉桂 各一兩 附子 炮去皮 臍五錢



右每服半兩用薑水煎

白朮芍藥湯 治太陰脾經受濕水泄注下體重  
微滿困弱無力不欲飲食或暴泄無數水穀不  
化宜此湯和之

白朮

炒

芍藥

炒各一兩

甘草

炒五分

右每服一兩水煎

漿水散 治暴利如木周身汗出一身盡冷脉微  
而弱氣短難言甚者吐血此為惡病急用此藥  
緩則不救

半夏

一兩炮洗

附子

半兩炮

乾薑

一作乾生薑

肉桂

甘草

炙各五錢

良薑

二錢五分

右為末每服三五錢漿水煎和滓煎服不應加  
之

薑附湯

治霍亂轉筋手足厥冷或吐逆身冷脉

微急用此藥救之

乾薑

一兩

附子

一箇生用

右每服半兩水煎

木附湯

治下痢脾氣脫陷肢體不動汗出身冷



氣短喘急或嘔吐不食等症須急用之

白朮

生附子

須用  
好者

右為末每服五錢薑棗水煎和粗服如不應倍用之

六神丸 治食積赤白痢疾或腹痛不食或久而不止

神麴

為  
糊

麥芽

炒

茯苓

枳殼

炒  
麩

木香

黃連

炒赤各  
等分

右為末用神麴糊丸桐子大每服五十九丸白湯

送下

香連丸

方見前第九論

六君子

方見二十四卷第六論

補中益氣湯

方見二十四卷第十論

五苓散

方見二十一卷第十論

六味丸

八味丸

二方見二十四卷第十一論

婦人痢後嘔噦方論第十二

滯下咳逆嘔逆古人謂之噦此胃氣虛寒之危症



也用橘皮乾薑湯半夏生薑湯丁香柿蒂湯熱證  
欬逆用小柴胡湯橘皮竹茹湯嘗治一痢欬逆脉  
沉弱投退陰散兩服而愈又一痢後咳逆灸期門  
穴三壯而愈其穴在第六卷

愚按東垣云如泄痢而嘔者胃氣不和也上焦  
不和用生薑橘皮湯中焦不和用芎歸桂苓下  
焦不和而寒治以輕劑熱甚而治以重劑亦有  
胃火上衝而嘔者有積滯而嘔者有陰虛而嘔  
者丹溪云下痢吃逆自下衝上屬火之象古方

悉以胃弱言之殊不知胃弱者脾陰弱也故久  
病變之乃胃弱脾寒之危症用半夏一兩生薑  
半兩或理中湯加枳殼茯苓半夏不効更加丁  
香柿蒂各十枚胃熱咳逆用橘皮竹茹湯別病  
忽然而致半夏茯苓湯加枳實半夏木香調氣  
散最佳

### 附治驗

一婦人痢後嘔噦服降火化痰等劑愈甚脈洪  
大按之虛細作渴飲湯諸藥到口卽嘔余以爲



脾胃虛寒不能司納以參朮炮薑末各一錢以飯作丸米飲不時過一二五粒至二三兩許聞藥不嘔乃以六君加炮薑二十餘劑而安

一婦人患前症飲食少思胸腹膨脹太便不實所見之症悉屬虛寒假熱遂朝用補中益氣湯加炮薑木香夕用六君子送四神丸漸愈又用八味丸料煎送四神丸而痊

一婦人因怒嘔噦時或昏憤口噤或時舉體肉動其面色或青或赤余以為肝火熾盛脾土受

侮用小柴胡湯加山梔釣藤治之漸愈又用加味歸脾逍遙二藥調理而痊

橘皮乾薑湯 治胃寒嘔噦不食或吐痰腹痛兼瀉

橘皮 通草 乾薑 炒

桂心 甘草 炒 一 人參 各一錢

右水煎服

橘皮竹茹湯 治噦逆

橘皮 二錢 竹茹 甘草 炒



人參

半夏各一錢

右薑棗水煎

猪苓湯

治咳而嘔渴心煩不得眠

猪苓

赤茯苓

澤瀉

阿膠炒

滑石各一錢

右水煎服

半夏湯

治噦欲死

半夏

生薑切二兩

右水煎為二服

丁香柿蒂湯

治欬逆

丁香十粒

柿蒂十五箇

右水煎熱服

生薑橘皮湯

治嘔噦手足厥冷

橘皮一錢

生薑四錢

右水煎服

退陰散

治陰毒傷寒手足逆冷或咳逆不止脉

沉細頭痛腰重急進二三服若傷冷每服一字入

正元散內同煎入鹽一捻



乾薑 炮

川烏 炒黃 等分

右每服一錢鹽一捻水煎

倉廩湯 治痢疾心煩手足溫頭痛此熱毒上衝

宜用此湯即敗毒散每服四五錢入陳倉米百

粒薑五片棗一枚煎若脉微弱或胸腹虛脹手

足厥冷或因服墮粟烏梅過多以致作嘔者宜

用山藥半生半炒為末米飲調下日一二服

附方

木香調氣散 治氣滯嘔吐或胸膈不利心腹刺

痛飲食不進

木香

白豆蔻

丁香

檀香 各二兩

藿香

甘草 炒各六兩 砂仁 四兩

右為末每服一錢白湯調服

半夏茯苓湯 方見十二卷第三論

補中益氣湯 方見二十四卷第十論

竹葉石膏湯

六君子湯 二方見二十四卷第六論

八味丸 方見二十四卷第十一論



婦人大便下血方論第十三

婦人臟腑損傷風邪所入以致大便下血或如豆汁或腹中作痛若糞後下血其來遠糞前下血其來近遠近者言病在上下也若面無血色時寒時熱脉浮弱按之如絲者是前症也

愚按前症或飲食起居或六淫七情失宜以致元氣虧損陽絡外傷若膏梁積熱加味清胃散怒氣傷肝六君柴芍芎歸鬱結傷脾加味歸脾湯脾氣虛弱六君子湯思慮傷心妙香散大腸

風熱四物側柏荆防枳殼大腸血熱四物丹皮柴胡中氣下陷補中益氣茯苓半夏心脾不能攝血必補脾肺之源舉下陷之氣

附治驗

一婦人下血不已面色痿黃四肢畏冷此中氣下陷用補中益氣湯送四神丸數服而愈  
張淑人下血煩躁作渴大使重墜後去稍緩用三黃湯加大黃至四兩方應後用三黃湯又二十餘劑而愈此等元氣百中一二韓地官之內



脾胃素弱因飲食停滯服剋伐之劑自汗身冷氣短喘急腹痛便血或用諸補劑皆不應余用人參炮附子各五錢二劑稍應却用六君子每劑加炮附子三錢四劑漸安又用前湯每加附子一錢數劑乃瘥

一婦人因怒胸痞飲食少思服消導利氣之藥痰喘胸滿大便下血余用補中益氣加茯苓半夏炮薑四劑諸症頓愈又用八珍加柴胡炒梔全愈

一婦人瘀血腹痛便血見前

加減四物湯 治腸風下血

側柏葉炒

荆芥

槐花炒

甘草

炒各五分

枳殼炒

生地黃

當歸

川芎

各一錢

右薑水煎

腸風黑神散

治腸風下血腹疼後重或肛門脫

出

敗棕燒

木饅頭燒

烏梅去核

粉草

各一錢

右水煎服



愚按前一二症若病久中氣虛弱者必用培補脾胃為主

地榆湯陰結便血

駱龍吉方

地榆

四兩

甘草

炒一兩半

縮砂仁

四十粒

右每服三錢水煎

防風如神散

治風熱氣滯糞後下血

防風

枳殼

麩炒各等分

右每服三錢水煎

愚按前一二症若胃氣虛不能統血而下用四君

中氣下陷用補中益氣湯脾氣鬱結用歸脾湯  
氣血虛弱用八珍湯氣血虛寒用十全大補湯  
治久下血成片用頭髮燒灰每服一二錢水調下  
妙香散治心氣下血溫酒調下

附方

加味清胃散

方見二十四卷第六論

四君子湯

六君子湯

四物湯 三方見二十四卷第六論



補中益氣湯 一方見二十四卷第十論

八珍湯

加味歸脾湯 二方見二十四卷第四論

二神丸

四神丸

三黃丸 三方見前第九論

婦人痔瘻方論第十四

婦人痔瘻因鬱怒風熱厚味膏粱所致其名有五  
肛邊如乳出膿者爲牝痔腫脹出血者爲牡痔瘻

漏者爲脉痔腫核者爲腸痔登廁出血者爲血痔  
治宜審之

愚按前症婦人多因胎產經行飲食起居六淫  
七情失調所致男子多因醉飽入房筋脉橫解  
精氣脫泄熱毒乘虛而患或入房強固其精木  
乘火勢而侮金或多燻厚味陰虛濕熱宜涼血  
潤躁疎風潰後當養元氣補陰精不愈卽成痔  
漏有串臀串陰穿腸者其腸頭腫塊者濕熱也  
作痛者風也便燥者火也潰膿者熱勝血也太



便作痛者潤燥除濕肛門疼痛者瀉火導濕小便澇滯者清肝道濕經云因而飽食筋脉橫解腸澀為痔症屬肝腎不足故用加味地黃及六味丸有勁慎勿敷毒藥及服寒涼之劑

鼈甲散 治五種痔漏膿血淋漓或腫痛堅硬下墜

鼈甲 露蜂房 蛇蛻 蟬皮

猪後懸蹄 五味燒存性各二錢麝香一分

右為末每服一錢空心生地黃煎湯調下更傳

之

又方熱痛用寒水石朴硝為末以津調搽

附方

六味丸 方見二十四卷第十一論

加味地黃丸 方見二十四卷第六論

婦人脫肛方論第十五

夫脫肛者大腸之候也大腸虛寒其氣下陷則肛門翻出或因產努力其肛亦然也

愚按前症若大腸濕熱用升陽除濕湯若血熱



用四物條芩槐花血虛用四物白朮茯苓兼痔  
 痛用四物槐花黃連升麻中風虛弱用補中益  
 氣芍藥白朮中氣虛寒加半夏炮薑五味腎虛  
 用六味丸虛寒用八味丸夫肺與大腸為表裏  
 肛者大腸之門肺實熱則秘結肺虛寒則脫出  
 腎主大便故肺腎虛者多有此症

附治驗

一婦人脫肛用補中益氣加味歸脾各二百餘劑  
 而愈後因分娩復脫仍以前藥各二百餘劑始

愈

姚和衆以鐵粉傅之良

聖惠方亦治陰脫陰腫

集驗方以生鐵三斤水一斗煮至五升取水洗日

二次

孫真人用蝦蟆皮瓶中燒烟熏功效玄微

一方用五倍子煎湯洗以赤石脂末摻上托入或  
 脫長者以兩床相並中空尺許以磁瓶盛湯令  
 病人仰臥浸瓶中逐日易之收盡為度

附方



升陽除濕湯 身下而上者引而竭之

升麻 柴胡 防風 神麩炒

澤瀉 猪苓各半兩 蒼朮一兩 陳皮

甘草炙 大麥蘖各三錢

右每服五錢水煎空心服胃寒腸鳴加益智仁半夏各半錢薑棗同煎

四物湯 方見二十四卷第六論

補中益氣湯 方見二十四卷第十論

六味丸

八味丸 二方見二十四卷第十一論

### 婦人陰腫方論第十六

婦人陰腫因胞絡素虛風邪客之乘於陰部血氣相搏故也

愚按前症若氣血虛弱用補中益氣湯舉而補之肝經濕熱用龍膽瀉肝湯滲而清之若陰腫陰痒陰冷陰挺當與後論互相參看

### 附治驗

一婦人陰中腫悶小便澀滯兩脇作腫內熱嘔



熱月經不調時或寒熱此因肝脾鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味道遙散清肝火生肝皮調補肝脾而經水如期

苜蓿散 治月水澁滯陰間腫痛

苜蓿

當歸

各一兩炒

秦艽

二兩

右每服五錢入葱白水煎

白礬散

治陰腫堅痛

白礬 半兩

甘草 半錢

大黃 一兩

右為末水和用棗大綿裹內陰中日兩換以愈為度

附方

補中益氣湯 方見二十四卷第十論

龍膽瀉肝湯 方見二十四卷第四論

婦人陰痒方論第十七

婦人陰痒為二蟲在腸胃之間因臟虛而蝕陰中微則為痒甚則為痛也



愚按前症屬肝經所化當用龍膽瀉肝湯逍遙散以主其內外以桃仁研膏和雄黃末或鷄肝納陰中以制其蟲

附治驗

一婦人胸膈不利內熱作渴飲食不甘肢體倦怠陰中悶痒小便赤澀此鬱怒傷肝脾所致用歸脾湯加山梔而愈復因怒患處并小腹痛痛用小柴胡加山梔芍歸芍藥痛止用逍遙散加山梔而愈又因勞役患處腫脹小便仍澀用補

中益氣加山梔茯苓丹皮而痊

一婦人陰內痛痒不時出水食少體倦此肝脾氣虛濕熱下注用歸脾湯加丹皮山梔芍藥柴胡生草主之而安

一婦人陰內痒痛內熱倦怠飲食少思此肝脾鬱怒元氣虧損濕熱所致用參芪歸朮陳皮柴胡炒梔車前升麻芍藥丹皮茯苓而瘥若陰中有蟲痒痛亦屬肝木以桃仁雄黃研納陰中以殺之仍用清肝解鬱之藥有以鷄肝納之者乃



取蟲之法也

一方搗新桃葉綿裹納陰中日三兩易

龍膽瀉汗湯

方見二十四卷第八論

逍遙散

方見二十四卷第四論

婦人陰冷方論第十八

婦人陰冷因勞傷子臟風冷客乏用五加皮乾薑  
丹參蛇床子熟地黃杜仲各二兩鍾乳粉四兩天  
門冬一兩地骨皮二兩酒十五升漬一宿每服一  
盞空心食前飲之

愚按前症屬肝經內有濕熱外乘風冷所致若  
小便澀滯或小腹痛用龍膽瀉肝湯若內熱  
寒熱或經候不調用加味逍遙散若寒熱體倦  
飲食少思用加味四君子若鬱怒發熱少寐懶  
食用加味歸脾湯

附治驗

一婦人陰中寒冷小便黃澀內熱寒熱口苦脇  
脹此因肝經濕熱用龍膽湯祛利濕熱用加味  
逍遙散調補血氣而安



一婦人所患同前更寒熱嘔吐兩股腫痛先用  
小柴胡加山梔一劑寒熱嘔吐頓止次用龍膽  
瀉肝湯一劑腫痛頓消

一婦人陰中寒冷小便澄清腹中亦冷飲食少  
思太便不實下元虛寒治以八味九月餘飲食  
漸加大便漸實又月餘諸症悉愈

八味丸 治血弱不能榮養臟腑津液枯澀風寒  
客於子臟以致陰冷  
愚按此丸果係肝脾腎虛殊有神効

附方

小柴胡湯

方見二十四卷第二論

龍膽瀉肝湯

方見二十四卷第八論

加味道遙散

加味歸脾湯

二方見二十四卷第四論

加味四君子湯

方見二十四卷第六論

婦人陰挺下脫方論第十九

婦人陰挺下脫或因胞絡傷損或因子臟虛冷或  
因分娩用力所致



愚按前症當升補元氣爲主若肝脾鬱結氣虛下陷用補中益氣湯若肝火濕熱小便滴滯用龍膽瀉肝湯

附治驗

一婦人陰中突出如菌四圍腫痛小便頻數肉熱晡熱似痒似痛小便重墜此肝脾鬱結益肝火濕熱而腫痛脾虛下陷而重墜也先以補中益氣加山梔茯苓車前子青皮以清肝火升脾氣更以加味歸脾湯調理脾鬱外以生豬脂和

熬蘆末塗之而收

一婦人陰中挺出五寸許悶痛重墜水出淋漓小便滴滯夕與龍膽瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏間服調理而愈後因勞役或怒氣下部濕痒小水不利仍用前藥卽愈又方治前症用麻子仁研塗頂中自吸入卽洗去

附方

補中益氣湯 方見二十四卷第十論



龍膽瀉肝湯 方見二十四卷第八論

歸脾湯

加味歸脾湯 二方見二十四卷第四論

婦人陰中生瘡方論第二十

竊謂前症乃七情鬱火傷損肝脾，濕熱下注，其外症陰中出，如蛇如菌，或如鷄冠狀，或生蟲濕，痒或潰爛出水，或腫悶墜痛，其內症體倦內熱，經候不調，或飲食無味，晡熱發熱，或胸膈不利，小便痞脹，或赤白帶下，小便淋瀝，其治法腫痛

者，四物湯加柴梔丹皮膽草，濕痒者，歸脾湯加柴梔丹皮，淋瀝者，龍膽瀉肝湯，白朮丹皮潰腐者，逍遙散，山梔川芎腫悶墜痛者，補中益氣湯，山梔丹皮佐以外治之法。

一婦人腐潰膿水淋漓，腫痛寒熱，小便赤瀝，內熱作渴，肢體倦怠，胸膈不利，飲食少思，余以為肝脾虧損，用補中益氣內柴胡升麻各用一錢，加茯苓一錢，山梔二錢，數劑少愈，又與歸脾湯，加山梔川芎茯苓三十餘劑，諸症悉退，惟內熱



尚再與逍遙散倍用山梔而愈

一婦人素性急陰內痛小便赤澀怒而益甚或發熱或寒熱此肝經濕熱所致用芎歸炒梔柴胡苓朮丹皮澤瀉炒芍車前炒連生草數劑漸愈乃去黃連澤瀉又數劑全愈

附方

四物湯

方見二十四卷第六論

補中益氣湯

方見二十四卷第十論

逍遙散

歸脾湯

方見二十四卷第四論

龍騰瀉肝湯

方見二十四卷第八論

小柴胡湯

方見二十四卷第二論

女人交接傷丈夫頭痛方第二十一

愚按前症當用補中益氣六味地黃以滋化源為主

來復丹交接相傷四肢沉重頭痛昏暈米飲下

右每服五十丸

方見二十一卷第十論

附方



補中益氣湯

方見二十四卷第十論

六味丸

方見二十四卷第十一論

女人交接交輒血出痛方第二十二

一婦人每交接交出血作痛此肝火動脾而不能  
稱血用補中益氣濟生歸脾一湯而愈若出血  
過多而見他症但用前藥調補肝脾

千金療交接血出

桂心

伏龍肝

各等分

右為末酒服錢許

附方

補中益氣湯

方見二十四卷第十論

濟生歸脾湯

方見二十四卷第四論

婦人交接他物所傷方第二十三

一婦人交接出血作痛發熱口渴欲嘔或用人用寒  
涼之藥前症益甚不時作嘔飲食少思形體日  
瘦余曰症屬肝火而藥復傷脾所致也先用六  
君加山梔柴胡脾胃健而諸症愈又用加味道  
遙散而形氣復



婦人陰腫下墜悶痛出水胸腹不利小便頓  
數內熱脯熱口苦耳鳴此肝脾火症用小柴胡  
加車前膽草苓朮升麻二劑稍愈又用加味道  
遙加升麻數劑漸愈乃以加味歸脾加升麻柴  
胡并補中益氣加山梔數劑頓愈仍用加味道  
遙加味歸脾一劑調理全愈

一婦人患前症熱痛或用寒涼敗毒藥飲食不  
入時欲作嘔小腹重墜余謂此脾胃復損元氣  
下陷先用補中益氣加炮薑一劑重墜頓愈又

加茯苓半夏二十餘劑而愈乃以歸脾湯少加  
柴胡升麻并六味地黃丸而康

又方割鷄冠血塗之以赤石脂末摻之五倍子末  
亦良

附方

六君子湯

補中益氣湯一方見二十四卷第十論

加味道遙散方見二十四卷第六論

加味歸脾湯



歸脾湯三方見二十四卷第四論

六味丸方見二十四卷第十一論

治小戶嫁痛方第二十四

愚按前症當從二十一論互相主治

千金方療小戶嫁痛

甘草

生薑各五分 白芍藥四分 桂心三分

右以酒一斗煎取四升服

又方海螵蛸燒為末酒服方寸七日三服

又方小麥甘草等分煎湯洗甚効

婦人良方  
卷之八終





婦人良方卷之九

國家圖書館 NATIONAL CENTRAL LIBRARY, TAIWAN, R.O.C.



臨川 陳自明 編

古吳 薛 巳 註

後學 蔣宗澹

宋雲璈

朱 明全校

求嗣門 疾病既無須知  
求嗣故以次之

陳無擇求子論第一

有夫婦則有父子婚姻之後必求嗣續故古人謂



不孝有三無後爲大者言嗣續之至重也凡欲求子當先察夫婦有無勞傷痼疾而依方調治使內外和平則有子矣

愚按丹溪先生云人之育胎者陽精之施也陰血能攝之精成其子血成其胞胎孕乃成今婦人無子者率由血少不足以攝精也血之少也固非一端然欲得子者必須補其精血使無虧欠乃可以成胎孕若泛用秦桂丸之劑薰蒸臟腑血氣沸騰禍不旋踵矣竊謂婦人之不孕亦

有因六淫七情之邪有傷衝任或宿疾淹留傳遺臟腑或子宮虛冷或氣旺血衰或血中伏熱又有脾胃虛損不能營養衝任審此更當察其男子之形氣虛實何如有腎虛精弱不能融育成胎者有稟賦元弱氣血虛損者有嗜欲無度陰精衰憊者各當求其原而治之至于太要則當審男女之尺脉若左尺微細或虛大無力者用八味丸左尺洪大按之無力者用六味丸兩尺俱微細或浮大者用十補丸又巢氏謂夫妻



年命制克墳墓不利者理或有之若誤用辛熱燥血不惟無益反受其害今以素不生有病愈後而得子者附于左

治驗 餘見醫學綱目求嗣部

一婦人月經淋瀝愈而生子 見二卷月水不斷

一婦人患陽氣虛寒愈而生子 見五卷冷勞第四症

一婦人患結核愈而生子 見二十四卷結核類第三症

一婦人稟弱經行腹痛愈而生子 見一卷經行腹痛

一婦人素虛弱患鶴膝風愈而生子 見二十四卷膝風

一婦人患瘰癧愈而生子 見二十四卷瘰癧一症

一婦人患蠱蝨愈而生子 見二十四卷瘰癧第一一症

褚尚書求男論第二

建平孝王、妃姬皆麗無子，擇民家未笄女子入御，又無子，問曰：求男有道乎？澄對曰：合男女必當其年，男雖十六而精通，必二十而娶，女雖十四而天癸至，必二十而嫁，皆欲陰陽完實，然後交而孕，孕而育，育而子，堅壯強壽。今未笄之女，天癸始至，已近男色，陰氣早洩，未完而傷，未實而動，是以交而不孕，孕而不育，而子脆不壽。此王之所以無子也。



然婦人有所產皆女者有所產皆男者太王誠能  
訪求多男婦人至官府有男之道也王曰善未再  
期生六男夫老陽遇少陰老陰遇少陽亦有子之  
道也

### 無子論第三

又無子者其因有三一墳墓風水不利二夫婦年  
命相尅三夫婦疾病墳墓不利年命相尅此非藥  
力可致若夫婦疾病必須藥餌然婦人無子或勞  
傷血氣或月經閉澁或崩漏帶下右尺浮則爲陽

絕或尺微濇或少陰脉浮緊或尺寸俱微弱者皆  
致絕產若調攝失宜飲食不節乘風襲冷結於子  
臟亦令無子也

### 千金翼求子方論第四

論曰婦人之居幽闇類多血氣不調胎姪生產崩  
傷之異比之男子十倍難療其或七情失宜或飲  
食無度或胎瘡未愈而遽冷或登廁風入陰戶便  
成痼疾若欲求子交感之時必天日晴明神思清  
爽氣血諧和與天德福德相合夫婦本命五行相



生并本命帝旺而生者則壽而賢否則不可得也

交會禁忌第五

九求子，宜吉良日交會當避丙丁及弦望晦朔大風雨霧寒暑雷電霹靂天地昏冥日月無光虹蜺地動日月薄蝕及日月火光星辰神廟井竈園廁塚墓屍柩之傍若交會受胎多損父母生子殘疾天在愚頑不孝若交會如法則生子福德智慧驗如影響可不慎哉

男子受胎時日法第六

凡男女受胎皆以婦人經絕一日二日五日為男仍遇月宿在貴宿日若以經絕後一日四日六日瀉精者皆女過六日皆不成胎又遇旺相日尤吉夜半入房生子者賢明貴壽餘時皆凶

推支干旺相日法第七

春甲乙夏丙丁秋庚辛冬壬癸春寅卯夏巳午秋申酉冬亥子

推每月宿日第八

正月



初一初六初九初十十一十二十四二十五  
十四二十六十九日

二月

初四初七初八初九初十十一十四十九二十  
二十二十七日

三月

初一初六初七初八初十七二十二二十五日

四月

初二初四初五初六初八初十十五十八二十

二二十八日

五月

初一初二初三初四初五初六初十十一十二  
十五十六二十二十三二十五二十八二十九三十日

六月

初一初二初三初十十三十八二十三二十六二十  
七二十八二十九日

七月

初一十一十六二十二二十四二十五二十六



二十七二十九日

八月

初五初八十一二十八二十九三十  
十四二十五二十六日

九月

初二初六十一十六十九二十  
二十四日

十月

初一初四初九十四十七十八十九二十

二十九日

十一月

初一初六十一十四十五十六十七十九二十  
六二十九日

十二月

初四初九十二十三十四十五十七二十四二  
十七日

若春合甲寅乙卯夏合丙午丁巳秋合庚申辛酉  
冬合壬子癸亥與上件月宿日合者佳





求子服藥須知第九

論曰夫人求子服藥須知次第男服七子散女服盪胞湯紫石英門冬丸及坐導藥則無不效矣  
七子散 主丈夫氣虛精氣衰少無子

- 牡荊子 五味子 兔絲子 車前子
- 菟藟子 山藥 石斛 熟地黃
- 杜仲 鹿茸 遠志各八分 附子炮
- 蛇床子 川芎各六分 山茱萸 天雄各五分
- 桂心十分 白茯苓 牛膝 人參

黃芪各五分 巴戟十二分 茯苓七分 鍾乳粉八分  
 右為末每服錢許日二服酒調一方加覆盆子二錢

慶雲散

主丈夫陽氣不足不能施化

- 覆盆子 五味子各二升 兔絲子一升
  - 白朮炒 石斛各三兩 麥門冬
  - 天雄各九兩 紫石英二兩 桑寄生四兩
- 右為末食後酒服錢許日三服或米飲調冷去桑寄生加細辛四兩陽事少去石斛加檳榔十



五箇

盪胞湯 治婦人全不產育

朴硝 牡丹皮 當歸 大黃蒸一飯久

桃仁各三兩 細辛 厚朴 苦梗

赤芍藥 人參 茯苓 桂心

甘草 牛膝 陳皮各二兩 附子炮一兩半

蜜蟲炒焦去翅足 水蛭炒各十枚

右每服六錢酒水合盪半煎日三服夜一服少頃下血膿力弱者用一二服惡物不盡方用坐

導藥

坐導藥 治婦人全不產及斷續更服盪胞湯

皂角去皮一兩 吳茱萸 當歸 大黃

晉礬枯 戎鹽 川椒各二兩 五味子

細辛 乾薑各三兩 一方無茱萸更有葶塵苦瓢各三分

右為末以絹袋盛如指狀入陰中如欲小便去之一日仍易之如子宮有冷水天陰則痛須候下盡而止藥每日早晚用苦菜煎湯薰洗著藥後一日服紫石英丸



紫石英丸

紫石英 天門冬各三兩 紫葳 牡蒙各二兩

粉草一兩半 桂心 川芎 卷栢

烏頭炮 熟地黃乾 辛夷仁 禹餘糧煨醋

當歸 石斛各三兩 烏賊骨 牛膝

薯蕷各六分 桑寄生 人參 牡丹皮

乾薑 厚朴 續斷 食茱萸

細辛各五分 栝子仁一兩

右為末蜜丸桐子大每服二十九丸温酒下

續嗣降生丹 治婦人五臟虛損子宮冷憊不能

成孕

當歸 桂心 龍齒 烏藥

益智 杜仲 石苜蒲 吳茱萸各一兩半

茯神 牛膝 秦艽 細辛

桔梗 半夏 防風 白芍藥各三錢

乾薑一兩半 生半炒 附子重一兩者作二錢入三味破一錢濕漚

粳米煨 川椒二兩 牡蠣二兩童便浸四十九日却用硫黃末

潤濕益泥固濟用炭煨赤



右爲末用糯米糊丸桐子大每服二十九至百  
丸空心淡醋溫酒鹽湯任下日二服及治男子  
精寒不固陽事衰弱白濁夢泄婦人帶下寒熱  
諸虛百損盜汗氣短頭服此藥者無不感應  
愚按前五方多慄悍之味治當審察病因不可  
輕用又秦桂養真白薇茱萸地黃紫英石陽起  
石暖宮濟陰丹湯藥數方尤爲慄悍不可輕服  
未敢悉錄

竇禹鈞夜夢其亡祖父謂之曰汝緣無子又且不

壽安修善行自是佩服乃訓復夢祖父謂曰汝名  
掛天曹以有陰德特延算三紀胤錫五子悉皆榮  
顯

張慶司獄惟務方便年五十始生子亨有一道人  
丐於門謂慶曰汝本無嗣今聞嬰兒聲非若子乎  
慶曰偶得一子道人曰信乎陰德未易量爾之積  
累善事非一朝一夕今不但有嗣又喜子孫文學  
之貴安善保之後果如其言

馮商其妻每勸置妾商取一女已成聞其父因官



綱運欠折鬻女以償之商惻然不忍犯更益以資裝送還其父明年生馮京後登狀元

馬默未有嗣知登州日奉活沙門島罪人不致在死一日夢中見符使扶一男女乘空來其前呼曰爾本無嗣以活人數多上帝特賜男女各一言訖不見果如其言

時邦美之父老而無子置一妾對暗空悲泣問之乃日父卒於官醫妾欲辦喪耳時遂携金偕往其家殯葬而歸未幾生邦美後舉進士官至吏部

袁韶父爲郡吏年五旬置一妾乃宦家女也父歿家貧鬻而歸葬袁知其故卽送還更以囊資益之明年生韶既長爲叅知政事

馬涓之父無子置一妾聞其父喪官所無力歸葬故鬻此女卽日訪其母而歸之且厚資助夜夢一羽衣日天錫爾子慶流涓涓明年生一子因名曰涓既長及第

人之無嗣或因丈夫陽氣之不足不能施化或因婦人陰血衰憊百疾攻之以致然也故先賢立方



垂訓以啓後人或者用計百端妾媵無數及皓首  
終身不能如其意者是皆心行有虧非命也苟能  
革心之非所行向善積德累功施恩布惠則上天  
之報施自然慶流後裔此溫隱居求嗣篇之所由  
作也予嘗讀 聖朝爲善陰騭書因覽竇禹鈞等  
數人所履皆言此事歷歷可鑑謹錄附贅于此以  
爲求嗣者勸誡之一助云可爾

溫隱居求嗣保生篇第十

昔東京焦公二世無嫡嗣爲商旅遊玩名山尋訪

至人問其因至京都遇一老僧聲清而神朗談論  
甚異焦怪而問之曰貧家二世無嫡嗣奈何僧曰  
無嗣者有二一祖宗無德自身無行二夫妻年命  
恐犯禁忌二精神不守妻妾血寒焦公曰血寒有  
何法術願聞一言僧曰先修德後修身三年之後  
到臺山當授異方說畢忽不見焦一遵其言後赴  
五臺見一童手持一書言曰老師傳語大夫功  
成行滿賜方藥名續嗣降生丹依方服之當生富  
貴之子焦員外子生子不肖亦赴五臺見行童曰



老師昨日見員外何必來問我但依爾父所行思者自賢焦日愚豈能賢乎行童曰昔竇氏五子皆不全形後行恩布德悉登科第焦氏拜謝而歸奉行雕板印施方書不及二十年子孫數人皆貴顯後人收得此行狀及方受持行用求藥者獲其子孫皆有德行余躬受此方不敢臧默併錄篇論以告諸賢庶不致異方湮沒耳

正統間合肥人羅某年六十無子因連坐謫保安州爲民將至居庸解者逃回羅赴關自告或者曰

放流絕域人所不堪今解者既去君可無在也羅曰吾罪本爲人所累使予歸復以此累人吾不忍也且國皇法不可輕違遂至州夜有一盜疑其有所獲乃穿穴以取之其妻覺預置沸湯俟其入則沃之既穴一人將入羅起諭之乃去次日羅至市忽有一人俯伏道傍羅問之乃夜穿穴者也一人曰吾輩相戲幾被傷殞賴公曉諭一命得生公所賜也後羅凡出外一人必爲之守護未幾羅妻卒妾生一子任延安守一女適隆慶衛指揮使王欽



禮部尚書沈立齋云有二老一有子而富一無子而貧居址相鄰因居高岡其上有塋墓一老欲掘墓開窆以取利貧者以告其妻妻曰岡後有墓開以為窆不惟燒損地脉壞人風水且近墳穴不可為也遂已之富者開岡見戶則焚之後見骸骨甚多悉棄於水因致巨富乃起岑樓以蓄財物每夜家之眷屬皆居於上去其梯以示賊不能犯不意賊有劉六者卒然晝至家屬不及登樓者則投井而死其登樓者被焚而死人以爲焚尸於火棄尸

於水之報也其貧者後致巨富生一子益其家業云

弘治間京師有黃剛者因無子每歲夏秋修合痢疾藥施之忽鄰里於靜夜聞人言黃公積善久矣送以一嗣後果有子

弘治間有張某自太醫院恩生仕至縣尹老而無子在縣篤於惜民已而陞爲郡守民深感其惠在郡生子亦德政之所致也

正德間夏誠字純夫吳江縣人錦衣衛籍中順夫



府鄉試任武城縣尹愛民甚篤因忤上司遂歸老於家舊民到京者懷其德惠憐其清苦莫不以財帛助之耆老得子後有繼其政者甚豐歛縣民於中途劫之子女皆被其害

黃善貧而無子傭工爲業富民倪五命其開窰取土因鋤土見尸棺以舊土掩之乃從遠地攜土而歸後倪貧而黃富亦開窰倪亦傭工於黃家黃甚惜之與之其食倪因患痔瘡爲人憎棄遂投水而死黃聞之遂收其尸而殮之遂有子且繼其富作

善降祥信不誣矣竊聞之書曰惠迪吉從逆凶惟影響又曰作善降祥作惡降殃子之有無自王宮至於喪民亦在乎陰德而已豈可專泥於藥哉


婦人良方卷之六終

婦人良方


卷之九

十六





國家圖書館, NATIONAL CENTRAL LIBRARY, TAIWAN, R.O.C.





婦人良方卷之十

臨川陳自明 編

古吳薛 已 註

後學蔣宗澹

朱雲璈

朱明全校

胎教門

求嗣已明須知胎教故以次之

妊娠總論第一

巢氏病源論妊娠一月名胎胚足厥陰脉養之二

婦人良方卷之十





如人良方  
月名始膏足少陽脉養之三月名始胎毛心主脉  
養之當此之時血不流行形象始化未有定儀因  
感而變欲子端正莊嚴常口談正言身行正事欲  
生男宜佩弦執弓矢欲生女宜佩韋施環珮欲子  
美好宜佩白玉欲子賢能宜看詩書是謂外象而  
內感者也四月始受水精以成其血脉手少陽脉  
養之五月始受火精以成其氣足太陰脉養之六  
月始受金精以成其筋足陽明脉養之七月始受  
木精以成其骨手太陰脉養之八月始受土精以

成膚革手陽明脉養之九月始受石精以成毛髮  
足少陰脉養之十月五臟六腑關節人神皆備此  
其大畧也又五臟論有稱耆婆者論一月如珠露  
二月如桃花三月男女分四月形象具五月筋骨  
成六月毛髮生七月遊其魄兒能動左手八月遊  
其魄兒能動右手九月三轉身十月受氣足更有  
顱顙經云一月爲胎胞精血凝也二月爲胎形成  
胎也三月陽神爲三魂四月陰靈爲七魄五月五  
行分五臟也六月六律定六腑也七月精開竅通



光明也八月元神具降真靈也九月宮室羅布以  
定生人也十月受氣足萬象成也今推究數說如  
五臟論者類皆淺鄙妄託其名至於三藏佛書且  
涉恠誕漫不可考今按顧願經三卷云中古巫方  
所撰其巢氏論妊娠至三月始胎之時欲談正言  
行正事佩弦韋執弓矢施環珮佩白玉讀詩書之  
類豈非胎教之理乎嘗試推巢氏所論云妊娠脉  
養之理若厥陰肝脉也足少陽膽脉也爲一臟腑  
之經餘皆如此且四時之令必始於春木故十二

經之養始於肝所以養胎在一月二月手心主心  
胞絡脉也手少陽三焦脉也屬火而夏旺所以養  
胎在三月四月手少陰手太陽乃心脉也以君王  
之官無爲而尊也足太陰脾脉也足陽明胃脉也  
屬土而旺長夏所以養胎在五月六月手太陰肺  
脉也手陽明大腸脉也屬金而旺秋所以養胎在  
七月八月足少陰腎脉也屬水而旺冬所以養胎  
在九月又况母之腎臟繫於胎是母之真氣子之  
所賴也至十月兒於母腹之中受足諸臟氣脉所



養然後待時而生此論奧微而有至理世更有明  
乏者亦未有過於巢氏之論矣余因述其說

受形論第二

娠子即姓娠也故以後  
受形各篇并附其論

巢氏論曰陽施陰化精氣有餘兩胎有俱男俱女  
者道歲經云婦人月信止後一日二日五日值男  
女旺相日陽日陽時交合有孕多男若男女稟受  
皆壯則男子一或怯弱則少子顛顛經云陽盛發  
陰當孕成男六脉諸經皆舉其陰又云二陽所會  
則生男二陰所會則生女葛仙翁肘后方云男從

父氣女從母氣聖濟經云天之德地之氣陰陽之  
至和流薄於一體因氣而左動則屬陽陽資之則  
成男因氣而右動則屬陰陰資之則成女易稱乾  
道成男坤道成女此男女之別也凡妊娠有疾投  
以湯藥衰其大半而已使病去母安胎亦無損矣  
愚按東垣丹溪云經水斷後一二日血海始淨  
精勝其血感者成男四五日後血脉已旺精不  
勝血感者成女蓋父精母血因感而會精之施  
也血能攝精故成子此萬物資始於乾元也血



之行也精不能攝故成女此萬物資生於坤元也陰陽交媾胚胎始凝所藏之處名曰子宮一系在下上有兩岐一達於左一達於右精勝其血則陽爲之主受氣於左子宮而男形成精不勝血則陰爲之主受氣於右子宮而女形成此二先生之確論也若夫妊娠藥餌宜禁當參本門考之

### 受形篇第三

褚氏云男女之合一精交暢陰血先至陽精後衝

血開其精精入爲骨而男形成矣陽精先入陰血後參精開暴血血入爲本而女形成矣陽氣聚面故男子面重溺死者必伏陰氣聚背故女子背重溺死者必仰走獸溺死仰伏皆然陰陽均至非男非女之身精血散分駢胎品胎之兆父少母老產女必羸母壯父衰生男必弱古之良士首察乎此氣受徧瘁與之補之補羸女則養血壯脾補弱男則壯脾節色羸女宜及時而嫁弱男宜待壯而婚此疾外所務之本不可不察也



論胎教第四

馬益卿先生

論曰胎教產圖之書不可謂之迂而不加信然亦不可狎犯之方今俚俗之家與不正之屬將息避忌畧不如儀或藥毒不消或產於風露無產厄而子母均安者亦倖有之若保胎之法須多方豫養方無後患如隣家有所興修亦或犯其胎氣令兒破形殞命如刀犯者形必傷泥犯者竅必塞打擊者色青黯繫縛者相拘攣如此等驗有如指掌不可不慎也

孕元立本章第五

有泰初有泰始混沌一判既見氣矣故曰泰初既立形矣故曰泰始氣初形始天地相因生生化化品物彰矣故曰大哉乾元萬物資始至哉坤元萬物資生

吳裊註云混沌未判則氣形俱泯混沌既判則氣形已分既見氣矣是爲太初既立形矣是爲太始太初者凡有氣之所本故天得之以統元氣太始者凡有形之所本故地得之以統元形



天地交泰相因為氣形生生者得所以生  
者得所以化品物流行而形色各聲彰矣大哉  
乾元太初之所寓也故以萬物之資始為言至  
哉坤元太始之所寓也故以萬物資生為言惟  
萬物資始資生於乾坤故乾元則兆象至坤元  
然後形無不成

有生之初雖陽予之正育而充之必陰為之主  
薛左丞註陰陽離合論曰天覆地載萬物方生  
未出地者命曰陰處名曰陰中之陰出地者命

曰陰中之陽陽予之正陰為之主王冰謂陽施  
正氣萬物方生陰為之主羣形乃立字說始而  
生之者天地也育而克之者人也

因形移易曰改月化坤道之代終也

列子周穆篇尹文先生曰因形移易謂之化莊  
子田子方篇混元曰消息盈虛一晦一明日改  
月化日有所為而莫見其功易坤卦文言曰地  
道無成而代有終也地之承天其無成而有終  
也豈道於不得已耶蓋道之所在萬物失之則



死得之則生有生之類聽命於此故無成而代有終者以道言之也

謂之姪陽既受始陰壬之也 壬子謂之姪字說壬丁陽也二陰也陽既受始陰壬之而謂之姪解曰壬陽水之干也位在亥子之間陰至亥極矣陽復受胎而謂之姪於壬至子然後生謂之胞巳爲正陽陰包之也

巳正陽也而陰能包之陰與陽更用事故也巳者孟夏之月於卦爲乾純陽用事故詩謂之正

月正月者正陽之月也陰方用事而爲物之主則雖正陽亦在所包而退聽焉

謂之坯未成爲器猶云坯也

說文瓦未燒者謂之坯胚婦孕一月也字說坯未成爲器猶坯也

謂之胎既食於母爲口以也

說文胎婦孕一月也字說元胎既食於母爲口以焉

若娠則以時動也



字說女娠以時動

若懷則以身依之也

字說心所懷則身依焉目隸焉

天之德地之氣陰陽之至和相與流薄於一體

靈樞經曰天之在我者德地之在我者氣德流氣動而生者也

唯能順時數謹入事勿動而傷則育之道得矣

自一月積之至於十月所謂時數也保衛輔翼防閑忌慎適其宜所謂人事也

觀四序之運生長收藏代出萬物儀則咸備而天地之氣未始或虧者蓋陰陽相養以相濟也

陰陽離合論曰天覆地載萬物方生陽予之正陰爲之主故因春生因夏長因秋收因冬藏失常則天地四塞莊子天地篇曰留動而生物物成生理謂之形形體保神各有儀則謂之性者曾不知此乃欲拂自然之理謬爲求息之術方且推生死於五行斲補養於藥石以僞勝真以入助天雖或有子孕而不育育而不壽者衆矣



昔人論年老有子者男不過盡八八女不過盡七七則知氣血在人固自有量夫豈能逃陰陽之至數哉

天真論帝曰有其年已老而有子者何也岐伯曰此其天壽過度氣脉常通而腎氣有餘也此雖有子男不過盡八八女不過盡七七而天地之精氣皆竭矣註雖老而生子子壽亦不能過天癸之數

凝形殊稟章第六

天地者形之大也陰陽者氣之大也惟形與氣相

資而立未始偏廢

莊子則陽篇太公謂曰天地者形之大者也陰陽者氣之大者也氣以形載形以氣克惟氣與形兩者相待故曰相資而立未始偏廢

男女構精萬物化生天地陰陽之形氣寓焉

係辭曰天地網緼萬物化醇男女構精萬物化生

語七八之數七少陽也八少陰也相感而流通故女子二七天癸至男子二八而精通則以陰陽交



合而兆始故也。

岐伯曰女子二七而天癸至任脉通衝脉盛月事以時下故能有子男子二八腎氣盛精氣溢瀉陰陽和故能有子傳曰女子十四有爲人母之道四十九絕生育之理男子十六有爲人父之道六十四絕陽化之理

語九十之數九老陽也十老陰也相包而賦形故陰窮於十男能圍之陽窮於九女能方之則以陰陽相生而成終故也

字說陰窮於十圍之者男陽窮於九方之者女九有變也女足以方之十無變也男足以圍之解曰男有室所以圍陰於外女有家所以方陽於內易曰婦人之吉從一而終也夫子制義從婦曰也圍圓也君道也夫道也圓則可以制義而行方仁也臣道也婦道也方則從一而已男從圍與規從天同意女從仁與臣從仁同意元氣孕毓皆始於子自子推之男左旋積歲三十而至巳女右旋積歲二十而至巳巳爲正陽陰實



從之自己懷上男左旋十月而生於寅女右旋十月而生於申申爲二陰寅爲二陽而生育之時藉矣其稟賦也體有剛柔脉有強弱氣有多寡血有盛衰皆一定而不易也

十九難曰男生於寅寅爲木陽也女子生於申申爲金陰也楊氏註云元氣起於子人之所生也男從子左行三十女從子右行二十俱至於巳爲夫婦懷妊也古者男子三十女年二十然後行嫁娶十月而生者男從巳左行至寅爲十

月故男行年起於丙寅女從巳右行至申爲十月故女行年起於壬申

以至分野異域則所產有多寡之宜吉事有祥則所夢各應其類是故荆楊薄壤多女雍冀厚壤多男熊羆爲男子之祥蛇虺爲女子之祥是皆理之可推也

周官職方氏揚州其民三男五女荊州其民一男二女雍州其民三男二女冀州其民五男三女詩斯于篇名吉夢維何維熊維羆維虺維蛇



大人占之維熊維罴男子之祥維虺維蛇女子之祥

胎化之法有所謂轉女爲男者亦皆理之自然如食壯雞取陽精之全於天產者帶雄黃取陽精之全於地產者

千金方轉女爲男丹參丸用東門上雄雞頭又方取雄黃一兩縫囊盛帶之本草丹雄雞補虛溫中通神殺毒其肝補腎其冠血益陽雄黃人佩之鬼神不能近毒物不能傷

操弓矢藉芥斤取剛物之見於人事者氣類潛通造化密移必於二月兆形之先蓋方儀則未其陽可以勝陰變女爲男理固然也

巢氏論云妊娠二月始胎形象始化未有定儀見物而變欲得男者操弓矢食雄雞

### 氣質生成章第七

具天地之性集萬物之靈陰陽平均氣質完備咸其自爾然而奇耦異數有衍有耗剛柔異用或強或羸血榮氣衛不能逃於消息盈虛之理則稟質



之初詎可レ一槩論耶是以附贅垂疣駢拇枝指侏儒跛蹙形氣所賦有如此者瘡瘍癰腫聾盲瘖瘂瘦瘠疲瘵氣形之病有如此者然則胚胎造化之始精移氣變之後保衛輔翼固有道矣

孝經云天地之性人為貴書秦誓曰惟人萬物之靈

天有五氣各有所湊地有五味各有所入所湊有節適所入有度量凡所畏忌悉知戒慎資物為養者理固然也故寢興以時出處以節

六節藏象論曰天食人以二五氣一地食人以二五味一王冰云天以五氣食人者燥氣湊肝焦氣湊心香氣湊脾腥氣湊肺腐氣湊腎地以五味食人者酸味入肝苦味入心甘味入脾辛味入肺鹹味入腎也

可以高明可以周密使霧露風邪不得投間而入因時為養者理宜然也故必調喜怒哀寡嗜慾禮記月令仲夏之月可以居高明可以處臺榭脉要精微論云冬日在骨蟄虫周密君子居室



夏則順陽在上故可以高明冬則順陽氣之伏藏故可以周密  
作勞不妄而氣血從之皆所以保攝姙娠使諸邪不得干焉

天真論岐伯曰上古之人其知道者不妄作勞故能形與神俱而盡終其天年通天論曰聖人陳陰陽筋脉和同骨體堅固氣血皆從

苟爲不然方授受之時一失調養則內不足以爲中之守外不足以爲身之強氣形弗充而疾疚因

乏

脉要曰五臟者中之守也得守者生失守者死又曰五臟者身之強也得強則生失強則死若食兔唇缺食犬無聲食雜魚而生瘡癩之屬皆以食物不戒之過也

孫真人養胎法云旌娠食兔肉令子缺唇食犬肉令子無音聲食乾鯉魚令子患瘡癩異法方論云食之使人熱中註云魚發瘡心氣大驚而癩疾



奇病論帝曰人生而病癩疾者何岐伯曰名爲胎病此得之在腹中時其母有所大驚氣上不下精氣并居故令子發爲癩疾也  
腎氣不足而解顛

巢氏云解顛者言小兒年雖長而顛門不合頭縫開解是皆由腎氣不成故也腎主骨髓而腦爲髓海腎氣不成則腦髓不足不能成故頭顛開解

脾胃不和而羸瘦

巢氏曰夫羸瘦不生肌膚皆爲脾胃不和不能飲食故血氣衰弱不能榮於肌膚也凡小兒在胎而遇寒或生而伏熱皆令兒不能食故羸瘦也

心氣虛乏而神不足皆由氣血不調之故也誠能推而達之使邪氣無所乘茲乃生育相待而成者病源云肺主氣心主脈而血氣通榮臟腑循行經絡產則血氣傷損臟腑不足而心統領諸臟使其勞傷不足則令驚悸恍惚是心氣虛也



婦人良方  
故曰天不因人不因

法言云天不因人不因人不天不成

轉女爲男法第八

若婦人懷妊未滿三月男女未定形象未成故藥餌方術可以轉令生男者理或有之其法以芥置妊娠床下繫亦向下勿令人知恐不信試令雞抱卵時依此置窠下二窠盡出雄者又自初覺有娠取弓弩絃縛婦人腰下滿百日去之此紫宮玉女秘法也又妊娠三月已前以雄雞尾尖上良毛三

莖潛安婦人卧蓆下又取夫髮及手足甲潛安卧蓆下俱勿令知之又妊娠纔滿三月要男者以雄黃半兩衣中帶之要女者以雌黃帶之以上諸法試之良有驗也

婦人良方卷之十終





國家圖書館, NATIONAL CENTRAL LIBRARY, TAIWAN, R.O.C.

如  
人  
見  
本

三



婦人良方卷之十一

臨川陳自明 編

古吳薛 巳 註

後學蔣宗澹

宋雲璈

朱 明全校

候胎門

脉例第一

王子亨云若姙娠其脉三部俱滑大而疾在左則男在右





則經云陰搏陽別謂之有子搏者近也陰脉逼近於下陽脉則出於上陽中見陽乃知陽施陰化法當有子又少陰脉動甚者娠子也手少陰屬心足少陰屬腎心主血腎主精精血交會投識于其間則有娠又三部脉浮沉正等無病者有娠也餘病如脉經說左手尺脉浮洪者為男胎也右手尺部浮洪者為女胎也兩手尺部俱洪者為兩男俱沉實者為兩女又云中指一跳一止者一月胎二跳一止者二月胎也

診婦人有娠歌第二

肝為血兮肺為氣血為榮兮氣為衛陰陽配偶不參差兩藏通和皆類例血衰氣旺定無妊血旺氣衰應有體

肝藏血為榮屬陰肺主氣為衛屬陽陰陽配偶者是夫婦匹配偶合構精乃有子也若血少氣盛則無娠孕若血盛氣少則有孕也寸微關滑尺帶數流利往來并雀啄小兒之脉已見形數月懷胎猶未覺



寸脉微關脉滑尺脉帶數及流利雀啄皆是經  
脉閉塞不行成胎已上之脉皆是血多氣少之  
脉是懷小兒之脉已見形狀也

左疾爲男右爲女流利相通速來去兩手關脉大  
相應已形亦在前通語

左手脉疾爲懷男右手脉疾爲懷女及兩脉流  
行滑利相通疾速來去是或兩手關脉洪大相  
應是其胎已有形狀也

左脉帶縱兩箇男

縱者夫行乘妻水行乘火金行乘木卽鬼賊脉  
也名曰縱見在左手則懷兩箇男兒也

右手帶橫一雙女

橫者妻乘夫也是火行乘水木行乘金卽所勝  
脉也名曰橫見於右手則懷一雙女兒也

左手脉逆生三十男

逆者子乘母也是水行乘金火行乘木卽已生  
脉也名曰逆見於左手則懷三十箇男兒也

右手脉順還三十女



順者母乘子也是金行乘水木行乘火即生巳之脉也名曰順見於右手則懷三箇女兒也

寸關尺部皆相應一男一女分形證

寸關尺部脉大小遲疾相應者死懷一男一女形證之脉也謂關前為陽關後為陰陰陽脉相應故懷一男一女也

有時子死母身存或即母亡存子命

此一旬之文無辯子母存亡之法

二江來三部通流利滑數相參皆替替陽實陰虛脉

得明遍滿胃堂皆逆氣

若寸關尺三部通行流利皆替替有力而滑數

皆是陽實陰虛之脉主妊婦逆氣遍滿胃堂而

不順也

左手太陽浮大男

左手寸口為太陽其脉浮大則是懷男子

右手太陰沉細女

右手寸口為太陰其脉沉細是懷女脉也

諸陽為男諸陰女指下分明長記取



諸陽脉皆為男即為大疾數滑實之類也當懷  
男子諸陰脉三部沉細之類是也當懷女子  
三部沉正等無絕尺內不止真胎婦  
寸關尺三部脉沉浮正直齊等舉按無絕斷及  
尺內舉按不止任者真的懷胎婦也

夫乘妻兮縱氣霧

經云縱者夫乘妻也水行乘火金行乘木即鬼  
賊脉也縱氣霧霧者露也又上下也謂夫之陽  
氣乘妻之陰氣二氣上下相逐如霧潤結子也

妻乘夫兮橫氣助

橫者妻乘夫也見前註謂兩傍橫氣相佐助也  
子乘母兮逆氣參

逆者子乘母也謂子氣犯母氣相乘逆行之氣  
相參合也

母乘子兮順氣護

是母氣乘於子氣為順氣相護衛也凡胎聚縱  
橫逆順四氣以榮養方以成形也

小兒日足胎成聚身熱脉亂無所苦



婦人懷小兒五箇月是以數足胎成就而結聚也必母身體壯熱當見脉息燥亂非病苦之症謂五月胎已成受火精以成氣故身熱脉亂是無病也

汗出不食吐逆時精神結備其中在謂妊胎受五行精氣以成形稟一經以榮其母懷妊至五月其胎雖成其氣未備故胎氣未安上衝心胃則汗出不食吐逆名曰惡阻俗呼選飯唯思酸辛之味以調胎氣也

滑疾不散三月胎

妊娠三月名始胎此是未有定儀心胞脉養之故脉見滑疾流利為少氣多血不散為血氣盛則始結為胎也但疾不散五月母

其脉但疾數而不散者是五箇月懷胎之母也弦緊牢強滑利安沉細而微歸泉路

孕婦之脉宜弦緊牢強滑利為安吉之脉若沉細而微謂脉與形不相應故云死也前文雖云



大陰沉細又云諸陰為女其說似有相違謂三部脉皆不沉細及微故不同也

愚按前論與脉訣所云不同觀者當自推之

驗胎法第三

婦人經脉不行已經三四月欲驗有胎川芎生為末空心濃煎艾湯調下一錢腹內微動則有胎也

胎殺避忌產前將護法第四

一受孕之後切宜避忌胎殺所遊如經云刀犯者形必傷泥犯者竅必塞打擊者色青黯繫縛者相

拘攣甚至母殞禍如反掌

月遊胎殺

立春在房床

驚蟄在戶單

清明在門雙

立夏在竈

芒種在母身

小暑在竈

立秋在碓

按京本云在正北方子云

白露在厨前

寒露在門

立冬在戶及厨

大雪在爐及竈

小寒在房母身

十于日遊胎殺

甲巳日占門

乙庚日占碓磨



丙辛日占井竈，丁壬日占厨解。

戊癸日占米倉。

十二支日遊胎殺

子丑日占中堂。

寅卯辰酉日占竈。

巳午日占門。

未申日占籬下。

戌亥日占房。

六甲旬遊胎殺

甲子旬遊窓礎。

甲戌旬遊正廳。

甲申旬遊中庭。

甲午旬遊房內。

申辰旬遊房中。

甲寅旬遊

太史局日遊胎殺

每遇癸巳甲午乙未丙申丁酉五日在房內，北庚

子辛丑壬寅二日在房內，南

癸卯一日在房內，西

甲辰乙巳丙午丁未四日在房內，東

六戊六巳日在房內，中 餘日在外無占

凡遊在房內不宜於方位，上安床帳及掃舍皆

凶



又有小兒殺及本年二子殺及產母身黃定命皆不可犯凡姙娠之後將此貼於房內常照見之切不可穿鑿修掘移釘繫離壁重物展壓之類犯之重則胎死腹中母亦不利輕則子受其殃成人之後必定破形拳攣跛縮清痘犯之極驗

食忌論第五

一受孕之後切宜忌不可食之物非惟有感動胎氣之戒然於物理亦有厭忌者設或不能戒忌非特延月難產亦能令兒破形母損可不戒哉

食雞肉糯米合食令子生寸白蟲

食羊肝令子生多厄

食鯉魚鱸及雞子令兒成疳多瘡

食犬肉令子無聲音

食兔肉令子缺唇

食鰲令子項短及損胎

食鴨子共桑椹同食令子倒生心寒

食螃蟹令子橫生

食雀肉合葶醬食之令子面生點點黑子



食豆醬合藿香食之墮胎食米漿絕產

食雀肉令子不耻多淫

食山羊肉令子多病

食生薑令子多指生瘡

食蝦蟇鱔魚令兒疳瘕

食驢騾馬肉延月難產

如此之類無下發者則知聖人胎教之法矣

孕婦藥忌歌第六

蚯蚓水蛭地膽蟲

烏頭附子配天雄

躑躅野葛螻蛄類

牛黃水銀并巴豆

牛膝藜蘆并葶苈

牙硝芒硝牡丹桂

代赭炸蟬胡粉麝

槐子牽牛并皂角

檀根礪砂與乾漆

瞿麥藺茹蟹爪甲

馬刀石蠶衣魚等

烏喙側子及黃蟲

大戟蛇蛻及蜈蚣

金石錫粉及雌雄

蜥蜴飛生及蟻蟲

芫花薇御草二二稜

桃仁蟾蜍和芸根

亭長波流茵草中

蝟皮赤箭赤頭紅

半夏南星通草同

國家圖書館, NATIONAL CENTRAL LIBRARY, TAIWAN



婦人良方

乾薑蒜雞及雞子  
切須婦人產前忌

驢肉兔肉不須供  
此歌宜記在心曾

婦人良方卷之十一終



國家圖書館, NATIONAL CENTRAL LIBRARY, TAIWAN, R.O.C.



婦人良方卷之十二

臨川陳自明 編

古吳薛 巳 註

後學蔣宗澹

宋雲璈

朱 明全校

妊娠疾病門

胎後已明須知妊娠疾病故以次之

妊娠諸病忌毒藥餘當對症依法治之

妊娠隨月服藥將息法第一





千金云妊娠一月各始胎飲食精熟酸美受御宜食大麥母食腥辛是謂讒正是月足厥陰脉養不可針灸其經此經內屬於肝肝主筋血一月之內血行否澁不爲力事寢必安靜毋令恐畏况一月陰陽新合爲胎寒多爲痛熱多卒驚舉重腰痛腹滿胞急卒有所下當預安之宜服烏雄雞湯烏雄雞湯方

烏雄雞

一隻治如食法

吳茱萸

一兩 茯苓

阿膠

各二兩炒

生薑

甘草

各一兩

人參

芍藥

白朮

各三兩

麥門冬

五合去心

右以水一斗二升煮雞取汁六升下藥煮取三升內酒三升并膠等取汁三升分三服

補胎湯 若曾傷一月胎者當預服此藥

細辛

一兩

防風

二兩

烏梅

一升

吳茱萸

生地黃

白朮

各一兩

大麥

五合

生薑

四兩

右以水七升煮取汁一升半分三服寒多倍細辛茱萸熱多去細辛茱萸加括蕒根一兩有所思去大麥加栝子仁三合一升方有人參一兩忌



生菜蕪荑桃李雀肉等物

妊娠二月足少陽脉養不可針灸其經此經內屬於膽膽主精是時兒精成於胞裡當謹護勿驚動况二月始陰陽踞經有寒不成有熱即萎卒中風寒有所動搖心滿臍下懸急腰背強痛卒有所下乍寒乍熱艾葉湯主之

艾葉湯方

丹參三兩

當歸

人參

麻黃去節

艾葉

阿膠灸各二兩

甘草一兩灸

大棗十二枚

擘

生薑六兩

右以酒三升水一斗內藥煮減半去滓內膠煎取三升分三服忌海藻菘菜

黃連湯 若曾傷二月胎者當預服此藥

黃連

人參各一兩

吳茱萸五合

生地黄五兩

生薑三兩

右以醋漿七升煮取三升分四服日三夜一每十日作一劑若覺不安加烏梅一升加烏梅者不用漿直用水忌猪肉冷水蕪荑一方加當歸



半兩

妊娠三月名始胎當此之時未有定儀見物而化  
欲生男者操弓矢欲生女者弄珠璣欲子美數視  
璧玉欲子賢良端正清虛是謂外象而內感者也  
是月手心主脉養不可鍼灸其經此經內屬於心  
母悲哀思慮驚動益三月為定形有寒則大便清  
有熱則小便難不赤即黃卒驚恐憂愁瞋恚喜頓  
仆動於經脉腹滿繞臍苦痛腰背痛卒有所下宜  
服雄鷄湯

雄雞湯方

雄雞 一隻治  
如食法

甘草 炙  
茯苓

人參

阿膠 各二兩炒  
黃芩 白朮 各一兩

芍藥 四兩

大棗 十二枚擘  
生薑 一兩切  
麥門冬 五合 去心

右以水一斗五升煮雞減半內藥煮取一斗入  
清酒三升并膠再煎取三升分三服日飲盡忌  
海藻菘菜酢物桃李雀肉等一方有當歸川芎  
二兩無黃芩生薑

扶神湯 若曾傷三月胎者當預服此藥



扶神

丹參

龍骨

各一兩

阿膠

炒

當歸

甘草

炙

人參

各二兩

赤小豆

大棗

十二枚擘

右酢漿一斗煮取三升分四服七日後服一劑

腰痛加桑寄生一兩深師方有薤白一兩麻子

一升忌同前

妊娠四月以受水精始成血脉其食稻粳其羹魚  
鴈是謂成血氣以通耳目而行經絡是月手少陽  
脈養不可針灸其經此經內輸三焦其時兒六腑

順成當靜形體和心志節飲食蓋四月為離經有  
寒心下溫溫欲嘔胸滿不食小便如淋臍下苦急  
卒中風寒頸項強痛寒熱或驚動身軀腰背腹痛  
或時胎上胸煩不安卒有所下宜服菊花湯王  
菊花湯方

菊花

如鷄子大一枚

麥門冬

去心一升

麻黃

去節

阿膠

炙各三兩

生薑

五兩

甘草

炙

當歸

半夏

洗各二兩

人參

一兩五錢

大棗

十二枚擘

右以水八升煮減一半內清酒三升并阿膠煎



取三升分三服温卧當汗以粉撲之護風寒四五日忌食如前

調中湯

芍藥四兩

甘草炙

芎藭

續斷各一兩

柴胡

白朮各三兩

烏梅一升

李根白皮三兩

當歸

一兩五錢生薑四兩

厚朴炙

枳實炙各二兩

右以水一斗煮取三升分四服日三夜一八日

再服一劑一方有半夏二兩忌海藻菘菜桃李

雀肉

妊娠五月始受火精以成其氣晏起沐浴浣衣居處必厚其衣裳朝吸天光以避寒殃其食稻麥其羹牛羊和茱萸調以五味是謂養氣以定五臟是月足太陰脉養不可鍼灸其經此經內輸於脾其時兒四肢成無大饑無甚飽無食乾燥無自炙熱無大勞倦益五月毛髮初生有熱苦頭眩心亂嘔吐有寒則腹滿痛小便數卒有恐怖四肢疼痛寒熱胎動無常處腹痛頓欲仆卒有所下宜服阿膠湯又名旋覆花湯主之



阿膠湯方

阿膠四兩 人參一兩

生薑六兩

麥門冬去心一升

吳茱萸七合 旋覆花

當歸

芍藥

甘草炙

黃芩各二兩

右以水九升煮取一半內清酒三升并阿膠微火煎取三升半分四服日三夜一先食後服便愈不差更服忌海藻菘菜

安中湯 若曾傷五月胎者當預服此方

甘草炙

芍藥各二兩 當歸

人參

生地黃

芍藥各二兩

五味子五合

生薑六兩

麥門冬去心一升

大麻仁五合

大棗三十五枚擘

黃芩一兩

右以水七升清酒五升煮取三升半分四服日三夜一七日再服一劑忌如前

安胎當歸湯 若妊娠五月舉動愕胎不安小腹

痛引腰脇小便下血

當歸 阿膠炒

芍藥

人參各一兩

大棗

十二枚 艾一把



右以酒水各三升煮至二升去滓內膠令烱分  
三服下方有甘草無參棗

妊娠六月始受金精以成筋身欲微勞無得靜處  
出遊於野數觀走犬走馬食忌鷲鳥猛獸之肉是  
謂變腠理紉筋以養其力以堅骨脊是月足陽明  
脉養不可針灸其經此經內屬於胃主其口目蓋  
六月之時兒口目皆成調五味食甘美毋大飽六  
月卒有所不安寒熱往來腹內脹滿體腫驚怖忽  
有所下腹痛如欲產手足煩疼宜服麥門冬湯

麥門冬湯方

甘草 炙 人參 各一兩 生地黃 三兩 麥門冬 去心一升  
黃芩 二兩 阿膠 炒四兩 生薑 六兩 大棗 十五枚 擘  
右以水七升煮減半內清酒二升并膠煎取三  
升分三服如人行三四里進糜粥忌海藻菘菜  
蕪荑

柴胡湯 若曾傷六月胎者當預服之

柴胡 四兩 芍藥 一方作紫葳 白朮  
甘草 炙各二兩 麥門冬 三兩 去心 茯苓 一兩



芎藭<sup>二兩</sup>

生地黄<sup>五兩</sup>

生薑<sup>六兩</sup>

大棗<sup>三十枚</sup>

<sup>擘</sup>

右以水一斗煮取三升分四服日三夜一仍進糜粥七日更服一劑忌海藻菘菜蕪荑桃李雀肉等<sup>一方有黃芩一兩</sup>

旋覆花湯

亦名<sup>阻病</sup>

集驗療妊娠六七月胎不安常處

旋覆花<sup>兩</sup>

厚朴<sup>製</sup>

白朮

枳殼

黃芩<sup>炒</sup>

茯苓<sup>各三兩</sup>

半夏<sup>炒</sup>

<sup>方無</sup>

芍藥

生薑<sup>各二兩</sup>

右以水一斗煮取二升半先食分五服日三夜

一忌羊肉飭醋桃李雀肉等<sup>千金同</sup>

妊娠七月始受木精以成骨勞身搯肢無使定止動作屈伸以運血氣自此後居處必節飲食避寒暑食粳稻以密藤理是謂養骨而堅齒是月手太陰脉養不可鍼灸其經此經內屬於肺主皮毛是時兒皮毛已成無太言無號哭無薄衣無洗浴無寒飲若忽驚恐搖動腹痛卒有所下手足厥陰脉若傷寒煩熱腹滿短氣常苦頸項腰背強宜服葱白湯



葱白湯方

葱白 十五枚 半夏 細切 麥門冬 去心

人參 一兩 生薑 八兩 甘草 炙 當歸

黃芪 炒各三兩 阿膠 炒四兩 黃芩 一兩 旋覆花 一把

右以水八升煮減半內清酒三升并膠煎取四升溫服一升日三夜一溫卧當汗出無汗加麻黃二兩秋後勿強汗忌羊肉餛海藻菘菜等

杏仁湯 若曾傷七月胎者當預服

杏仁 去雙仁皮尖碎 甘草 炙 鐘乳 研

麥門冬 去心 吳茱萸 各一升 五味子

粳米 各五合 紫苑 一兩

右以水八升煮取三升半分四服日三夜一七日服一劑忌海藻菘菜

妊娠八月始受土精以成膚革和心靜息無使氣極是謂周密滕理光澤顏色是月手陽明脉養不可針灸其經此經內屬於大腸大腸主九竅是時兒九竅皆成無食燥物無輒失食無恐太氣若中風寒有所犯觸身體盡痛乍寒乍熱胎動不安若



頭眩痛繞臍下寒時時小便白如米汁或青或黃  
或寒慄腰背苦冷痛而目視茫茫宜服芍藥湯  
芍藥湯方

芍藥四錢

人參

當歸

甘草

炙各二兩

白朮

一兩

厚朴

二兩製

薤白

切一升

生薑

切四兩

右以水五升酒四升煮取三升分四服日三夜

一忌海藻菘菜桃李雀肉等類

葵子湯

若曾傷八月胎者當預服

甘草炙

柴胡

白朮

各二兩

厚朴

薑製炒

芍藥

葵子升二

生薑

六兩

大棗

二十枚擘

右以水九升煮取三升分四服日三夜一日服

一劑忌猪肉冷水燕羹桃李雀肉酢物等類

妊娠九月始受石精以成皮毛六腑百節莫不畢  
備飲醴食甘緩帶自持而待之是謂養毛髮多才  
力是月足少陰脉所養不可針灸其經此經內屬  
於腎腎主續縷皆成無處溫冷無著灸衣若卒下  
痢腹滿懸急上衝腰背痛不可轉側短氣宜服半  
夏湯



半夏湯方

半夏泡炒 麥門冬去心

當歸

吳茱萸

阿膠

炙各三兩

大棗

十二枚擘

乾薑炮一兩

右以水九升煮取三升去渣內白蜜八合微火

溫分四服痢即止忌生血物餒

猪腎湯

若曾傷九月胎者當預服

猪腎具一

茯苓

桑寄生

乾薑炮

生地黄

芎藭各三兩

白朮四兩

麥門冬一升

附子

大者一枚炮

右以水一斗煮猪腎熟去之內諸藥煎三升半分四服日三夜一十日更一劑忌猪肉蕪荂桃李雀肉酢物

妊娠十月五臟俱備六腑通納天地氣於丹田故使關節人事皆備但俟時而生

愚按妊娠所禁之法皆傳自上古當永為遵守其方藥用須斟酌

芎藭補中湯 治懷孕血氣不能榮養以致半產予嘗治一妊娠不足月而損墜服此藥遂安



乾薑煨

阿膠炒

芎藭

五味子各五分

黃芪炒

當歸

白朮炒

杜仲炒

白芍藥各一錢

木香

人參

甘草各五分

右水煎服

妊娠惡阻方論第二

妊娠惡阻病產寶謂之子病巢氏病源謂之惡阻由胃氣怯弱中脘停痰脉息和順但肢體沉重頭眩擇食惟嗜酸醎甚者寒熱嘔吐胸膈煩滿半夏茯苓丸主之

愚按前症若中脘停痰用二陳湯加枳殼若飲食停滯用六君子加枳殼若脾胃虛弱用異功散若胃氣不足用人參橘皮湯兼氣惱加枳殼胸脇痞悶再加蘇梗脇痛再加柴胡若飲食少思用六君子加紫蘇枳殼頭暈體倦用六君子湯若脾胃虛弱嘔吐不食用半夏茯苓湯蓋半夏乃健脾胃氣化痰滯之主藥也脾胃虛弱而嘔吐或痰涎壅滯飲食少思胎不安必用茯苓半夏湯倍加白朮然半夏白朮茯苓陳皮砂仁善



能安胎氣，健脾胃，予常用驗矣。

附治驗

一、妊娠嘔吐惡食，體倦嗜臥，此胃氣虛而惡阻也。用入參橘皮湯一劑，漸愈。又用六君子加紫蘇一劑而安。

一、妊娠吞酸惡心，時欲作嘔，此因脾胃虛而飲食停滯。用六君子加枳殼、香附治之而愈。

一、妊婦停食腹滿嘔吐吞酸，作瀉不食。余以為飲食停滯兼肝木傷脾土，用六君子湯以健脾

胃，加蒼朮、厚朴以消飲食。吳茱萸所製黃連以清肝火。諸症悉愈。又以六君子加砂仁調理，而脾土乃安。

白朮湯 治胃虛惡阻吐水，甚至十餘日粥漿不入。

白朮 炒一錢 人參 五分 丁香 甘草 炒各二分

右薑水煎服。

人參橘皮湯 治阻病嘔吐痰水，飲食少，思肢體倦怠。



人參

橘紅

白木炒

麥門冬去心

白茯苓各一錢

厚朴製

甘草灸五分

右加竹茹薑水煎服

保生湯

治妊娠惡阻少食嘔吐或兼吐瀉作渴

人參錢一

甘草炒

白木

香附

烏梅

橘紅各五分

右薑水煎服

安胎飲

治體倦惡食或胎動腹痛或下血發熱

甘草炒

茯苓

當歸

熟地黃自製

川芎

白木炒

黃芪炒

白芍藥炒

半夏湯泡

阿膠切炒

地榆各五分

右薑水煎服

又方縮砂仁為末每服一二錢薑湯或米飲調下

附方

二陳湯方見二十四卷第五論

六君子湯方見二十四卷第六論

異功散方見二十二卷第三論

半夏茯苓湯方見後

婦人良方卷之十二



妊娠痰逆不食方論第三

妊娠嘔逆者乃水飲停積爲痰輕者妨食嘔逆甚者腹痛傷胎皆由胃氣不健或風冷外乘所致也愚按前症因食停滯用半夏茯苓湯加枳殼兼氣惱更加柴胡因痰壅滯用半夏茯苓湯加白朮因風寒外傷用參蘇飲飲食腹脹用香砂六君子湯寒熱嘔吐人參養胃湯

附治驗

一妊娠嘔吐脇脹或寒熱往來面色青黃此木

旺而尅脾土用六君子加柴胡枳殼枳殼而安  
一妊娠嘔吐酸水胸滿不食此脾土虛而肝木所侮用六君子加芍藥而愈又用四君子加枳殼桔梗而安

一妊娠胸腹膨脹吐痰不食此脾胃虛而飲食爲痰用半夏茯苓湯漸愈又用六君子加枳殼蘇梗桔梗而飲食如常後因恚怒脇脹不食吐痰惡心用半夏茯苓湯加柴胡山梔而愈

半夏茯苓湯 治妊娠脾胃虛弱飲食不化嘔吐



不止

半夏炮炒 陳皮各一錢 白茯苓二錢 砂仁炒一錢  
甘草炒五分

右用薑棗烏梅水煎服一二劑後用茯苓丸

茯苓丸 治妊娠煩悶頭暈聞食吐逆或胸腹痞悶

赤茯苓 人參 桂心 乾薑炮  
半夏泡洗 橘紅各一兩 白朮炒 葛根  
甘草炒 枳殼炒各二兩

右為末蜜丸桐子大每服五十丸米飲下日三次

四七湯 方見十一卷第七論

附方

參蘇飲 方見六卷第十三論

六君子湯

四君子湯

香砂六君子湯 三方見二十四卷第六論

人參養胃湯 方見八卷第十八論



胎動不安方論第四

妊娠胎動或飲食起居或衝任風寒或跌仆擊觸或怒傷肝火或脾氣虛弱當各推其因而治之若因母病而胎動但治其母若因胎動而母病唯當安其胎輕者轉動不安重者必致傷墜若面赤舌青是兒死也面青舌赤吐沫是母死唇口色青兩邊沫出是子母俱死也察而治之

愚按前症胎氣鬱滯者用紫蘇飲脾氣虛弱者六君子湯加蘇殼鬱結傷脾者歸脾湯加柴梔

鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝腐化之

附治驗

一妊婦內熱晡熱或兼寒熱飲食少思其胎或下墜或上攻此肝經血虛而火動耳先用加味逍遙散數劑次用六君子加柴胡枳殼各數劑而愈

一妊婦因怒寒熱胸脇脹痛嘔吐不食狀如傷



寒此怒動肝火脾氣受傷也用六君子加柴胡  
山梔枳殼牡丹皮而愈但內熱口乾用四君子  
加芎歸升麻柴胡而安

釣藤湯 治妊娠胎動腹痛面青冷汗氣欲絕者

釣藤鈎 當歸 茯神去木 人參各一錢

苦梗一錢五分 桑寄生一錢

右水煎服煩熱加石膏

黃芪湯 治氣虛胎動腹痛下水

糯米合一 黃芪炒 川芎各兩

右水煎分三服

順氣飲子 產前服之安胎

紫蘇葉 木香炮 人參 草豆蔻

茯苓各一兩 甘草炒五錢 大腹子兩氣弱不用

右每服三錢苧根三寸糯米少許水煎服

安胎寄生湯 治妊娠下血或胎不安或腰腹作痛

桑寄生 白朮各五分 茯苓四分 甘草一錢

右水煎服



又方好銀煮取水入葱白作羹食之

又方川芎二兩葱白五兩水三碗煮二碗半分三服

四物湯加熟艾阿膠茯苓或芎藭補中湯杜仲丸皆妙方並見前

附方

紫蘇飲 方見十二卷第八論

六君子湯

四君子湯 二方見二十四卷第六論

加味小柴胡湯 方見二十四卷第二論

平胃散 方見七卷第十八論

加味道遥散

歸脾湯 二方見二十四卷第四論

妊娠漏胎下血方論第五

妊娠經水時下此由衝任氣虛不能約制蓋心小腸一經相為表裏上為乳汁下為月水故妊娠經水壅之以養胎蓄之以為乳若經水時下各日胞漏血盡則斃矣



愚按前症若因風熱用防風黃芩丸若因血熱用加味逍遙散若因血虛用二黃散若因血去太多用八珍湯未應補中益氣湯若因肝火用柴胡山梔散若因脾火用加味歸脾湯若因事下血作痛用八珍湯加阿膠熟艾若因脾胃虛弱用補中益氣湯加五味子若因脾胃虛陷用前湯倍用升麻柴胡若晡熱內熱宜用逍遙散

附治驗方藥

一妊婦下血服涼血之藥下血益甚食少體倦

此脾氣虛而不能攝血余用補中益氣湯而愈後因怒而寒熱其血仍下此肝火旺而血沸騰用加味逍遙散血止用補中益氣湯而安

一妊婦下血發熱作渴食少體倦屬脾氣虛而肝火所侮用四君子加柴胡山梔血止因怒復作用六君加柴胡山梔升麻而安

二黃散 治胎漏下血或內熱晡熱或頭痛頭暈或煩躁作渴或脇肋脹痛等症

生地黃 熟地黃

自製



右爲末每服三錢煎白朮枳殼湯調下一寸黃須  
杵膏爲丸庶藥不枯槁而有力也

防風黃芩丸 方見後

加味歸脾湯

加味道遙散

八珍湯 三方見二十四卷第四論

四君子湯 方見二十四卷第六論

補中益氣湯 方見二十四卷第六論

六君子湯 方見二十四卷第六論

柴胡山梔散 方見二十四卷第三論

妊娠卒然下血方論第六

妊娠下血因冷熱不調七情失宜氣血不和所致  
若傷於胎則痛而下血甚則胎墮矣

愚按前症若因氣怒用小柴胡湯若因風熱用  
一味防風丸若因血熱用一味子芩丸若因脾  
氣虛弱用六君子湯若因中氣下陷用補中益  
氣湯若氣血盛而下血者乃因兒小飲少也不  
必服藥



附治驗

一姪娠六月每怒下血甚至寒熱頭痛脇脹腹痛作嘔少食余謂寒熱頭痛乃肝火上衝脇脹腹痛乃肝氣不行作嘔少食乃肝侮脾胃小便下血乃肝火血熱用小柴胡加芍藥炒黑山梔茯苓白朮而愈

一姪娠六月體倦食少勞後下血用六君加當歸熟地升麻柴胡而愈

安胎散 治卒然腰痛下血

熟地黃自製艾葉

白芍藥炒川芎

黃芪炒阿膠炒

當歸 甘草炒

地榆各五分

右薑棗水煎服

附方

子芩丸 治肝經有熱妄行用細條黃芩炒為末每服一錢以秤錘燒赤焙酒熱調服若脾胃虛不宜用

防風丸 治肝經有風以致血得風而流散不歸



經用防風爲末每服一錢白湯調服

防風黃芩丸 治肝經有風熱致血崩便血尿血  
用條芩炒焦防風等分爲末酒糊丸桐子大每  
服三五十九食遠或食前米飲或溫酒送下

小柴胡湯 方見二十四卷第二論

六君子湯 方見二十四卷第六論

補中益氣湯 方見二十四卷第十論

妊娠驚胎及僵仆方論第七

妊娠驚胎者乃懷妊將滿胎神已具墜仆傷胎甚

至下血不醒若欲驗其子母安否當察第四論治  
之

愚按前症若因怒跌仆或手足抽搐用釣藤湯  
若因氣滯用紫蘇飲若因脾胃氣虛用六君子  
加蘇梗若鬱結傷脾用歸脾湯若鬱怒傷肝脾  
用四七湯加芎歸若去血過多用佛手散如不  
應膠艾湯氣血虛八珍加膠艾

神妙佛手散 治胎痛服之卽安胎損服之立下

卽芎歸湯



當歸

川芎

各五錢

右水酒煎血崩昏暈用水煎服

治妊娠從高墜下腹痛下血

生地黃

錢二

益母草

錢二

當歸

黃芪

炒各一錢

右薑水煎服

膠艾湯

治妊娠頓仆胎動不安腰腹疼痛或胎

上搶或去血腹痛

阿膠

一斤

熟艾葉

數莖

右以水三碗煮取二碗分三服

又方川芎末二錢酒下二三服胎生即安胎外即

下

又方失所胎動或子煩飲竹瀝一升立愈

又方縮砂和皮炒為末每服二錢米飲下腹熱即

安

秦芄湯

方見前

安胎散

治頓仆胎動腰腹痛

方見前

附方

四七湯

治七情鬱結成痰或如梅核鯁於喉間



或中脘停痰氣痞或痰壅氣喘或痰飲中脘嘔  
逆惡心

紫蘇葉 厚朴薑製 茯苓各一錢 半夏薑製一錢五分

右薑棗水煎白濁送青州白丸子極妙

加味四物湯 治症同前

又方治寒邪所犯心腹作痛

桂枝 芍藥炒 半夏各一錢 茯苓

厚朴薑製 枳殼炒 甘草炒各五分 人參

紫蘇各一錢

右薑棗水煎服

釣藤湯 方見前

紫蘇飲 方見後

六君子湯 方見二十四卷第六論

歸脾湯

八珍湯 二方見二十四卷第四論

妊娠胎上逼方論第八

妊娠將養如法則血氣調和胎得其所而產亦易  
否則胎動氣逆臨產亦難甚至危矣



愚按前症若氣逆胎上用紫蘇飲飲食不甘兼以四君子若內熱嘔熱兼以逍遙散若胃火所致用四君黃芩枳殼柴梔若脾鬱所致用歸脾湯加柴梔枳殼

附治驗

一姪婦每因恚怒其胎上逼左關脉弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥

一姪婦胎上逼胸滿嘔氣飲食少思此脾氣鬱滯用紫蘇飲頓安又用四君子加枳殼柴胡山梔而瘥

紫蘇飲 治子懸腹痛或臨產驚恐氣結連日不下或大小便不利

當歸

甘草炒

大腹皮黑豆浸水

人參

川芎

橘皮

白芍藥炒各五分

紫蘇一錢

右薑葱水煎。一孕婦累日不產催藥不驗此



坐草太早，心懷畏懼，氣結而血不行也。用煎飲一服，便產。一婦人孕七月上衝腹痛，面不赤，舌不青，乃子懸也。亦用煎飲，而胎母俱安。

當歸湯 治胎動煩躁或生理不順，唇口青黑，手足厥冷。

當歸 人參 阿膠炒 甘草炒各一錢

連根葱白一握

右水四碗煎四味至半，去滓下葱煎至一碗分二十服

大聖散 治妊娠忪悸夢驚，心腹脹滿，連臍急痛。

白茯苓 川芎 麥門冬去心 黃芪炒

當歸各一錢 人參 甘草炒 木香各五分

右薑水煎服

又方 治胎上逼熱痛下血，或煩悶困篤，用葱二十莖水濃煮飲，胎未死即安，胎已死即下，未効

再服。若唇口青黑，手足厥冷，瀉法以當歸湯。

白朮湯 治遍身痛或衝心痛欲死方見後

附方



四君子湯

六君子湯

二方見二十四卷第六論

逍遙散

歸脾湯

二方見二十四卷第四論

小柴胡湯

方見二十四卷第二論

妊娠下如豆汁胎動腹痛方第九

愚按前症肝脾濕熱用升陽除濕湯肝脾風熱用加味逍遙散肝脾鬱怒用加味歸脾湯脾胃氣虛用錢氏白朮散若脾氣下陷用補中益氣

湯肝經風熱用防風黃芩丸風入腸胃用胃風湯

附治驗

一妊婦因怒胸膈不利飲食少思服消導順氣之劑脾胃愈弱飲食愈少大便不實且無度久而便黃水或帶白視其面色黃中隱白余曰黃色脾虛也白色肺虛也朝以補中益氣湯升補胃氣夕以六君子培補脾氣而愈

治妊娠忽然下如豆汁等物或胎動腹痛



糯米

五升

黃芪

炒六兩

右水煎分四服

補遺用野苧根二兩好銀三五兩或金銀首飾水

酒各半煎服

附方

胃風湯

治風邪乘虛客於腸胃水穀不化泄瀉

下注腹脇虛滿腸鳴作痛及腸胃虛熱下如豆

汁或瘀血日夜無度

方見第八卷第十論

東垣升陽除濕湯

治婦人女子漏下惡血月事

不調或暴崩不止多下水漿之物皆由飲食失節或勞傷形體或素患心氣不足因飲食勞倦致令心火乘脾其脉緩而弦急按之洪大皆脾土受邪也

柴胡

羌活

蒼朮

黃芪

炒各一錢五分

防風

甘草炙

升麻

藁本

各一錢

蔓荊子分七獨活

當歸

各五分

右水煎食前服

加味逍遙散



加味歸脾湯 二方見二十四卷第四論

防風黃芩丸 方見前

補中益氣湯 方見二十四卷第十論

六君子湯 方見二十四卷第六論

錢氏白朮散 方見二十一卷第二論

妊娠誤服毒藥胎動方第十

愚按前症若因毒藥用甘草黑豆淡竹葉苦因頓仕用阿膠散未應煎送知母丸若因頓仕下血腹痛用佛手散未應用入珍湯送知母丸血

出過多用入珍湯斤許益母草四兩水煎徐徐與服若胎死以朴硝或平胃散下之

奪命丹 治小產或毒藥唇口爪青黑其胎已死

牡丹皮 白茯苓 桂心 赤芍藥各為末

桃仁去皮尖研如泥

右等分蜜丸彈子大每服一丸醋湯速送兩丸立出

阿膠散 治妊娠跌仆或毒藥致胎不安

熟地黃二錢自製 白芍藥 艾葉



當歸 甘草炒 阿膠炒 黃芪炒各一錢

右薑棗水煎服

附方

知母丸 又名一母丸方見十三卷第九論

佛手散 方見前

八珍湯 方見二十四卷第四論

平胃散 方見八卷第十八論

妊娠心痛方論第十一

妊娠心痛乃風邪痰飲交結若傷心正經爲真心痛朝發夕死夕發旦死若傷心支絡則乍安乍作若傷於子藏則胎動而血下

愚按前症若飲食所傷用平胃散加枳殼山查若因錯雜諸邪當審其因而治之

附治驗

一妊婦心痛煩熱作渴用白朮散卽愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六



君子補之而愈

一妊婦心腹作痛，胸脇作脹，吞酸不食，此肝脾氣滯用一陳山查，山梔，青皮，木香而愈。又因怒仍痛，胎動不食，面色青黃，肝脈弦緊，脾脈弦長，此肝乘其土，用六君子湯，加升麻，柴胡，木香而愈。

治癱婦卒心痛氣欲絕

川芎

當歸

茯苓

厚朴

製各一錢

右水煎服

白朮湯

治妊娠內熱心痛

白朮

四錢

赤芍藥

三錢

黃芩

一錢炒

右水煎忌桃李雀肉

雷公炮炙論云心痛欲死急覓延胡

又方青竹茹一升酒二升煮一升分二服

又方破鷄子一枚調酒服之

紫蘇飲 方見前

附方

人參養胃湯



平胃散 二方見七卷第十八論

二陳湯 方見二十四卷第五論

六君子湯 方見二十四卷第六論

妊娠心腹痛方論第十二

妊娠心腹痛或宿有冷疾或新觸風寒或痰飲相搏若痛傷胞絡必致動胎甚則傷墮

愚按前症若風寒痰飲用金沸草散胎氣鬱滯加香附川芎若飲食停滯用六君子加紫蘇枳殼若怒動肝火用前藥更加柴胡山梔若鬱結傷

脾用歸脾湯加枳殼山梔

治附驗

一妊婦心腹作痛吐痰惡心胎氣上攻飲食少思此脾虛氣滯而為痰用六君子加柴胡枳殼諸症漸退飲食漸進又用四君子加枳殼山梔桔梗而安後因怒兩脇氣脹中脘作痛惡寒嘔吐用六君子加柴胡升麻木香一劑而愈

當歸芍藥湯 治妊娠心腹急痛或去血過多而眩暈



白芍藥炒

當歸

茯苓

白朮炒

澤瀉

各一錢

川芎

二錢

右水煎服

阿膠散

治胎動腹痛

白茯苓

白朮炒

川芎

阿膠

各一錢炒

當歸

陳皮

各二錢

甘草

炒三分

右薑棗水煎服

治胎動腹痛欲落上等銀一斤茅根二斤去黑皮

水五碗煮取二碗入清酒一碗并茅根煎數沸

徐徐服立安金銀首飾亦可

附方

金沸草散

方見

八卷第十二論

紫蘇飲

方見前

四君子湯

六君子湯

二方見二十四卷第六論

歸脾湯

方見二十四卷第六論

妊娠中惡方論第十三

妊娠若忽然心痛悶絕欲死者謂之中惡蓋因氣

婦人良方卷之十二



血不足精神衰弱故邪毒得以中之也

愚按前症當調補正氣為善用金銀藤一味煎湯飲之

又方治前症

生地黄二錢枳殼一錢

木香三分

右酒煎服

又方苦梗一兩薑半兩水煎服

又方心腹痛或吐血衄血熟艾如拳大煮汁服

又方用鹽一盞水調服以冷水嚥之吐出即安

又方竈心土為末每服二錢白湯調

妊娠腰腹背痛方論第十四

腎主腰足因勞役傷損其經以致風冷乘之腰腹相引而痛蓋婦人腎以繫胞妊娠痛甚則胎墮也愚按前症若外邪所傷用獨活寄生湯勞傷元氣用八珍杜仲砂仁膠艾脾腎不足以前藥加白朮補骨脂氣血鬱滯用紫蘇飲加桔梗枳殼肝火所動用小柴胡湯加白朮枳殼山梔肝脾鬱結用歸脾湯加柴胡枳殼



附治驗

一妊婦頸項強直腰背作痛此膀胱經風邪所致用拔萃羌活湯一劑而愈又用獨活寄生湯及八珍湯以祛邪固本而痊

通氣散 治腎虛腰痛神妙破故紙炒爲末空心每服一錢嚼核桃肉半箇以溫酒下

杜仲丸 治妊娠腰背痛杜仲炒續斷酒浸等分爲末煮棗肉丸桐子大每服七十九酒下米飲亦可

膠艾湯 治腰腹疼痛胎動欲落卽前妊娠下血補遺內安胎散

附方

獨活寄生湯 方見四卷第七論

八珍湯

歸脾湯 二方見二十四卷第四論

紫蘇飲 方見前

小柴胡湯 方見二十四卷第二論

羌活勝濕湯 方見四卷第一論



妊娠小腹痛方論第十五

妊娠小腹痛由胞絡虛風寒相搏痛甚亦令胎動也

愚按前症若風寒所搏用紫蘇飲加生薑氣血虛用八珍湯脾氣虛用六君子湯中氣虛用補中益氣湯若腹脹痛用安胎飲加升麻白朮不應兼補中益氣湯

附治驗方藥

一妊婦小腹作痛其胎不安氣攻左右或時逆

上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍膽瀉肝湯下劑諸症頓愈乃以四君子加柴胡升麻以培脾土而安

紫蘇飲 方見前

八珍湯 方見二十四卷第四論

四君子湯

六君子湯 二方見二十四卷第六論



益氣湯

方見二十四卷第十論

安胎飲

方見前

小柴胡湯

方見二十四卷第二論

龍膽瀉肝湯

方見二十四卷第八論

妊娠心腹脹滿方論第十六

夫妊娠心腹脹滿者由脾胃虛寒復因冷飲相搏所致也

愚按前症若外感風寒內傷飲食用藿香正氣散若食傷脾胃用六君子湯若陽氣雍滯用紫

蘇飲

附治驗

一妊婦飲食停滯心腹脹滿或用人參養胃湯加青皮山查枳殼其脹益甚其胎上攻惡心不食右關脈浮大按之則弦此脾土不足肝木所侮余用六君子加柴胡升麻而愈後小腹痞悶用補中益氣湯升舉脾氣乃瘥

下氣湯 治心腹兩脇脹悶飲食少思四肢無力

羌活

赤芍藥

炒

甘草

炒

檳榔



青皮

大腹皮

桑白皮

炒

赤茯苓

半夏姜製

陳皮

各五分

桂心

二分

紫蘇莖

一錢

右水煎服

局方枳殼散保風散紫蘇飲藿香正氣散皆良

附方

六君子湯

方見二十四卷第六論

補中益氣湯

方見二十四卷第十論

人參養胃湯

方見七卷第十八論

婦人良方卷之十二終



婦人良方卷之十三

臨川陳自明 編

古吳薛 巳 註

後學蔣宗澹

宋雲璈

朱 明全校

妊娠數墮胎方論第一

夫胎乃陽施陰化榮衛調和經養完全十月而產  
若血氣虛損不能養胎所以數墮也凡妊婦腰痛



多墮胎

愚按丹溪先生曰陽施陰化胎孕乃成血氣虛乏不能榮養其胎則墜譬如枝枯則果落藤痿則花墜嘗治賈氏婦每有孕至二三月前後必墜診其脉左右大而無力重則瀋知其血虛也補其中氣使血自榮時正初夏教以濃煎白朮湯下黃芩末二錢與數十貼得保而生因而思之墮於內熱而虛者於理爲多曰熱曰虛蓋孕至二三月上屬相火所以易墮不然何以黃芩熟艾

阿膠等爲安胎之妙如此也大抵治法須審其月屬某經育養而藥之

附治驗

一姪婦五月服剪紅丸而胎墮及腹脹痛乃服破血之劑痛益甚手不敢近予曰此峻藥重傷脾胃也用八珍倍加參芪半夏乳香沒藥一劑而痛止數劑而安

吳江庠史萬湖仲子室年二十餘疫疾墮胎時咳服清肺解表之藥喘急不寐予以爲脾土虛



而不能生肺金藥復損而益甚也先與補中益氣加茯苓半夏五味炮薑四劑漸愈後在視之  
用八珍加五味及十全大補湯而愈

一方鯉魚二觔者一尾粳米一升用鹽醬煮食甚善月食三次

芎藭補中湯杜仲丸治氣虛而胎墜方見十一卷第一論

附方

十全大補湯

八珍湯二方見二十四卷第四論

補中益氣湯

方見二十四卷第十論

妊娠不長方論第二

夫妊娠不長者因有宿疾或因失調以致臟腑衰損氣血虛弱而胎不長也當治其疾疾益其氣血則胎自長矣

愚按前症更當察其經絡審其所因而治之

附治驗

一妊婦胎六月體倦懶食面黃晡熱而胎不長因勞欲墜此脾氣不足也用八珍湯倍加參朮



茯苓二十餘劑脾胃漸健胎安而長矣

一妊婦因怒寒熱往來內熱晡熱脇痛嘔吐胎至八月而不長此因肝脾鬱怒所致用六君加

柴胡山梔枳殼紫蘇桔梗病愈而胎亦長矣

黃芪湯 治妊娠不長更安胎和氣

黃芪炒 白朮炒 陳皮 麥門冬去心

白茯苓 前胡 人參各五分 川芎

甘草炒三分

右薑棗水煎服

集驗用鯉魚長尺許如食法飲其汁其胎漸大而長矣

附方

六君子湯 方見二十四卷第六論

八珍湯 方見二十四卷第四論

妊娠胎動不安當下方論第三

夫人以胃氣壯實衝任榮和則胎得所如魚處淵若氣血虛弱無以滋養其胎終不能成也宜下之以免其禍



愚按前症宜用第十一卷十四方論主之其胎果不能安者方可議下慎之慎之

附治驗

鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易

桂心散 治姙娠因病胎不能安者可下之

- 桂心
- 瓜蒌
- 牛膝
- 藶麥 各五分

當歸 錢一

右水煎

又方牛膝一兩酒一鍾煎七分作二服

小品方用麥蘗一升搗碎水一升煮一升服之神効觀麥蘗能損氣破血如此脾胃虛弱飲食不化者不宜用明矣

文仲取雞子一枚鹽二錢服之立下

佛手散服之胎死者即下生者亦安 方見十一卷第七論

附方



八珍湯 方見二十四卷第四論

補中益氣湯 方見二十四卷第十論

妊娠墮胎後血下方論第四

墮胎後復損經脈而下血不止甚則煩悶至死皆以調補胃氣為主

愚按前症若肝經血熱用四物參朮山梔肝經風熱用防風黃芩丸肝經怒火用加味逍遙散脾經氣虛用四君歸地脾經鬱滯用加味歸脾湯氣滯不和用紫蘇飲胃氣下陷用補中益氣

湯

附治驗

一妊婦墮胎昏憤不時吐痰自用養血化痰之劑昏憤不省自汗發搐痰涎湧出彼以為中風欲用祛風化痰予曰此屬脾氣虛寒所致遂用十全大補湯加炮薑二十餘劑尋愈

治妊娠損動下血腹痛

阿膠 一兩 艾葉 半兩 炒

右水一盞煎



治墮胎下血煩滿寒熱狂悶鎊鹿角炒爲末每服  
三錢水調下日三服或家雞翎燒爲末每服一錢  
溫酒下良久再服以効爲度

附方

四物湯 方見二十四卷第六論

補中益氣湯 方見二十四卷第十論

紫蘇飲 方見十二卷第八論

防風黃芩丸 方見十二卷第六論

加味逍遙散

加味歸脾湯

十全大補湯 三方見二十四卷第四論

妊娠未足月欲產方論第五

妊娠未足月而痛如欲產或應產而難或爲子煩  
用知母一味蜜丸桐子大粥飲服之或槐子蒲黃  
等分爲丸酒服或蒲黃水調錢許並効

愚按小產重於大產蓋大產如瓜熟自脫小產  
如生採斷其根蒂言不重哉而入輕忽死於是  
者多矣大抵治法宜補形氣生新血去瘀血爲



三王若未足月痛而欲產用芎歸補中湯倍加知  
母止之產而血不止人參黃芪湯補之產而心  
腹痛當歸川芎湯王之元氣弱而欲產八珍湯  
固之出血過多而發熱聖愈湯治之若汗不止  
或昏憤喘咳急用獨參湯若發熱煩躁或肉膈  
筋惕用八珍湯大渴面赤脉洪而虛者用當歸  
補血湯身熱面赤脉沉而微者用四君薑附以  
回其陽可也

附治驗方藥

一姪婦八月胎欲墜如產卧久少安日哺益甚  
此氣血虛弱朝用補中益氣湯加茯苓半夏隨  
愈更以八珍湯調理而安

當歸川芎湯 治小產後瘀血心腹疼痛或發熱  
惡寒

當歸

川芎

熟地黄自製白芍藥炒

玄胡索炒紅花

香附

青皮

澤蘭

牡丹皮

桃仁

右水煎入童便酒各小半盞服



若以手按腹愈痛此瘀血為患宜用此藥或失笑散消之若按之不痛此是血虛宜用四物參芩白朮若痛而作嘔此是胃虛宜用六君子若痛而作瀉此是脾虛宜六君子送二神丸

芎歸補中湯 治氣血虛而欲產

艾葉代薑 阿膠炒 川芎 五味子杵炒

黃芪炙 當歸 白朮炒 芍藥炒

人參 杜仲炒各錢一 甘草炙五分

右每服五錢水煎服

若脾氣虛弱須用補中益氣湯若氣虛而有火宜用安胎飲

人參黃芪湯 治小產氣虛血下不止

人參 黃芪炒 當歸 白朮炒

白芍藥炒各錢一 艾葉炒各錢一 阿膠炒二錢

右作一劑水煎服

當歸散 治產後氣血虛弱惡露內停增寒發熱宜服此藥

當歸 白芍藥炒 川芎 黃芩炒各一兩



白朮五錢

右爲細末温童便調下二錢

聖愈湯 方見二十四卷第九論

獨參湯 方見三卷第十三論

當歸補血湯

八珍湯 二方見二十四卷第四論

補中益氣湯 方見二十四卷第十論

### 斷產方論第六

易曰天地之大德曰生然婦人有臨產艱難或生

育不巳而欲斷之故錄驗方以備所用若服水銀  
毒蟲水蛭之類不惟孕不復懷且禍在反掌

愚按前云用蠶故紙尺許燒灰爲末產後酒服  
之血虛者終不復孕大抵斷產之劑多用峻厲  
往往有不起者是則產之害未若斷產之害也  
吾聞閣老張羅峯太常李恒齋俱因服斷產之  
劑自謂形體俱怯遇勞必病有由然矣

千金斷產用油煎水銀二日方息空心服棗大一  
丸永斷其孕且不損人



千金去胎大麴五升清酒一斗煮二十沸去滓分五服隔宿勿食日再服其胎如糜母無所苦千金不傳

四物湯每服五錢加芸薹子二十撮於經行後空心溫服

妊娠咳嗽方論第七

夫肺內主氣外司皮毛皮毛不密寒邪乘之則咳嗽秋則肺受之冬則腎受之春則肝受之夏則心受之其嗽不已則傳於胎妊娠病久不已則傷胎

也

愚按前症若秋間風邪傷肺用金沸草散夏間火邪尅金用人參平肺散冬間寒邪傷肺用人參敗毒散春間風邪傷肺用參蘇飲若脾肺氣虛用六君芎歸桔梗若血虛四物桑皮杏仁桔梗腎火上炎用六味丸加五味子煎服脾胃氣虛風寒所傷用補中益氣加桑皮杏仁桔梗蓋肺屬辛金生於巳土嗽久不愈者多因脾土虛而不能生肺氣而腠理不密以致外邪復感或



因肺氣虛不能生水以致陰火上炎所致治法當壯土金生腎水爲善諸臟腑嗽見六卷第十  
一等論

附治驗

一姪娠氣喘痰甚諸藥不効素有帶下始於目下浮兩月餘其面亦然此氣虛而有痰飲也用六味丸料數劑而愈

一姪婦嗽則便自出此肺氣不足腎氣虧損不能司攝用補中益氣湯以培土金六味丸加五

味以生腎氣而愈

一姪婦咳嗽其痰上湧日五六碗許諸藥不應予以爲此水泛爲痰用六味丸料及四君子湯各一劑稍愈數劑而安

一姪婦因怒咳嗽吐痰兩脇作痛此肝火傷肺金以小柴胡湯加山梔枳殼白木茯苓治之而愈但欲作嘔此肝侮脾也用六君子加柴胡升麻而痊

桔梗散 治風寒咳嗽喘急不食



天門冬去心 赤茯苓各一錢 桑白皮 桔梗炒

紫蘇各五分 麻黃去節三分 貝母 人參

甘草炒

右薑水煎

馬兜鈴散 治咳嗽氣喘

馬兜鈴 苦梗 人參 甘草

貝母各五分 陳皮去白 大腹皮黑豆水浸洗

紫蘇 桑白皮各五分 五味子五分

右薑水煎

百合散 治咳嗽胃膈煩悶

川百合 紫苑 麥門冬 桑白皮

苦梗各五分 甘草三分 竹茹二分

右薑水煎

治姪娘傷寒涎多咳嗽

知母 杏仁 天門冬 桑白皮各五分

右薑水煎服

旋覆花湯感冒喘嗽胃滿痰盛方見二十二卷第四論

華蓋散治症同上或項背拘急鼻塞頭眩時發寒



熱方見六卷第十二論

參蘇飲加杏仁五味子治症同上

附方

金沸草散 方見六卷第十二論

人參平肺散 方見二十四卷第十二論

人參敗毒散

補中益氣湯 二方見二十四卷第十論

四君子湯

六君子湯 二方見二十四卷第六論

六味丸 方見二十四卷第十一論

小柴胡湯 方見二十四卷第二論

妊娠吐血衄血方論第八

妊娠吐血由七情臟腑所傷氣逆於上致血上溢

不止心悶甚者多死或墮胎也宜用局方必勝散

愚按前症若肝經怒火先用小柴胡山梔生地

次用前藥合四物後用加味道遙散肝經風熱

防風子芩丸心經有熱硃砂安神丸心氣不足

補心湯思慮傷心妙香散胃經有火犀角地黃



婦人良方  
湯膏染積熱加味清胃散鬱結傷脾加味歸脾  
湯肺經有火黃芩清肺飲因氣鬱滯紫蘇飲子  
氣不攝血用補中益氣湯腎經虛火加味六味  
丸仍以七卷第五論互用

附治驗方藥

一妊娠因怒吐血兩脇脹痛小便淋瀝此怒而  
血蓄於上隨火出也用小柴胡合四物四劑血  
止用六君子安胎飲調理而安

紫蘇飲 治妊娠失調胎氣不安上攻作痛或氣

逆失血 方見十二卷第八論

若肝脾氣血虛而有火不安宜兼逍遙散若脾  
氣虛弱而不安宜用四君芎歸

小柴胡湯 方見二十四卷第二論

四物湯 方見二十四卷第六論

補中益氣湯 方見二十四卷第十論

六君子湯 方見二十四卷第六論

加味逍遙散

加味歸脾湯 二方見二十四卷第四論



防風子芩丸 方見十二卷第六論

硃砂安神丸 方見三卷第十論

養心湯 方見三卷第十論

妙香散 方見三卷第十一論

安胎飲 方見十二卷第一論

犀角地黄湯 方見七卷第六論

加味清胃散 方見二十四卷第一論

黃芩清肺飲 方見八卷第一論

加味六味丸 方見二十四卷第十一論

妊娠子煩方論第九

論曰妊娠苦煩悶者以四月受少陰君火以養精六月受少陽相火以養氣若母心驚膽寒多有是症產寶云是心肺虛熱或痰積於胃若三月而煩者但熱而已若痰飲而煩者吐涎惡食大便停痰積飲寒熱相搏吐甚則胎動不安

愚按前症若因內熱用竹葉湯氣滯用紫蘇飲痰滯用二陳白朮黃芩枳殼氣鬱用分氣飲加川芎脾胃虛弱用六君紫蘇山梔



附治驗

一 妊婦煩熱吐痰惡食惡心頭暈此脾虛風痰為患用半夏白朮天麻湯以補元氣祛風邪漸愈惟頭暈未痊乃用補中益氣湯加蔓荊子以升補陽氣而愈

竹葉湯 治子煩

防風

黃芩炒

麥門冬各一錢 白茯苓二錢

右竹葉數片水煎服

人參散 治熱乘心脾煩熱乾渴

人參

麥門冬

赤茯苓 地骨皮

乾葛

黃芩炒

犀角鎊各一錢 甘草五分

右水煎

竹茹湯 治妊婦煩燥或胎不安淡竹茹一兩水煎服之

煎服之

益母丸知母炒為末棗肉丸彈子大每服一丸人參煎湯下

參煎湯下

附方

分氣飲 治脾胃虛弱氣血不和胃膈不利或痰



氣喘嗽飲食少思

陳皮

茯苓

半夏

炒

桔梗

炒

大腹皮

紫蘇梗

枳殼

炒

白朮

炒

山梔

炒各一錢

甘草

炙五分

右薑棗水煎

紫蘇飲

方見十二卷第八論

二陳湯

方見二十四卷第五論

六君子湯

方見二十四卷第六論

補中益氣湯

方見二十四卷第十論

妊娠煩燥口乾方論第十

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燦故心煩口乾也與子煩大同小異宜用益母丸

愚按前症若胃經實火用竹葉石膏湯若胃經虛熱用人參黃芪散若胃經氣虛用補中益氣湯若肺經虛熱用紫蘇飲若肝經火動用加味逍遙散若脾氣鬱結用加味歸脾湯若腎經火



動加味地黃丸

附治驗

一妊婦煩熱兼咽間作痛用知母散加山梔以清肺經而愈後內熱咳嗽小便自遺用補中益氣加麥門山梔以補肺氣滋腎水而痊知母散治煩燥悶亂口乾

知母 麥門冬 黃芪炒 子苓炒

赤茯苓各一錢 甘草

右水煎入竹瀝一合更煎一二沸而服

人參黃芪散 治身熱煩燥口乾

人參 黃芪炒 葛根 秦朮

赤茯苓 麥門冬各一錢 知母

甘草五分

右薑三片竹葉二七片水煎

補遺人參白朮散黃芪六一湯皆良

附方

竹葉石膏湯

石膏一錢 半夏一錢五分 甘草 人參各一錢



麥門冬 竹葉各五分

右薑水煎服

補中益氣湯 方見二十四卷第十論

紫蘇飲 方見十二卷第八論

加味逍遙散

加味歸脾湯 二方見二十四卷第四論

六味地黃丸 方見二十四卷第十一論

婦人良方卷之十三 終





婦人良方卷之十四

臨川 陳自明 編

古吳 薛 巳 註

後學 蔣宗澹

宋雲璈

朱 明全校

妊娠中風方論第一

論曰四時八方之氣為風也常以冬至之日候之若從其痺來者長養萬物否則名為虛邪賊害萬





物體虛中之客於皮膚則頭痺不仁入於筋脉則  
攣急啞僻若兼濕熱則弛縱痿軟若入臟腑氣隨  
所傷經絡而為諸病妊娠中之必須早治庶免墮  
胎之患

愚按病機機要云風本為熱熱勝則風動宜以  
靜勝其燥是亦養血也治法須少汗亦宜少下  
多汗則虛其衛多下則損其榮雖有汗下之戒  
而有中臟中腑之分中腑者多着四肢之間則  
脉浮惡寒拘急不仁中臟者多着九竅之中則

唇緩失音耳聾鼻塞目瞽便秘中腑者宜汗之  
中臟者宜下之表裏已和宜治在經當以太藥  
養之此中風之要法也妊婦患之亦當以此施  
治而佐以安胎之藥仍參三卷首論主治之為  
是

防風散 治妊娠中風卒倒口噤肢強或痰氣上  
升

- 防風
- 桑寄生
- 葛根
- 各五分
- 家菊花
- 細辛
- 防已
- 秦艽
- 當歸



桂心

茯神

甘草

羚羊角

各三分

右水煎入竹瀝半合服

白朮酒

治妊娠中風口噤不語

白朮

一兩半獨活

一兩黑豆

一合炒

右酒煎分四服灌之得汗即愈

補遺治妊娠中風排風湯續命湯參蘇湯加羌活

引風湯皆可選用古見第三卷中風類

妊娠風瘳方論第二

論曰妊娠體虛受風而傷足太陽經遇風寒相搏

則口噤背強甚則腰反張名之曰瘳須臾自醒良久復作又名子癰子鼻當審察其因而治之

愚按前症若心肝風熱用釣藤湯肝脾血虛加味道遙散肝脾鬱怒加味歸脾湯氣逆痰滯紫蘇飲肝火風熱釣藤散脾鬱痰滯二陳薑汁竹瀝若兼症相雜當參照子煩門

附治驗

一妊婦出汗口噤腰背反張時作時止此怒動肝火也用加味道遙散漸愈又用釣藤散而止



更以四君加鈞藤山梔柴胡而安

一妊婦因怒忽仆地良久而甦吐痰發搐口噤  
項強用羚羊角散漸愈用鈞藤散始痊又用歸  
脾湯而安

羚羊角散 治妊娠冒悶角弓反張名曰子癇風

瘕

羚羊角鎊 獨活 酸棗仁炒 五加皮

薏苡仁炒 防風 當歸酒浸 川芎

茯神去木 杏仁去皮尖 木香 甘草炙各五分

右薑水煎

附方

鈞藤湯 方見十二卷第四論

加味道遙散

加味歸脾湯 二方見二十四卷第四論

紫蘇湯 方見十二卷第八論

鈞藤湯 方見四卷第四論

二陳湯 方見二十四卷第五論

四君子湯 方見二十四卷六論





妊娠瘈瘲方論第三 新附

竊謂瘈者筋脉急而縮也。瘲者筋脉緩而伸也。一縮一伸手足相引搐搦不已大抵與嬰孩發搐相似。謂之瘈瘲也。此症多屬風。蓋風主搖動。駱龍吉云心主脉肝主筋心屬火肝屬木火主熱木主風風火相熾則為瘈瘲也。治法若因風熱用釣藤湯加柴胡山梔黃芩白朮以平肝木降心火養氣血。若風痰上湧加竹瀝南星半夏。若風邪急搐加全蠍殭蠶。虧損氣血用八珍湯加釣藤山梔為主。若

無力抽搐戴眼反折汗出如珠者肝氣絕也皆不治。

附治驗方藥

一妊婦四肢不能伸服祛風燥血之劑遺尿痰甚四肢抽搐余謂肝火血燥用八珍湯加炒黑黃芩為主佐以釣藤湯而安後因怒前症復作小便下血寒熱少寐飲食少思用釣藤散加山梔柴胡而血止用加味道遙散寒熱退而得寐用六君子湯加芍藥釣藤飲食進而漸安。



八珍湯方見二十四卷第四論

六君子湯方見二十四卷第六論

妊鬼胎方論第四

夫人臟腑調和則血氣充實精神健旺若榮衛虛損精神衰弱妖魅之類乘之亦如懷妊之狀故曰鬼胎也

愚按前症因七情脾肺虧損氣血虛弱行失常道衝在垂違而致之者乃元氣不足病氣有餘也若見經候不調就行調補庶無是症治法以

補元氣爲主而佐以雄黃丸之類行散之若脾經鬱結氣逆者用加味歸脾湯調補之若脾虛血不足者用六君芍歸培養之肝火血耗者用加味逍遙散滋抑之肝脾鬱怒者用加味歸脾逍遙一藥兼服腎肝虛弱者用六味地黃丸

附治驗

一婦人經閉八月肚腹漸大面色或青或黃用胎症之藥不應余診視之曰面青脈澹寒熱往來肝經血病也面黃腹大少食體倦脾經血病



也此醫怒傷脾肝之症非胎也不信仍用治胎散之類不驗余用加味道遙歸脾一藥各二十餘劑諸症稍愈彼欲速効別服通經丸一服下血昏憤自汗惡寒手足俱冷嘔吐不食余用人參炮薑二十劑漸愈又用十全大補湯五十餘劑而安

雄黃丸

治鬼胎瘀血腹痛

雄黃

鬼白

去毛

獺肝

炙

丹砂

細研

巴豆

去油皮

莽草

蜥蜴

一枚炙黃

蜈蚣

一條炙黃

右爲末蜜丸桐子大每服一丸空心溫酒下日一服或下如蛇蟲之類其病乃除

治鬼胎及血氣痛不可忍

班貓

去頭翅足製

延胡索

炒各等分

右爲末以溫酒調下半錢以下穢物爲度

附方

加味歸脾湯

加味道遙散

十全大補湯

三方見二十四卷第四論



六君子湯 方見二十四卷第六論  
六味丸 方見二十四卷第十一論

妊娠傷寒方論第五

夫時令嚴寒體虛所傷即成傷寒輕者洒淅惡寒  
翕翕發熱微咳鼻塞數日而愈重者頭疼體痛寒  
熱交作久而不愈者多致傷胎也

愚按前症為害匪輕當審經絡表裏而治之不  
可輕忽

加減四物湯 治妊婦腹痛或月事不調胎氣不

安產後血塊或亡血過多或惡露不下

當歸 川芎 白芍藥 熟地黃 各一

右每服四五錢水煎日二三服下血加艾葉阿  
膠虛熱口乾加括蕪根麥門冬惡血腹痛加當  
歸芍藥血崩血淋加熟地蒲黃因熱生風加川  
芎柴胡頭昏項強加柴胡黃芩大便秘結加大  
黃桃仁嘔吐惡心加白朮人參虛煩不眠加竹  
葉人參煩躁大渴加知母石膏水停吐逆加猪  
苓茯苓虛煩傷寒加人參柴胡防風



呵膠散 治時氣先服此以安胎却以主藥間服

阿膠炙 白朮炒 桑寄生 人參

白茯苓

右為末等分每服一錢用糯米飲調下日三服

前胡湯 治傷寒頭痛壯熱肢節煩疼

石膏一錢 前胡 甜竹茹 梔子炒

黃芩炒 大青 知母各五分

右用葱白水煎服

蘇木湯 治傷寒時行洒淅寒振或兼噦者

赤芍藥 橘紅 黃芩炒 黃連

甘草 蘇木各五分

右用水煎服汗出即瘥如胎不安兼服阿膠湯

黃龍湯 治妊婦寒熱頭疼嘔噦不食脇痛嘔痰

及產後傷風熱入胞宮寒熱如瘥或經水適來

勞復熱不解散

柴胡二錢 黃芩炒 人參 甘草各一錢

右用水煎服

柴胡石膏湯 治頭痛惡寒身熱拘急口乾



柴胡 錢二 甘草 錢一 石膏 錢三

右用薑水煎服氣虛加人參

枳實散 治傷寒四日至五六日腹脹少食腰疼

體重

枳實 錢炒三 陳皮 錢一 麥門冬 錢半

右用生薑葱白水煎服

旋覆花湯 治傷寒頭目旋疼壯熱心躁

旋覆花 赤芍藥 甘草 各五分 前胡

石膏 錢各一 白朮 人參 麻黃 去根

黃芩 各三分

右用薑水煎服

麥門冬湯 治傷寒壯熱嘔逆頭疼胎氣不安

人參 石膏 錢各一分 前胡 黃芩 各五分

葛根 麥門冬 錢一

右薑棗竹茹一分用水煎服

梔子大青湯 治發斑變黑尿便血

升麻 梔子 錢一 大青 杏仁

黃芩 各三分



右用葱白二寸ヲ水煎服

白朮湯 治傷寒煩熱頭痛胎動或時吐逆不食

白朮 橘紅 麥門冬 人參

前胡 赤茯苓 川芎 甘草

半夏各五分

右用生薑竹茹一分ヲ水煎服

良方白朮散 治傷寒

白朮 黃芩炒各二錢

右用薑棗水煎服若四肢厥逆陰症也不可用

芎蘇散 治外感風寒壯熱頭疼心胸煩悶上

紫蘇葉 川芎 白朮 白芍藥

麥門冬去心 陳皮 乾葛各五分 甘草炙二分

右用生薑葱白ヲ水煎

參蘇飲去木香 治證同前 方見六卷第十二論

妊娠時氣方論第六

論曰四季之間非其時而有其氣謂春寒夏冷秋熱冬煖之不正也所感者不拘長少其症相類故云時氣妊娠患之重者多致傷胎



愚按前症與前傷寒五相主治

秦芫散 治時氣五六日不得汗口乾飲水在言

嘔逆

秦芫

柴胡 各五分 石膏 一錢

犀角 一鎊

赤茯苓

前胡

甘草

葛根

升麻

黃芩 各四分

右用淡竹茹一分水煎服

葛根飲子

治時氣煩熱口乾頭痛

乾葛

麻黃 去節根各半兩

石膏 一兩

豉 一合

白米 半合

梔子 二七粒

葱白 二莖

右用水煎分三服汗出為効

消熱飲子

治時氣六七日大小便不利

芒硝

一兩 細研 葵子 二兩

右如前煎服以利為効芒硝即朴硝

人參敗毒散

方見二十四卷第十論

妊娠熱病方論第七

冬時觸冒嚴寒即病為傷寒藏於肌骨夏至發為暑病即熱病也妊娠患之多致墮胎熱病與中暑



相似但執病者脉實中暑者脉虛治當審察不可  
槩施

愚按此症與前後二症同治

治妊娠熱病頭痛嘔吐煩悶

人參一方無 竹茹 葛根各一兩 知母二兩

蘆根二兩 麥門冬去心一兩半

右每服四錢連根葱白三寸水煎

梔子仁飲 治熱病發斑黑色小便如血氣喘急

胎欲落

梔子 升麻 石膏 生地黃各一兩

黃芩 大青各一兩

右每服半兩葱白七寸豉四十九粒水煎

大黃飲 治熱病六七日大小便秘澀

大黃微炒 石膏各一兩 知母 赤茯苓

前胡各三分 梔子 甘草 黃芩各半兩

右每服五錢生地黃一分煎服

又方伏龍肝細研每服一錢水調下外用水調塗臍下

又方葛根煮汁時服一盞



補遺蘆根湯 治熱病頭疼心煩嘔吐

知母四兩 青竹茹三兩

右每服五錢生蘆根一握糯米一撮水煎

梔子五物湯 治妊婦傷寒壯熱頭痛

梔子 前胡 知母各二兩 黃芩一兩

石膏四兩

右每服五錢用水煎服

升麻六物湯 治傷寒斑黑瀉血

升麻 梔子各二兩 大青 杏仁

黃芩

右每服五錢葱頭水煎

妊娠傷寒熱病防損胎方論第八

論曰非節之氣傷於妊娠熱毒侵損胞胎若不早治多致墮胎漏血則子母之命亦不能全矣

愚按前症當分察六經為主而參於前後方論

治妊娠傷寒身痛壯熱

葱白切一升 前胡 葛根 石膏各十分

青黛六分 升麻八分 梔子十二箇



右用水煎分三十服

治妊娠傷寒太小便秘結

前胡十分 大黃 石膏各二分 梔子十枚

知母 黃芩 茯苓 生薑各八分

右用水煎分三十服

治妊娠傷寒發斑忽黑小便如血胎欲落

梔子 升麻各四兩 青黛二兩 生地黃二十枚

石膏八兩 葱白切 黃芩三兩

右用水煎分三十服忌熱物

又用井中泥塗心下乾則易二方出本事 再錄有效

補遺治妊娠熱病先以白朮散安胎方見前

妊娠熱病胎死腹中方論第九

論曰熱病以致胎死不能出者但服黑神散胎自下矣云

愚按陳無擇先生曰前症當視產母若面赤舌青知其子死面青舌赤知母死子生唇青吐沫子母俱死若雙胎或一死一活用黑神散竊謂前症宜補助產母使其胎自下黑神散恣其大



熱不安輕用果一胎已死者用平胃散朴硝水  
銀下之最為穩當庶不併傷生者平胃散方見後  
黑神散 又名烏金散 靈苑方名肉桂散

桂心 當歸 芍藥 甘草多

乾薑炒 生地黃各一兩 黑豆炒去皮二兩

附子炮去皮臍半兩

右為末每服一錢空心用溫酒調下

補遺胎死用紅花酒煮汁飲一二碗

又方伏龍肝為末溫酒調下一錢白湯亦可

又方朴硝末童子小便和熱酒調下二錢立出

妊娠瘡疾方論第十

論曰妊娠病瘡乃夏傷於暑客於皮膚至秋而發  
陽盛則熱陰盛則寒陰陽相離寒熱俱作其發  
者由風邪客於風府循脊而下衛氣至一日一夜  
常大會於風府故發日晏與早者衛氣之行風府  
日下一節二十一日下至尾骶二十二日入脊內  
上注於伏膂之脉其行九日出缺盆其氣既止故  
發更早其間日發者風邪內搏五臟橫連募原其



道遠其氣淡其行遲不能日作也。妊娠而發多傷於胎。

愚按前症因脾胃虛弱飲食停滯或外邪所感或鬱怒傷脾或暑邪所伏審係飲食停滯用六君子加桔梗蒼朮藿香外邪多而飲食少用藿香正氣散外邪少而飲食多用人參養胃湯勞傷元氣用補中益氣湯若鬱怒所傷用小柴胡兼歸脾湯若木侮土久而不愈用六君子爲主佐以安胎藥乃參三陰三陽經而治之。

附治驗

一婦人因怒患瘧舉發無期久而不已胸腹不利飲食少思吞酸吐痰用六君子加柴胡山梔二十餘劑尋愈但哺熱少食又用四君子加柴胡升麻爲主佐以逍遙散而痊。

一妊婦瘧久不已噯氣下氣胸腹膨脹食少欲嘔便血少寐此屬肝脾鬱怒用歸脾湯加柴胡山梔漸愈又用六君子湯加柴胡山梔升麻而愈。



一妊婦患瘡已愈但寒熱少食頭痛肺熱內熱  
此脾虛血弱也用補中益氣湯加蔓荊子頭痛  
頓止又用六君子湯加芎歸飲食頓進再用逍  
遙散加參朮而寒熱愈

七寶散 治瘧疾一日一發或一日兩發或間二  
日發

常山

厚朴

青皮

陳皮

並去白

甘草

炒

檳榔

草菓

等分

右每服半兩酒水各一碗煎至一盞去粗露

宿發時面東溫服良久再服一妊婦先寒後熱  
六脉浮緊用前散一劑而愈

人參養胃湯 治妊娠瘧疾寒多熱少或但寒不  
熱頭痛惡心身痛面色青白脉弦遲者又有驅  
邪散治證亦同 方見七卷第十八論

清脾湯 治妊婦瘧疾寒少熱多或但熱不寒口  
苦舌乾大便秘澁不進飲食脉弦數者

青皮

厚朴

白朮

草菓

茯苓

半夏

黃芩

柴胡



甘草 炙各五分

右用薑水煎

附方

交加散 治食瘕神効

肉豆蔻 二箇一煨

草豆蔻 二箇一煨

甘草 二錢半炒半生 厚朴 二錢半炒半生 生薑 一兩半煨半生

右用薑水煎發日五更服

仲景白虎加桂枝湯 治溫瘧

知母 六錢 桂枝 黃芩 各一錢 栝蔞根 二錢

甘草 炙

牡礪

乾薑 各一錢

右用水煎服汗出即愈此少陽經藥也

桂枝羌活湯 治瘧處暑以前頭痛脈浮惡風有汗

汗

桂枝

羌活

防風

甘草 各一錢五分

右水煎發服吐加半夏麩

麻黃羌活湯 治症如前但惡寒無汗

麻黃 去節

羌活

防風

甘草 各半兩

右如前服加法同一方太陽經藥也





白芷湯 治瘥身熱目痛熱多寒少脉長先以大柴胡下之微利爲度餘熱不盡當服此湯

白芷 一兩 知母 一兩 石膏 四兩  
右粗末依前服陽明經藥也

桂枝芍藥湯 治瘥寒熱不論先後此太陽陽明合病寒熱作則必戰經日熱勝而動也發熱則必汗泄經日汗出不愈知內熱也乃陰盛陽虛之證此湯主之否則久而傳於陰經矣

桂 五分 黃芪 炒 知母 石膏

芍藥 各二錢  
右粗末水煎此太陽陽明經藥也

桂枝黃芩湯 如服前藥轉甚三陽合病也發熱和之

柴胡 一錢五分 黃芩 人參 甘草 各八分  
半夏 石膏 知母 各五分

右每粗末依前服如外邪已解而內未已再服下藥從卯至午發大柴胡下之從午至酉發邪氣在內也大承氣下之從酉至子發或至寅發



邪氣在血也。桃仁承氣湯下之，微利後更以小柴胡湯徹其邪氣。按此太陽陽明少陽經藥也。以上諸方並係發風寒暑熱之氣自外而入中於三陽之經者也。

桂枝石膏湯

治瘧疾隔日先寒後熱寒少熱多

桂枝

五錢

石膏

一兩

知母

一兩

黃芩

一兩

右分二服。水煎此太陽陽明經藥也。隔日發者邪氣所舍深者也。

麻黃黃芩湯

治瘧發如前症而夜發者

麻黃

一兩

去節

甘草

二錢

黃芩

五錢

桂

二錢

桃仁

三十箇

去皮尖

右依前服。桃仁味苦甘辛，肝者血之海，血驟則肝氣燥，經所謂用苦急急食甘以緩之，故桃仁散血緩肝，謂邪氣深遠而入血，故夜發。乃陰經有邪，此湯發散血中風寒，治風暑深入陰分，乃血受病，邪氣所舍尤深者也。麻黃桂枝桃仁等乃太陽經血藥，非三陰經藥也。

附方



四君子湯

六君子湯 二方見二十四卷第六論

補中益氣湯

方見二十四卷第十論

藿香正氣散

方見二十一卷第十論

人參養胃湯

方見七卷第十八論

小柴胡湯

方見二十四卷第二論

逍遙散

加味歸脾湯

二方見二十四卷第四論

妊娠霍亂方論第十一

夫飲食過度觸胃風冷陰陽不和清濁相干謂之霍亂其間或先吐或腹痛吐利是因於熱也若頭痛體疼發熱是挾風邪也若風折皮膚則氣不宣通而風熱上衝為頭痛若風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也

愚按前症若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審



母使動胎也

附治驗

一妊婦霍亂已止但不進飲食口內味酸泛行消導寬中余曰此胃氣傷而虛熱也當用四君子湯彼不信乃服人參養胃湯嘔吐酸水其胎不安是藥復傷也仍與四君子湯俾煎熟令患者先嗅藥氣不作嘔則呷少許恐復嘔則胎為釣動也如是旬日而愈

人參散

治脾胃虛寒霍亂吐瀉心煩腹痛飲食

不入

人參

厚朴

姜製

橘紅

各一錢

當歸

乾薑

炮

甘草

炙各五分

右用棗水煎服

人參白水散

治脾胃虛弱吐瀉或吐瀉作渴不食

白朮

茯苓

人參

甘草

炒

木香

藿香

各五分

乾葛

一錢

右用水煎服吐甚加生姜汁頓飲之



縮脾飲 解伏熱除煩渴消暑毒止吐瀉宜沉冷  
頻服

草菓仁四兩 烏梅肉三兩 甘草炒二兩半

右每服半兩用姜十片水煎

木瓜煎 治吐瀉轉筋悶絕

吳茱萸湯泡七次 生薑切各一分 木瓜木刀切兩半

右每服二三錢用水煎

治霍亂其効神速一方有黃連無扁豆仍與第一方論通用姪婦霍亂腹痛四肢冷逆汗脉細理中

湯治之傷食加陳皮寒甚脉欲絕陰症悉具加炮附子方見二十卷

竹茹湯治霍亂熱渴脉數 見七卷嘔吐門

附方

藿香正氣散 方見二十一卷第十論

平胃散 方見七卷第十八論

四君子湯 方見二十四卷第六論

人參養胃湯 方見七卷第十八論

五苓散 方見二十一卷第十論



理中丸

方見二十卷第八論

香薷飲

方見七卷第二論

婦人良方

卷之十四

終

國家圖書館, NATIONAL CENTRAL LIBRARY, TAIWAN, R.O.C.



婦人良方卷之十五

妊娠泄瀉方論第一

論曰妊娠泄瀉或青或白水穀不化腹痛腸鳴謂之洞泄水穀不化喜飲嘔逆謂之協熱下利並以

婦人良方 卷之十五

臨川 陳自明 編

古吳 薛己 註

後學 蔣宗澹

宋雲璈

未 明全校





五苓散利小便次以黃連阿膠丸或三黃熟艾湯以安之若瀉黃有沫腸鳴腹痛脉沉緊數用成已丸和之嚙腐不食胃脉沉緊用感應丸下之後調和脾胃若風冷水穀不化如豆汁用胃風湯寒冷臍下陰冷動泄用理中湯治中湯伏暑心煩渴瀉水用四苓散傷濕泄瀉小便自利用不換金正氣散胃苓湯此四證之大畧也仍參第八卷第八論主之

愚按米食所傷用六君加穀藥麵食所傷用六

君加麥蘖肉食所傷用六君加山查若兼寒熱作嘔乃肝木侮脾土用六君加柴胡生薑兼嘔吐腹痛手足逆冷乃寒水侮土六君加薑桂不應用錢氏益黃散若元氣下陷發熱作渴肢體倦怠用補中益氣湯若泄瀉色黃乃脾土之真色用六君加木香肉果若作嘔不食腹痛惡寒乃脾土虛寒用六君加木香薑桂若瀉在五更侵晨飲食少思乃脾腎虛弱五更服四神丸日間服白朮散如不應或愈而復作或飲食少思



急用八味丸補命門火以生脾土爲善不可忽也

附治驗

邊太常側室妊娠泄瀉自用枳朮黃連之類腹悶吐痰發熱惡寒飲食到口卽欲作嘔強是許卽吞酸不快欲用祛痰理氣余曰此因脾胃傷而痰滯中脘若治痰氣復傷脾胃矣遂以參朮炮薑爲末丸如黍粒不時含嚥三五丸漸加至三日後日進六君子湯而尋愈

進士王繳微之內懷妊泄瀉惡食作嘔余曰脾氣傷也其君憂之強進米飲余謂飲亦能傷胃且不必強俟脾胃醒宿滯自化飲食自進不信別用人參養胃湯飲之吐水酸苦又欲投降火寒藥余曰若然則胃氣益傷也經云損其脾胃者調其飲食適其寒溫後不藥果愈

厚朴丸 治洞泄寒中

乾薑 炒

厚朴 去皮 等分

右水拌炒爲末水糊丸梧子大每服五十丸米



飲下

草菓散 治虛寒泄瀉腹痛無度

厚朴薑汁拌炒二兩 肉豆蔻十箇 草豆蔻十箇

右每服三錢用薑水煎

附方

附子理中湯 方見二十卷第八論

理中丸

五苓散 二方見二十一卷第十論

六君子湯 方見二十四卷第六論

補中益氣湯 方見二十四卷第十論

錢氏益黃散 方見二十一卷第九論

四神丸 方見八卷第八論

七味白朮散 方見二十一卷第二論

八味丸 方見二十四卷第十一論

妊娠下痢黃水方論第二

論曰妊娠飲食生冷脾胃不能剋化致令心腹疼痛若血分病則色赤氣分病則色白血氣俱病則赤白相雜若熱乘太腸血虛受患則成血痢也



愚按治痢之法當參前篇其下黃水乃脾土腐損真色下陷也當升補中氣若黃而兼青乃肝木剋脾土宜平肝補脾若黃而兼白乃子令母虛須補脾胃若黃而兼黑是水反侮土矣必溫補脾胃若黃而兼赤乃心母益子但補中益氣若腸胃虛弱風邪客之用胃風湯或胎氣不安急補脾胃而自安矣凡安胎之藥當臨病制宜不必拘用阿膠艾葉之類

附治驗

地官胡成甫之內妊娠久痢自用消導理氣之劑腹內重墜胎氣不安又用阿膠艾葉之類不應余曰腹重墜下元氣虛也胎動不安內熱盛也遂用補中益氣而安又用六君子湯全愈  
治妊娠利黃水

厚朴 薑汁炙 黃連 二兩 肉豆蔻 五箇 連皮

右用冰煎徐徐服忌如前已上六方並出產寶

治妊娠執痢

黃連 升一 黃蘗 升一 梔子仁 枚二十



右用每服五錢水煎嘔共六加橘皮生薑二

治妊娠下痢腹痛小便澀滯一

糯米合一 當歸炒 黃芪各一兩

右用水煎分四服二

治臨產下痢用梔子炒為末每服二錢白湯調甚効

附方

胃風湯 方見十二卷第九論

補中益氣湯 二方見二十四卷第十論

妊娠大小便不通方論第三

夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱更推其因而藥之

愚按前症若大腸血燥用四物湯加條芩桃仁  
大腸氣滯用紫蘇飲加杏仁條芩共六腸胃氣虛用  
六君子加紫蘇杏仁肝脾蘊熱用龍膽瀉肝湯  
心肝虛熱用加味逍遙散加車前子一

附治驗



亞卿李蒲江側室妊娠大小使不利或用降火  
理氣之劑元氣反虛肝脉弦急脾脉遲滯視其  
面色青黃不澤余曰此驚怒所致也用加味歸  
脾湯為王佐以加味道遙散而安

王政王夫成之內妊娠痢疾愈後一便不通其  
家世醫自用清熱之劑未効余診其脉浮大而  
潛此氣血虛也朝用八珍湯加桃仁杏仁夕用  
加味道遙散加車前子而瘥

當歸散 治妊娠因怒肚腹脹痛四肢浮腫氣急

作喘大便難小便澀產門腫

當歸五分 赤茯苓 枳殼炒 白芍藥

川芎各一錢 白薑炮 木香煨 粉草各三分

右用薑水煎氣弱枳殼減半大便秘加蜜同煎  
治妊娠大小使不通腹脇痞悶不思飲食

大黃炒 木通 檳榔各一兩 枳殼炒

訶梨勒四箇去核半生半煨 大腹子二枚

右為末用童便一盞葱白二寸煎六分調服二十  
錢



初虞世治妊娠風氣太便秘澀

枳殼三兩 楚炒 防風二兩 甘草炙一兩

右為末每服一二錢空心用白滾湯調日三服

小品治妊娠小便不利氣急服猪苓散不瘥用甘

遂為末蜜和服豆許微利之未利再服利後仍

服猪苓散

猪苓散 治妊娠小便澀痛及胎水猪苓去皮為

末白湯調下錢許加至一二錢日二夜二服

又方車前子一兩大黃半兩炒為末每服二錢蜜

湯調

附方

四物湯

四君子湯 二方見二十四卷第六論

紫蘇飲 方見二十四卷第八論

龍膽瀉肝湯 方見二十四卷第八論

加味道遙散

加味歸脾湯

八珍湯 二方見二十四卷第四論

國家圖書館, NATIONAL CENTRAL LIBRARY, TAIWAN, R.O.C.



姪娠小便不通方論第四

夫姪娠小便不通爲小腸有熱傳於脾而不通耳若兼心肺氣滯則致喘急陳無擇云姪娠胎滿逼胞多致小便不利若心腎氣虛清濁相干而爲諸淋若胞系了戾小便不通名曰轉胞若胞滿尿出名曰遺尿

愚按丹溪先生轉胞小便閉多因胎婦虛弱憂悶性躁食味厚古方用滑利疎導藥鮮効若膠爲胎所墮而不通但升舉其胎胞系疎而小便

自行若臍腹作脹而小便淋閉此脾胃氣虛胎壓尿胞四物二陳參朮空心服後探吐數次自安竊謂前症亦有脾肺氣虛不能下輸膀胱者亦有氣熱鬱結膀胱津液不利者亦有金爲火爍脾土濕熱甚而不利者更當詳審施治

附治驗

司徒李杏岡仲子室孕五月小便不利諸藥不應余曰非八味丸不能救不信別用分利之藥此腹腫脹以致不起



儒者王文遠室患此小腹腫脹幾至於殆用八  
味丸一服小便滴瀝再以前丸之料加車前子  
一劑卽利肚腹頓宛而安

八味丸 治婦人飲食如故煩熱不得臥反倚息  
因脬系了戾不得溺名轉脬但利小便則愈蓋  
此藥有茯苓故也緩則不救方見二十四卷第  
十一論

古今錄驗姪娠小便難飲食如故

當歸

貝母

去心炒

苦參

各三兩

滑石

半兩

右爲末煉蜜丸小豆大每服二三二十丸米飲下

治姪娠小便不通臍下妨悶心神煩亂

葵子

研

榆白皮

切各一兩

葱白

七莖

右水煎分三服

古今錄驗姪娠不得小便杏仁去皮尖炒黃搗丸  
燈心湯吞七粒

又方滑石末水和塗臍下

又方用車前草汁調滑石末塗臍周圍四寸熱易  
之

又方搗杏仁入滑石末飯丸小豆大每服二十丸



白湯下

又方用紫苑爲丸并花水調下二錢

葵子散

治妊娠小便不利身重惡寒眩暈及水

腫用葵子五兩赤茯苓五兩爲末每服一二錢米

飲調

附方

四物湯

方見二十四卷第六論

二陳湯

方見二十四卷第五論

妊娠子淋方論第五

妊娠小便淋者乃腎與膀胱虛熱不能制水然妊婦胞繫於腎腎間虛熱而成斯症甚者心煩悶亂名曰子淋也

愚按前症若頸項筋攣語澇痰甚用羚羊角散若小便滴少淋瀝用安榮散若肝經濕熱用龍膽瀉肝湯若肝經虛熱用加味逍遙散腿足轉筋而小便不利急用八味丸緩則不救若服燥劑而小便頻數或不利用生地茯苓牛膝黃柏知母芎歸甘草若頻數而色黃用四物加黃柏



知母五味麥門玄參若肺氣虛而短少用補中  
益氣加山藥麥門若陰挺痿痺而頻數用地黃  
丸若熱結膀胱而不利用五淋散若脾肺燥不  
能化生宜黃芩清肺飲若膀胱陰虛陽無所生  
用滋腎丸若膀胱陽虛陰無所化用腎氣丸

附治驗

一婦人每怒發熱脇脹小便淋瀝如遇經行旬  
餘未已受胎三月因怒前症復作朝用加味逍  
遙散夕用安胎飲各二劑而安五月又怒復下

血如經行四日未止仍用前藥而愈

一姓娠飲食後因惱怒寒熱嘔吐頭痛惡寒胸  
腹脹痛大便不實其面青色小便頻數時或有  
血服安胎止血之劑益甚余曰寒熱嘔吐而腹  
脹此肝木尅脾土而元氣傷也大便不實而面  
青此飲食傷脾兼肝侮土也小便頻數而有血  
此肝熱傳胞而兼挺痿也用六君子加枳殼紫  
蘇山梔二劑脾胃頓醒又用加味逍遙散加紫  
蘇枳殼二劑小便頓清後節飲食調理而安



地膚大黃湯 治子淋

大黃炒三兩 地膚草三兩 知母 黃芩炒

猪苓 赤芍藥 通草 升麻

枳實炒 甘草各二兩

右每服四五錢水煎服

安榮散 治子淋甚妙

麥門冬去心 通草 滑石 當歸

燈心 甘草 人參 細辛各五分

右水煎服

治小便淋痛心煩悶亂

瞿麥穗 赤茯苓 桑白皮 木通

葵子各錢 黃芩炒 芍藥 枳殼

車前子炒各五分

右水煎服

治子淋小便澀痛

冬葵子 滑石 木通各等分

右每服四五錢葱白七寸水煎

猪苓散 療子淋小便澀痛方見本卷第三論



附方

羚羊角散 方見四卷首論

龍膽瀉肝湯 方見二十四卷第八論

加味道遙散 方見二十四卷第四論

四物湯 方見二十四卷第六論

腎氣丸 卽六味丸

六味丸

八味丸 二方見二十四卷第十一論

六君子湯 方見二十四卷第六論

補中益氣湯 方見二十四卷第十論

五淋散

滋腎丸

黃芩清肺飲 三方見八卷第一論

安胎飲 方見十二卷第二論

妊娠遺尿方論第六

妊娠尿出不知用白薇芍藥爲末酒調下或白礬  
牡蠣爲末酒調二十錢或鷄毛灰末酒服一七或灸  
桑螵蛸益智子仁爲末米飲下

國家圖書館, NATIONAL CENTRAL LIBRARY, TAIWAN, R.O.C.



愚按前症若脬中有熱宜用加味道遙散若脬  
肺氣虛宜用補中益氣湯加益智若肝腎陰虛  
宜用六味丸

附治驗方藥

一姪婦遺尿內熱肝脉洪數按之微弱或兩太  
陽作痛脇肋作脹余以為肝火血虛用加味道  
遙散六味地黃丸尋愈後又寒熱或發熱或患  
怒前症仍作用八珍散逍遙散兼服以清肝火  
養肝血而痊

附方

加味道遙散

八珍湯 二方見二十四卷第四論

補中益氣湯 方見二十四卷第十論

六味地黃丸 方見二十四卷第十一論

姪娠尿血方論第七

姪娠尿血內熱乘於血分以致血熱流滲於脬名  
子淋用葵子一升研細水五升煮一升分二服或  
生艾葉一斤酒五升煮一升分二服或生地黃一



斤酒四升煮二十升分三服亦治落產後下血  
愚按前症因怒動火者宜小柴胡加山梔因勞  
動火者宜補中益氣湯若因厚味積熱宜用加  
味清胃散若因肝經血熱宜用加味道遙散若  
因脾氣下陷宜用補中益氣湯若因脾虛血熱  
宜用加味道遙散

附治驗

一妊婦因怒尿血肉熱作渴寒熱往來胸乳間  
作脹飲食少思肝脉弦弱此肝經血虛而熱也

用加味道遙散六味地黄丸兼服漸愈又用八  
珍湯加柴胡丹皮山梔而痊

續斷湯 治妊娠下血及尿血

續斷 兩半 赤芍藥 錢五 當歸 錢一 生地黃 兩各一

右為末每服一錢空心用葱白煎湯調下

治妊娠尿血

阿膠 炒為末 熟地黄 用生者四兩酒 拌蒸熟并膏

右和丸桐子大每服七八十丸空心粥飲下

五苓散 去桂加阿膠 每四錢用車前子白茅根水



煎溫服

又方白茅根濃煎湯吞酒蒸黃連丸

附方

小柴胡湯 方見二十四卷第二論

補中益氣湯 方見二十四卷第十論

加味清胃散 方見二十四卷第一論

加味逍遙散

加味歸脾湯 二方見二十四卷第四論

妊娠胎水腫滿方論第八

產乳集云妊娠三月足腫至腿出水飲食不甘似水腫謂之子氣至分挽方消者此脾胃氣虛或衝任經有血風名醫錄云宋少主元微與徐文伯微行學鍼法文伯見一妊婦足腫脉之少主曰此女形也文伯曰此鬼胎也在左而黑遂用鍼胎下果然亦有脾虛水氣流溢或因瀉痢臟腑虛寒或因瘴疾飲水脾虛濕漬或因水漬於胞不能分利皆致腿足肚腹腫症也

愚按前症若胸滿腹脹小便不通遍身浮腫用



鯉魚湯脾胃虛弱佐以四君子若面目虛浮肢體如水氣用全生白朮散如未應用六君子湯脾胃虛濕熱下部作腫用補中益氣加茯苓若飲食失宜嘔吐泄瀉用六君子湯若腿足發腫喘悶不安或指縫出水用天仙藤散脾胃虛弱兼四君子湯如未應用補中益氣湯若脾肺氣滯用加味歸脾湯佐以加味逍遙散

附治驗

一姪娠每胎至五月肢體倦怠飲食無味先兩

足腫漸至遍身後及頭面此是脾肺氣虛朝用補中益氣夕用六君子加蘇梗而愈凡治姪娠母泥月數但見某經症即用本藥為善

天仙藤散 治婦人有水氣而成胎以致兩腿足浮腫

天仙藤洗畧炒 香附子炒 陳皮

甘草 烏藥軟白者辣者良各五分

右每服五錢生薑木瓜蘇葉各三片水煎日三服



澤瀉散 治姙娠遍身浮腫上氣喘急大便不通  
小便赤澁

澤瀉

桑白皮炒 木通

枳殼炒

檳榔

赤茯苓各五分

右薑水煎服

防已散

治脾虛遍身浮腫腹脹喘促小便不利

防已三錢

桑白皮炒 紫蘇莖葉

赤茯苓各五分

木香二分

右薑水煎

千金鯉魚湯

治姙娠腹大胎間有水氣

白朮五兩

茯苓四兩

當歸

芍藥各三兩

右先以小鯉魚一頭如食法煮取汁每汁一盞  
入藥五錢薑七片橘皮少許煎七分空心服

腎着湯

治姙娠腰脚腫

茯苓

白朮各八分 乾薑炮

甘草各一錢

杏仁五分

右用水煎服

五皮散

治胎水腫滿



大腹皮 桑白皮炒 生薑皮 橘皮  
茯苓皮各一錢 木香二

右水煎服

治妊娠脚浮腫因脾衰血化成水用生料平胃散薑棗水煎服或為末用蘇葉湯調下每服一錢全生白朮散 治妊娠面目浮虛四肢腫如水氣名曰胎氣名曰胎腫

白朮兩 生薑皮 大腹皮 陳皮  
白茯苓各半兩

右各為末每服一錢米飲下

附方

四君子湯

六君子湯 方見二十四卷第八論

補中益氣湯 方見二十四卷第十論

加味歸脾湯

加味逍遙散 二方見二十四卷第四論

妊娠腹內鍾鳴方論第九

治孕婦腹內鳴用鼠窟中土為末入麝香酒調下





一錢立愈或黃連濃煎汁母當呷之

愚按產寶云小兒在腹中哭其治法亦用空房中鼠穴土或黃連煎濃飲之即止想即是症又云臍帶上疔落兒含口中因妊婦登高舉臂脫出兒口以此作聲令妊婦曲腰就地如拾物仍入兒口即止然黃連性寒麝香開竅當酌量用之

龔彥德孕癰方第十

治孕癰用烏藥五錢水一鍾煎七分入牛皮膠一

兩煎化溫服或薏苡仁煮汁飲之

愚按孕癰卽是腹內患癰如前法不應妄用牡

丹皮散或薏苡仁湯

治驗見二十四卷

妊娠不語論第十一

孕婦不語不須服藥臨產月但服保生丸四物湯產下便語黃帝問曰人有重身九月而瘖何也岐伯對曰胞絡繫於腎腎脉貫繫舌本故不能言十月分娩後自爲之言也

愚按前症果內經窮理之言人有患此當調攝



以需之不必驚畏而泛用藥也

妊娠傷食方論第十二

經曰飲食自倍腸胃乃傷又云陰之所生本在五  
味陰之五宮傷在五味故妊娠傷食最難調治者  
愚按東垣先生云脾胃之氣壯則過時而不饑  
多食而不傷益胃主司納脾主消化五臟之本  
也然食倍而傷者乃脾氣虛而不化也若投以  
峻劑則脾胃復傷而胎亦損矣當審其所因而  
調治之若飲食停滯或肚腹作痛用平胃散嘔

吐惡心加枳殼砂仁吞酸酸腐加黃連二分吳  
茱萸一分腹滿泄瀉用六君子湯停滯肉食倍  
加山查停滯麵食倍加麥蘖停滯糯食用白酒  
麩末一味米食停滯倍加穀蘖魚腥所傷倍加  
陳皮傷辛熱之物加黃連傷性冷之物加砂仁  
木香如不應更加肉豆蔻補骨脂再不應四  
神丸若脾氣下陷用補中益氣湯凡噉覺藥氣  
且戒藥餌節飲食經云損其脾者調其飲食適  
其寒溫太凡脾胃虛弱飲食難化以白朮陳皮



婦人良方 三二  
為未等分陳麴糊丸常服最善枳木丸但可暫用枳實峻厲能耗真氣治者慎之

附治驗

一妊娠因停食服枳木丸胸腹不利飲食益少更服消導寬中之劑其胎下墜余謂此脾氣虛而不能承載也用補中益氣及六君子湯中氣漸健其胎漸安又用八珍湯加柴胡升麻調理而痊

木香丸 治妊娠脾胃虛弱飲食不消肚腹膨脹

或嘔吐泄瀉

木香 二錢

白朮 炒

人參

白茯苓

各等分

右為末麴糊丸菘豆大每服二十四丸熟水下

白朮散 治妊娠脾胃虛弱氣不調和飲食易傷

白朮 炒

紫蘇 各一兩

人參

白芷

各三錢炒

川芎

訶子皮

青皮 各半兩

甘草

炒一錢

右每服二十錢薑水煎

附方

平胃散 方見七卷第十八論



補中益氣湯方見二十四卷第十論

六君子湯方見二十四卷第六論

四神丸方見八卷第八論

八珍湯方見二十四卷第四論

妊娠臟燥悲傷方論第十三

許學士云一婦無故數次悲泣是為臟燥用大棗湯而愈又程虎卿內妊娠五月慘感悲傷亦投大棗湯而愈

愚按前症或因寒水攻心或肺有風邪者治當

審察

附治驗

一姓婦無故自悲用大棗湯一劑而愈後復患又用前湯佐以四君子加山梔而安

一姓婦悲哀煩燥其夫詢之云我無故但自欲悲耳用淡竹茹湯為主佐以八珍湯而安

大棗湯

甘草三兩 小麥三兩 大棗十枚

右水六鍾煎三鍾分三服亦補脾氣



淡竹茹湯 治妊娠心虛驚悸臍燥悲傷或作虛煩

麥門冬去心 小麥 半夏湯炮各一錢五分

人參 白茯苓各一錢五分 甘草五分

右薑棗并竹茹少許水煎


治胎臍燥悲哭用紅棗燒存性米飲調下

附方

四君子湯 方二十四卷第六論

八珍湯 方見二十四卷第四論

婦人良方卷之十五終





婦人良方卷之十六

國家圖書館, NATIONAL CENTRAL LIBRARY, TAIWAN, R.O.C.

臨川 陳自明 編

古吳 薛己 註

後學 蔣宗澹

宋雲璈

朱明全校

坐月門 妊娠疾病既明須知  
坐月避忌故以次之

產寶方周頽序第一

類聞至靈者人最重者命人皆知命之重而不知



養命之方以致年未衰邁疾病攻奪倉卒尋醫多致有誤况婦人病惟產難爲急子母命懸片時故產一二胎者臟腑未衰血氣未減疾病易治若產育過多復自乳子血氣愈衰尤難治若產後血氣未復胃氣益傷諸症蜂起此古人所以專著產乳方論余故徧採產寶等方兼拾晉氏之遺作爲論說粹爲一編刊行于世以救危急云時丁巳歲秋八月吉日周頌謹序

將護孕婦論第一

凡妊娠至臨月當安神靜慮時常步履不可多睡飽食過飲酒醴雜藥宜先貼產圖依位密鋪床帳預請老練穩婆備辦湯藥器物欲產時不可多人喧闐惶惶但用老婦一人扶行及凭物站立若見漿水腰腹痛甚是胎離其經令產母仰臥令兒轉身頭向產門用藥催生坐草若心煩用水調服白蜜一匙覺飢吃糜粥少許勿令饑渴恐乏其力不可強服催藥早於坐草慎之

愚按前論當慎守之此先哲好生之德防患於



未萌者也仁哉

滑胎例第三

凡妊娠十月安服滑胎湯藥

滑胎枳殼散令胎瘦產易河陽公主每產累日不

下南山道人進此方

商州枳殼二兩 麩炒

粉草一兩 炒

右為末每服一錢空心沸湯調日三服凡孕六

七月安服之溫隱居加當歸廣木香各等分

易產兼治諸疾下氣實膈

枳殼五兩 麩炒

甘草一兩 半

香附子三兩 炒 去毛

右為末每服一錢用白湯調服

內補丸治妊婦衝任脈虛補血安胎

熟地黄二兩 用生地酒 拌蒸熟杵膏

當歸一兩 炒 為末

右為末和丸梧子大每服三四十九丸溫酒或滾

湯下許學士云大率妊娠唯在抑陽助陰然胎

前藥唯惡羣隊陰陽錯雜別生他病唯枳殼散

所以抑陽四物湯所以助陰爾然枳殼散其味

多寒若單服恐致胎寒腹痛更以內補丸佐之



則陽不至強陰不致弱陰陽調和有益胎嗣此  
前人未嘗論及也

易產滑胎車前子為末或酒或飲服寸匙詩云芣

苢能令婦人樂有子矣陸機註云治婦人產難

愚詳孔子序詩云樂然而生易於生育即此謂

也

神寢丸 臨月服之神効 勸州施少卿方  
勸州徐太丞傳

通明乳香 半兩  
別研 枳殼 一兩  
麩炒

右為末煉蜜丸梧子大每服二十九空心溫酒

下

榆白皮散 治難娠滑胎易生

榆白皮 甘草 各二兩 葵子 一兩

右為末每服五錢水煎

孕及九月將產猪肚一具煮爛徐徐自食盡易產

保氣散 治寬氣進食瘦胎易產或居處失安頓

什胎動若胎痛胎漏兼服佛手散 見通  
用方

香附 四兩 山藥 二兩 砂仁 一兩 木香 四兩

粉草 一兩 益智 一兩 紫蘇葉 各半兩



右為末每服一二錢白湯調下

神寢丸枳殼散見前此二藥入月安常服

保產無憂散 治妊婦身居安逸口厭其肥憂樂

不常食物不節致胞胎肥厚根蒂堅牢入月服

乏則易生矣

當歸

川芎

白芍藥

枳殼炒

乳香各三錢木香

甘草

血餘即髮灰

獾猪心血和之各一錢半

右為末每服二錢水煎日一服神効

月空方位例第四

出太平聖惠方外臺秘要同

正月

二月

三月

四月

五月

在丙壬

二月

三月

四月

五月

六月

在甲庚

逐月安產藏衣忌向方位第五

凡安產藏衣方位並於臥閣內分布太平聖惠方

云凡妊婦初入月便寫產圖一本以采書某月某

日空貼在某位如正月在丙壬可於壬位安產婦

床帳丙位藏衣之類貼產房北壁若值閉月只看

節氣用之又云每月產圖有雷公招搖運鬼力士




天狗軒轅大時咸池豐隆吳時白虎太夫天候狂  
虎凡此十二神並從月建易其位所謂月空者按  
內經云月廓空無寫王米注云論月輪中空日也  
卽非十二神之數今太平聖惠方以六陽月在丙  
壬以六陰月在甲庚正如外臺所言正月在丙壬  
至十二月在甲庚之類其理一也但外臺言之詳  
聖惠言之簡今人多從其簡或云凡逐月安產藏  
衣並向月德月空方位所有十二神殺並從節氣  
更換若交次月節便作次月用書產圖者非也假

如正月十四日立春若姪婦十三日乳臥豈可作  
去年十一月用必依月分用之乃是若依節氣使  
換則天德月德所在差矣然月空與壬謂之中天  
空頗相類議者以爲天空者非十二神之數蓋課  
中有天之貴人其位無可與對者故此空是謂天  
空值此神百事不宐止宐安產婦床帳藏衣之類  
耳集聖曆云天德正月在丁二月在坤三月在壬  
四月在辛五月在乾六月在甲七月在癸八月在  
艮九月在丙十月在乙十一月在巽十二月在天



又堪輿曆有遊年白虎殺神在大歲後一辰如太歲卯則白虎在寅餘倣此推之若產及藏衣犯之則子母皆不利

王子亭云難產逆生論稱犯一切神殺固有是理然亦有自然難產兒自逆生者及有產腸俱下者產已則復如故此非疾病所致氣血所主天下之理蓋有不可窮詰者亦宜知之





安產藏衣十三神吉凶方位

藏安	運雷	招軒	咸豐	天狂	天大	白虎
衣	產鬼	公搖	蟻池	狗隆	虎侯	夫虎
吉	吉	力	大	吳		
方	方	十	方	方		

正月 壬丙艮寅寅卯辰辰辰午申酉戌  
 二月 坤<sup>甲寅</sup>乾亥卯子丑未巳酉巳戌亥  
 三月 丙壬坤申辰酉戌戌午子寅亥子  
 四月 甲庚巽巳巳午未丑未酉亥子丑

五月 丙壬艮寅午卯辰辰申子申丑寅  
 六月 庚甲乾亥未子丑未酉卯巳寅卯  
 七月 丙壬坤申申<sup>子酉</sup>戌戌戌子寅卯辰  
 八月 庚甲巽巳酉<sup>午酉</sup>戌丑亥卯亥辰巳  
 九月 丙壬艮寅戌卯辰辰子午申巳午  
 十月 庚甲乾亥亥子丑未丑卯巳午未  
 十一月 壬丙坤申子酉戌戌寅午寅未申  
 十二月 庚甲巽巳丑午未丑卯酉亥申酉

推婦人行年法第六



生氣方 產婦宜向之坐臥及產帳向之開門大吉

反支月 遇此月即鋪灰上用牛皮或馬驢皮訖鋪草勿令惡血汚地吉

禍害月 不得於其上產又不得向之二便避之大吉

絕命方 不得於其上產又不得向之大小便避之大吉

懸尸日 遇此日產不得攀繩宜懸馬轡攀之大

吉

閉肚方 臨月至滿月並不得向之大小便及棄不淨之水謹之吉

八疰方 產帳不得向之開門忌之大吉

生反 產臥宜  
閉入 產臥宜  
絕命 尸疰宜  
疰命 尸疰宜  
疰命 尸疰宜  
疰命 尸疰宜

十二歲行年在庚申坤正七離辰戌日

在正西偏北辛○在正東偏北申○黃色衣西



南首○西南方黃衣師看產

十四歲行年在巳未離二月八日坤兌卯酉

在正北偏西壬○在正北偏東癸○赤色衣正

南首○正南方赤衣師看產

十五歲行年在戊午坎三月九日乾艮丑未

在正東偏北甲○在正北偏西壬○黑色衣正

北首○正北方黑衣師看產

十六歲行年在丁巳震四月十日艮乾丑未

在正東偏北甲○在正西偏北辛○青色衣正

東首○正東方青衣師看產

十七歲行年在丙辰艮五月十日震艮子午

在正東偏南巳○在正南偏南庚○黃色衣東

北首○東北方黃衣師看產

十八歲行年在乙卯乾六月十日坎震巳亥

在正南偏東丙○在正南偏西丁○白色衣西

北首○西北方白衣師看產

十九歲行年在甲寅兌七月十日巽離辰戌

在正南偏西丁○在正南偏東丙○白色衣正



西首○正西方白衣師看產

二十歲行年在癸丑巽月二八兌坤卯酉日

在正西偏南庚○在正東偏南乙○青色衣東

南首○東南方黃衣師看產

二十一歲行年在壬子坤月三九離巽寅申日

在正西偏北辛○在正東偏北甲○黃色衣西

南首○西南方黃衣師看產

二十二歲行年在辛亥離月四十坤兌丑未日

在正北偏西壬○在正北偏東癸○赤色衣正

南首○正南方赤衣師看產

二十三歲行年在庚戌坎月五十乾艮子午日

在正北偏東癸○在正北偏西壬○黑色衣正

北首○正北方黑衣師看產

二十四歲行年在己酉震月六十艮乾巳亥日

在正東偏北甲○在正西偏北辛○青色衣正

東首○正東方青衣師看產

二十五歲行年在戊申艮月正七震坎辰戌日

在正東偏南乙○在正西偏南庚○黃色衣東



北首○東北方黃衣師看產

二十六歲行年在丁未乾二月坎震卯酉

在正南偏東丙○在正南偏西丁○白色衣西

北首○西北方白衣師看產

二十七歲行年在丙午兌三月巽離寅申

在正南偏西丁○在正南偏東丙○白色衣正

西首○正西方白衣師看產

二十八歲行年在乙巳巽四月兌坤丑未

在正西偏南庚○在正東偏北乙○青色衣東

南首○東南方青衣師看產

二十九歲行年在甲辰坤五月離巽子午

在正西偏北辛○在正東偏南甲○黃色衣西

南首○西南方黃衣師看產

三十歲行年在癸卯離六月坤兌巳亥

在正北偏西壬○在正北偏東癸○赤色衣正

南首○正南方赤衣師看產

三十一歲行年在壬寅坎正月乾艮辰戌

在正北偏東癸○在正北偏西壬○黑色衣正



北首○正北方黑衣師看產

三十一歲行年在辛丑震二月八日艮乾卯酉

在正東偏北甲○在正西偏北辛○青色衣。正

東首○正東方青衣師看產

三十二歲行年在庚子良三月九日震坎寅申

在正東偏南乙○在正西偏南庚○黃色衣。東

北首○東北方黃衣師看產

三十四歲行年在巳亥乾四月十日坎震丑未

在正南偏東丙○在正南偏西丁○白色衣。西

北首○西北方白衣師看產

三十五歲行年在戊戌兌五月十一日巽離子午

在正南偏西丁○在正南偏東丙○白色衣。正

西首○正西方白衣師看產

三十六歲行年在丁酉巽六月十二日兌坤巳亥

在正西偏南庚○在正東偏南乙○青色衣。東

南首○東南方青衣師看產

三十七歲行年在丙申坤正月七日離巽辰戌

在正西偏北辛○在正東偏東甲○黃色衣。西



南首○西南方黃衣師看產

二十八歲行年在乙未離二月八日坤兌卯酉

在正北偏西壬○在正北偏東癸○赤色衣。正

南首○正南方赤衣師看產

二十九歲行年在甲午坎三月九日乾艮寅丑

在正北偏東癸○在正北偏西壬○黑色衣。正

北首○正北方黑衣師看產

四十歲行年在癸巳震四月十日艮乾丑未

在正東偏北甲○在正西偏北辛○青色衣。正

東首○正東方青衣師看產

四十一歲行年在壬辰艮五月十一日震坎子午

在正東偏南乙○在正西偏南庚○黃色衣。東

北首○東北方黃衣師看產

四十二歲行年在辛卯乾六月十二日坎震巳亥

在正南偏東丙○在正南偏西丁○白色衣。西

北首○西北方白衣師看產

四十三歲行年在庚寅兌七月十三日巽離辰戌

在正南偏西丁○在正南偏東丙○白色衣。正



西首○正西方白衣師看產

四十四歲行年在巳丑二月巽坤日卯酉

在正西偏南庚○在正東偏南乙○青色衣東

南首○東南方青衣師看產

四十五歲行年在戊子三月坤離巽寅日甲

在正西偏北辛○在正東偏北甲○黃色衣西

南首○西南方黃衣師看產

四十六歲行年在丁亥四月離坤兌丑日未

在正北偏西壬○在正北偏東癸○赤色衣正

南首○正南方赤衣師看產

四十七歲行年在丙戌五月坎乾艮子日午

在正北偏東癸○在正北偏西壬○黑色衣正

北首○正北方黑衣師看產

四十八歲行年在乙酉六月震艮乾巳日亥

在正東偏北甲○在正西偏北辛○青色衣正

東首○正東方青衣師看產

四十九歲行年在甲申七月震坎辰戌日

在正東偏南乙○在正西偏南庚○黃色衣東



北首○東北方黃衣師看產○坐產時更用後法

體玄子借地法第七

東借十步

西借十步

南借十步

北借十步

上借十步

下借十步

壁方之中四十餘步安產借地或有穢汚或有東海神王或有西海神王或有南海神王或有北海神王或有日遊將軍白虎大夫遠去十丈軒轅招搖舉高十丈天符地軸入地十丈令地空閑產婦

某氏安居無所妨碍無所畏忌諸神擁護百邪速去急急如律令勅前項借地法於入月一日朱書一本貼產婦房內牆壁上更不須避忌神殺也

禁草法第八 鋪草及檀褥訖即呪曰

鐵鐵湯湯非公所當是王一言得之銅一言得之

鐵母子相生俱簇鐵急急如律令

禁水法第九 欲產時貯水呪曰

南無二寶水

水在井中為井水 水在河中為河水



水在器中為淨水 水在法中為真水

自知非真莫當真水

以淨持濁 以正治邪 日遊月殺 五士將軍

青龍白虎 朱雀玄武 招搖天狗 軒轅女妓

天吞地吞 懸尸閉肚 六甲禁諱 十二神王

土符伏神 各安所在 不得動靜 不得忌干

若有動靜 若有忌干 施以神呪 當攝汝形

阿佉阿毗羅莫多梨娑地梨娑訶

入月預備藥物第十

愚按前所預備內佛手保氣枳殼榆皮黑神太  
聖葦石七散神寢保生理中二九催生黑虎一十  
丹及催生神符又葵子生地黃羌活竹茹烏梅  
雌雄石燕甘草海馬嚼鉄大棗陳皮薑錢黑豆  
白蜜無灰酒童子小便酸醋白米湯瓶鍋銚斷  
臍線剪之類可謂周恤之至矣內花葦石散為  
血入胞衣服大不能下或惡露上攻不能甦醒  
佛手散治血虛之危症加味芎歸湯治交骨不  
開葦麻子治胎衣不能上下失笑散治惡露腹







此云 𠄎 𠄎 𠄎 𠄎

此四符入八月一日墨書鞋底上密安產婦蓆蓆下勿令人知

𠄎 𠄎 𠄎 𠄎

此三符遇產難以墨書吞之

𠄎 𠄎 𠄎 𠄎

此四符遇胞衣不出以朱砂書吞下

謹按前所著方論圖向符訣一帙自夫人泛視之似為迂遠然艱方得子者恒相質問則惟此書為要屢試有明驗也余每觀其護孕之方極為曲當易產之藥悉有根據至於圖向之趨避吉凶所關符訣之玄微神妙顯用其誠有得於諸先哲者乎不然王太僕諸公深於奧理者也豈謬論耶則是書也誠妊娠良方家戶之所當珍藏考究者使舍此而施治於妊婦鮮不有誤矣觀者勿以為迂遠云



婦人良方

其

婦人良方卷之十六終



國家圖書館, NATIONAL CENTRAL LIBRARY, TAIPEI, R.O.C.



婦人良方卷之十七

NATIONAL CENTRAL LIBRARY, TAIWAN, R.O.C.

臨川 陳自明 編

古吳 薛 巳 註

後學 蔣宗澹

宋雲璈

朱 明全校

產難門 坐月既明須知  
產難故以次之

產難論第一

婦人以血為主，惟氣順則血和，胎安則產順。今富





貴之家過於安逸以致氣滯而胎不轉動或爲交合使精血聚於胞中皆致產難若腹或痛或止名曰弄胎穩婆不悟入手試水致胞破漿乾兒難轉身亦難生矣凡產直候痛極兒逼產門方可坐草時當盛暑倘或血連血溢當飲清水解之冬末春初產室用火和煖下部衣服尤當溫厚方免胎寒血結若臨月洗頭濯足亦致產難

愚按丹溪先生曰余族妹苦於產難遇胎則驅之予甚憫焉蓋其形肥而勤女士形肥則氣虛

久坐則氣不運而兒在胞胎因亦不能自運耳當補其母之氣則兒健易產故後有孕至五六月遂以紫蘇飲加補氣藥與之數十貼而產甚快太要在隨母之稟性若胎胞破早血水先乾或難產勞傷氣血者煎八珍湯或十全大補湯加益母草不時與服以協濟之或以黃芪數觔芎歸四五觔許大釜水煎藥氣氤氳滿室使產婦口鼻俱受其氣臍帶以油紙撚燒斷補接其陽氣穩婆須擇老練者當先施惠須說與知倘



有<sub>レ</sub>生息不順<sub>ナリ</sub>只說是未產或是雙胎<sub>ナリ</sub>只說胎衣未下恐驚<sub>ナリ</sub>則氣散愈難生息

附治驗方藥

荆婦孟冬分娩艱難勞傷元氣產子已死用油紙<sub>ヲ</sub>燃燒斷臍帶<sub>ヲ</sub>藉其氣以煖之俄頃忽作聲此兒後無傷食<sub>ニ</sub>作瀉<sub>ノ</sub>之症可見前法之功不誣世用<sub>ニ</sub>刀器斷臍帶<sub>ヲ</sub>于母致危者竟不知其由矣且穩婆又喜<sub>テ</sub>平日常施小惠得其用心兼以安慰母懷故無虞耳<sub>一</sub>穩婆云我止有<sub>一</sub>女正分娩

時適當巡街侍御行牌取我視其室分娩女因驚赫未產而死後見侍御更以威顏分付迨視產母胎雖順而頭偏在<sub>一</sub>邊以致難產因畏其威不敢施手由是其母子俱不能救

紫蘇飲 方見十二卷第八論

十全大補湯

八珍湯 二方見二十四卷第四論

楊子建十產論第二

凡生產先知此十証庶免子母之命折於無辜也



世之收生者，少有精良妙手，多致傾命，予因傷痛而備言之。

一曰正產

正產者言懷胎十月陰陽氣足，忽然作陣疼痛，胎至谷道漿破，血下兒卽正產。

二曰傷產

傷產者言懷胎未足月有所傷動，以致忽然臍腹疼痛，或服催藥過早，或產母努力太早，逼兒錯路，不能正生。凡分娩須待兒身轉順，頭對產門，努力

一曰送兒卽正生

二曰催生

催生者言欲產時兒頭至產門方服藥催之，或經日久產母困倦難生，宜服藥以助其血氣，令兒速生。

四曰凍產

凍產者言天氣寒冷，產母血氣遲滯，兒不能速生，故衣裳宜厚，產室宜煖，背心亦宜溫和，兒易生。

五曰熱產



熱產者言盛暑之月產婦當溫涼得宜熱甚產母  
則頭疼面赤昏暈若產室人衆熱氣蒸逼亦致前  
患名曰血暈若夏月風涼陰雨亦當謹避

### 六日橫產

橫產者言兒方轉身產母用力逼之故也凡產母  
當令安然仰臥穩婆先推兒身順直頭對產門以  
中指探其肩不令臍帶羈板方用藥催之繼以產  
母努力兒卽生

### 七日倒產

倒產者言兒未能轉身產母努力故也當令產母  
仰臥穩婆推入候兒自順若良久不生令穩婆手  
入產戶一邊撥兒轉順近產門却服催藥并努力  
卽下

### 八日偏產

偏產者言兒回身未順生路產母努力逼兒頭偏  
一邊產雖露頂非也乃額角耳當令產母仰臥穩  
婆輕手正其頭向產門却令產母努力子卽下若  
兒頂後骨偏在穀道露額令穩婆以綿衣灸煖裹



手於穀道外，傍輕手推正，令產母努力，兒卽生。

### 九日礙產

礙產者言兒身已順門路已正，兒頭已露，因兒轉身，臍帶絆其肩，以致不能生，令產母仰臥，穩婆輕推兒向上，以中指按兒肩，脫臍帶，仍令兒身正，順產母努力，兒卽生。

### 十日坐產

坐產者言兒之欲生，當從高處，牢繫手巾一條，令產母以手攀之，輕輕屈坐，令兒生下，不可坐，祇兒

生路

### 十一日盤腸產

趙都運恭人每臨產則于腸先出，然後產于其腸不收名曰盤腸，穩婆以醋水各半盞，默然喫產婦面背，方收，不可不知。

愚按前症古方以草麻子仁四十九粒，研塗產母頭頂，腸收上急洗去其腸，若乾以磨刀水少許溫潤之，再用磁石煎湯服之，卽收上，磁石須陰陽家用有驗者，若以水喫母面背，恐驚則氣



散

治盤腸產以半夏為末搐鼻中腸自止

又方大紙燃以麻油潤燈吹滅以烟薰產婦鼻中腸即止

又方腸出盛以潔淨漆器濃煎黃芪湯浸之腸即上

### 催生方論第三

五行論命以年月日時支干五行相生相值以推其貴賤其間最切要者時也得其時則終身富貴

失其時則一世貧賤然則命稟於有生之初豈可催乎世之催生之說蓋為產難而設也今開歷驗數方于後

催生柞木飲子 治產難或胎爛腹中腹悶其効

如神

生柞木一尺 甘草大者五寸

右用水三鍾紙封罐口煎一鍾半候胎順產門徐徐溫服即時分娩更無諸苦切不可早於坐草及穩婆下手催逼



催生如神散 治逆產橫生其功甚大

百草霜

白芷

不見火各為末等分

右每服二錢至胎順產門以童便米醋和如膏加沸湯調下或童便酒煎進二服然血得黑則止此藥大能固血又免血乾甚妙

如聖散用黃蜀葵花焙為末熱湯調下一錢若漏血胎胞乾澁難產併進二三服即產如無花用葵子末半合調溫酒服尤妙若打撲胎死紅花酒調下

順生丹 治症同上

兔腦髓

去皮膜研如膏

明乳香

一兩細研

母丁香

末一兩

射香

一錢研細

右以兔腦髓九鷄頭大陰乾每服二丸溫水下男左女右手握出兔腦蠟月者尤佳

又方通明乳香一塊如皂子大為末腰痛時用冷水醋少許調服扶立令兩手拿石燕一箇念醫靈藥聖二三遍行數步坐草便生更無痛楚神効愚按前法觀之似近其用者云甚驗



治產不順

蛇蛻 一條

蠶蛻紙

一張無則一方

右入新瓦瓶內鹽泥固濟存性為末煎榆白皮湯下一錢三服覺痛便生

又方用伏龍肝研末每服一錢酒調下兒頭戴土而下

又方吞槐子十四粒即下

又方當歸為末酒調一錢服良久再服

一方用魚膠一尺許新瓦上煨灰陳醋調服立下

又方大朱砂於端午日晒起以百日為度研為細末用蠟月兔腦髓丸綠豆大欲產時粥飲下一丸良久便生其藥男左女右手中握出晒硃砂不得着雨

又方臍月兔頭煨為末葱白煎湯調一錢立生或臍月兔血紙袋盛掛當風處陰乾為末煎乳香湯調下一錢或兔皮和毛燒為末酒調服一錢即產如胎衣未下再服

神妙乳砂丹用明乳香為末以猪心血丸桐子大



硃砂為衣，陰乾每服一十九，嚼碎冷酒下。良久未  
生，再服。○難產以蓮葉蒂七箇，水煎化服。一十九  
良久未生，再服。○胞漿先乾，胎不得下，急服太  
料四物湯，滋其血氣，并濃煎葱湯薰洗產戶，更  
用油燭塗產戶內，却服前藥。○胎死不出，用朴  
硝五錢，滾湯調下，或平胃散一服，胞衣未下，酒  
水服一丸。○橫逆不順，先用如神散。方見產門前  
不開，用加味芎歸湯，仍服一十九。須月初上辰日  
修合，鹽塗兒足底，急搔摩之，即產。

應急方 好墨新汲水濃磨服之，墨水墨兒出。

又方清油同蜜等分入滾湯少許調服，或油煎  
一盞服之，或路傍破草鞋一隻取鼻絡小繩燒

灰酒調服。

交骨不開，產門不閉，方論第四 新附

竊謂交骨不開，產門不閉，皆由元氣素弱，胎前失  
於調攝，以致血氣不能運達而然也。交骨不開，陰  
氣虛也，用加味芎歸湯補中益氣湯，產門不閉，氣  
血虛也，用十全大補湯。



附治驗

地官李孟卿娶二十有五歲女為繼室妊娠慮其難產索加味芎歸湯四劑備用果產門不開止服一劑頓然分娩

上舍懷德之室產門不開兩日未生服前藥一劑即時而產懷德傳服此方用者無有不驗一婦人分娩最易至四十妊娠下血甚多產門不開與前湯一劑又以無憂散舐許煎熟時時飲之以助其血而產

一產婦陰門不閉發熱惡寒用十全大補加五味子數劑而寒熱退又用補中益氣加五味子數劑而陰戶斂若初產腫脹或熾痛而不閉者用加味道遙散若腫既消而不閉者用補中益氣湯切忌寒涼之劑

一婦人脾胃素弱兼有肝火產後陰門腫痛寒熱作渴嘔吐不食敷太黃等藥服驅利之劑腫及於臀虛症蜂起此真氣虛也先用六君子以固脾胃乃以補中益氣湯升舉而消



一產婦失治，腫潰不<sub>レ</sub>已，形體消瘦，飲食少思，朝寒暮熱，自汗盜汗，半年矣。余用補中益氣，加茯苓、半夏，以<sub>レ</sub>健脾胃，膿水漸少，飲食漸進，用歸脾湯以<sub>レ</sub>解脾鬱，共五十餘劑，元氣復而瘡亦愈矣。

一產婦陰門不閉，小便淋瀝，腹內一物攻動，脇下或脹或痛，用加味逍遙散，加車前子而愈。

一婦人子宮腫大，二日方入，損落一片，殊類猪肝，面黃體倦，飲食無味，內熱晡熱，自汗盜汗，用十全大補湯二十餘劑，諸症悉愈，仍復生育。

加味芎歸湯 治交骨不開不能生產

川芎 當歸 各一 自炮龜板 一箇 酥炙

婦人頭髮 一握 燒存性

右為散，每服五錢，水煎服，約人行五里，即生如胎死，亦下灼過龜板亦可。

十全大補湯 方見二十四卷第四論

補中益氣湯 方見二十四卷第十論

郭稽中產難方論第五

論日產難者，因兒轉身將兒枕血塊破碎與胞中。



敗血壅滯，兒身不能便利，是以難產。急服勝金散，消散其血，使兒自易生。陳無擇云：多因兒未轉順，坐草太早，或努力太過，以致胞衣破而血水乾，產路澁而兒難下。宜先服催生如神散以固其血，設或逆生橫產，當用前法針刺之。

勝金散

麝香 末一錢 豆豉 兩一

右每服一錢，用秤錘燒赤，浮酒下，催生如神散亦可用。

產難子死腹中方論第六

產難子死腹中，多因驚動太早，或觸犯禁忌，其血先下，胎乾涸而然也。須驗產母舌，若青黑，其胎死矣。當下之，故產室坐臥須順四時方向，并遵五行避忌，則吉。

附治驗

一穩婆之女勤苦負重，姪娠腹中陰冷，重墜口中，甚穢。余意其胎已死，令視其舌，青黑與朴硝半兩許，服之，化下穢水而安。



一婦人胎死服朴硝下穢水肢體倦怠氣息奄奄用四君子為王佐以四物薑桂調補而愈

一方水銀半兩桂末一錢作一服溫酒調下粥飲亦可

又方以利斧煨赤置酒中待溫飲之其子便下

又方以錫粉水銀各一錢素肉丸大豆許水吞下立出

又方朴硝三錢溫童便調下猫犬牛畜用之皆驗

又方平胃散五錢酒水各一盞煎至一盞投朴硝

五錢再煎三五沸溫服其胎即化水而出竅貫慶方云凡欲斷臍帶先以繫物墜下後可斷之否則胞衣上即冲心而死

附方

四君子湯

四物湯 二方見二十四卷第六論

產難生死訣第七

欲產之婦脉離經

難經云一呼三至日離經此是陽加於陰一陪



也一呼一吸亦曰離經此是陰加於陽四倍也  
註云經者常也胃脉離常絡之處周即言之一  
呼脉再至一吸脉再至曰脾和之脉故一呼脉  
行三寸一吸脉行三寸呼吸定息脉行六寸一  
日一夜一萬三千五百息脉行八百一十丈乃  
于一周復從始之經再行今一呼脉三至一吸  
脉三至呼吸定息脉行九寸一日一夜脉行通  
計二千一百一十五丈過於平脉之數不在所  
起之經再起故曰離經若一呼一吸至脉行寸半

一吸一呼至脉行寸半呼吸定息脉行三寸一日  
一夜通計脉行得四百單五丈乃謂一周是不  
及平脉之數周而復始亦不在所起之經再起  
亦曰離經也

沉細而滑也同名

臨產之婦脉見沉細而滑者乃腎臟本脉之形  
然腎繫胞胎見此脉者亦與離經之脉同名也  
夜半覺痛應分誕來日日午定知生

若妊婦夜半時覺腹痛定知來日午時當分娩



也聖惠方云夜半子時覺腹痛來日午時必定  
生產謂子午相半正半日觀數也

身重體熱寒又頻舌下之脉黑復青反舌上冷子  
常死腹中須遣子歸冥

凡妊婦身有沉重者胃氣絕也又體熱寒臑頭  
併者正氣衰陰氣盛也若舌捲下脉青黑色也  
及舌反捲上水冷不溫者子母俱死之候

面赤舌青細尋看母活子死定應難

凡妊婦面色赤是榮氣流通母活之候舌上青

色是妊脉絡絕胎死之候

唇口俱青沫又出子母俱死總高判

若妊婦唇口俱青色者榮衛氣絕也又口中吐  
出痰沫者是脾胃之氣俱絕此是子母俱死之  
候也

面青舌青沫出頻母死子活是知真不信若能看  
應驗尋之賢哲不虛陳

凡妊婦面與舌皆青色又吐痰沫者是產婦榮  
衛俱絕胎氣衝上之候此是子活母死之候產



下子母必死也此古賢哲應驗之文不虛矣陳其說也

新產之脉緩滑吉實大弦急死來侵

凡婦人新產之後其脉來緩滑者為氣血通利調和是生活安吉之兆也若見窄大弦急之脉則凶必死之脉也

若得沉重小者吉忽若堅牢命不停

若產婦診得沉重微小者此是形虛相應故云吉兆之脉忽然診得堅硬牢實之脉是脉盛形

衰相反性命不可停留必死也

寸口滲疾不調死

若產後寸口脉滲疾大小不調勻者此是血氣衰絕之脉故云死也

沉細附骨不絕生

若重手按之乃得其脉沉細附着於骨不斷絕有力者此生活之兆也

審看此候分明記長須念此向心經

凡為醫者宜詳審脉証分明記於心實也



愚按前論與脈訣刊誤所云不同觀者審之

婦人良方卷之十七終





婦人良方卷之十八

臨川陳自明 編

古吳薛 巳 註

後學蔣宗澹

宋雲璈

朱 明 仝 校

產後門

產難既明須知產後疾病故以次之

產後將護法第一

婦人產畢飲熱童便一盞閉目少坐上床倚高立





婦人良方  
膝仰卧不時喚醒及以醋塗鼻或用醋炭及燒漆器更以手從心掖至臍下使惡露不滯如此二三日以防血暈血逆酒雖行血亦不可多恐引血入四肢且能昏暈宜頻食白粥少許一月之後宜食羊肉猪蹄少許仍慎言語七情寒暑梳頭洗足以百日爲度若氣血素弱者不計日月否則患手足腰腿痠痛等症名曰蓐勞最難治療初產時不可問是男女恐因言語而泄氣或以凌憎而動氣皆能致病不可獨宿恐致虛驚不可刮舌恐傷心氣不

可剝齒恐致血逆須血氣平復方可治事犯時微若秋毫成病重如山嶽可不戒哉

產後調理法第二

產後將息如法臟腑調和庶無諸疾若須先服黑神散四物湯四順理中丸七寶散若壯熱頭痛此乳麻將行用玉露散頭目不清是血暈用清魂散粥食不美是胃氣虛用四順理中丸

愚按丹溪先生云肉汁發陰經之火易成內傷之病當歸丸當歸建中湯四順理中丸雖滋補



悉犯桂附乾姜借熱之劑，臟腑無寒，何處消受？若夫兒之初產，母腹頓寬，便啖鷄子火鹽，不思鷄子難化，火鹽發熱，展轉爲病。醫者不識妄指，他病率爾用藥，寧不誤人？予每見產婦之無病者，皆不用黑神散，與鷄子火鹽諸般肉食，每白粥調理，間以此小石首魚乾淡食之，至半月以後，少食雖鷄子亦豁開煮之，方能養胃却痰。彼富貴之家，嬌姿之婦，率有白帶頭風氣痛膈滿痰逆口乾經事不調，髮脫體熱，皆因失於調理。

所致也

產後通用方第三

愚按前方卽產後諸症各門自有方論，主治故不再錄。

胞衣不出論第四

郭稽中曰：胎衣不下者，因氣力疲憊，不能努出，或血入衣中，脹大而不能下，以致心胸脹痛喘急，速服奪命丹，血散脹消，其衣自下。牛膝散亦效。

愚按前症若出而氣虛不能入，用補中益氣湯。



或草麻子仁一兩研塗母頭頂心卽上若胎衣不下用草麻子仁塗右脚心胎衣下急洗之緩則胎衣仍入益母丸亦効若胎衣未下若欲斷臍帶須先以少物擊墜然後斷之

附治驗

一婦人胞衣不出胸腹脹痛手不敢近用滾酒下失笑散一劑惡露胎衣並下  
一產婦胎衣不出腹作痛手按痛稍緩此氣虛而不能送出也用無憂散而下前症常詢諸穉

婆云宜服益母草丸或就以產婦頭髮入口作嘔胎衣自出其胎衣不出者必死授與前法効

奪命丹

附子半兩 牡丹皮一兩 大黃末一兩 乾漆一錢炒  
右為末醋煎大黃成膏丸桐子大溫酒吞五七丸

花薤石散 治產後敗血不盡血迷血暈腹中胎衣不下至死心頭煖者急用一服化水卽出其効如神



花蕊石一 上色硫黃四

右和勻先用紙泥封固瓦罐一箇入藥仍封固陰乾如急用以焙籠內炙乾用炭煨赤去火次日取出細研每服一錢童便熱酒下

牛膝散 治胎衣不出腹中脹急服此藥腐化而下緩則不救

牛膝

川芎

朴硝

蒲黃各三兩

當歸一兩 桂心五錢

右每服五錢姜三片生地黃一錢水煎

附方

補中益氣湯 方見二十四卷第十論

失笑散 方見十六卷第五論

無憂散 方見十六卷第三論

益母草丸 方見十三卷第九論

又方用竈下土三四錢好醋調和納臍中續煎生甘草湯半盞或以醋湯飲之即出

又方用草麻子仁研爛塗足心下即洗去

又方用紅花一兩酒煮濃汁服



又方用鹿角鎊三錢為末煮葱白湯調服

又方取產母鞋底炙熱熨小腹上下二十七次

又方用浸苧水濃煮溫飲二碗立下

又方用皂角棘燒為末每服一錢溫酒調

產後血暈方論第五

產後血暈乃血入肝經甚至眼花昏悶用黑神散

主之下血過多用清魂散補之或以醋湯細飲或

預燒秤錘以醋沃之或醃醋塗口鼻或燒漆罌蓋

之使產母鼻吸其氣度無此患

愚按前症若惡露上行用失笑散血下過多

歸湯若過勞所傷補中益氣湯氣血虛極用清

魂散大凡產後口眼喎斜等症當大補氣血為

主而兼以治痰若脾胃虛弱用六君子湯苟於

七月之前服安胎飲至八九月間加大腹皮黃

楊頭元氣虛弱八珍湯臨產用無憂散則無前

患

附治驗

一婦八月胎下墜或動面黃體倦飲食少思此



脾氣虛弱用補中益氣湯倍白朮加蘇梗三十餘劑而安產後眩暈胸滿咳嗽用四物加茯苓半夏桔梗而愈

一妊婦因產飲酒惡露甚多患血暈口出酒氣此血得酒熱而妄行虛而作暈也以佛手散加煨甘葛一二錢一劑而痊酒性慄悍入月及產後不宜飲恐致前症產室人衆氣熱喧攘亦致此症

奪命丹

治血暈腹痛沒藥血竭末等分每服一

錢熱童便熱酒下

牡丹皮散

治產後惡露悶絕

牡丹皮 芒硝

大黃蒸各一兩 冬瓜仁三七粒去皮尖

右每五錢水煎服

清魂散

治產後氣血暴損虛火妄動血隨火上

以致心神昏亂口噤眼花甚至悶絕而甦

澤蘭葉 人參各一錢 荆芥三錢 川芎一錢

右各另為末和勻每服一二錢熱湯和酒調灌

之



當歸芍藥湯

方見十二卷第十一論

一方五靈脂末半生半炒每服二錢溫酒灌入喉  
即愈

一方荆芥為末童便調

一方神麩末每服二錢熱水調

一方韭菜切入瓶內注熱醋以瓶口對鼻氣入即  
醒

一方用紅花末五錢酒調服

一方半夏為末九豆尖入鼻中即省亦療五絕

一方赤小豆為末東流水和服錢許不瘥再服

佛手散

治產後去血眩暈欲絕

方見十二卷第七論

又方松煙墨二錢燒赤窰滅為末溫酒調半七京  
墨亦可或燒漆器取煙薰之

附方

失笑散

方見二十卷第五論

補中益氣湯

方見二十四卷第十論

六君子湯

四物湯

二方見二十四卷第六論



安胎飲 方見十二卷第二論

無憂散 方見十六卷第二論

產後顛狂方論第六

產後顛狂乃敗血上衝方用大聖澤蘭散加砂仁末三分煎酸棗仁湯調下或硃砂一錢研細以乳汁調和入紫項活地龍一條滾二三沸去之入酒再用重湯煮溫分三服

愚按前症乃血虛神不守舍非補養元氣不可仍參後各門互用

附治驗

一產婦患前症或用大澤蘭湯而愈後又怔忡妄言其痰甚多用茯苓散補其心虛頓愈又用八珍散加遠志茯神養其氣血而瘥

一產婦亦患此用化痰安神等藥病益甚神思消燼余以為心脾血氣不足用大劑參朮芎歸茯神酸棗仁四觔餘而安乃以歸脾湯五十餘劑而愈

附方



隱居澤蘭湯 方見二十卷第六論

茯苓散 方見十九卷第三論

八珍湯

歸脾湯 二方見二十四卷第四論

產後狂言譫語方論第七

產後狂言譫語乃心血虛也。用硃砂末酒調下龍虎丹參九琥珀地黄丸亦可。如驚悸歌哭顛狂等症當參十九卷治之。

愚按前症當固胃氣為主而佐以見症之藥為

善若一於攻痰則誤矣

附治驗

一產婦形體甚倦時發譫語用栝子仁散稍愈又用加味歸脾湯而愈。又因怒仍狂言脇痛小便下血用加味逍遙散以清肝火養肝血頓瘥。又佐以加味歸脾湯而安。治敗血上衝發熱狂走脈虛大者。

乾荷葉 生地黃 牡丹皮等分

右濃煎湯調生蒲黃二錢服之即止



妙香散 治產後語言錯亂用生地當歸煎湯調服立効方見六卷第八論

附方

小柴胡湯 方見二十四卷第二論

栝子仁散 方見十九卷首論

加味歸脾湯 方見二十四卷第四論

產後不語方論第八

產後不語因心氣虛而不能通於舌則舌強不能言語者宜服七珍散餘當推其所因而治之可也

愚按經云大腸之脈散舌下入脾之脈是動則病舌本強不能言又云腎之別脈上入于心繫舌本虛則不能言竊謂前症若心腎氣虛用七珍散腎虛風熱地黃飲大腸風熱加味逍遙散加防風白芷脾經風熱秦艽升麻湯肝經風熱柴胡清肝散加防風白芷脾氣鬱結加味歸脾湯加升麻肝木太過小柴胡加釣藤鈎脾受土侮六君加升麻白芷釣藤鈎肝脾血虛用佛手散脾氣虛用四君子氣血俱虛八珍湯如不



應用獨參湯更不應急加附子補其氣而生其血若竟用血藥則誤矣

附治驗

一產婦不語用七珍散而愈後復不語內熱脯熱肢體倦怠飲食不進用加味歸脾湯為主佐以七珍散而愈後因怒不語口禁腰背反張手足發搐或小使見血面色或青或黃或時兼赤余曰面青肝之本色也黃者脾氣虛也赤者心血虛也用八珍湯加釣藤釣茯苓遠志漸愈又

用加味歸脾湯而痊

七珍散

人參 石菖蒲 生地黃 川芎 各一

細辛 錢一 防風 辰砂 別研各半兩

右為末每服一錢薄荷湯調

胡氏孤鳳散 治產後閉目不語用生白礬末每

服一錢熱水調下

治產後不語

人參 石蓮肉 心不去 石菖蒲 等



右每服五錢水煎

附方

地黃飲 方見三卷第四論

加味道選散

加味歸脾湯

八珍湯 三方見二十四卷第四論

秦艽升麻湯 方見三卷第一論

清肝散 方見二十四卷第三論

小柴胡湯 方見二十四卷第二論

六君子湯

四君子湯 二方見二十四卷第六論

佛手散 方見十二卷第七論

獨參湯 方見三卷第十三論

婦人良方卷之十八終

婦人良方卷之十八





國家圖書館, NATIONAL CENTRAL LIBRARY, TAIWAN, R.O.C.

如人身力



婦人良方卷之十九

臨川陳自明 編

古吳薛 已 註

後學蔣宗澹

朱雲璈

朱明全校

產後乍見鬼神方論第一

產後如見鬼神，或言語謔妄，皆由血氣虧損，陰虛發熱，或瘀血停滯，以致心神煩躁而然也。宜以調



經散治之

愚按前症若敗血停滯用調經散若血虛發熱用八珍加炮薑若心血虛損用栢子仁散大抵此証皆心脾血少所致但調補胃氣則痰清而神自安矣若果係鬼祟所附即灸鬼哭穴可愈其或不起者多因豁痰降火攻伐之過也仍參卷產後謔語生見鬼神方論上

附治驗

一產婦患前症或用調經散愈而復作仍服前

散益甚痰涎上湧朝寒暮熱余朝用八珍散夕用加味歸脾湯各五十餘劑而愈

調經散 治血虛經閉心神煩躁渾身疼痛或時見怪

沒藥

琥珀

並細研

桂心

各一錢

芍藥

當歸

各一分

細辛

五分

麝香

少許

右為末每服五分薑汁溫酒各少許調服下即愈

栢子仁散

治產後元氣虛弱瘀血停滯狂言亂



語

栢子仁 遠志

人參

桑寄生

防風

琥珀另研

當歸炒

生地黃焙

甘草

炒等分

右用白羊心一箇水三盞煮清汁七分入藥五錢煎服

附方

八珍湯

加味歸脾湯 二方見二十四卷第四論

鬼哭穴

方見六卷第八論

產後心神驚悸方論第二

產後心神驚悸恐懼或目睛不轉口不能言乃心氣虛而六淫內侵診其脉動而弱者驚悸也動則為驚弱則為悸矣

愚按人之所主者心心之所主者血心血一虛神氣不守此驚悸所由作也當補血氣為主  
仍  
參三卷第十論

附治驗



一產婦患前症，二度服琥珀地黄丸，局方妙香散隨効，再患服之，其症益甚，而脉浮大，按之如無發熱惡寒，此血氣俱虛，余用十全大補加味歸脾一湯，各百餘劑，而愈。後遇驚恐勞怒，復作，仍服前藥而安。

琥珀地黄丸 治產後惡露未盡，胸腹作痛，或小便不利。

琥珀另研 延胡索糯米同炒 當歸各一兩  
蒲黃四兩 炒香 生地黃研取汁 生薑各一斤 研取汁

留滓 生姜汁用銀石器內炒地黄，滓以地黄汁炒生薑，滓各乾為末。

右為末，煉蜜丸如彈子大，每服一丸，當歸煎湯化下。

治血虛驚悸，少寐，及產後敗血停留，少腹作痛等症。

辰砂另研 琥珀 沒藥並研細 當歸為末 等分  
右為末，每服二錢，空心日午臨卧用白湯調下。產後驚悸亂語，精神不定，用好硃砂為細末，酒調服，錢許。



附方

局方妙香散

方見三卷第十三論

茯苓補心湯

方見三卷第十論

十全大補湯

加味歸脾湯 二方見二十四卷第四論

產後中風心驚方論第三

產後眼張口噤肢體強直腰背反偃言語錯亂如癱者此氣虛風邪所傷而成瘕也

愚按仲景先生云有汗為柔瘕用桂枝湯無汗

為剛瘕用麻黃湯然產後得此血氣俱虛之敗症也不可與傷寒例看丹溪先生云產後當大補氣血為主可用十全大補湯以補元氣如不應急加附子更不應是藥力弗逮也仍用參附湯多服余常治大虛之症參芪數劑附子數枚方應

附治驗

一產婦患此不省人事言語妄甚惡風寒喜熱飲形氣倦怠脈虛浮無力余謂血氣虛寒用十



全大補湯二十餘劑不應又二十餘劑稍緩乃  
 漸加附子至一錢服數劑諸症減一二又二十  
 餘劑十退三四乃去附子五分數劑諸症頓退  
 而安後又發仍服前藥加附子二五分而愈  
 茯苓散 治產後心虛忪言語錯亂健忘少睡  
 或自汗盜汗

- 人參 甘草 芍藥 當歸
- 生薑 遠志 茯苓 桂心
- 麥門冬 去心 大棗

右水煎服

抱膽丸 治產後遇驚發狂或遇經行發狂

- 水銀二兩 黑鉛一兩 硃砂一兩
- 砂乳末乘熟用柳木槌研勻丸雞頭子大每服
- 一丸空心薄荷湯下得睡勿驚覺來即安妙香
- 散亦善

附方

妙香散 方見三卷第十三論



十全大補湯 方見二十四卷第四論

參附湯 方見後第六論

產後中風恍惚方論第四

產後恍惚因元氣俱虛心經血少或外邪所侵以致心神恍惚怔忡不寧

愚按前症當大補血氣為主而佐以後方為善蓋風乃虛極之假象也固其本源諸病自退若專治風則速其危矣

附治驗

一產婦患前症盜汗自汗發熱晡熱面色黃白四肢畏冷此氣血俱虛用八珍湯不應更用十全大補加味歸脾二湯始應後因勞倦發厥昏憤左目牽緊兩唇抽動小便自遺余為肝火熾盛用十全大補加鈞藤山梔而安再用十全大補湯辰砂遠志丸而愈

辰砂遠志丸 治產後中風驚狂起卧不安或痰涎上湧

石菖蒲 遠志 去骨蘆 甘草 煑

人參



茯神去木

辰砂各三錢

川芎

山藥

鐵粉

麥門冬去心

細辛

天麻

半夏湯泡

南星

白附子各一兩

右為末薑汁糊丸菴豆大別以硃砂為衣每服三十丸臨卧薑湯下

附方

八珍湯

十全大補湯

加味歸脾湯

三方見二十四卷第四論

產後虛極生風方論第五

產後生風因去血過多氣無所主以致唇青肉冷汗出目眩神昏急服濟危上丹若投以風藥則悞甚矣

愚按前症若心脾血氣俱虛用十全大補湯如不應加附子釣藤鈎若肝經血虛用逍遙散加釣藤經云脾之榮在唇心之液為汗若心脾二臟虛極急用參附湯救之

附治驗



一婦人患前症或用諸補劑四肢逆冷自汗泄瀉腸鳴腹痛余以陽氣虛寒用六君子薑附各加至五錢不應以參附各一兩始應良久不服仍腸鳴腹痛後灸關元穴百餘壯及服十全大補湯方效

濟危上丹

乳香研

五靈脂

硫黃

玄精石

同研極細

阿膠

卷栢

桑寄生

陳皮

等分

右將上四味入石器內微火炒再研入餘末用

生地黄汁九桐子火每服二十丸食前温酒或

當歸酒下

當歸建中湯 治產後腹痛拘急痛連腰背自汗

少食

當歸

桂心

各三兩

白芍藥

六兩炒焦黃

甘草

炙二兩

右每服五錢薑棗水煎入飴糖一匙服如未應加之

附方

參附湯 方見本卷後



十全大補湯

逍遙散 一方見二十四卷第四論

六君子湯 方見二十四卷第六論

獨參湯 治一切失血惡寒發熱作渴煩躁或口

噤痰鳴自汗盜汗或氣虛脉脫手足逆冷蓋血

生於氣故血脫補氣陽生陰長之理也 方見二

卷第十三論

產後虛汗不止方論第六

產後汗不止者皆由陽氣頓虛腠理不密而津液

妄泄也若遇風則變痙縱虛乏短氣則身體消瘦

唇口乾燥久則經水斷絕由津液竭故也

愚按前症屬血氣俱虛急用十全大補湯如不

應用參附芪附等湯若汗多亡陽發痙尤當用

前藥王海藏先生云頭汗出至頸而還額上偏

多蓋額為六陽之所會也由虛熱薰蒸而出竊

謂前症當以部位分之額左屬肝額右屬肺鼻

屬脾頤屬腎額屬心治者審之 仍參三卷第六

附治驗



一產婦畧聞音響其汗如水而昏憤諸藥到口  
卽嘔余以爲脾氣虛敗用參附末爲細丸時含  
三五粒隨液嚥下乃漸加之至錢許却服參附  
湯而痊

一產婦盜汗不止遂致廢寢神思疲甚口乾引  
飲余謂血虛有熱用當歸補血湯以代茶又以  
當歸六黃湯內黃芩連栢炒黑倍加人參五味  
子二十劑而愈

麻黃根湯 治產後虛汗不止身熱發渴驚悸不

安

當歸

黃芪炒

牡礪煨爲粉 人參

麻黃根

甘草炒等分

右每服四錢水煎

一方 治產後自汗盜汗胃氣虛弱服別藥則嘔  
吐不能入

當歸

黃芪各一兩 麻黃根二兩

右每服二錢水煎

治產後氣脫汗不止小便短少四肢難以屈伸



甘草炙一兩 附子炮五錢 桂心 芍藥炒各兩半

右每服三錢薑棗水煎服虛甚更加以效為度止汗散

牡礪為末半兩 小麥麩八兩炒黃為細末

右每服三五錢用猪肉汁調

人參湯 治產後諸虛不足發熱盜汗內熱晡熱等症

人參 當歸等分

右為末以猪腰子一枚切片水一鍾糯米半合

葱白二根煮取汁八分入藥二錢煎服

附方

當歸六黃湯 治氣血虛熱盜汗不止不應加入

參白朮心血不足六加酸棗仁炒

當歸 熟地黄自製黃芪炒各二錢 生地黄

黃栢炒黑 黃芩炒黑 黃連炒黑各一錢

右水煎服

參附湯 治陽氣虛寒自汗惡寒或手足逆冷大便自利或臍腹疼痛吃逆不食或汗多發瘧等



症<sub>ラ</sub>

人參一兩 附子炮五錢

右作二服薑棗水煎徐徐服去人參加黃芪各一芪附湯<sub>ト</sub>

當歸補血湯

治肌熱躁熱目赤面紅煩渴引飲晝夜不怠脉洪大而虛重按全無者<sub>ラ</sub>

當歸三錢 黃芪灸一兩

右水煎服

十全大補湯 方見一十四卷第六論

芪附湯

治陽氣虛脫惡寒自汗或口噤痰湧四肢逆冷或吐瀉腹痛飲食不入及一切虛寒等症<sub>ラ</sub>

黃芪一兩 附子炮五錢

右作二劑薑棗水煎服如不應倍加附子方得全濟<sub>ラ</sub>

產後冒悶汗出方論第七

產後忽冒悶汗出者因陰血虧損陽氣鬱暴故也急吞鷄子三枚未醒飲童便或時復發宜服竹瀝



愚按前症屬太虛宜固元氣為主其汗不止必變柔瘳東垣先生云婦人分娩及半產漏下昏冒目瞑蓋因血暴亡而火上熾但補其血則神自昌若常時血下當補而升舉其氣陽得血而神安則目明矣今立一方以補手足厥陰之血兼益陽氣名曰全生活血湯

全生活血湯 治發熱自汗盜汗目眩四肢無力口乾頭暈行步欹側

柴胡

當歸

各二錢

生地黃

炒

熟地黃

各一錢

川芎

藁本

各一錢半

防風

羌活

獨活

葛根

甘草

炒各二錢

細辛

蔓荆子

釜

升麻

芍藥

炒各三錢

紅花

三分

右每服五錢水煎熱服

產後汗多變瘳方論第八

產後汗多變瘳因氣血虧損肉理不密風邪所乘其形口噤背強如癩或搖頭馬嘶不時舉發氣息如絕宜速灌小續命湯若汗出兩手拭不及者不



治

愚按前症因去血過多元氣虧極或外邪相搏以致牙關緊急四肢痙強或陰火內動或腰背反張肢體抽搐若有汗而不惡寒者曰柔痙若無汗而惡寒者曰剛痙由血過多筋無所養故傷寒汗下過多潰瘍膿血大泄多患之乃敗症也急以十全大補湯治之如不應急加附子多有復甦者亦有六淫七情所致者治法見第三卷第三論

附治驗

一產婦牙關緊急腰背反張四肢抽搐兩目連劄此去血過多元氣虧損陰火熾盛用十全大補加炮薑一劑而甦數劑而安

余在吳江史萬湖第時將入更聞喧攘詢云家人婦產後出直厨忽仆而死余意其勞傷血氣而發痙也急用十全大補加附子煎滾令人正其面開其口灌之久而不能下令側其面而出之換以熱藥如此五次方得下咽遂甦



小續命湯 治剛瘕或脚氣痺弱不能轉舒行步

歌側或口眼喎斜牙關緊急角弓反張

麻黃 桂心 甘草 各半 防風 兩

芍藥 炒 白朮 炒 人參 川芎

附子 炮 防已 酒 黃芩 炒 各

右每服五錢水煎入薑汁少許溫服若自汗為

柔瘕去麻黃有熱去附子減桂丁半盛冬初春

去黃芩

十全大補湯 方見二十四卷第四論

產後口噤腰背反張方論第九

產後口噤由血氣虛而風邪乘於手三陽經也蓋

手三陽之筋循結於頷得風冷則筋急故致口噤

腰背攣急角弓反張者是風邪入於諸陽之經也

愚按前症因氣血耗損腠理不密汗出過多而

患之者乃虛象也宜固氣血為主佐以本方丹

溪云產後當大補氣血為先雖有他症以未治

乏如惡寒發熱等症乃氣血虛甚之極也宜大

劑參芪歸朮肉桂以培養之如不應急用炮附



子再不應用人參一兩炮附子一二三錢各參附湯借猶未應乃藥力未能及也宜多用之

愈風散 治前症用荆芥畧焙為末每服二錢豆淋酒下童便亦可其効如神牙緊灌口鼻

清順散又名交解散 方見第三卷第五論

治婦人產後不省人事吐涎痰瘕

當歸 荆芥穗 等分

右每服二錢水一盞酒少許煎灌下咽即甦愚按前症如有未應者急用大補氣血為王

產後中風白癩皮一兩或共獨活二兩酒水煎服張仲文用白朮四兩以酒煎頓服

小續命湯 治產後口噤用弓反張見前

產後中風方論第十

產後中風或血氣未復風寒所感以致筋攣拘急口眼喎斜或肢體緩弱入臟則恍惚驚悸郭稽中云產後強力下床或誤入房或憂怒內傷臟腑陳無擇曰當以脈辯而治之若努力下床月內入房憂怒着艾非中風類乃蓐勞火邪之症也



愚按前症果外邪所屬形氣不足病氣有餘當  
補元氣爲主稍佐以治病之藥若強力下床日  
內入房屬形氣病氣俱不足當純補元氣多有  
復甦者若悞投風藥乃促其危也仍參照第三  
卷諸論主之

治產後身背拘急妄言發熱四肢拘攣不時驚悸

- 川芎 羌活 羚羊角 酸棗仁
- 芍藥炒黃各四兩 桑白皮六分 防風五分
- 右水煎分三服

治產後中風唇青鼻黑用小續命湯連進三服即愈

產後中風煩渴用紅花子五合 水煎徐呷之

獨活寄生湯 治前症亦良仍與第三卷中風類  
通看 方見後

產後四肢筋攣方論第十一

產後中風筋脉攣急乃血氣俱虛或風邪客於皮  
膚則頑痺羸乏若入於筋脉則四肢攣急皆由大  
經空虛風寒乘虛而漸入也



愚按肝屬木而主筋筋症若肝經風熱血燥用  
加味道遙散如不應當用六味地黃丸以補腎  
水經云風客淫氣精乃亡邪傷肝也仍參第三  
卷諸論主之

附治驗

一產婦筋攣臂軟肌肉掣動此氣血俱虛而自  
熱也用十全大補湯而安

一產婦手麻服愈風丹遍身皆麻神思倦怠余  
謂氣血虛弱用十全大補加炮薑數劑漸愈去

薑又數劑及道遙散而痊

治產後氣血不足風邪所襲肢節變痛背項強直

防風兩一

赤芍藥炒

桂心各半兩

羚羊角

川芎

羌活

當歸

酸棗仁炒

牛旁子炒各三錢

右每服四錢水酒煎

愚按前方如未應當用八珍湯更不應用十全  
大補湯

加味道遙散



十全大補湯

二方見二十四卷第四論

六味地黃丸

方見二十四卷第十二論

產後痲痺方論第十二 新附

竊謂痲者筋脉拘急也痲者筋脉張縱也經云肝主筋而藏血蓋肝氣為陽為火肝血為陰為水前症因產後陰血去多陽火熾盛筋無所養而然耳故癰疽膿水過多金瘡出血過甚則陽隨陰散亦多致此治法當用八珍散加丹皮鈞藤以生陰血則陽火自退諸症自愈如不應當用四君芎歸丹

皮鈞藤以補脾土蓋血生於至陰至陰者脾土也故小兒吐瀉之後脾胃虧損亦多患之乃虛象也無風可逐無痰可消若屬陽氣脫陷者用補中益氣加姜桂陽氣虛敗者用十全大補加桂附亦有復生者此等症候若肢體惡寒脉微細者此為真狀若脉浮大發熱煩渴此為假象惟當固本為善若無力抽搐戴眼反折汗出如珠流者皆不治

附治驗

一產婦因勞兩臂不能屈服蘇合香丸肢體痲



軟汗出如水余謂前藥辛香耗散真氣腠理虛而津液妄泄也先用十全大補湯加五味子補實腠理收斂真氣汗頓止又佐以四君子調補元氣漸愈用逍遙散大補湯調理而痊

一產婦先胸脇乳內脹痛後因怒口噤吐痰臂不能伸小便自遺左三部脉弦余謂此肝經血虛而風火所致不能養筋先用加味道逍遙散治之臂能屈伸又以補肝散六味丸諸症悉愈

一婦人發瘧遺尿自汗面赤或時面青飲食如

故肝脉弦緊余曰此肝經血燥風熱各瘕也肝主小便其色青人心則赤法當滋陰血清肝火遂用加味道逍遙散不數劑諸症悉退而安

附方

海藏愈風湯一名舉鄉古拜散 治一切失血筋

脉緊急產後盜汗後搐搦

荆芥為細末

右先以炒大豆黃卷以酒沃之去黃卷取清汁調前末三五錢和滓飲之輕者一服重者二三



服中病即止其効如神氣虛者忌服一方用童  
 便調下本事方云此藥委有奇効神靈之功太  
 抵產室無風爲佳不可衣被帳褥太煖太煖即  
 汗出汗出則腠理開易於中風便昏冒一婦人  
 產後遮護太密更生肝火睡久及醒則昏昏如  
 醉不省人事用此藥佐以交加散服之即甦睡  
 中必以左手搔頭覺必醒矣良久果驗  
 交加散 治瘵癘或顫振或產後不省人事口吐  
 痰涎

當歸 荆芥穗等分  
 右爲細末每服二錢水一盞酒少許煎至七分  
 灌下神効

增損柴胡湯 治產後或經適斷致手足牽搐咬  
 牙昏冒異症

- |    |    |    |     |    |     |    |     |
|----|----|----|-----|----|-----|----|-----|
| 柴胡 | 八錢 | 黃芩 | 炒四錢 | 人參 |     | 半夏 | 各三錢 |
| 石膏 | 四錢 | 知母 | 二錢  | 黃芪 | 炒五錢 | 甘草 | 炙二錢 |

右爲粗末每服半兩薑五片棗四枚水煎溫服  
 四君子湯

十四卷第六論



補中益氣湯

二方見二十四卷第十論

產後脚氣方論第十三

論曰產後脚氣因元氣內虛六淫外侵所致其狀發熱瞋悶搐掣驚悸心煩嘔吐氣上用小續命湯治之若以為敗血攻之則誤矣

愚按前症當補氣血為主佐以小續命湯寄生湯如不應<sub>レ</sub>用大防風湯仍參第一卷九論主之已上十一症誠似小兒慢驚風無風可逐無痰可清但專補元氣庶保其生

附治驗

一產婦患前症或用獨活寄生湯而痊後復作服之其汗如水更加口噤吐痰余用十全大補湯培養血氣漸愈後飲食日少肌體日瘦吐痰如湧此命門火衰脾土虛寒用八味丸及加味歸脾湯諸症漸退肌肉漸生

獨活寄生湯

治風邪內攻兩脛腫痛或緩縱癱痺等症

痺等症

方見四卷第七論

小續命湯

方見前



大防風湯 方見二十四卷第九論

十全大補湯

加味歸脾湯 二方見二十四卷第四論

八味丸 方見十五卷第十一論

婦人良方卷之十九終



國家圖書館, NATIONAL CENTRAL LIBRARY, TAIWAN, R.O.C.



婦人良方卷之二十

臨川陳自明 編

古吳薛 已 註

後學蔣宗澹

朱雲璈

朱 明全校

產後遍身疼痛方論第一

產後遍身疼痛者由氣虛百節開張血流骨節以致肢體沉重不利筋脉引急發熱頭痛宜用趁痛



散治之陳無擇云若兼感寒傷食宜用五積散若誤作傷寒發汗則筋脉抽搐手足厥冷則變為症當大補氣血為主

愚按前症若以手按而痛益甚是血瘀滯也用四物炮薑紅花桃仁澤蘭補而散之若按而痛稍緩此是血虛也用四物炮薑人參白朮補而養之

### 附治驗

一產婦身腹作痛發熱不食煩躁不寐盜汗脇

痛服解散祛血之藥不時昏憤六脉洪大如無用補中益氣加炮薑半夏一劑頓退二三劑寢食甘美但背強而痛用八珍散大補湯調理而安

一產婦遍身頭項作痛惡寒拘急脉浮緊此風寒之症也用五積散一劑汗出而愈但倦怠發熱此邪氣去而真氣虛也用八珍湯調補而全愈

趁痛散

治產後骨節疼痛發熱頭重四肢不舉



牛膝酒炒 甘草炒 薤白各一兩 當歸

桂心 白木炒 黃芪炒 獨活

生姜各半兩

右每服半兩水煎

五積散 方見四卷第九論

附方

四物湯 方見二十四卷第六論

補中益氣湯 方見二十四卷第十論

八珍湯

十全大補湯 二方見二十四卷第四論

產後腰痛方論第二

腎主腰脚，產後腰痛者，蓋腎為胎胞所繫，此因產勞傷腎氣，以致風冷客之。若連背脊痛久未已，後遇有娠必至損動。

愚按前症真氣虛邪乘之者，用當歸黃芪湯或十全大補為主佐，以寄生湯，如不應，須十全大補加附子。

附治驗



婦人良方 三  
一產婦腰痛腹脹善噫諸藥皆嘔余以為脾虛  
血弱用白朮一味炒黃每劑一兩米泔煎時飲  
匙許四劑後漸安服百餘劑而愈

治產後風邪頭眩腰痛不可轉側四肢沉重行步  
艱難

獨活

川芎

芍藥炒黃

桂心

續斷

桑寄生

生薑各六分

當歸

防風

各八分

右水煎服

如神湯卽生料五積散加桃仁逐敗血去風濕產  
後惡露不盡腰重痛或兩股痛如錐刺宜服桃仁  
湯若作癰用五香連翹湯

桃仁湯

治產後惡露不盡腹中作痛或流注腿

股作痛急用此湯治之如未應多變作癰須用

五香連翹湯

桃仁

去皮尖

蘇木

生地黃

各半兩

蜜蟲

去足翅炒

水蛭

炒各三十箇

右每服五錢姜水煎空心執服以惡露下爲度



五香連翹湯

木香 丁香 沉香 乳香  
麝香 升麻 獨活 桑寄生  
連翹 木通各二兩

右每服五錢水煎入竹瀝少許服

當歸黃芪湯

治腰痛不可轉側或汗出壯熱氣

短

黃芪炒 芍藥炒 各二兩 當歸三兩  
右每服四錢水煎

附方

十全大補湯治症同前又治自汗盜汗或內熱晡熱潮熱發熱或口乾作渴喉痛舌裂或胸乳膨脹脇肋作痛或臍腹陰冷二便不調或頭頸時痛眩暈目花或心神不寧恍惚不寐或形容不充肢體作痛或鼻吸氣冷急趨氣促或因飲食勞役起居失宜或更有一切虛熱之症但服此藥補其根本諸症悉退方見二十四卷第四論

獨活寄生湯

方見四卷第七論



產後惡露不絕方論第三

產後惡露不絕因傷經血或內有冷氣而臟腑不調故也

愚按前症若肝氣熱而不能主血用六味地黃丸若肝氣虛而不能藏血用逍遙散若脾氣虛而不能攝血用六君子湯胃氣下陷而不能統血用補中益氣湯若脾經鬱熱而血不歸源用加味歸脾湯若肝經怒火而血妄行用加味四物湯若氣血俱虛用十全大補湯若肝經風邪

而血沸騰用一味防風丸

附治驗

一產婦惡露淋瀝體倦面黃食少惡寒晝夜不寐驚悸汗出此脾經虛熱用加味歸脾湯而痊後因怒脇脹作嘔少食用六君加柴胡治之而痊

一方用蒲黃二兩水煎頓服

一方貫衆醋蘸炙乾為末每服一錢米飲調下

返魂丹一名允益母草丸治產後惡露不絕及胎前產後諸



症益母草四五月採取陰乾用葉及子子子各荒蔚子不許犯鐵器為末煉蜜

丸彈子大每服一丸細嚼米飲下臨產腹痛或胎動不安或漏血當歸湯化下死胎或胎衣不出或牙關緊急或血暈血熱煩悶如見鬼神併童子小使入酒少許化下惡露腹痛或淋瀝或月水不調當歸酒化下

附方

六味丸 方見二十四卷第十一論

加味逍遙散

加味歸脾湯

十全大補湯 三方見二十四卷第四論

補中益氣湯 方見二十四卷第十論

六君子湯

加味四物湯 二方見二十四卷第六論

一味防風丸 方見十二卷第六論

產後惡露不下方論第四

產後惡露不下因臟腑勞傷氣血虛損或風冷相搏所致



愚按前症若惡露不下用失笑散若氣滯血凝用花薤石散若因去血過多而煩熱不止宜參第七論主治

附治驗 方藥

一產婦患前症服峻厲之劑惡露隨下久而昏憤以手護其腹余曰此脾氣復傷作痛故用手護也以人參理中湯加肉桂一劑補之而愈

失笑散 方見後

人參理中湯 方見後

花薤石散

方見十八卷第四論

返魂丹

方見前

產後惡露上攻心痛方論第五

產後心痛爲陰血虧損隨火上衝心絡名曰心胞絡痛宜大岩蜜湯治之若寒傷心經名曰真心痛朝發夕死夕發朝死無藥可救

愚按前症若陽氣虛寒用岩蜜湯溫之瘀血上衝用失笑散散之血既散而痛仍作用八珍湯補之大凡肚腹作痛以手按之却不痛此血虛



也須用補養之劑

附治驗

一產婦患前症昏憤口禁冷汗不止手足厥逆用六君子加附子一錢以起其陽一劑頓甦又以十全大補湯養其血氣而安

一產婦患前症手不敢近腹用失笑散一服下瘀血而愈次日復痛亦用前藥而安

一產婦患前症用大黃等藥其血雖下復患頭痛發熱惡寒次日昏憤自以兩手堅護其腹不

得診脈視其面色青白余爲脾氣虛寒而痛也  
用六君子湯加姜桂而痛止又用八珍湯加姜桂調理而安

大岩蜜湯 治產後陽氣虛寒心腹作痛不食嘔吐四肢厥逆

生地黃 當歸 獨活 吳茱萸

芍藥炒 乾姜炒 甘草炒 桂心

小草各一兩 細辛半兩

右每服半兩水煎



失笑散 治產後惡血上攻心腹作痛或牙關緊急一服可愈

五靈脂 蒲黃 各一錢

右醋水煎一味靈脂尤妙

六君子湯 方見二十四卷第六論

十全大補湯

八珍湯 二方見二十四卷第四論

產後惡露腹痛方論第六

產後腹痛或因外感五邪內傷六淫或瘀血壅滯

所致當審其因而治之

愚按前症若瘀血內停用失笑散風寒外感用五積散

附治驗

一婦產後小腹痛甚牙關緊急此瘀血內停灌以失笑散下血而甦又用四物加炮姜白朮陳皮而愈

一婦人經水來比常度過多不止遂服瀉藥止之致腹作痛此乃氣血凝滯也用失笑散一服



而愈

隱居澤蘭湯

治產後惡露腹痛或胃滿少氣

澤蘭

生地黃

當歸

芍藥炒

生姜各一錢

甘草

炒五分

大棗

四箇

右水煎服

四物湯

方見二十四卷第六論

五積散

方見第四卷九論

失笑散

方見前

產後兒枕腹痛方論第七

產後兒枕者乃母胎中宿血也或因風冷凝滯於小腹而作痛

愚按前症若宿血作痛失笑散行之既散而仍痛四神散調之若惡心作嘔此屬氣虛用六君子健其胃氣若發熱頭痛或腹痛按而不痛此屬血虛用四物炮姜參朮補其脾氣

附治驗

一產婦患前症或用驅逐之劑昏憤口噤手足發搖此血氣虛極之變症也用八珍湯加炮姜



二錢四劑未應又以十全大補湯加炮姜一錢  
二劑而甦

一方用山查濃煎汁入砂糖少許再煎熱服

失笑散 方見前

四神散 方見第四卷第四論

六君子湯

四物湯 二方見二十四卷第六論

八珍湯

十全大補湯 二方見二十四卷第四論

產後小腹痛方論第八

產後小腹痛由惡露凝結或外寒相搏若久而不散必成血瘕而月水不調

愚按前症若因氣滯用延胡索散若因外寒用

五積散若因怒氣用四物加木香柴胡若因血

虛用四物參朮炮姜若因陽氣虛弱用四君當

歸炮姜若因脾虛血弱用六君當歸炮姜治之

附治驗

一產婦患前症或作嘔或昏聩此脾氣虛寒用



人參理中湯漸愈又以補中益氣湯加茯苓半  
夏全愈後復作痛而兼喘仍用補中益氣湯培  
補脾肺而瘥

延胡索散 治產後惡血凝滯臍下作痛或作寒  
熱

延胡索

桂心

各半兩

當歸

一兩

右爲末每服二錢食前用熱酒調下失笑散尤  
效

當歸養血丸 治產後瘀血心腹脹痛或腰脚疼

痛

當歸

赤芍藥

牡丹皮

延胡索

炒各二兩

桂心

右爲末煉蜜丸桐子大每服三四十丸溫酒下

附方

人參理中湯

治陽氣虛弱小腹作痛或脾胃虛

弱飲食少思或去後無度或嘔吐腹痛或飲食  
難化胸膈不利加附子各附子理中湯

人參

白朮

乾姜

炮

甘草

炙各等分



右每服五七錢或下兩水煎服

五積散

方見四卷第九論

四物湯

四君子湯

二方見二十四卷第六論

補中益氣湯

方見一十四卷第十論

產後寒疝腹痛方論第九

產後臍腹作痛乃冷氣乘虛也用當歸建中湯治之陳無擇云若產當寒月入門臍下脹痛手不可近者用羊肉湯治之

愚按前症若脾胃虛弱寒邪所侵用蟠葱散若肝經濕熱小便不利用龍膽瀉肝湯仍參前論恐有瘀血爲患

附治驗

一產婦小腹作痛小便不利內熱晡熱形體倦怠余用加味逍遙散以清肝火生肝血用補中益氣湯補脾胃升陽氣而痊

羊肉湯

治產婦脾虛寒邪所乘以致腹痛或頭

眩脇臍急痛



精羊肉四兩當歸

川芎各半兩生姜兩

右以水十盞煎至四盞分四次空心服

蟠葱散

龍膽瀉肝湯二方見二十四卷第八論

加味道遙散方見二十四卷第四論

補中益氣湯方見二十四卷第十論

產後兩脇脹痛方論第十

產後兩脇脹痛因惡露不盡或肝經血虛或肝經氣滯當分而治之

愚按前症若肝經血瘀用玄胡索散若肝經氣滯用四君青皮柴胡若肝經血虛用四物參朮柴胡氣血俱虛用八珍柴胡若腎水不足不能生肝用六味丸若肺金勢盛尅制肝木用瀉白散仍參照前各論王之

附治驗

一產婦因怒兩脇脹痛吐血甚多發熱惡寒胸腹脹痛余以為氣血俱虛用八珍加柴胡丹皮炮姜而血頓止又用十全大補湯而寒熱漸退



此症苟非用姜桂辛溫助脾肺以行藥勢不惟無以施其功而反助其脹耳

經効方 治產後肝經氣滯不平脇肋腹痛或寒熱往來內熱脯熱

當歸一錢五分芍藥炒苦梗炒枳殼炒

檳榔各八分桂心 青木香 柴胡各六分

右水煎服

當歸散 治產後陰血虛弱或氣滯血凝以致發熱腹痛或腹脇脹滿以當歸乾姜等分每服三

錢水煎

抵聖湯 治血滯腹痛或腹悶滿嘔吐不食方見後卷第八論

四君子湯

四物湯 二方見二十四卷第六論

八珍湯 方見二十四卷第四論

六味丸 方見二十四卷第十一論

瀉白散 方見五卷第二論

玄胡索散 方見前



產後積聚癥塊方論第十一

夫積者陰氣也五臟所生聚者陽氣也六腑所成然積爲陰陰性沉伏故痛不離其部聚爲陽陽性浮動故痛無常處皆由飲食不節起居失宜產後血氣虛弱風冷所乘搏於臟腑耳

愚按前症乃真氣虧損邪氣乘之况產後得之尤當固元氣爲主若求旦夕之效而攻其邪則速其危矣當參前六十七論及七卷癥癖諸論治之

附治驗方藥

一產婦腹中似有<sub>二</sub>蟄或時作痛而轉動按之不痛面色痿黃痛則皎白脉浮而瀦余謂此肝氣虛而血弱也不信乃行破血行氣痛益甚轉動無常又認以爲血蟄專用破血祛逐之藥痛攻兩脇肚腹尤甚益信爲蟄確服下蟲等藥去血甚多形氣愈虛肢節間各結小核隱於肉裏以爲蟄子畏藥而走於外余云肝臟血而養諸筋此因肝血復損筋涸而攣結耳益肢節胸項



皆屬肝膽部分養其脾土補金水以滋肝血則筋自舒遂用八珍湯逍遙散歸脾湯加減調治而愈

一婦月經不調兩拘腫脹小便澀滯腹中一塊作痛或上攻脇腹或下攻小腹發熱晡熱惡寒肌膚消瘦飲食無味殊類瘵症久而不愈余謂肝脾血氣虧損用八珍湯逍遙散歸脾湯隨症互服而愈

逍遙散

八珍湯

歸脾湯

三方見二十四卷第四論

產後血瘕方論第十二

產後瘀血與氣相搏名曰瘕謂其痛而無定處此因風有風冷而成輕則否澀重則不通

愚按前症乃寒邪乘客氣血壅結此因氣病而血病也當補養胃氣調和月經寬緩靜養爲善難經云任脉之病男子爲七疝女子爲瘕聚當參前後各論治之



治血瘦作痛，臍下脹滿，或月經不行，發熱體倦。

當歸

八分

桂心

芍藥

炒

血竭

蒲黃

炒各六分

延胡索

炒四分

右為末，每服二錢，空心酒調下。

葛氏方治症同前，用桂心為末，每服一錢，空心酒調下。

產後餘血奔心煩悶方論第十三

產後瘀血奔心，蓋因分挽後不飲童便，以致虛火上炎，所致宜用後方，王之王之。

愚按前症當與前第五論同治。

金黃散

治惡熱上衝，肚腹作痛，或發熱作渴。

延胡索

蒲黃

各一兩

桂心

二分

右為末，酒調服。

一方用炒蒲黃，每服三錢，水煎服，失笑散亦佳。

產後虛煩發熱方論第十四

原無論

竊謂前症乃陽隨陰散，氣血俱虛，若惡寒發熱，煩躁作渴，急用十全大補湯，若執愈甚，急加桂附，若作渴面赤，宜用當歸補血湯，若誤認為火。



症投以涼劑禍在反掌王太僕先生云如大寒  
而甚執之之不執是無火也熱來復去晝見夜伏  
夜發晝止不時而熱是無火也當治其心如大  
熱而甚寒之不寒是無水也熱動復止倏忽往  
來時動時止是無水也當助其腎故心盛則生  
熱腎盛則生寒腎虛則寒動於中心虛則熱收  
於內又熱不勝寒是無火也寒不勝熱是無水  
也治法前症無水者六味丸無火者八味丸氣  
血俱虛者八珍湯與十全大補湯

附治驗

太尹俞君之內產後發熱嘔熱吐血便血兼盜  
汗小便頻數胸脇脹痛肚腹痞悶余曰此諸臟  
虛損也症當固本為善自恃知醫用降火之劑  
更加瀉利腸鳴吐嘔不食腹痛足冷始信余言  
診其脉或浮洪或沉細或如無其面或青黃或  
赤白此虛寒假熱之狀時雖仲夏當捨時從症  
先用六君子加炮姜肉桂數劑胃氣漸復諸症  
漸退更佐以十全大補湯半載全愈



儒者揚敬之內人所患同前但唾痰涎或用溫  
補化痰之劑不應面色黧黑兩尺浮大按之微  
細此因命門火虛不能生脾土脾土不能生諸  
臟而為患也用八味丸補土之母而痊

人參當歸湯

治產後虛煩短氣煩悶

人參

當歸

麥門冬

桂心

生地黃

各二錢

大棗

四枚

粳米

一合

淡竹葉

二錢

芍藥

炒黃一錢

右水煎服

蒲黃散

治症同上方見前兒枕病

四物湯加茯神遠志治產後虛煩十全大補湯丸

効

六味丸

八味丸

二方見二十四卷第十一論

八珍湯

十全大補湯

二方見二十四卷第四論

六君子湯

方見二十四卷第六論



婦人良方卷之二十終





婦人良方卷之二十一

臨川陳自明 編

古吳薛 巳 註

後學蔣宗澹

朱雲璈

朱明全校

產後口乾痞悶方論第一

論曰產後口乾痞悶因食米麩乾飯太早脾胃不能消化熱鬱所致慎不可下但服見現丸則愈無



NATIONAL CENTRAL LIBRARY, TAIWAN, R.O.C.



擇云若內積憂煩外傷燥熱宜四物湯去地黃加人參烏梅可愈

愚按前症若宿食停滯用六君枳實神麩若因肉食所致更加山查若因魚鱸之類再加陳皮其物既消而仍痞或反作痛作嘔此脾胃受傷用六君子湯或噁酸嘔腐加炮姜作瀉更加升麻如不應佐以四神丸或間用補中益氣湯爲是

### 附治驗

一婦人食角黍煩渴痞悶腹痛大便欲去不去服消導等藥不應飲食日減饑體日瘦半年矣余謂此食積爲患用大酒麩炒爲末溫酒調服一錢俄間腹鳴良久仍下糞而愈  
一婦人食魚鮓腹痛患痢諸藥不應用陳皮白朮等分爲末以陳皮湯送下數服而愈

見現丸

薑黃炒

三稜錯炒

萆澄茄 陳皮

良姜

人參

莪茂酒炒各等分



右爲未用蘿蔔汁糊丸桐子大每服二十九白湯下

產後心煩發渴宜清心蓮子飲方見六卷首論

附方

六君子湯 方見二十四卷第六論

補中益氣湯 方見二十四卷第十論

四神丸 方見八卷第八論

產後血渴方論第二

竊謂前症若出血過多虛火上炎用童子小便

或四物白朮麥門丹皮若胃氣虛而有熱用竹葉歸芪湯若血虛發熱用八珍加麥門五味若血脫發熱煩躁用當歸補血湯若胃氣虛弱用補中益氣湯或七味白朮散

附治驗

一產婦患前症朝寒暮熱肚腹作痛以手按之不痛余以爲血氣俱虛用八珍之類治之彼反行逐血更加發熱煩躁余用當歸補血湯熱躁漸止用八珍麥門五味氣血漸復



附方

七味白朮散 治中氣虛弱津液短少口乾作渴或因吐瀉所致

人參

白朮炒

木香

白茯苓

甘草炒

藿香

乾葛各一錢

右水煎服

竹葉歸芪湯

治胃氣虛熱口乾作渴惡冷飲食

者

竹葉

一錢五分

當歸

一錢

黃芪

二錢

白朮

人參

各一錢

甘草

炒五分

麥門冬

去心七分

右水煎服

四物湯

方見二十四卷第六論

補中益氣湯

方見二十四卷第十論

八珍湯

方見二十四卷第四論

當歸補血湯

方見二十四卷第十一論

產後乍寒乍熱方論第三

產後乍寒乍熱由血氣虛損陰陽不和若陰勝則乍寒陽勝則乍熱宜用增損四物湯若因敗血不



散腹內作痛宜用奪命丹後用增損四物湯隨病加減無擇云敗血流閉諸陰則寒流閉諸陽則熱用大調經散五積散

愚按前症若因陽氣不足陰氣上入於陽中而惡寒者用補中益氣湯若因陰氣不足陽氣下陷於陰中而發熱者用六味地黃丸若氣血不足而惡寒發熱者用八珍湯若病後寒熱倦怠者用補中益氣湯若肌熱大渴目赤面紅者用當歸補血湯

附治驗

一產婦惡寒發熱余以為血氣虛寒用十全大補加炮姜而寒熱愈用補中益氣而肢體安又食後犯怒惡寒發熱抽搐咬牙面色青中隱黃此肝木侮脾土飲食停滯用六君子加木香一劑而安

一產婦惡寒發熱余以為氣血俱虛不信反用小柴胡湯致汗出譫語煩熱作渴肢體抽搐余用十全大補一劑益甚脉洪大重按如無此藥



力不能及乃加附子四劑稍緩數劑而安  
增損四物湯

人參

當歸

芍藥

川芎

乾姜

炒各一兩甘草四錢

右每服四錢姜水煎

大調經散

治產後惡露未消寒熱自汗或肚腹

作痛

大豆

一兩五錢炒去皮

茯神

一兩

真琥珀

一錢

右為末每服二錢空心濃煎烏豆紫蘇湯調下

附方

六君子湯

方見二十四卷第六論

補中益氣湯

方見二十四卷第十論

當歸補血湯

方見二十四卷第十一論

八珍湯

十全大補湯

二方見二十四卷第四論

六味地黃丸

方見二十四卷第十一論

產後瘧疾方論第四

郭稽中云產後乍寒乍熱者多是敗血為害或陰



陽不和若槩作瘧疾治之誤矣陳無擇曰產後寒熱或一工百日或一工二百日一發或先寒後熱或先熱後寒或寒多熱少或熱多寒少或純寒純熱者皆是瘧疾最難治療可用草菓飲生熟飲四獸飲選用之

愚按前症當與第十四卷第十論參看用藥以補胃氣為主佐以草菓飲之類若胃氣稍充以草菓飲為主佐以補胃之劑太抵產後瘧疾因脾胃虛弱飲食停滯或外邪所感或鬱怒傷脾

或暑邪所伏審係飲食用六君加桔梗蒼朮藿香如外邪多而飲食少用藿香正氣散如外邪少飲食多用人參養胃湯勞役所傷用補中益氣湯氣血虛弱用十全大補加炮姜中氣虛寒用六君加姜桂元氣脫陷急加附子益氣虛則寒血虛則熱胃虛則惡寒胃氣下陷則寒熱交作或吐瀉不食腹痛煩渴發熱譫語或手足逆冷寒戰如慄雖見百症但溫補脾胃其病自退若誤用清脾截瘧之類多致不起



附治驗

一產婦患瘧發熱作渴胸膈脹滿遍身作痛三日不食嘔酸噯氣此是飲食所傷脾胃不能消化用六君加神麴山查四劑而不作酸乃去神麴山查又數劑而飲食進其大便不通至二十五日計進飲食七十餘碗腹始悶令用猪膽汁導而通之其糞且不甚燥

一產婦患瘧久不愈百病蜂起其脉或洪大或微細或弦緊或沉伏難以名狀用六君加炮薑

二十餘劑脉症稍得又用參朮煎膏佐以歸脾湯百餘劑而瘥

一產婦朝寒暮熱或不時寒熱久不愈用六君子補中益氣兼服百餘劑而尋愈

產後瘧疾心脾痛見小產

產後瘧勞方論第五

闕文

愚按瘧勞蓋產後虛弱元氣不復所致故寒熱食少頭目四肢腹痛若脾虛而不能生血者用六君子湯加當歸若脾肺氣虛而咳嗽口乾用



補中益氣加麥門五味若因中氣虛而口乾頭暈用補中益氣加蔓荊子若肝經血虛而肢體作痛用四物參朮若因肝腎虛弱而自汗盜汗寒熱往來者用六味丸加五味子若因脾虛血弱肚腹作痛月經不調用八珍湯倍加白朮若因脾虛血燥皮膚癢痒用加味道遙散太抵此症多因脾胃虛弱飲食減少以致諸經疲憊而作當補脾胃飲食一進精氣生化諸臟有所倚賴其病自愈矣仍照虛煩發熱方論主治

增損柴胡湯 治產後虛弱寒熱如瘧食少腹脹

柴胡 人參 甘草 半夏

陳皮 川芎 白芍藥 等分

右每服五錢薑棗水煎凡二服

白茯苓散 治產後蓐勞頭目四肢疼痛寒熱如瘧

白茯苓 當歸 川芎 桂心

白芍藥 黃芪 人參 熟地黃

右先以水三盞入猪腎一雙姜棗各二三事煎心



盞去之入前藥半兩煎二盞服

猪腰子粥 治產後蓐勞發熱用猪腰子一枚去膜切片用鹽酒拌先用粳米一合入葱椒煮粥鹽醋和將腰子鋪碗底以熱粥蓋之如作盒生狀空心服

黃芪建中湯 治產後諸虛不足發熱或惡寒腹痛

黃芪 炒

肉桂

各一兩

甘草

炒七錢

白芍藥

炒二兩

右每服五錢用姜棗水煎且三服虛甚須加

附子

附方

六君子湯

方見二十四卷第六論

補中益氣湯

方見二十四卷第十論

四物湯

方見二十四卷第六論

六味丸

方見二十四卷第十一論

八珍湯

加味逍遙散 二方見二十四卷第四論

產後虛羸方論第六



產寶云產後虛羸者皆由產後虧損血氣所致須當慎起居節飲食六淫七情調養百日庶保無疾若中年及難產者毋論日期必須調養平復方可治事否則氣血復傷虛羸之症作矣

愚按前症產傷氣血者用八珍湯飲食傷胃者用四君子湯停食傷脾者用六君子湯勞傷元氣者用補中益氣湯若嘔氣覺有藥味者此藥復傷胃也但用四君子湯徐徐少飲以調脾胃若胃氣一健血氣自生諸症自愈矣

黃雌雞湯

治產後虛羸腹痛

小黃雌雞

一隻去頭足翅羽腸肚細切

當歸

白朮

炒

熟地黃自製桂心

黃芪

炒各半兩

右先以水七鍾煮雞至三鍾每用汁一鍾藥四錢煎日三服

十全大補湯

治產後氣血未復形體虛弱發熱

惡寒等症

方見二十四卷第四論

產後風虛冷勞方論第七

產後氣血勞傷臟腑虛弱若風冷乘之血氣愈虛



形氣羸損風冷入臟令入無字謂之風虛冷勞也  
 愚按前症若血氣虛弱用八珍湯血氣虛寒用  
 十全大補湯胃氣虛弱用補中益氣湯脾氣虛  
 弱用大君子湯命門火衰用八味丸肝脾血虛  
 用加味逍遙散肝脾鬱怒用加味歸脾湯  
 產寶方治產後虛羸不羸肌肉

- 黃芪炒 當歸 芍藥炒 人參各三錢
- 桂心 甘草炒 川芎 生薑各四錢
- 大棗十二枚

右水煎分三服

又方猪腎一雙煮入葱豉作臠如常食之

產後腹脹嘔吐方論第八

產後腹脹滿悶嘔吐者因敗血散於脾胃不能運  
 化而致宜用抵聖湯治之

愚按前症若敗血散於腸胃宜用前方若飲食  
 停於脾宜用大君厚朴若飲食傷於胃宜用大  
 君子湯大凡損其脾者當節其飲食為善

附治驗



一產婦患前症，或用抵當湯，敗血已下，前症益甚，小腹重墜，似欲去後，余謂此脾氣虛而下陷，用補中益氣湯，加炮姜，溫補脾氣，重墜如失，又用六君子湯而安。

抵聖湯

赤芍藥

半夏

澤蘭葉

人參

陳皮

甘草

炒各一錢

右用生薑焙乾半兩水煎

愚按前方最宜用之。

附方

六君子湯

方見二十四卷第六論

補中益氣湯

方見二十四卷第十論

產後嘔逆不食方論第九

經云胃為水穀之海，以養臟腑，因產後胃氣虛弱，飲食所傷，必致嘔逆，故不食也。

愚按前症若因飲食過時，用四君子湯，飲食過多，用六君子湯，飲食過時而兼勞役，用補中益氣，若因飲食停滯，用人參養胃湯，脾胃氣虛用



六君子湯胃氣虛寒加炮姜木香寒水傷土用  
益黃散肝木侮脾土用六君升麻柴胡命門火  
衰不能生土用八味丸嘔吐泄瀉手足俱冷或  
肚腹作痛乃陽氣虛寒急用附子理中湯多有  
生者

附治驗

一產婦朝吐痰夜發熱晝夜無寐或用清痰降  
火肌體日瘦飲食日少前症愈甚余曰早間吐  
痰脾氣虛也夜間發熱肝血虛也晝夜無寐脾

血耗也遂用六君子湯加味逍遙散加味歸脾  
湯以次調補而痊

開胃散 治產後胃虛嘔吐胸滿不食

呵子肉

兩半 人參

甘草

炒半兩

右每服五錢薑水煎

治產後胃虛嘔逆

橘紅

一兩

半夏

甘草

炒各半兩

藿香

三兩

右每服五錢薑水煎

治產嘔逆不食白木

五錢

薑

六錢

水煎徐徐溫服



石蓮散 治產後胃寒咳逆嘔吐不食或腹作脹

石蓮肉兩半 白茯苓兩一 丁香錢五

右為末每服二錢不拘時用薑湯或米飲調下  
日三服

附方

錢氏益黃散 治脾土虛寒水反來侮以致嘔吐

不食或肚腹作痛或大便不實手足逆冷等症

陳皮兩一 青皮 呵子肉 甘草炙

丁香錢二

右為粗末每服四錢水煎服

人參養胃湯 治外感風寒內傷飲食寒熱頭眩

或作瘧疾

半夏 厚朴製 橘紅八分 藿香葉

草菓 茯苓 人參五分 甘草炙三分

蒼朮一錢

右薑七片烏梅一箇水煎服

四君子湯 方見二十四卷第六論

補中益氣湯 方見二十四卷第十論



八味丸 方見二十四卷第十一論

附子理中湯 方見二十卷第八論

加味道遙散

加味歸脾湯 二方見二十四卷第四論

產後霍亂方論第十

產後霍亂因臟腑虛損飲食不消觸冒風冷所致若熱而飲水者五苓散寒而不飲水者理中丸虛冷者加附子來復丹尤妙

愚按此症當與後卷第十一論互相主治

附治驗

一產婦停食霍亂用藿香正氣散之類已愈後胸腹膨脹飲食稍過即嘔吐或作泄瀉余謂此脾胃俱虛用六君子湯加水香治之漸愈後因飲食失調兼患怒患霍亂胸腹大痛手足逆冷用附子散又用八味丸以補土母而康設泥痛無補法而用辛散或用平補之劑必致不起一產婦吐瀉嘔酸面目浮腫此脾氣虛寒先用六君加炮薑為主佐以越鞠丸而嘔酸愈又用



補中益氣，加茯苓半夏而脾胃康。

白朮散 治脾胃傷吐瀉腹痛煩渴手足逆冷或大便不實

白朮

橘紅

麥門冬去心 人參

乾薑

炮各一兩 甘草 半兩

右每服四錢薑水煎

附子散 治脾胃虛寒吐瀉腹痛手足逆冷或自汗口噤

附子炮

白朮炒

當歸

吳茱萸

丁香

橘紅

甘草炒各半兩

右為末每服一錢粥飲調若脾胃虛用煨參白朮散

附方

藿香正氣散

治外感風寒內停飲食頭疼寒熱

或霍亂泄瀉或作瘧疾

藿香一錢五分

桔梗炒

大腹皮

紫蘇

茯苓

白芷

半夏麩

陳皮

白朮炒

厚朴

製各一錢 甘草炙五分



右薑棗水煎熱服

五苓散

白朮炒

猪苓各一錢 桂三分

澤瀉二錢五分

茯苓一錢

右水煎服

中丸

治脾胃虛寒嘔吐泄瀉飲食少思肚腹

膨脹ヲ

人參

白朮炒

乾薑炮

甘草炙各一錢

右為末米糊丸彈子大每服一丸嚼細白湯下

來復丹 治伏暑泄瀉身熱脈弱其效如神愴卒

間須用此藥ヲ

硝石一兩同硫黃火上微炒用柳條攪結砂子不可火大

太陰玄精石

船上硫黃各一兩

五靈脂去砂石

青皮 陳皮各一兩

右為末醋糊丸小豆大每服三十丸空心米飲

下

易簡方云硝石性寒佐以陳皮其性疎快硫黃性寒味澁若作煖藥以止瀉誤矣蓋由啖食生



冷或<sup>尤</sup>冒暑熱之氣<sup>中</sup>腕閉結揮霍變亂非<sup>此</sup>藥

不能通利<sup>二</sup>焦分<sup>中</sup>理陰陽其功益速

六君子湯 方見二十四卷第六論

八味丸 方見二十四卷第十一論

婦人良方卷之二十一 終





婦人良方卷之二十二

臨川陳自明 編

古吳薛 已 註

後學蔣宗澹

宋雲璈

朱 明全校

產後寒熱方論第一

產後發熱頭痛身疼，雖如傷寒時氣，雖當用麻黃，亦不可輕易如早起勞動為寒，所傷則漸漸惡寒。

婦人良方 卷之二十二





翁翁發熱頭項肩背骨節皆痛至七八日乃差若大便堅作嘔不能食用小柴胡湯加生薑地黃王之

愚按病機要云治胎產之病從厥陰經論之無犯胃氣及上中二焦爲之三禁不可汗不可下不可利小便發汗者同傷寒下之早證利大便則脈數而已動於胛利小便則內亡津液胃中枯燥製藥之法能不犯三禁則榮衛自和而寒熱止矣

附方

人參當歸散 治去血過多內熱短氣頭痛悶亂骨節作痛或虛煩咽燥

人參

當歸

生地黃

桂心

麥門冬 去心各一兩

白芍藥

右粳米一合竹葉十片水二鍾煎一鍾去之入藥五錢棗二枚煎服虛甚用熟地黃

小柴胡湯 治傷風四肢煩熱頭疼若頭不疼而作煩二物黃芩湯 方見二十四卷第二論



二物黃芩湯

黃芩兩半

苦參兩一

生地黄兩二

右每服四錢水煎

增損柴胡湯

治虛弱寒熱少食腹脹等症方見勞蓆

竹葉防風湯

治產後傷風發熱面赤氣喘頭痛

淡竹葉半把防風

人參

桂枝

苦梗

甘草各半兩葛根一兩五錢

右每服五錢薑棗水煎汗出項強加附子共嘔加半夏一

治惡露不盡晝則明了暮則譫語寒熱如見鬼此

熱入血室用柴胡地黃湯或四物加柴胡方見六卷

論十五

產後頭痛方論第二

夫頭者諸陽之會也產後胃氣虛弱飲食少思陽氣微弱不能上升故頭痛若因敗血黑龍丹言之甚詳

愚按前症若中氣虛用補中益氣湯加蔓荆子若血虛用四物加參朮血氣俱虛用八珍湯若



因風寒所傷用補中益氣湯加川芎

附治驗

一產婦患頭痛日用補中益氣湯不效已三年矣稍勞則惡寒內熱為陽氣虛以前湯加附子一錢數劑不發

一婦人產後頭痛面青二年矣日服四物等藥余謂腎水不能生肝木而血虛用六味丸加五味子兩月而痊

芎附散 治氣虛頭痛用大附子一枚去皮臍切

四片拌醞醋一碗炙附子盡同川芎一兩為末每服二錢清茶調服

治血虛頭疼當歸川芎每服五錢水煎產後頭痛都梁丸亦可治 方見四卷第六論

附方

補中益氣湯 方見二十四卷第十論

四物湯 方見二十四卷第六論

入珍湯 方見二十四卷第四論

六味丸 方見二十四卷第十一論



產後咳嗽方論第三

夫肺主於氣產後肺氣虛故外邪感而咳嗽所由作也若食鹽醢之類而致者難治若因麵積滯而致者服黑神散五積散可愈

愚按前症若陰血虛四物湯加參朮陳皮桔梗肺氣虛四君加芎歸桔梗陰火上炎六味地黃丸加參朮風寒所感補中益氣湯加桔梗紫蘇若瘀血入肺發喘兼口鼻起黑或鼻出血急用二味參蘇飲亦有得生者然而所患悉因胃氣

不足蓋胃為五臟之根本胃氣一虛五臟失所百病生焉經云肺屬辛金生於巳土脾土既虛不能生金則腠理不密外邪易感矣治當壯土金生腎水以制火為善

附治驗

一產婦朝吐痰夜發熱無寐泥用清痰降火之藥肌體日瘦飲食日少余日朝間吐痰脾氣虛也夜間發熱用血虛也晝夜無寐脾血耗也遂用六君子湯加味道遙散加味歸脾湯以次調



補不月而痊

一產婦咳嗽見風則喘急惡寒頭痛自汗口禁痰盛余為脾肺氣虛腠理不密用補中益氣加肉桂數劑而安

一產婦咳嗽聲重鼻塞流涕此風寒所感余用參蘇飲一鍾頓愈與補中益氣加桔梗茯苓半夏一劑將痊又與六君黃芪以實腠理全愈

一產婦咳嗽痰盛面赤口乾內熱肺熱徹作無時此陰火上炎余用補中益氣湯六味地黃丸

而愈

一產婦咳而腹滿不食涕唾面腫氣逆此病在胃而關於肺用異功散而愈

知母散 治惡露上攻咳嗽不巳

知母

貝母

白茯苓

人參

各五錢

桃仁

杏仁

並生去皮尖各一兩

右每服五錢水煎

治風寒咳嗽

甘草

桔梗

各六分

款冬花

四分

麥門冬



生地黄 各一錢二分

葱白 握一

右水煎服

旋覆花湯

治咳嗽最良 方見下有汗者去麻黃

附方

異功散 治脾胃虛弱飲食少思或久患咳嗽或

腹滿不食面浮氣逆等症 上

人參

白木 炒

茯苓

陳皮 各一錢

右薑棗水煎服

六君子湯

四物湯

四君子湯

二方見二十四卷第六論

補中益氣湯

方見二十四卷第十論

六味丸

方見二十四卷第十一論

二味參蘇飲

方見後

參蘇飲

方見六卷第十一論

產後喉中氣急喘促方論第四

產後喉中氣急喘促因榮血暴竭衛氣無生獨聚



于肺名曰孤陽最爲難治若因敗血停凝服奪命丹若因榮血暴絕服芎藭湯若因風寒所傷服旋覆花湯若因氣鬱結服小調經散若因傷飲食服見現丸

愚按前症若脾肺氣虛弱用六君桔梗若兼外邪更加紫蘇若中氣虛寒用補中益氣加炮薑肉桂若陽氣虛脫更加附子若瘀血入肺急用二味參蘇飲

附治驗

一產婦喘促自汗手足俱冷常以手護臍腹此陽氣虛脫用參附湯四劑而愈

二味參蘇飲 治產後血入於肺面黑發喘欲死者

人參一兩 蘇木二兩

右水煎頓服

旋覆花湯 治傷風寒暑濕喘嗽太盛坐卧不寧

旋覆花 赤芍藥 前胡 半夏麴

荆芥穗 甘草 茯苓 五味子



杏仁

麻黃各等分

右每服四錢薑棗水煎有汗者莫服

五味子湯 治產後喘促脉伏而厥身

五味子杵炒 人參

杏仁各二錢 麥門冬去心

陳皮各一錢

右薑三片棗二十枚水煎服

芎藭湯 方見後

附方

六君子湯

補中益氣湯 二方見二十四卷第十論

參附湯 方見十八卷第六論

產後口鼻黑鼻衄方論第五

產後口鼻起黑氣及鼻衄者蓋陽明經脉之海起於鼻交頤中還出頰口交人中左之右右之左此產後氣虛榮血散亂胃絕肺敗之症也急取緋線一條并產婦頂心髮兩條緊繫中指節更無藥可療

愚按胃脉俠口繞承漿蓋鼻隼屬脾土鼻孔屬



肺金誠胃虛肺損氣脫血死之症急用二味參蘇飲加附子五錢亦有得生者方見前

產後咳噫方論第六

夫肺主於氣而稟於胃蓋產後脾胃傷損風冷所搏故咳噫也急灸期門三壯必愈此穴乃胃之絡穴見六卷第十五論

愚按前症屬胃氣虛寒之惡候如用後方未應急投參附湯亦有復生者方見十八卷第六論

丁香散 治心煩咳噫

丁香 白荳蔻各五錢 伏龍肝兩

右為末煎桃仁吳茱萸湯每服一錢調下

羌活散 治咳逆

羌活 附子炮 茴香炒各半兩 木香

白薑炮各一錢

右為末每服一錢水一盞鹽一捻煎服

下方用桂心五錢薑汁三合水煎服

產後血崩方論第七

產後血崩因經脈未復而勞傷或食酸鹹之味若



小腹滿痛肝經已傷最爲難治急服固經丸至之  
愚按前症若血滯小腹脹滿用失笑散血少小  
腹虛痞芎藭湯肝火血妄行加味道遙散脾鬱  
不統血加味歸脾湯脾氣虛不攝血補中益氣  
湯厚味積熱傷血清胃散加槐花風寒相搏傷  
血四君子防風枳殼

附治驗

一產婦血崩小腹脹痛用破氣行血之劑其崩  
如湧四肢不收惡寒嘔吐大便頻瀉余用六君

炮黑薑四劑稍愈又十全大補三十餘劑而痊  
一產婦血崩因怒其血如湧化地口禁目斜手  
足抽搐此肝經血耗生風余用大味丸料一劑  
諸症悉退但食少脯熱佐以四君柴胡牡丹皮  
而愈

固經丸

艾葉 赤石脂 煨 補骨脂 炒 木賊 各半

附子 一箇 炮

右爲末飯丸桐子大每服一十丸溫酒或米飲



下

芎藭湯

芎藭

當歸

芍藥各等分

右每服五錢水煎

附方

失笑散 方見二十卷第五論

十全大補湯

加味道遙散

加味歸脾湯 三方見二十四卷第四論

補中益氣湯 方見二十四卷第十論

六君子湯

四君子湯 二方見二十四卷第六論

清胃散 方見二十四卷首論

六味丸 方見二十四卷第十二論

產後月水不調方論第八

產後月水不調由血氣虛損風邪所客邪正相搏以致經候失期或多或少而不得其平也

愚按前症若過期而作痛者氣血俱虛也八珍



加柴胡丹皮不及期而來血熱也四物山梔柴胡將來而作痛血實也四物加桃仁紅花過期而來者血虛也四物加參朮紫黑成塊者血熱也四物加炒梔炒連丹皮作痛而色淡者痰多也四物合二陳治當臨症制宜

附治驗

一產婦月經不調內熱燥渴服寒涼之劑其血如崩腹脹寒熱作嘔少食用六君子二十餘劑諸病悉愈以加味道遙散調理而安

琥珀散 治經脉不調飲食少思日漸消瘦

琥珀

牛膝

生地黃

當歸

各一兩

桃仁

赤芍藥

各半兩

右每服五錢薑水煎

附方

八珍湯

加味道遙散

一方見二十四卷第四論

四物湯

六君子湯

二方見二十四卷第六論



二陳湯 方見二十四卷第五論

產後月水不通方論第九

產後乳子周歲而經不行是其常也若半歲而經行此血有餘也若一二歲不行而無疾不必服藥若肢體倦怠食少內熱是血少也宜健脾胃以藥通之則誤矣

愚按前症脾胃虛弱用六君子湯若兼鬱火傷脾用歸脾湯加牡丹皮山梔若怒火傷血宜用四物合小柴胡氣血俱虛用八珍牡丹皮仍參

前論王之

附治驗方藥

一產婦月經年餘不通內熱晡熱服分氣丸經行不止惡寒作渴食少倦怠胃滿氣壅朝用加味逍遙散夕用四君子湯月許諸症稍愈佐以八珍湯兼服兩月而愈

六君子湯

四物湯

四君子湯 三万見二十四卷第六論

婦人良方 卷之二十二



歸脾湯

加味逍遙散

八珍湯 三方見二十四卷第四論

小柴胡湯 方見二十四卷第二論

產後四肢浮腫方論第十

產後四肢浮腫者乃敗血乘虛流注宜用小調經散陳無擇云若風邪所乘於氣分皮膚腫而浮虛乃氣也若皮膚腫如熟李乃水也蓋氣腫者宜發汗水腫者宜利小便

愚按前症若寒水侮土宜養脾肺若氣虛浮腫宜益脾胃若水氣浮腫宜補中氣當參第一卷水分血分主治

附治驗

一產婦飲食少思服消導之劑四肢浮腫余謂中氣不足朝用補中益氣湯夕用六君子湯而愈後因怒腹脹誤服沉香化氣丸吐瀉不止飲食不進小便不利肚腹四肢浮腫用金匱加減腎氣丸而愈



一產婦泄瀉四肢面自浮腫喘促惡寒余謂脾肺虛寒用六君加薑桂而泄瀉愈又補中益氣而脾胃健

小調經散

沒藥 琥珀 桂心 芍藥 當歸 各一錢

右爲末每服五分薑汁溫酒調

大調經散最治腫滿喘急煩渴小便不利方見二卷

論第三

漢方已散 治水腫

漢防已 猪苓 枳殼炒 桑白皮各一兩

商陸 甘草各三錢

右每服四錢水煎

治血虛氣腫水腫

澤蘭葉 防已等分

右爲末每服二錢溫酒調下醋湯亦可

金匱加減腎氣丸 治脾腎虛寒腰重脚腫濕飲留積小便不利或肚腹腫脹四肢浮腫氣喘痰甚或已成水症其効如神



白茯苓三兩 附子半兩 川牛膝 肉桂

澤瀉 車前子 山茱萸 山藥

牡丹皮各一兩 熟地黃四兩 搗碎 酒拌 杵膏

右為末，和地黃膏煉蜜丸，桐子大，每服七八十丸，空心米飲下。

附方

補中益氣湯 方見二十四卷第六論

六君子湯 方見二十四卷第六論

產後腹痛瀉利方論第十一

產後腹痛瀉利，因腸胃虛怯，寒邪乘襲，或水穀不化，洞泄腸鳴，或手足逆冷，用調中湯治之，陳無擇云：若六淫七情而致者，當隨所感而治之。

愚按：前症若胸膈飽脹，或惡食吞酸，此飲食停滯，用六君、枳實、山查以消導，若食既消而仍痛，更或頭痛熱渴惡寒欲嘔，此中氣被傷，用補中益氣、半夏、茯苓以健脾胃。

附治驗

一產婦腹痛發熱惡食，余以為飲食傷脾，彼反



服破血之劑加寒熱頭痛嘔吐涎沫用化痰理  
氣四肢逆冷泄瀉下墜余用六君加炮薑肉桂  
木香再用補中益氣湯而愈  
一產婦腹痛後重去痢無度形體倦怠飲食不  
用唇腫盜汗竟夜不寐此脾經虛熱之症用當  
歸六黃湯內黃芩連栢炒黑一劑汗止乃用歸  
脾八珍兼服而愈

調中湯

良薑

當歸

桂心

芍藥

附子炮

川芎各一兩甘草炒五錢

右每服三錢水煎服

附方

六君子湯 方見二十四卷第六論

補中益氣湯 方見二十四卷第十論

當歸六黃湯 方見十九卷第六論

歸脾湯

八珍湯 二方見二十四卷第四論

產後赤白痢方論第十二



產後痢疾因飲食六淫七情傷於脾胃或血滲大腸皆爲難治若飲食不進謂之虛痢氣字不順謂之氣痢治法熱則涼之冷則溫之冷熱相搏則溫涼調之滑者澀之虛者補之水穀不分者分利之性情執滯者和順之未有不安者也

愚按前症白屬氣分而赤屬血分也若米食所傷用六君加穀蘖若麩食所傷用六君加麥蘖若肉食所傷用六君加山查神麩凡兼嘔吐俱加藿香若兼噤酸或嘔吐用前藥送越鞠丸若

肝木尅脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉痢色黃乃脾土真氣宜加木香肉豆蔻若屬脾土虛寒用六君加水香薑桂若脾腎虛寒用補中益氣及四神丸若屬命門火衰而脾土虛寒用八味丸以補土母若小便滯滯肢體漸腫或兼喘咳用金匱順氣丸以補脾腎利水道若胃氣虛弱而四肢浮腫須補胃爲主若久而不愈是腎氣虧損也必



用四神六味八味三藥以補足三陰若用分利導水之劑是虛其虛也

一產婦泄痢腹痛年餘形體骨立內熱晡熱自汗盜汗口舌糜爛日吐痰二碗許脈洪大重按全無此命門火衰脾土虛寒而不能攝痰歸源用八味丸補火以生土用補中益氣湯兼補肺金而痊

一產婦食雞子腹中作痛面色青黃服平胃二陳更下痢腹脹用流氣飲子又小腹一塊不時

上攻飲食愈少此脾胃虛寒肝木尅侮所致用補中益氣加木香吳茱漸愈又用八珍大補兼服調理尋愈

五味子散 治產後泄瀉或腎泄在侵晨五更作

瀉飲食不進或大便不實不時去後爲丸尤効

五味子 炒三兩

吳茱萸 炒五錢

右爲末每服一錢白湯調

四神丸 治脾胃虛弱大便不實飲食不思

二神丸 二方見八卷第八論



婦人良方

六君子湯

方見二十四卷第六論

補中益氣湯

方二十四卷第十論

香連丸

方見八卷第八論

六味丸

八味丸

三方見二十四卷第十一論

金匱腎氣丸

方見前

八珍湯

方見二十四卷第四論

婦人良方卷之二十一終





婦人良方卷之二十三

臨川陳自明 編

古吳薛 巳 註

後學蔣宗澹

朱雲璈

朱 明全校

產後痢疾作渴方論第一

產後下痢作渴者乃內亡津液或胃氣虛不能生津液但止其渴痢自差



愚按前症若渴而不喜冷飲屬胃氣虛不能生津液宜用七味白朮散夜間發熱口渴屬腎水弱而不能潤宜用六味丸並佐以益氣湯以滋化源

附治驗方藥

一產婦瀉痢發熱作渴吐痰肌體消瘦飲食少思或胸膈痞滿或小腹脹墜年餘矣余以為脾腎之瀉朝用二神丸夕用六君子三月餘而痊一產婦患前症形體倦怠飲食不進與死為鄰

此脾胃俱虛也用四神丸十全大補湯數劑而愈

附方

七味白朮散 方見二十一卷第二論

六味丸 方見二十四卷第十一論

補中益氣湯 方見二十四卷第十論

六君子湯 方見二十四卷第六論

十全大補湯 方見二十四卷第四論

四神丸



二神丸 二方見八卷第八論

產後大便秘澁方論第二

產後大便秘澁因腸胃虛弱津液不足若小腹悶脹宜服麻仁丸潤之若用寒藥則促其危矣

愚按前症若計其日期飲食數多即用藥通之禍在反掌之間必待腹滿覺脹欲去不能者乃結在直腸宜用猪膽汁潤之若服寒疎通反傷中氣通而不止或成痞症若去血過多用十全大補血虛火燥用加味四物氣血俱虛用八

珍湯雖數日不通飲食如常腹中如故仍用八珍加桃仁杏仁治之若泥其日期飲食數多而通之則誤矣

附治驗

一產婦大便七日不通飲食如常腹中如故此腹未滿也用八珍加桃仁杏仁至二十一日腹滿欲去用猪膽汁潤去而安

一產婦大便不通或用通利之藥中脘脹痛飲食甚少又用蜜導之大便不禁吃逆不食余以



為脾腎復傷用六君加吳茱肉果骨脂五味數劑喜其年壯而愈不然多致不起

一產婦太便秘結小腹脹痛用大黃等藥致吐瀉不食腹痛胸痞余用六君子加木香炮薑治之而愈。一婦人太便秘澁諸藥不應苦不可言令飲人乳而安

麻仁丸

大麻仁研如泥枳殼

人參各四分大黃二分

右為末入麻仁煉蜜丸桐子大每服二十九丸

心溫酒下未通漸加不可過服

阿膠枳殼丸

治產後大便秘澁以阿膠枳殼二

味等分為末蜜丸桐子大滑石末為衣溫水下

二十九丸如或未通再服

附方

十全大補湯

八珍湯 二方見二十四卷第四論

加味四物湯 方見二十四卷第六論

產後大小便不通方論第三



產後大小便不通因腸胃虛弱津液燥竭故也  
愚按前症當參前後論及八卷八論主治

附治驗

一產婦大小便不通諸藥不應將危矣令飲牛乳一日稍通三日而痊人乳尤善

桃花散 治膀胱氣滯血澁大小便秘

桃仁 葵子 滑石 檳榔等

右為末每服二錢空心葱白湯調下

通氣散治產後大小便不通 方見八卷第七論

產後遺糞方第四

產後遺糞取故燕窠中草燒為末或枯礬牡蠣或白斂芍藥各等分為末俱用酒調服或用固腸丸亦可

愚按前症若脾腎虛弱用還少丹仍以補中益氣湯為主虛寒加肉豆蔻補骨脂或四神丸若脾腎虛寒用八味丸兼四神丸仍佐以前一方

附治驗 小便出尿方藥附

一產婦大便不實飲食少思五更或侵晨遺尿



此中氣虛寒，脾腎不足，用補中益氣送四神丸而痊。

一產婦小便出糞，名大小腸交，乃氣血俱虛，失行常道。先用六君子湯一劑，又用五苓散一劑，而痊。循常腸交亦可用。

附方

還少丹 治脾腎虛寒，飲食少思，發熱盜汗，遺精白濁，又治真氣虧損，肌體瘦弱等症。  
肉苁蓉 遠志去心 茴香 巴戟

乾山藥 枸杞子 熟地黃 石菖蒲

山茱萸去核 牛膝 杜仲去皮 楮實子

五味子 白茯苓各二兩

右各另為末，用棗肉百枚并煉蜜九桐子，大每服五七十九丸，空心溫酒或鹽湯下，日三服。

補中益氣湯 方見二十四卷第十論

六君子湯 二方見二十四卷第六論

四神丸 方見八卷第八論

八味丸 方見二十四卷第十一論



五苓散 方見二十一卷第十論

產後諸淋方論第五

產後諸淋因熱客於脬虛則頻數熱則澀痛氣虛兼熱血入胞中則血隨小便出而為血淋也

愚按前症若膀胱虛熱用六味丸若陰虛而陽無以化用滋陰腎氣丸蓋土生金金生水當滋化源仍參第八卷小便淋瀝頻數類

附治驗

一產婦小水淋瀝或時自出用分利降火之劑

一十年不愈余以為肺腎之氣虛用補中益氣湯

六味地黃丸而痊

滑石散 治熱淋

滑石 五分 通草 車前子 葵子 各四分

右為末以漿水調服

治小腸有熱小便澀痛或為血淋

瞿麥 黃芩 冬葵子 各二兩

通草 三兩 大棗 十二枚

右以水七升煎一升半分三服



治脾氣不利小便不通橘紅為末每服一錢空心

溫酒下

治肺氣不利小便不通杏仁十四枚去皮尖炒食

之

治脬轉小便不利滑石一錢半寒水石一錢水煎服

附方

六味丸 方見二十四卷第十一論

滋陰腎氣丸 方見六卷第三論

補中益氣湯

方見二十四卷第十論

產後小便頻數方論第六

產後小便數者乃氣虛不能制故也

愚按前症若因穩婆不慎以致胞損而小便淋瀝者用八珍湯以補氣血若因膀胱氣虛而小便頻數當補脾肺若膀胱陰虛而小便淋瀝須補肺腎仍參第八卷小便頻數諸類

附治驗

一產婦小便頻數時忽寒戰乃屬脾肺虛弱用



補中益氣加山茱山藥為主佐以桑螵蛸散而愈後患發熱晡熱盜汗自汗月水不調用加味逍遙散而安

一產婦患前症吐痰發熱日晡作渴此膀胱陰虛用補中益氣湯佐以六味丸而愈又患痢後小便頻數手足俱冷屬陽氣虛寒用前湯及八味丸而瘳

桑螵蛸散 治陽氣虛弱小便頻數或為遺尿

桑螵蛸 三十箇炒

鹿茸 酥炒

黃芪 各三兩

牡蠣 煨

人參

厚朴

赤石脂 各二兩

右為末每服二錢空心粥飲調下又方用益智仁為末米飲下

附方

八珍湯

加味逍遙散 二方見二十四卷第四論

補中益氣湯 方見二十四卷第十論

六味丸

八味丸 二方見二十四卷第十一論



產後小便不禁方第七

廣濟治產後小便不禁用雞尾燒灰千金翼用白  
薇芍藥為末俱用溫酒下日三服或桑螵蛸半兩  
龍骨一兩為末每服二錢粥飲調下

愚按前症若脾肺陽虛用補中益氣湯若肝腎  
陰虛用六味地黃丸若肝腎之氣虛寒用八味  
地黃丸

附治驗

一產婦小便不禁二年不愈面色或青赤或黃

白此肝脾氣血虛熱用加味逍遙散為主漸愈  
佐以六味丸而痊後因怒小便自遺大便不實  
左目頓緊面色頓赤仍用前散佐以六君子湯  
以清肝火生肝血培脾土而瘳

補脾飲 治胞破小便淋瀝

生絹

黃色者一尺

白牡丹

用根并皮

白芨

各一錢

右水一碗煎至絹爛溫服服後忌言語否則無  
効

鷄內金散治氣虛溺床用雄鷄胫胫并腸燒為末



溫酒調服

附方

補中益氣湯 方見二十四卷第六論

六君子湯 方見二十四卷第六論

六味丸

八味丸 二方見二十四卷第十一論

加味逍遙散 方見二十四卷第四論

產後小便出血方論第八

產後小便出血者因虛熱血滲於膀胱也以亂髮洗

淨燒為末米飲調服或滑石末一錢生地黃汁調下

愚按前症若膏粱積熱用加味清胃散醇酒濕毒葛根解醒湯怒動肝火加味小柴胡湯鬱結傷脾加味歸脾湯思慮傷心妙香散大腸風熱四物側柏槐花大腸血熱四物炒連槐花腸胃虛弱六君升麻柴胡元氣下陷補中益氣茯苓半夏夏胃氣虛弱六君升麻血虛四物升麻氣血俱虛八珍柴胡升麻大凡元氣虛弱而發熱者



皆內真寒而外假熱也。但用六君或補中益氣加炮薑溫補脾氣，諸症悉退。若四肢長冷急加附子。

附治驗方藥 大便下血附

一產婦尿血面黃腸脹少食，此肝木乘脾土也。用加味逍遙補中益氣兼服，而愈後為懷抱不樂，食少體倦驚悸無寐，血仍作用加味歸脾湯二十餘劑將愈。惑於眾論服犀角地黃湯，諸症復作，仍服前湯而愈。

一產婦糞後下血，食少體倦，此脾氣虛熱。用補中益氣加吳茱炒黃連五分，四劑頓愈。用歸脾湯而痊。

一婦人怒則便血，寒熱口苦，或胸脇脹痛，或小腹痞悶，此肝木乘脾土。用六君柴胡山梔而愈。用補中益氣加味逍遙而不復作。

一婦人久下血在糞前，屬脾氣虛寒。用補中益氣加連炒吳茱一錢，數劑稍緩，乃加生吳茱五分數劑而愈。  
黃連炒吳茱萸法  
見七卷第五論



一產婦大便後血口乾飲湯胸脇膨滿小腹悶  
墜內熱哺熟食少體倦日哺面赤酒浙惡寒此  
脾肺氣虛先用六君加乾薑木香漸愈用補中  
益氣將愈用歸脾湯全愈後勞役兼怒發熱血  
崩夜間譫語此熱入血室用加味小柴胡二劑  
而熱退用補中益氣一劑而血止用逍遙散歸  
脾湯調理而安

葛花解醒湯

治酒積上下外消其濕

白豆蔻

砂仁

葛花

各五錢 木香五分

青皮

錢三

陳皮

白茯苓

猪苓

人參

各一錢半

白朮

神麩

澤瀉

生乾薑

各二錢

右為末每服五錢白湯調下

加味清胃散

方見二十四卷首論

加味小柴胡湯

方見二十四卷第二論

加味歸脾湯

歸脾湯

八珍湯



逍遙散

加味逍遙散

五方見二十四卷第四論

妙香散

方見六卷第八論

四物湯

六君子湯

二方見二十四卷第六論

補中益氣湯

方見二十四卷第十論

產後陰脫玉門不閉方論第九

產後陰脫玉門不閉因坐產努力舉動房勞所致或脫肛陰挺逼迫腫痛小便淋瀝

愚按玉門不閉氣血虛弱也用十全大補湯腫脹焮痛肝經虛熱也加味逍遙散若因憂怒肝脾氣血傷也加味歸脾湯若因暴怒肝火血傷也龍膽瀉肝湯仍參第八卷末諸論

附治驗

一產婦玉門不閉發熱惡寒用十全大補加五味子數劑而寒熱退用補中益氣加五味子數劑而玉門閉

一婦人脾胃素弱兼有肝火產後玉門腫痛寒



熱作渴嘔吐不食外敷大黃等藥內用驅利之劑腫及於臀諸症蜂起此真氣虛而邪氣盛也先用六君子以固腸胃次用補中益氣以升陽氣不數劑而全愈

一產婦患此失治腫潰不已形體消瘦飲食少思朝寒暮熱自汗盜汗半年矣用補中益氣加茯苓半夏膿水漸少飲食漸進用歸脾湯共五十餘劑而愈

一產婦玉門不閉小便淋瀝腹內一塊攻走脇

下或脹或痛用加味逍遙散加車前子而愈

一產婦陰脫便閉下墜形氣倦甚用十全大補湯而上因怒仍脫重墜寒熱小便淋瀝用補中益氣湯加山梔龍膽草一劑重墜減而小便利仍用前湯去一味倍加參芪升麻而痊

一產婦陰脫腫痛小便淋漓此因元氣甚虛而肝火旺也用補中益氣湯加山梔車前子四劑而肝症悉退仍用前藥去一味加茯苓而小便利又用十全大補湯而腫痛遂漸消



一產婦元氣充實初產玉門不閉腫焮作痛小便不利余謂肝經濕熱壅滯欲以加味逍遙散加車前子牛膝治之不信乃服十全大補湯腫痛益甚仍用前藥更加澤瀉一劑而愈  
一產婦陰脫腫痛脉又滑數欲作膿也余用十全大補湯三四劑而膿成又數劑而膿始潰但小便頻數而患處重墜痛甚此因元氣虛弱而致下陷也又用補中益氣湯數劑而瘥  
一婦人子宮腫大二三日左入損落一子殊類豬

肝面黃體倦飲食無味內熱晡熱自汗盜汗用十全大補湯二十餘劑諸症悉愈仍復生育

硫黃散 治產後陽氣虛寒

硫黃

烏賊骨 各五錢

五味子 五錢

右爲末搽患處日三易

一方蛇床子一升炒熟帛裹熨患處亦治陰痛  
一方子宮脫出以草蓆子仁十四枚研塗頂心入卽洗去

附方



十全大補湯

加味道遙散

加味歸脾湯

歸脾湯

四方見二十四卷第四論

龍膽瀉肝湯

方見二十四卷第八論

補中益氣湯

方見二十四卷第十論

六君子湯

方見二十四卷第六論

婦人陰蝕疔方論第十

婦人少陰脉數而滑者，陰中有瘡，名曰匿，或痛或

痒如蟲行狀，膿水淋漓，亦有陰蝕，幾盡者，皆由心神煩鬱，脾胃虛弱，氣流血滯，耳內當補心養胃，外以藥敷洗，乃可。

愚按前症乃肝脾鬱結之症，木旺生蟲，耳宜解鬱，清肝，倘見八卷陰中生瘡類。

附治驗

一產婦素有肝火患此，內潰痒痛，食少熱渴，小水淋漓，用加味道遙散，加味歸脾湯，兼服間以蘆薈丸，外以鶴風草煎洗而愈。



治疳蟲蝕下部用蒲黃水銀研勻傳入內  
平胃散加貫衆末二錢以熟猪肝拌藥內陰中

附方

加味歸脾湯

加味逍遙散

二方見二十四卷第四論

蘆薈丸

方見七卷第七論

產後乳少或止方論第十一

婦人乳汁乃氣血所化若元氣虛弱則乳汁短少  
初產乳房嫩脹此乳未通若怒氣乳出此肝經風

熱若累產無乳此內亡津液蓋乳汁資於衝任若  
婦人疾在衝任乳少而色黃者生子則怯弱而多  
疾

愚按前症若氣血虛弱而不能化生宜壯脾胃  
怒動肝膽而乳腫汁出宜清肝火夫乳汁乃氣  
血所化在上為乳在下為經若屢產無乳或太  
便澁滯當滋化源

附治驗

一產婦因乳少服藥通之致乳房腫脹發熱作



渴余謂血氣虛以玉露散補之而愈

湧泉散 能下乳忌食薑椒辛辣飲食

王不留行 藿麥 麥門冬 龍骨 各二錢

右用猪蹄汁一碗酒一杯煎服以木梳於乳上

梳下

治氣血虛鍾乳粉每服一錢煎蒲蘆湯調

附方

玉露散 治乳脉不行身體壯熱頭目昏痛大便

澁滯等症

人參

白茯苓

桔梗 炒

芍藥 各一錢

甘草 炙六分

右水煎服

產後乳出方論第十二

產後乳汁自出乃胃氣虛宜服補藥止之若乳多  
滿痛用溫帛熨之未產而乳自出謂之乳泣生子  
多不育

愚按前症氣血俱虛用十全大補湯肝經血熱  
用加味道遙散肝經怒火用四物參朮柴梔肝



脾鬱怒用加味歸脾湯

附治驗

一產婦勞役忽乳汁如湯昏昧吐痰此陽氣虛而厥也灌以獨參湯而甦更以十全大補湯數劑而安若婦人氣血方盛乳房作脹或無兒飲脹痛增寒發熱用麥芽一二兩炒熟水煎服立消其耗散血氣如此何脾胃虛弱飲食不消方中多用之

十全大補湯

加味逍遙散

加味歸脾湯 三方見二十四卷第四論

獨參湯 方見三卷十一論

四物湯 方見二十四卷第六論

產後吹乳方論第十三

產後吹乳因兒飲口氣所吹令乳汁不通壅結腫痛不急治多成癰速服括蕩散及敷南星更以手揉散之

愚按前症用藥切不可損其氣血治驗見二十



四卷

括萸散乳香一錢括萸一箇酒煎服用南星溫湯調塗

一方用陳皮一兩甘草一錢水煎服

產婦妬乳方論第十四

妬乳因兒未能飲餘乳蓄結以致腫痛初不吮通之必致成癰若乳頭生瘡浸淫名妬乳宜赤龍皮湯天麻湯飛鳥膏飛鳥散傳以黃連胡粉散愚按乳盛或無子飲乳以致腫痛炒大麥芽煎

服其乳卽散若成瘡當從乳癰類治若皮膚津淫成瘡當用本方

治乳初腫痛內消方用瓜萸一箇粉草一寸生薑半塊

半炒酒二碗煎服少頃去敗乳再服卽愈

赤龍皮湯槲皮三升水一斗煮五升溫洗之

麻草湯以天麻草五升水煎洗之此草葉若麻葉冬生夏花赤如鼠尾花亦洗浸淫濕痒陰蝕等瘡

飛鳥散用燒硃砂作水銀上黑煙各羅粉者三兩枯礬一



兩傳之諸熱浸淫丈夫陰蝕痒濕小兒頭瘡疥  
蝕瘡等

黃連胡粉膏 治症同前

黃連二兩 胡粉錢一 水銀一兩同研  
令消散

右皮褻熟揆和合傳之

一方乳頭裂破秋茄子裂開者陰乾燒存性水調  
塗之

婦人良方卷之二十三終



婦人良方卷之二十四

臨川陳自明 編

古吳薛 已補遺

後學蔣宗澹

朱雲璈

朱明全校

瘡瘍門

婦人齒唇方論第一

諸骨木梗等咽  
見口齒類要

內經云脾氣開於口又云脾之榮在唇蓋燥則乾

婦人良方 卷之二十四



NATIONAL CENTRAL LIBRARY, TAIWAN, R.O.C.



熱則裂風則瞶寒則揭若腫起白皮皴裂如蠶繭  
名曰繭唇有腫重出如繭者有本細末大如繭如  
瘤者其因或胎產經行而陰血損或七情動火而  
榮血虧或心火傳授脾經或厚味積熱傷脾太要  
審本症察兼症補腎水生脾血則燥自潤火自除  
風自息腫自消若患者忽畧治者不察內用清熱  
消毒之藥外用追蝕線結之法反爲敗症慎哉

附治驗

一婦人懷抱久鬱時胃口嘈辣胸膈不利月水

不調哺熟食少體倦唇腫年餘此脾經鬱火傷  
血用歸脾湯加薑汁炒黃連山梔少佐吳茱萸  
嘈辣頓去飲食稍進乃去黃連加貝母遠志胸  
膈通利飲食如常又用加味逍遙散歸脾湯間  
服百餘劑月水調而唇瘡愈

一婦人懷抱久鬱患繭唇雜治消痰降火虛症  
悉具盜汗如雨余謂此氣血虛而有熱也用當  
歸六黃湯內黃連黃柏俱炒黑二劑而盜汗頓  
止仍用歸脾湯八珍散兼服元氣漸復更以逍



遙散歸脾湯間服百餘劑而唇亦瘥

一婦人唇裂肉熱二年每作服寒涼之劑時出血水益增他症此胃火傷血藥傷元氣也余用加味清胃散而愈後因怒唇口腫脹寒熱作嘔此屬肝木乘脾土用小柴胡加山梔茯苓桔梗諸症頓愈復以加味逍遙散調補元氣而愈

一婦人因怒唇腫內熱體倦用化痰藥食少作嘔太使不實唇出血水用理氣消導胸膈痞滿頭又不清唇腫經閉用清胃行血肢體愈倦發

熱煩躁涎水湧出余以七情傷肝脾攻伐反致他症遂用濟生歸脾食進便實涎止用加味逍遙腫消熱退體健後因怒寒熱耳痛胸膈脹悶唇燥腫甚此怒動肝火而傷血用四物合小柴胡加山梔頓愈又因怒胸乳脹腹痛嘔吐酸涎飲食不入小水不利此怒動肝木尅脾土也用補中益氣加川芎芍藥而愈又勞役怒氣傷食發熱喘渴體倦不食下血如崩唇腫熾甚此爲肝經有火不能藏血脾經氣虛不能攝血用中



益氣加炒黑山梔芍藥丹皮而愈

一婦人月經不調兩足發熱年餘而身亦熱勞則足腿酸疼又年餘唇腫裂痛又半年唇裂出血形體瘦倦飲食無味月水不通唇下腫黑余謂肝脾血虛火症也彼不信用通經藥而歿

一婦人忿怒唇腫或用消毒之藥唇脹出血年餘矣余曰此肝木尅脾土而血傷也須養脾胃化源爲主彼執用前藥狀如翻花榴而歿

一婦人口苦脇脹此肝火症也用小柴胡加山

梔黃連少愈更以四君子加芍藥當歸柴胡調補脾胃而瘥

一婦人每怒口苦發熱晡熱此肝火盛而血傷也以小柴胡合四物二劑以清火而生血更以四物加柴胡白朮茯苓丹皮生血健脾而愈  
一婦人每怒則口苦兼辣胸痛脇脹乳內或時如刺此肝肺之火也用小柴胡加山梔青皮芎歸桑皮而安後又勞怒口復苦經水頓至此屬內火動血得熱而妄行用四物加炒芩炒梔膽



草一劑而血止更以加味道遙散而元氣復

一婦人因怒齒痛寒熱作嘔用清胃等藥益甚余以爲此肝火傷胃寒藥復傷故也用六君子加芍藥柴胡山梔而愈

一婦人胃中嘈辣甚則熱痛後患齒疼此胃中痰火也用二陳加苓連下越鞠丸而愈

一婦人發熱齒痛日晡益甚月水不調此脾經血虛用逍遙散加升麻尋愈後因怒復痛仍以  
前藥加川芎而痊

一婦人因怒牙疼寒熱此肝火侮脾土用小柴胡加芎歸苓朮山梔而疼痛止用加味道遙散而寒熱退

一婦人每產後齒齦皆動踰日乃止此氣血虛而火動也後復懷妊臨月余付十全大補湯一劑今產後煎服其齒不動如故

一婦人善怒舌痛煩熱或用降火化痰藥前症益甚兩脇作脹又服流氣飲肚腹亦脹經行不止此肝虛不能藏血脾虛不能攝血而前藥復



傷也。用加味歸脾湯加五味子而愈。

一婦人冬患腦疽腫痛熱渴脈洪數實膀胱濕熱上壅用清熱消毒散潰而愈次年舌腫遍身患紫疔如葡萄手足尤多各刺出黑血此脾胃積熱毒也服奪命丹七粒出臭汗瘡熱益甚便秘一日與大黃芩連各三錢升麻白芷山梔薄荷連翹各一錢生草一錢水煎三五沸服之太小便出臭血下體疔稍退入犀角汁再服舌本及齒縫出臭血諸毒乃消更與犀角地黃而愈

一婦人善怒舌本強手臂麻此肝木尅脾土治以六君子加柴胡芍藥而愈

一婦人產後喉痛服清熱等劑益甚此膀胱經血虛也蓋膀胱之內脈上行至喉而還用八珍湯加牡丹皮柴胡酒炒黑黃柏二劑而愈

一婦人喉間作痛旬餘突腫如赤楊梅狀一月後而腫遍身筋骨作痛余以爲此時行楊梅瘡也先以草薺湯數劑而平更以四物加草薺黃芪二十餘劑諸症悉退



附方藥

清胃散 治醇酒厚味唇齒作痛或齒齲潰爛或連頭面頸項作痛

黃連

錢半炒當歸

生地黃

牡丹皮

各一錢

升麻

二錢

右水煎服實熱便秘加大黃

加味清胃散即前方加犀角連翹甘草

涼膈散

治積熱煩渴面赤內熱頭昏咽痛便溺

赤澁狂言譫妄睡卧不安

大黃

朴硝

甘草

各一錢

連翹

二錢

梔子

黃芩

薄荷

各一錢

右水煎服

補黃散

治脾胃虛熱口舌生瘡畏冷飲食

人參

白朮

炒各一錢

白芍藥

炒黃

陳皮

甘草

炒各五分

右薑棗水煎服

四順清涼飲

加山梔牛蒡子各加味清涼飲

治臟腑實熱秘結口

舌生瘡



當歸

赤芍藥

甘草

大黃各一錢

右水煎服

人參安胃散

治服峻劑損脾胃口舌生瘡

人參錢

黃芪炒二錢 生甘草各五分 炙甘草各五分

白芍藥七分 白茯苓一錢 黃連炒五分

右水煎服

溫中丸

一名入參理中丸

治中氣虛熱口舌生瘡不喜飲

冷肢體倦怠飲食少思

人參

甘草炒 白朮炒各等分

右為末薑汁糊丸桐子大每服五十九白湯下

柳華散

治熱毒口瘡

黃柏炒

蒲黃

青黛真正者 人中白煨等分

右為末敷之

四物湯

治血熱口舌生瘡或牙齦腫潰或日晡

發熱煩躁不安方見本卷第六論

加味四物湯

即四物湯加丹皮柴胡山梔

當歸補血湯

治氣血俱虛口舌生瘡熱渴引飲

目赤面紅其脉洪大而虛重按全無方見本卷第十一論



四物二連湯 治血熱口舌生瘡或夜發寒熱

當歸 熟地黃 白芍藥炒 川芎

黃連炒 胡黃連各一錢

右水煎服

清咽利膈湯 治積熱咽喉腫痛痰涎壅盛煩躁

飲冷大便秘結

金銀花 防風 荆芥 薄荷

桔梗炒 黃芩炒 黃連炒 山梔炒

連翹各一錢 玄參 大黃煨 朴硝

牛蒡子研 甘草各七分

右水煎服

龍射聚聖丹 治心脾客熱咽喉腫痛或成癰不

消或舌本腫脹口舌生瘡或諸物骨鯁

川芎一兩 生地黃 犀角鎊 羚羊角鎊

琥珀 玄參 連翹各五錢 人參

赤茯苓 馬牙硝 片腦 麝香各三錢

桔梗 升麻各五錢 鉛白霜五錢 硃砂

牛黃各二錢 南硼砂一兩 金箔五十片



右各另爲末和勻蜜丸龍眼大金丹爲衣薄苛湯化下或噙嚙之

拔萃桔梗湯 治熱腫喉痺

桔梗炒

甘草

連翹

山梔炒

薄荷

黃芩各一錢

右竹葉水煎服

甘桔湯 治咽喉腫痛

甘草六錢

苦梗三錢

右水煎服

解毒雄黃丸 治纏喉風腫閉或卒倒死牙關緊

急

雄黃一錢

鬱金一錢

巴豆十四粒 去油殼

右爲末醋糊丸菜豆大用熱茶送下七丸吐頑

痰立甦

奪命丹 治喉閉或疔毒或麻木或嘔吐重者昏

憤若疔毒牙關緊急用三五丸爲末水調灌下

誠有奪命之功

蟾酥

乾者輕粉各五分 酒化

枯白礬

寒水石煨



銅綠

乳香

沒藥

麝香各一錢

硃砂三錢

蝸牛

二十箇另研如無亦効

右為末用蝸牛或酒糊為丸如棗豆大每服一二十丸溫酒或葱湯下

換肌消毒散

治時瘡不拘初起潰爛

一名草薺湯

土茯苓

五錢 當歸

白芷

皂角刺

炒

薏苡仁

各一錢五分

白蘚皮

木瓜

不犯鐵器

金銀花

木通各一錢

甘草

五分

右水煎服

七味白朮散

一名錢氏白朮散

治中氣虛熱口舌生瘡不

喜飲冷或吐瀉口乾

方見二十一卷第二論

四君子湯

治脾胃虛熱唇口生瘡食少作嘔大

便不實若肝木乘脾土所致加柴胡芍藥

方見本卷

第六論

六君子湯

方見本卷第六論

二陳湯

方見本卷第五論

越鞠丸

方見六卷第七論

補中益氣湯

方見本卷第十論



清熱消毒散

方見本卷第五論

犀角地黄湯

方見本卷第二論

當歸六黃湯

方見十九卷第六論

逍遙散

八珍湯

歸脾湯

十全大補湯

四方見本卷第四論

小柴胡湯

方見本卷第二論

婦人耳聾痛方論第二

耳瘡屬手少陽三焦或足厥陰肝經血虛風熱或怒動肝火而致若發熱熾痛屬三焦厥陰風熱用柴胡清肝散若內熱痒痛或脹痛屬肝火傷血用梔子清肝散若寒熱作痛或作嘔吐屬肝火傷脾用益脾清肝散若口乾足熱為肝腎陰虛用益陰腎氣丸若月經先期為血熱用加味道遙散過期為血虛用八珍湯食少體倦為鬱火用加味歸脾湯惡寒發熱肢體倦怠為氣血俱虛用十全大補湯慎不可專治其外復傷氣血也



附治驗

一婦人耳內外腫痛胸脇不利寒熱往來小便不調余以為肝火傷血先用龍膽瀉肝湯四劑諸症頓退又用加味逍遙散而愈又因怒復作用小柴胡湯而痊

一婦人經行後因勞怒發寒熱耳作痛余以經行為血虛用八珍湯加柴胡怒氣為肝火用加味逍遙散勞役為氣傷用補中益氣加山梔愈一婦人素鬱怒耳作痛腫焮寒熱面色青黃經

行則變赤用加味歸脾湯加味逍遙散而愈

一婦人性素鬱因怒耳作腫痛經行不止寒熱發熱面青赤肝脉弦數余謂久鬱傷脾暴怒傷肝先用加味小柴胡湯隨用加味逍遙散而痊一婦人因怒發熱每經行兩耳出膿兩太陽作痛胸脇乳房脹痛或寒熱往來或小便頻數或小腹脹悶皆屬肝火血虛先用梔子清肝散二劑又用加味逍遙散數劑諸症悉退乃以補中益氣加五味而痊



一婦人耳內腫痛出水寒熱口苦煩連頸項飲食少思此肝火甚也用小柴胡湯加山梔牡丹皮稍愈用加味道遙散漸愈用八珍湯加柴胡丹皮山梔調補肝脾而全愈

一婦人耳內外腫痛胃脇不利寒熱往來小便不調此肝經濕熱也用龍膽瀉肝湯四劑諸症頓退用加味道遙散而全愈又因怒復作用柴胡清肝散而痊

一婦人耳內脹痛內熱口乾勞則頭暈吐痰下

帶此肝脾氣虛也朝用補中益氣夕用加味道遙散而痊

一寡婦耳內外作痛不時寒熱脈上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味道遙散調補肝脾而愈

一婦人耳內外或作痛或赤腫或寒熱月經旬日而止潮熱內熱自汗盜汗余以爲肝脾氣血俱虛而有熱用歸脾湯六味丸而愈



一婦人性急或耳內作痛或耳外赤腫發熱脇  
 脹日晡益甚此怒氣傷肝氣血俱虛朝用加味  
 逍遙加黃柏桔梗夕用歸脾湯送地黃丸而愈  
 一孀婦耳內外作痛或項側結核內熱晡熱月  
 經不調吐痰少食胸膈不利余以為鬱怒傷肝  
 脾朝用歸脾湯以解脾鬱生脾氣夕用加味逍  
 遙散以清肝火生肝血而愈

一女子耳下腫赤寒熱口苦月經不調小腹內  
 結一塊此肝火氣滯而血凝也先用小柴胡加

山梔川芎丹皮又用柴胡清肝散而痊

附治驗方藥

小柴胡湯 治肝膽經症寒熱往來晡熱潮熱身  
 熱默默不欲飲食或怒火口苦耳聾咳嗽發熱  
 脇下作痛甚者轉側不便兩脇痞悶或瀉利咳  
 嗽或吐酸食苦水皆用此藥王之

柴胡二錢 黃芩炒一錢 人參 半夏各七分  
 甘草炙五分

右薑水煎服



加味小柴胡湯 治肝膽經風熱耳前後腫痛或  
結核癩痛或寒熱晡熱或經候不調等症即小  
柴胡加山梔牡丹皮

益脾清肝散 治肝經之症寒熱體痛脾胃虛弱

人參

白朮

炒

茯苓

各一錢

甘草

炒五分

川芎

當歸

黃芪

各一錢

柴胡

五分

牡丹皮

七分

右水煎服

梔子清肝散 治三焦及肝膽經風熱耳內作痒

或生瘡出水或脇肋胸乳作痛寒熱往來

柴胡

牡丹皮

山梔

炒各一錢

茯苓

川芎

芍藥

當歸

牛蒡子

炒各七分

白朮

炒

甘草

各五分

右水煎服

柴胡清肝散 治肝膽三焦風熱怒火以致項胸

作痛或頭目不清或耳前後腫痛或寒熱體疼

柴胡

黃芩

炒各五分

人參

山梔

炒

川芎

各一錢

連翹

桔梗

各八分

甘草

五分



右水煎服

犀角地黄湯 治上焦有熱口舌生瘡發熱或血妄行或吐衄或下血

犀角鎊

生地黃

白芍藥

黃芩炒

牡丹皮

黃連

炒各一錢

右水煎服若因怒而患加柴胡山梔

犀角升麻湯

治陽明經風熱牙疼或唇頰腫痛

或手足少陽經風熱連耳作痛

犀角鎊

升麻

防風

羌活各一錢

白附子五分 川芎

白芷

黃芩炒各七分

甘草五分

右水煎熟入犀末服

益陰腎氣丸 方見六卷第三論

婦人瘰癧方論第三

婦人瘰癧或因憂思鬱怒或因胎產經行則肝膽脾腎受傷以致前症蓋肝傷則血燥血燥則筋攣累累如貫珠多生耳前後胸脇間若寒熱腫痛乃肝氣動而為病用柴胡梔子散以清肝火為主佐



以逍遙散以養肝血若寒熱既止而核不消乃肝經之血亦病矣宜用加味四物湯以養肝血爲主佐以柴胡梔子散以清肝火若初生如豈附着於筋肉色不變內熱口乾精神倦怠久不消潰乃肝脾虧損用逍遙散歸脾湯六味丸以健脾土培肝木切不宜用散堅追毒之劑故外臺秘要云肝腎虛熱則生癰矣病機云癰癧不係膏梁丹石之毒因虛勞氣鬱所致補形氣調經脉其瘡當自消散若誤下之先犯病禁經禁矣若久潰不斂脉浮大

邪火盛也面色晄白金尅木也皆不治凡癰癧赤脉貫瞳子有幾條則幾年死無則可治

附治驗

一婦人患前症久而不愈或以爲木旺之症不宜於春預用散腫潰堅湯腫硬益甚余以爲肝經虧損用六味地黃丸補中益氣湯至春而愈此症若肝經風火自病元氣無虧可用散堅瀉青之劑若肝自損虧或水不生木用地黃丸若金來尅木須補脾土生腎水若行攻伐則脾胃



傷而反致木尅土矣

一婦人患之少寐年餘而潰膿水淋漓月經或五六十日一至至悞服通經丸展轉無寐午前惡寒午後發熱余謂思慮傷脾用歸脾湯作九午前以六君子送下午後以逍遙散送下兩月餘得寐半載後經行如期年餘而瘡愈

一婦人潰後發熱煩躁作渴脉大而虛此血虛也以當歸補血湯六劑而寒熱退又以聖愈湯數劑而全愈更以八珍加貝母遠志而瘡斂

一癰婦面黃體倦嘔酸嘔氣余謂中氣虛弱欲用補中益氣加茯苓半夏不信反降火利氣胸膈痞滿癰瘡腫痛又散堅利氣嘔氣不絕大便不實四肢時冷余曰今變中氣虛寒矣用六君加薑桂少用升麻柴胡漸愈佐以補中湯尋愈一婦人患此嘔氣用降火清胃食少吞酸胸膈痞悶用利氣消導吐痰氣促飲食日少用清熱化痰大使堅澁內熱身瘦余曰吞酸嘔氣脾胃氣虛也胸痞痰喘脾肺氣虛也大使堅澁內熱



日瘦脾肺血虛也遂以補中益氣加炒黑吳茱  
萸三分數劑佐以六味丸諸症頓退乃用歸脾  
湯逍遙散間服而愈

一婦人患前症遍身作痒脉大而虛此氣血俱  
虛不能榮於腠理以十全大補湯治之而愈大  
凡潰後午前痒作氣虛午後痒作血虛若作風  
症治之必死

一婦人項核腫痛察其氣血俱實先以必效散  
一服去之更以益氣養榮湯三十餘劑補之而

消蓋此症初起而血氣虛弱者先用前湯待氣  
血稍充乃用必效散以去毒仍用補藥無不效  
若已成膿卽針而補托之氣血復而核不消服  
散堅之劑不應而氣血如故仍以必效散養榮  
湯又不應灸肘尖肩髃二穴用豆豉餅琥珀膏  
自愈若氣血壯實不用追蝕亦能自腐用藥以  
腐之者使易於收斂耳若血虛而用追蝕不惟  
無益適以取敗凡不慎飲食七情者不治

附方藥



當歸川芎散

治手足少陽經血虛瘡症或風熱

耳內痒痛生瘡出水或頭目不清寒熱少食或經水不調胸膈不利腹脇痞痛小便不調

當歸

川芎

柴胡

白朮

炒

芍藥

炒各一錢

山梔

炒一分

牡丹皮

茯苓

各八分

蔓荆子

甘草

各五分

右水煎服

若肝氣不平寒熱往來共加柴胡地骨皮肝氣實

熱共加柴胡黃芩肝脾氣血虛熱共加參芪熟地脾

虛飲食少天思倍加白朮茯苓脾虛胸膈不利加

人參黃芪脾虛痰滯胸膈不利加半夏肝氣不

順胸膈不利加木香肝虛小腹痞滿或時作痛

加熟地脾血不足小腹作疼加肉桂日晡發熱

加熟地

加味地黃丸

治肝腎陰虛諸症或耳內痒痛出

水或眼昏痰喘或熱渴便澀等症

乾山藥

山茱萸

肉

牡丹皮

澤瀉

白茯苓

熟地黃

自製

生地黃

柴胡



五味子

各另為末等分

右將二地黃酒拌杵膏加蜜丸桐子大每服百丸空心白湯下如不應用加減八味丸

人參養榮湯

治潰瘍寒熱四肢倦怠體瘦少食

面黃氣短不能收斂大瘡愈後多服之庶不變

他症也

白芍藥

一錢五分 人參

陳皮

黃芪

炒

桂心

當歸

白朮

炒

甘草

炙各一錢

熟地黃

自製

五味子

杵炒

茯苓

各七分

遠志

去心炒五分

右薑棗水煎服

瀉青丸

治肝經實火脇乳作痛或惡寒發熱太

便秘結

當歸

龍膽草

炒

川芎

山梔

炒

大黃

炒

羌活

防風

各等分

右為末蜜丸桐子大每服三四丸白湯下若陰

血不足肝火血燥用四物加山梔柴胡或逍遙

散加丹皮山梔若腎水虧損不能生肝木而筋

攣結核或肢節拳搯或似中風涎痰上湧用六



味丸料煎服

生地黃丸 治師尼寡婦室女乍寒乍熱或頸間  
結核肝脉弦長而出魚際

生地

一兩酒  
拌杵膏

秦艽

黃芩

硬柴胡

各五錢

赤芍藥

一兩

右為末入地黃膏加煉蜜少許丸桐子大每服  
二十九丸烏梅煎湯下日進二十服

連翹飲子

治肝膽經氣滯癭癧結核或乳內結

核者

連翹

川芎

瓜蒌仁

研

皂角刺

炒

橘葉

青皮

甘草節

桃仁

各一錢

右水煎服

散腫潰堅湯

治癭癧堅硬氣血無虧者宜用

升麻

連翹

當歸尾

酒拌

白芍藥

炒

黃柏

酒炒

葛根

三稜

酒拌  
微炒

廣木

各三分

龍膽草

酒炒

桔梗

炒

昆布

知母

酒炒

瓜蒌根

各五分

柴胡

四分

甘草

炙五分

黃芩

酒炒四分半

右水煎服



必効散 治瘰癧未成者消已潰者斂須元氣無虧者可服若孕婦禁餌

南鵬砂 二錢五分 輕粉 一錢 斑猫 四十枚去頭翅同糯米炒熟去米

巴豆 五粒去殼心膜 麝香 五錢 白欖榔 一箇

右為末每服一錢五更用滾湯調下如小水瀆滯或微痛此癰毒欲下也進益元散一服即下此方斑猫巴豆似為峻厲然用巴豆乃解斑猫之毒用者勿畏

益元散

滑石 末六錢 甘草 末一錢

右每服一錢白湯調

琥珀膏 治頸項或腋下初結小核漸如連珠潰而膿水不絕或漏症者

琥珀 一兩 丁香 桂心 硃砂

木香 松香 白芷 防風

當歸 木鱉子 肉 木通 各五錢 麻油 二斤

右先用琥珀等六味為末其餘藥入油煎焦黑濾去渣徐徐入黃丹再煎軟硬得中入前末即



成膏矣

針頭散 治一切頑瘡內有瘀肉或癰核不化瘡口不合宜此藥腐之

赤石脂錢五 乳香

白丁香 砒霜生用

黃丹各一錢 輕粉

麝香各五錢 蜈蚣一條炙乾

石爲末搽瘀肉上其肉自化若瘡口小用糊和作細條陰乾紙之凡瘡久不合者內有膿管必須用之

須用之

逍遙散

歸脾湯

二方見本卷第四論

柴胡清肝散

梔子清肝散

二方見本卷第二論

補中益氣湯

方見本卷第十論

四物湯

加味四物湯

六君子湯

三方見本卷第六論

六味丸

當歸補血湯

二方見本卷第十一論

婦人良方

卷之二十四

三



聖愈湯

方見本卷第九論

益氣養榮湯

方見本卷第五論

灸肩頤肘尖法

見本卷未

婦人結核方論第四

婦人結核皆因鬱怒虧損肝脾或因胎產經行失於調養或因暴怒觸動膽火若結於項側耳前或於胸脇腫痛或發寒熱屬膽經風熱怒火宜用柴胡清肝散加釣藤山梔以養血氣清肝火若結於肉裡其色不變晡熱內熱屬肝火血虛宜用加味

逍遙散加龍膽草以養肝血清肝火或結於肢節或累累如貫珠其色不變亦肝火血燥而筋攣宜用柴芍參苓散加釣藤以養血氣佐以六味丸以生腎水若時消時作此氣滯而痰結也用歸脾六君二湯以調和脾肺之氣並佐以海藻丸若潰而核不腐或肉不生或膿水清稀肌寒肉冷自汗盜汗寒熱內熱面色痿黃食少體倦便利不調者五臟皆虛也但用補中益氣加味六君子二湯調補脾胃以滋諸臟則各症自退故經云形傷則痛氣



傷則腫慎不可輕用行氣破血之劑以復傷也

附治驗

一婦人項結核寒熱頭痛脇脹乳痛內熱口苦小便頻數屬肝火血虛用加味四物而愈又用加味逍遙散調補肝脾而安

一婦人經事不調肢體結核如榛如豆不計其數隱於肉裡其色不變三年餘矣大按則痛或投以降火消毒乃不按自痛發熱作渴日晡益甚經水過期左關脈數此肝火血燥用清肝益

榮湯六十餘劑而愈惟項核未消又以當歸龍薈丸數服及八珍加柴胡山梔三十餘劑而痊一婦人久鬱怒胸脇內股外廉各結核寒熱往來經候不調胸膈不利飲食少思大便不調左關弦洪左寸弦數右關弦緊右寸弦浮余謂左關弦洪肝經熱也左寸弦數木生火也右關弦緊肝剋脾也右寸弦浮木侮金也法當生肝血遂用加味四物湯而諸症退用加味逍遙散而經候調用加味歸脾湯而全愈



一婦人因怒肢體結核睡中發搐左關弦洪余  
曰此爲肝火血燥筋攣當清肝火養元氣遂用  
加味小柴胡湯加味道遙散漸愈又用八珍湯  
加牡丹皮柴胡山梔釣藤而愈

一婦人肢體結核胸腹痞悶氣泄稍寬余謂此  
肝脾鬱滯不信服降火行氣化痰病愈甚而氣  
愈虛余用加味道遙加味歸脾間服半載而痊  
一婦人項間結核不時寒熱左目緊小頭項振  
掉四肢抽搐此肝火血虛風熱也用加味道遙

加釣藤數劑諸症漸愈又用八珍湯調理而痊  
一婦人耳內耳後項側結核作痛寒熱口苦月  
經不調此肝膽經火而傷脾胃也用四君柴胡  
丹皮及六味地黃而愈

一婦人因怒結核經行不止發熱晝安靜而夜  
譫語此血分有熱也用小柴胡加生地頓安其  
核尚在經候先期肝脈弦數此肝火血涸而筋  
攣也用加味道遙加生地月經如期而核消

一婦人項臂結核頭痛寒熱乳內時疼兩脇焮



婦人良方  
痛余以爲肝脾鬱火而血燥先以加味逍遙散  
再用加味歸脾湯而愈

一婦人素鬱怒患前症內熱晡熱久而不愈若  
面色痿黃則月經過期而少若面色赤則月經  
先期而多余曰面黃過期脾經虛弱也面赤先  
期脾虛火動也朝用補中益氣升舉脾土以益  
氣血夕用加味逍遙滋養肝血以息陰火復以  
歸脾湯解鬱結半載元氣復而痊又有患前症  
因脾虛下陷而發熱乃專治其瘡變瘵而歿

一女子耳下結核焮痛寒熱此屬肝經風熱用  
梔子清肝散一劑諸症悉愈後因怒耳後并額  
兩角作痛寒熱此兼少陽經症仍以煎藥加羌  
活一劑而痊

一婦人項患五核時常寒熱肝肺弦長而出寸  
口此血盛無耦之症也用小柴胡湯加生地烏  
梅治之而愈

一婦人腹中結塊誤認血驚服驅逐之藥下血  
甚多致肢節間結核 治法見二十一卷第十一論



附方藥

八珍湯 治脾胃傷損惡寒發熱或煩躁作渴或因脾胃虧損膿水清稀久不能愈等症即四君四物一湯相合方見本卷第二論

十全大補湯 治瘡瘍胃氣虛弱腫痛不消或潰而不斂或自汗盜汗食少體倦或寒熱作渴頭痛眩暈或似中風又治氣血俱虛胸腹脇痛或作脹滿或骨節作痛經候不調或寒熱嘔熱五心煩熱或吐血咽乾頭痛眩暈眼目昏澁或痰

嗽喘促胸膈虛痞或嘔吐泄瀉手足冷熱即八珍湯加黃芪肉桂

加味逍遙散 治肝脾血虛有熱遍身搔痒或口燥咽乾發熱盜汗食少嗜卧小便澁滯等症又治瘰癧流注虛熱等瘡

- 甘草 炙
- 當歸 炒
- 芍藥 酒炒
- 茯苓
- 白朮 炒各錢
- 柴胡
- 牡丹皮
- 山梔 炒五分

右水煎服

逍遙散即前方去丹皮山梔



歸脾湯 治脾經失血少寐發熱盜汗或思慮傷脾不能攝血以致妄行或健忘怔忡驚悸不寐或心脾傷痛嗜卧少食或憂思傷脾血虛發熱或肢體作痛大便不調或經候不准哺熱內熱或瘰癧流注不能消散潰斂

人參 白朮炒 黃芪炒 白茯苓  
 龍眼肉 當歸 遠志 酸棗仁炒各一錢  
 木香 甘草炙各五分  
 右薑棗水煎服

加味歸脾湯

即前方加柴胡山梔

柴朮參苓湯

治肝火血熱遍身瘙痒或起赤暈

或筋攣結核上

白朮炒 人參 茯苓各一錢 柴胡  
 川芎 山梔炒 芍藥炒 甘草炒各五分  
 熟地自製 當歸各八分

右水煎服

柴芍參苓散

治肝膽經部分結核瘰癧瘤瘕等

症或肝血燥熱脾氣虛弱發熱少食



柴胡 芍藥炒 人參 茯苓

白朮炒 山梔炒 陳皮 當歸

牡丹皮 甘草各五分

右薑棗水煎服

清肝益榮湯 治肝膽經風熱血燥筋攣結核或

作瘕子

柴胡 山梔炒各五分 當歸錢一 龍膽草酒拌炒黑五分

川芎 芍藥炒各錢一 熟地黃自製白朮炒

木瓜不犯鐵器 茯苓各五分 甘草三分 薏苡仁五分

右水煎服

清熱涼血飲 治風熱血燥丹毒等症大便秘結

當歸 川芎 大黃炒 芍藥炒

生地黃各一錢

神効開結散 消瘰癧甚効

沉香 木香各二錢 橘紅四兩

珍珠四十九粒入砂罐內以鹽泥封固煨赤取出去火毒用

猪厭肉子四十九枚用豚猪者生項間如棗子大

右為末每服一錢臨卧酒調徐徐嚥下患小者



三五服大者一劑可愈切忌酸鹹油膩滯氣之物須用除自於靜室修合

海藻散堅丸 治肝經癭瘤

海藻

昆布

各二兩

小麥

四兩醋煮曬乾

柴胡 二兩

龍膽草

酒拌炒焦二兩

右為末煉蜜丸桐子大每服二三十九臨卧白

湯送下噤化嚙之尤好凡患瘰癧服調治之藥

未應宜佐以前一藥

九味柴胡丸 方見本卷第八論

梔子清肝散

柴胡清肝散 二方見本卷第二論

生薑黃丸 方見本卷第三論

婦人流注方論第五

婦人流注或因憂思鬱怒虧損肝脾或因產後勞役復傷氣血以致營氣不從逆於肉理腠理不密外邪客之或濕痰流注或跌撲血滯或產後惡露則氣流而注血注而凝或生於四肢關節或流於胸腹腰臀或結塊或漫腫皆屬虛損急用葱熨及



婦人良方  
益氣養榮湯則未成者自消已成者自潰若腫起  
作痛起居如常飲食如故屬病氣有餘形氣未損  
者尚可治若漫腫微痛起居倦怠飲食少思屬形  
氣病氣俱不足最爲難治不作膿或膿成不潰氣  
血虛也用八珍湯憎寒畏寒陽氣虛也十全大補  
湯補熱內熱陰血虛也四物加參朮作嘔欲嘔胃  
氣虛也六君加炮薑食少體倦脾氣虛也補中益  
氣加茯苓半夏四肢逆冷小便頻數命門火衰也  
八味丸小便頻數痰盛作渴腎水虧損也六味丸

月經先期不日而止肝脾虛弱也月經過期多日  
不正肝脾虛熱也八珍湯加柴胡丹皮丸潰而寒  
凝瘡口不斂者用豆豉餅祛散之其潰而有膿管  
不斂者用針頭散腐化之若不補氣血不節飲食  
不積起居不戒七情或用寒涼剋伐者俱不治

### 附治驗

一婦人左臂患之年許不潰堅硬不痛脈弱少  
食月經過期日晡發熱勞怒則痛此形氣虛而  
逆於肉裡也與參芪歸朮川芎芍藥熟地貝母



遠志香附桔梗丹皮甘草百餘貼而消。

一婦人因暴怒而腰腫一塊或胸膈不利或走氣作痛此營氣鬱滯與方脉流氣飲數劑而止更以小柴胡對四物加香附貝母月餘而愈。

一婦人因怒脇下腫痛胸膈不利脉息沉滯此營氣鬱過而爲腫用方脉流氣飲數劑少愈以小柴胡對二陳加青皮桔梗貝母數劑頓退更以小柴胡對四物二十餘劑而痊。

一婦人因閃胸肩腫遍身作痛用黑九子二十服

而痛止又用方脉流氣飲二十劑而腫消更以二陳對四物加香附枳殼桔梗而愈。

一婦人患此遇勞必痛衆手按之痛止屬氣血俱虛用十全大補湯六味九逍遙散而痊。

一婦人先肢體作痛後患流注發熱惡寒食少脇脹月經不調痰盛喘嗽五心煩熱健忘驚悸盜汗無寐悉屬肝脾虧損氣血不足用十全大補加味歸脾兼服諸症悉痊。

一婦人素頭暈患流注月經遲少此屬中氣虛



弱用補中益氣湯而愈後因勞止地月經如湧  
此勞傷火動用前湯加五味子一劑而愈

一婦人患前症用行氣化痰藥胸膈不利飲食  
少思用疎利之藥大便作泄中滿不食余爲脾  
胃復傷用補中益氣湯加煨薑脾胃健飲食進  
用六君加芎歸百餘劑而愈

一婦人素鬱結肩臂各腫如覆杯余以肝脾虧  
損用加味逍遙散百餘劑元氣復而腫消後勞  
後怒氣經行不止服涼血之劑其血如崩余以

此因脾氣復傷下陷而血從之朝用補中益氣  
夕用加味歸脾而愈

一婦人懷抱鬱結不時心腹作痛寒熱倦怠服  
行氣化痰等劑遍身結核大小不一二十餘枚  
諸藥不應余用加味歸脾湯而愈

一婦人腿患筋攣骨痛諸藥不應脉遲緊此肝  
脾氣血虛弱而寒氣之變也用大防風湯一劑  
頓退又一劑而安又一婦患之亦然先用前藥  
二劑更服黑丸子而痊此二患若不早治以致



內潰必成敗症矣

一婦人患前症潰後發熱余以為氣血俱虛不信乃服敗毒表散之藥果發熱竟至不救夫潰瘍雖有表症發熱宜以托裏為主佐以表散之劑况於瘰癧流注乎

附方藥

仙方活命飲 治一切瘡瘍未成者即散已成者即潰又止痛消毒之良劑也

白芷

貝母

防風

赤芍藥

當歸尾

甘草節

皂角刺

炒

穿山甲

炙

大花粉

乳香

沒藥

各一錢

金銀花

陳皮

各三錢

右用酒一大碗煎五七沸服

托裡消毒散

治瘡疽元氣虛弱或行攻伐不能潰散服之未成即消已成即潰腐肉即去新肉即生

即生

人參

黃芪

鹽水拌炒

當歸

川芎

芍藥

炒

白朮

炒

茯苓

各一錢

金銀花



白芷各七分 甘草五分

右水煎服

托裡散 治瘡瘍因氣血俱虛不能起發或腐潰

不能收斂及惡寒發熱者

人參氣虛多用之 黃芪炒各一錢 白朮炒

陳皮

當歸

熟地黃自製 茯苓

芍藥酒炒各一錢

右水煎服

益氣養榮湯 治懷抱抑鬱癩癧流注或四肢患

腫肉色不變或日腫發熱或潰而不斂

人參

茯苓

陳皮

貝母

香附

當歸酒拌

川芎

黃芪鹽水拌炒

熟地黃

芍藥酒拌 甘草各一錢 炙

桔梗炒各五分

白朮

炒二錢

右薑水煎服

木香餅 治氣滯結腫因肺風寒所傷作痛

木香五錢 生地黃一兩

右木香為末地黃杵膏和勻量患處大小作餅

置患處以熱熨斗熨之腫痛悉退



二陳湯 治中脘停痰飲食少思嘔逆等症

陳皮去白 茯苓 半夏各一錢 甘草灸五分

右水煎服

方脉流氣飲 治惱怒胸膈脹滿或肢體作痛或

結壅腫血氣無虧方見第三卷第七論等症

隔蒜灸法 治一切瘡毒大痛或不痛或麻木如

痛者灸至不痛不痛者灸至痛其毒隨火而散  
用大蒜頭去皮切二分厚安瘡頭上用艾壯於  
蒜上灸之二十壯換蒜復灸未成者即消已成者

亦殺其大勢不能為害如瘡大用蒜搗爛攤患

處將艾鋪上燒之蒜敗再換仍服托裏之劑如

不痛或不作膿不起發者不治此氣血虛極也

神効葱熨法 治虛怯人肢體患腫塊或不痛或

作痛或風襲於經絡肢體疼痛或四肢筋攣骨

痛又治流注跌撲傷損腫痛用葱頭細切杵爛

炒熱敷患處冷易之再熨腫痛即愈其効如神

此外補陽氣而運散壅滯之法也

豆豉餅 治瘡瘍腫硬不潰或潰不斂并一切頑



瘡惡瘡用江西豆豉為末唾津和作餅大如錢厚如三文置患處加艾壯於上灸之乾則易之若背瘡大者用漱口水和餅覆患處鋪艾於上灸之如未成者則消已成者能殺其毒有不效者乃氣血虛也為不治

大防風湯

方見本卷第九論

八珍湯

方見本卷第三論

十全大補湯

方見本卷第九論

六君子湯

四物湯 二方見本卷第六論  
補中益氣湯 方見本卷第十論  
八味丸  
六味丸 二方見本卷第十一論  
針頭散 方見本卷第三論  
小柴胡湯 方見本卷第二論  
黑丸子 一名和血定痛丸 方見本卷第九論  
婦人血風瘡論第六

婦人血風瘡因肝脾肺經風熱或鬱火血燥所致



其外症或身發疔瘡搔痒或如丹毒痒痛或搔破膿水淋漓其內症月經失常小便不調夜熱內熱自汗盜汗惡寒增寒肢體倦怠飲食不甘寒熱往來若發熱作痛屬肝經風熱用當歸飲加柴胡山梔若寒熱作痛屬肝脾鬱火用小柴胡加山梔黃連若疔瘡搔痒屬肺經風熱用清熱消風散若經候失常內熱晡熱屬肝脾血虛用加味逍遙散若肢體倦怠寒熱往來屬肝脾氣虛用加味四君子加柴胡丹皮若夜熱作渴或兼譫語乃血分有熱

用小柴胡加生地黃血虛用四物合小柴胡若無寐盜汗內熱晡熱乃脾經血虛用歸脾湯兼寒熱加山梔若愈後身起白屑搔則肌膚如帛所隔此氣血虛不能榮於腠理用十全大補湯若用風藥以治其外則陰血復傷反致他症矣

### 附治驗

一婦人素清苦四肢患乏誤服敗毒藥晡熱內熱自汗盜汗月經不行口乾咽燥夫四肢者脾之所主當調養脾血其病自愈用歸脾湯數劑



而愈

一婦人性躁患之寒熱口苦脇痛耳鳴腹脹溺  
澇年餘矣此屬肝火傷脾用四君子加柴胡炒  
山梔炒龍膽數劑更與逍遙散兼服而瘡愈又  
與六味丸及逍遙散七十餘劑而愈

一婦日曠身痒月餘口乾又月餘成瘡服祛風  
治瘡藥膿水淋漓午前畏寒午後發熱殊類風  
症余謂肝火傷脾外邪所搏先用補中益氣加  
山梔釣藤又以逍遙加川芎貝母而愈

一婦五月發熱日曠益甚皮膚赤暈月經過期  
此血虛而熱也以逍遙散加熟地熟止痒退史  
以四物柴胡參芪炙草茯苓調理遂愈

一婦懷抱久鬱患前症膿水淋漓服連翹消毒  
散食少胸痞服清氣化痰湯作嘔吐痰服清熱  
化痰丸煩熱畏寒四肢燉熱面自赤色脉大無  
力余謂脾胃虧損而虛寒隔陽氣於外用六君  
子湯加炮薑治之諸症稍愈飲食頓進佐以四  
物湯諸症漸愈又以四君子每味一錢四物湯



每味五分諸症全愈後因勞晡熱體倦懶食小  
腹痞墜小便澀滯自用四物黃柏知母晡熱尤  
甚更煩渴眩暈余以脾氣下陷用補中益氣湯  
漸愈乃佐以逍遙散而安後月經至如崩前症  
復作此脾氣傷而不能統血血虛而陰火動也  
仍用補中益氣而痊

一女子十歲善怒遍身作痒用柴胡川芎山梔  
芍藥以清肝火以生地當歸黃芩以涼肝血以  
白朮茯苓甘草以健脾土而愈半年後遍身起

赤痕或時眩暈此肝火熾甚血得熱而妄行是  
夜果經至

附方藥

當歸飲 治血熱癢疹痒痛膿水淋漓發熱等症

當歸 白芍藥 川芎 生地黃

白蒺藜 炒 黃芪 各一錢 防風 荆芥

何首烏 不見鐵器 甘草 各五分

水煎服

四君子湯 治胃氣虛弱或因尅伐以致腫不消



散潰不收斂者宜用此藥調補脾胃諸症自愈  
若誤用攻毒七惡隨至若飲食少思或食難化  
或欲作嘔或大便不實瘡口出血吐血便血尤  
宜用之凡氣血俱虛之症宜用前湯但加當歸  
則脾胃健飲食進陰血生若用四物沉陰則脾  
胃復傷反致他症若命門火衰而脾土虛寒者  
必用八味丸以補土母

人參

白朮

茯苓

各三錢

甘草

炙一錢

右薑棗水前服

加味四君子湯即前方四君子加川芎當歸

六君子湯

治症同前即四君子湯加陳皮半夏

各一錢若中氣虛寒假熱誤服寒涼尅伐以致  
四肢發熱口乾舌燥嘔吐此因寒氣隔陽於外  
須更加姜桂不應急加附子

四物湯

治血虛或因失血或因尅伐或因潰後

以致肺熱內熱煩躁不安若脾虛不能生血者  
宜四君加當歸并酒炒白朮以補脾土其血自  
生若血虛發熱誤服寒涼尅伐之劑以致發熱



作渴目紅，面赤，脉洪大而虛，此血脫煩躁急用  
當歸補血湯

當歸 酒拌 熟地黃 三錢 芍藥 錢炒一 川芎 錢一  
右水煎服

加味四物湯即四物加柴胡牡丹皮山梔

神效當歸膏 治一切瘡瘍搔痒疼痛去腐肉生

新肉其效如神如洗拭換膏必須預備即貼之  
新肉畏風故也如用白蠟尤好此藥生肌止痛  
補血續筋故與新肉相宜

當歸 生地黃 黃蠟 各一兩 麻油 六兩

右先將當歸地黃入油煎黑去渣入蠟溶化候  
冷攪勻即成膏矣 如用白蠟減半

滋陰腎氣丸 方見六卷第三論

小柴胡湯 方見本卷第二論

歸脾湯

逍遙散 一方見本卷第四論

六味丸 方見本卷第十一論

補中益氣湯 方見本卷第十論



婦人赤白遊風方論第七

婦人赤白遊風屬肝經怒火血燥生風或脾經鬱結血虛生熱或腠理不密風邪外襲其症或疙痞瘙痒或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛用六味地黃丸脾經鬱熱用加味歸脾湯肝脾血虛風熱用加味逍遙散若因風邪鬱熱所致用荆防敗毒散或專用祛風之劑肝血愈燥則血隨火化

反爲敗症矣

附治驗

一婦人素清苦因鬱怒患前症補熱內熱自汗盜汗月經不行口乾咽燥余謂此鬱氣傷脾乃以歸脾湯數劑諸症稍退後兼逍遙散五十餘劑而愈一婦人患此性躁寒熱口苦脇痛耳鳴腹脹溺瀉乃肝脾血虛火旺也用六君加柴胡山梔龍膽數劑更與逍遙散兼服漸愈又與六味丸逍遙散七十餘劑諸症悉退



婦人患前症誤服太麻風藥破而出水煩渴頭  
暈誠類風症六脉洪數心肝脾爲甚余曰風自火  
出此因怒火脾胃受邪血燥而作非真風症也與  
逍遙散六味丸以清肝火滋脾血生腎水而愈  
一婦人患前症久不愈食少體倦此肝脾虧損陰  
虛發熱也先用補中益氣加川芎炒梔元氣漸復  
更以逍遙散而瘡漸愈

一婦人身如丹毒搔破膿水淋漓熱渴頭暈日晡  
益甚用加味逍遙散而愈

一婦人患赤遊風肺熱痒甚余用清肝養血之劑  
不信乃服太麻風藥臂痛筋攣又服化痰順氣之  
劑四肢痿弱又一婦患前症數用風藥煎湯泡洗  
以致腹脹並歿

一女子赤暈如霞作痒發熱用加味小柴胡加生  
地連翹丹皮而愈大凡女子天癸未至婦人月經  
不調受驚着惱多有此症

附方藥

消風散 治風寒癢疹痒痛或膿水淋漓頭皮腫



痒

荆芥穗

甘草炙

陳皮

人參

茯苓

白僵蠶炒

防風

芎藭

藿香

羌活

蟬蛻各二錢

厚朴

姜製五分

右水煎服

大連翹飲

治風熱熱毒或赤白遊風表裏比日受

患者

連翹

瞿麥

荆芥

木通

赤芍藥

蟬蛻

甘草

防風

柴胡

滑石

山梔炒

黃芩炒

當歸

各一錢

右水煎服

當歸飲

治風熱赤白遊風作痒或瘙破膿水淋

滴等症

四物湯

治赤白遊風血虛發熱或晡熱頭目不

清或煩躁不寐或胸脇作痛等症

六君子湯

治脾氣虧損皮膚瘙痒或應疹不消

三方見本

卷第六論

卷之二十四

庚



加味小柴胡湯 治肝膽經風熱怒火赤白遊風

或寒熱往來晡熱潮熱身熱或口苦耳聾等症

方見本卷第二論

加味逍遙散 治血虛有熱遍身搔痒赤白遊風

發熱晡熱等症

逍遙散即前方去丹皮山梔

歸脾湯 治脾經血虛瘙痒發熱少寐盜汗等症

三方見本卷第四論

荆防敗毒散 方見本卷第十論

婦人疝疝方論第八 一名便癰 一名便毒 俗名痞子

婦人疝疝或肝經濕熱下注或鬱怒傷損脾肝其  
外症或兩拘小腹腫痛或玉門焮腫作痛或寒熱  
往來憎寒壯熱其內症或小便澀滯或腹內急痛  
或小腹痛悶或上攻兩脇或晡熱重墜若兩拘小  
腹腫痛肝經濕熱壅滯也用龍膽瀉肝湯玉門腫  
脹肝火血虛也用加味逍遙散及龍膽瀉肝湯加  
木香若槩投散血攻毒之劑則誤甚矣

附治驗



一婦人拘中赤腫脹痛此膿內作用托裏消毒散加柴胡數劑潰而膿清寒熱乃氣血復虛用托裡散而寒熱止用十全大補百餘劑而斂

一婦人腹拘腫痛寒熱口苦或時帶下此肝經濕熱不利也用龍膽瀉肝湯而腫痛消用加味道遙散而寒熱退

一婦人腹拘腫痛小水不利時或胸乳作痛脇腹作脹此肝火氣滯用四物柴胡青皮玄胡索木香而愈

一婦人拘中作痛小腹痞悶小便不利內熱體倦飲食少思此肝火內動脾胃受傷也用加味歸脾湯柴胡清肝散而安

一婦人拘中腫脹小腹作痛服下血之劑其痛益甚更吐瀉少食余以為肝脾復傷用六君子湯加升麻柴胡而愈

一婦人兩拘腫痛腹內一塊不時上攻月經不調小便不利余以為肝脾氣滯而血傷以四君加芎歸柴胡山梔而愈後因鬱怒前症復作兼胸滿腹



脹盜汗此肝木甚而傷脾土也用加味歸脾湯下  
蘆薈丸而痊

一婦人小腹內或作痛或痞悶兩拘腫痛內熱寒  
熱胸膈不利飲食不甘形體日瘦此肝氣滯而脾  
氣傷也朝用補中益氣湯夕用蘆薈丸漸愈更用  
六味地黃丸全愈

一婦人兩拘腫痛小腹痞脹白帶時下寒熱往來  
小便淋瀝余作肝氣滯而血病用龍膽瀉肝湯漸  
愈又用加味道遙散六味地黃丸全愈

一婦人患前症胸脇脹悶或小便不利或時腹痛  
此肝火氣病先用龍膽瀉肝湯以清肝熱又用加  
味道遙散以生肝血六味地黃丸以滋腎水而愈  
一婦人患前症余以為肝脾鬱怒不信另服化痰  
利氣之劑胸腹愈脹又服峻利疎導之劑變脾虛  
發腫而歿

一婦人患前症內熱作渴飲食不甘肢體倦怠陰  
中作梗小便赤澀此脾經鬱結肝經濕熱用加味  
歸脾湯而愈後因怒復作小腹脹痛用小柴胡加



山梔芎歸痛止又用加味道遙而愈

一婦人兩拘作痛寒熱內熱小便赤澀膈脇不利此肝火動而脾氣傷也用補中益氣湯加茯苓數劑少愈又與加味歸脾湯諸症悉退再用加味道遙散而愈

一婦人小腹痞悶溺澀內熱體倦懶食此肝火動而脾血傷也用入珍加柴胡山梔膽草而安

一婦人陰中如梗兩拘腫痛寒熱不食小便頻數小腹重墜余以為肝脾鬱怒所致先以補中益氣

加茯苓山梔車前子青皮以清肝火升脾氣更以加味歸脾湯調理脾鬱而愈

附方藥

龍膽瀉肝湯 治肝經濕熱兩拘腫痛或腹中疼痛或小便澀滯等症

龍膽草 酒拌 澤瀉 各一錢 車前子 炒

木通 生地黃 酒拌 當歸 酒拌 山梔 炒

黃芩 炒 甘草 各五分

右水煎服



九味柴胡湯 治肝經濕熱下注便毒腫痛或小腹脇肋結核凡肝膽經部分一切瘡瘍或風熱結核癰瘻

柴胡

黃芩炒各一錢 人參

山梔炒

半夏

龍膽草炒 當歸

芍藥炒

甘草各五分

右水煎服

蓋蒼丸 治肝氣不和尅侮脾胃而患諸症或三焦肝膽經風熱目生雲翳或疔熱癰瘻耳內生

瘡寒熱作痛肌體消瘦發熱作渴飲食少思肚

腹不調或牙齒蝕落頰頤腐爛下部生瘡等症

蘆薈五錢

胡黃連 當歸

芍藥炒

龍膽草

酒浸炒焦

川芎

蕪荑各一兩

木香

甘草炒各三錢

右為末用米糊丸麻子大每服五十丸滾湯下

加味小柴胡湯

小柴胡湯 治肝經下部腫脹小便不利或寒熱

往來或哺熱潮熱或胸脇作痛二方見本卷第三論



加味逍遙散 治肝脾血虛濕熱流注下部諸症  
發熱晡熱寒熱

加味歸脾湯 治脾肝鬱怒下部諸症寒熱晡熱

少食無寐或經候不調

二方見本卷第四論

補中益氣湯 治元氣下陷下部重墜或晡熱寒

熱少食體倦或因過服寒涼之藥所致

方見本卷十論

加味四物湯 方見本卷第六論

八珍湯 治氣虛寒熱晡熱或寒熱往來下部諸

症

二方見本卷第三論

### 婦人鶴膝風方論第九

婦人鶴膝風症因胎產經行失調或鬱怒虧損脾  
肝而為外邪所傷或先腿脚牽痛或先肢體筋攣  
既而膝漸大，腿漸細，如鶴之膝故名之也。若腫高  
赤痛者，易治；漫腫不赤痛者，難治。一十二月潰而膿  
稠者，易治；半載後潰而膿清者，難治。設用攻伐已  
損元氣，尤為難治也。太要當固元氣為主，而佐以  
大防風湯。若食少體倦者，六君子湯為主，補熱內  
熱者，逍遙散為主；寒熱往來者，八珍湯為主，發熱



惡寒者十全大補湯爲主，少寐驚悸者歸脾湯爲主，月經過期者補中益氣爲主，月經先期者加味逍遙散爲主，凡潰後當大補脾胃，若膿出反痛或寒熱煩渴等症皆屬氣血虧損，一於培補庶保終吉。

### 附治驗

一婦人久鬱怒胸脇不利，內熱寒熱經候不調，遍身酸痛，余謂胃氣虧損，先用補中益氣湯加半夏茯苓二十餘劑，胃氣漸醒，又用大防風湯與歸脾

湯，膝腫漸消，用加味逍遙散大防風湯而全消，又用八珍湯加牡丹皮調理氣血而安。

一婦人患前症，腫痛寒熱，先用大防風湯一劑，又用加味逍遙散四劑，月餘腫痛漸退，惑於速効，另服祛風敗毒虛症蜂起，仍用大防風爲主，佐以十全大補而消，又服大補湯兩月餘而痊。

一婦人患前症，兩拘中腿股筋牽作痛，內熱寒熱，此肝火氣滯之症，先用加味小柴胡湯四劑，後以加味逍遙散爲主，佐以大防風湯而消，又患痢後



兩膝腫痛寒熱往來用十全大補湯為主佐以天  
防風湯而仍消

一婦人患之雖潰而腫不消朝寒暮熱飲食不思  
經水三四月一至此屬肝脾氣血俱虛也用補中  
益氣加味歸脾一湯各二十餘劑腫漸消而寒熱  
止又佐以天防風月餘而能步履再月餘經行如  
期又服六味丸八珍湯三月而斂

附方藥

天防風湯 治陰虛邪襲腿膝腫痛等症

防風 附子炮 牛膝酒浸 白朮炒

羌活 人參各一錢 川芎一錢 肉桂一錢

黃芪炒一錢 芍藥炒 杜仲去皮姜汁拌炒

甘草炙各五分 熟地黃自製一錢五分

右水煎服

黑丸子 一名和血定痛丸 治跌撲墜墮筋骨疼痛或瘀血

壅腫或外感風寒肢體作痛若流注膝風初結  
服之自消若潰而膿清與補氣血藥自斂及婦  
勿服



百草霜一兩 白芍藥一兩 南星一兩 川烏各炮三錢

白歛 赤小豆各一兩 白芨

當歸 骨碎補焙各八錢 牛膝焙六錢

右為末酒糊丸桐子大每服三十丸鹽湯溫酒任下

聖愈湯 治血虚心煩睡卧不寧或五心煩熱

地黄酒拌蒸半日 生地黃酒拌 黃芪炙

人參 川芎 當歸各一錢

右水煎服

六味丸 方見本卷第十論

逍遙散

加味逍遙散

八珍湯

十全大補湯

歸脾湯 五方見本卷第四論

補中益氣湯 方見本卷第十論

四物湯

六君子湯 二方見本卷第六論





婦人下注廉瘡方論第十

婦人兩廉生瘡或因胎產飲食失宜傷損脾胃或因憂思鬱怒傷損肝脾以致濕熱下注外邪所搏外廉屬足三陽可治內廉屬足三陰難治若初起發腫赤痛屬濕熱所乘用入參敗毒散或檳蘇敗毒散若漫腫作痛或不腫不痛屬脾虛濕熱下注補中益氣湯氣血俱虛入珍湯若膿水淋漓體倦少食內熱口乾屬脾氣虛弱補中益氣加茯苓酒炒芍藥若午後頭目不清屬脾虛陰火用前湯加

熟地芍藥若午後發熱倦怠心屬氣虛血弱用前湯加川芎熟地若懷抱鬱怒屬脾氣不舒用歸脾湯加川芎山梔若內熱體倦痰涎口瘡屬脾腎虛熱用六味丸若肢體畏寒飲食少思屬脾腎虛寒用八味丸大抵色赤屬濕熱易治色黯屬虛寒難治設誤用攻伐復傷胃氣多變瘵症

附治驗

一婦人兩廉生瘡漸至遍身發熱吐痰口燥咽乾盜汗心煩足熱小便赤澀日晡益甚此腎足三陰



虛火也用加味道遙散六味丸而愈

一婦人患前症四畔微赤作痛重墜膿水淋漓胃  
膈不利飲食少思內熱口苦夜間少寐此鬱結傷  
脾血也用歸脾湯解鬱結生脾血用補中益氣加  
茯苓半夏補脾氣除濕熱尋愈

一婦人久不愈色赤微熱日晡炊腫形體虛弱飲  
食少思勞則喘渴惡寒發熱此為脾虛下陷用補  
中益氣湯而愈

一婦人患已三年色黯腫硬惡寒發熱飲食少思

形體消瘦作渴飲湯飲食稍多或腹脹或泄瀉或  
作嘔或作酸此脾氣虛寒也用補中益氣加乾薑  
五分五十餘劑而愈

一婦人患此因步履勞復惡寒發熱倦怠懶食而  
瘡出血此元氣虛而不能攝血歸經也用補中益  
氣湯而愈

一婦人患之因怒寒熱頭眩或耳項腦脇脹痛或  
小腹陰道悶墜或小便頻數下血此屬肝火血熱  
先用小柴胡加炒黑山梔芍歸車前一劑諸症悉



退又用加味道遙而愈後因飲食勞倦前症復作瘡口出血用補中益氣湯而安

一婦人患將兩月焮腫赤痛小便頻數飲食如常此濕毒甚而氣血虛先用活命飲一劑去其濕毒又用八珍湯調補氣血而愈

一婦人患此焮痛惡寒發熱此濕熱乘於足三陽經分用檳蘇敗毒散而寒熱退用仙方活命飲而焮痛止再用補中益氣湯而形氣健

附方藥

人參敗毒散 治瘡瘍焮痛寒熱或拘急頭痛

人參 羌活 獨活 前胡

柴胡 桔梗 枳殼炒 茯苓

川芎 甘草各一錢

右水煎服

檳蘇敗毒散即人參敗毒散加檳榔紫蘇

補中益氣湯 治元氣虛損或因尅伐惡寒發熱

倦怠少食或不能消散生肌奇或兼飲食勞倦煩

熱作渴



黃芪炒 人參 白朮 甘草炙

當歸各一錢 陳皮五分 柴胡 升麻各三分

右薑棗水煎空心午前服

烏沉湯 生氣血補心腎上損者服之其効勝大

建中湯

人參 當歸 白朮炒各二兩 烏藥

沉香各半兩 附子炮去皮尖 白茯苓各一兩 肉桂去皮半兩

右為末每服三錢薑棗水煎空心服

金鎖正元丹 治真氣不足四肢怠惰脚膝酸疼

目暗耳鳴自汗盜汗一切虛損之症

五倍子二兩 紫巴戟去心四兩 補骨脂酒浸炒二兩半

硃砂七錢另研 肉蓯蓉焙四兩 葫蘆巴炒四兩

茯苓去皮二兩 龍骨煨一兩

右為末酒糊丸桐子大每服二十九空心溫酒

或鹽湯下

平補鎮心丹 治心血不足時或心中驚悸夢如

高隊常服安心腎益榮衛

硃砂細研半兩為衣 人參五錢 龍齒一兩五錢



白茯苓

五味子

車前子

茯神

麥門冬

肉桂

遠志

天門冬

山藥

酸棗仁

去皮尖二錢五分

熟地黃

酒蒸五錢

右為末蜜丸桐子大每服三十丸空心温酒下

威喜丸

治小便白濁

黃蠟

兩

白茯苓

四兩一塊同猪苓一兩於磁器內煮二十沸取

出曬乾不用猪苓

右以茯苓為末鎔蠟丸彈子大每服一丸空心

細嚼津液嚥下小便清利為度忌食米醋

小柴胡湯

方見本卷第八論

加味道遥散

八珍湯

歸脾湯

三方見本卷第四論

仙方活命飲

方見本卷第五論

六味丸

八味丸

二方見本卷第十一論

婦人足跟瘡腫方論第十一



婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散補熱益甚頭目不清佐以補中益氣湯痰盛作渴或口舌生瘡亦用前一二藥以滋化源大凡發熱晡熱內熱自汗盜汗等症皆陰虛假熱也故丹溪謂火起九泉陰虛之極也蓋足跟乃督脈發源之所腎經所過之地若不求其屬而泛用寒涼則悞甚矣然俗謂爲鬼噬瘡

者蓋獵人被兔咬足跟久而不斂氣血瀝盡其人必死男子酒色過度者多患此症

### 附治驗

一婦人素血虛因大勞兩足發熱晡熱月經過期或用四物苓連飲食少思胃痞吐痰用二陳枳實黃連大便不實吐痰無度足跟作痛余曰足熱晡熱月經過期肝脾血虛也胃痞吐痰飲食少思脾胃氣虛也蓋胃爲五藏之根本胃氣一虛諸病悉至先用補中益氣加茯苓半夏脾胃漸健乃佐以



六味丸補脾腎不兩月而痊

一婦人經候不調發熱晡熱胃膈不利飲食少思服清熱寬中消導之劑前症益甚更兼肢體酸痛服除濕化痰等藥經候兩二月一至服通經降火之劑足跟足指作痛其熱如炙余以爲足三陰虧損用補中益氣六味地黃兩月諸症漸退又用前湯并八珍湯兩月而康

一婦人足跟患腫兩腿酸軟或赤或白或痛或痒後或如無皮或如皴裂日晡至夜脹痛熯熱此屬

足三陰虛損用加減八味丸及逍遙散加熟地川芎百餘劑而愈

一婦人勞則足跟熱痛余作陰血虛用八珍而痊後遍身搔痒服風藥發熱抽搐肝脉洪數此肝家血虛火盛而生風以天竺膽星爲丸用四物麥門五味苓連炙草山梔柴胡煎送而愈

一婦人兩足發熱足跟作痛日晡熱甚余謂腎肝血虛用逍遙散六味丸五十餘劑諸症悉愈

### 附方藥



當歸補血湯 治脾胃損傷或因服峻劑致血氣俱虛發渴引飲目赤面紅晝夜不息其脉洪大而虛重按全無若悞服白虎湯必死

黃芪 兩 灸一 當歸 二錢 酒製

右水煎服

六味丸 一名六味 此壯水制火之劑夫人之生以

腎為主人之病多由腎虛而致者此方乃天一

生水之劑無不可用若腎虛發熱作渴小便淋

秘痰壅失音咳嗽吐血頭目眩暈眼花耳聾咽



喉燥痛口舌瘡裂齒不堅固腰腿痿軟五藏虧

損自汗盜汗便血諸血凡肝經不足之症尤當

用之蓋水能生木故也此水泛為痰之聖藥血

虛發熱之神劑又治肝腎精血不足虛熱不能

起寐即八味丸去附子肉桂

八味丸 治命門火衰不能生土以致脾胃虛寒

而患流注鶴膝等症不能消潰收斂或飲食少

思或食而不化或臍腹疼痛夜多漩溺經云益

火之源以消陰翳即此方也



熟地黃

自製八兩

山茱萸肉

山藥

各四兩

牡丹皮

茯苓

澤瀉

各三兩

肉桂

用三分厚者

去皮取肉

分半方

能補腎引虛火

源

歸源

附子

用一兩五錢重者

切四塊

用童便

浸數日

火煨切看無白星為度

度

右為末蜜丸桐子大每服七八十九滾湯下

六君子湯

方見本卷第六論

補中益氣湯

方見本卷第十論

八珍湯

逍遙散

二方見本卷第四論

婦人肺癰方論第十二

仍參外科樞要

婦人肺癰因外邪內蘊或七情鬱火誤行汗下重  
亡津液以致肺氣受傷而惡風咳嗽鼻塞項強胃  
脇脹滿呼吸不利吐痰臭濁膿血腥穢若咳嗽喘  
急寒邪在表也小青龍湯咳嗽胃脹寒邪內壅也  
亭蔭大棗瀉肺湯脇脹咳嗽唾腥臭膿已成也桔梗  
湯咳嗽短氣或小便短少肺氣虛也佐以參芪補  
肺湯體倦少食或喘嗽短氣脾肺虛也佐以參朮  
補脾湯作渴飲冷午前嗽甚胃火盛也竹葉石膏  
湯作渴內熱午後嗽甚陰血虛也六味丸四物湯



口乾飲湯體倦少食胃氣虛也補中益氣湯加五  
味麥門口乾內熱咳唾痰涎腎水虛也六味丸益  
氣湯黃昏熱或嗽甚陰火熾也六味丸四物湯加  
五味麥門五更嗽或痰甚脾肺虛也六君子湯嗽  
而不得眠及兩脅痛肝火血虛也六味丸益氣湯  
大凡前症因外淫所侵當祛邪而實土因心火太  
過當伐木而補金若肺氣虛弱當補脾土而生肺  
金若陰火上炎當補脾肺以滋腎水然而發熱喘  
嗽咳唾膿血飲食不入皆脾土不能生肺金肺金

不能生腎水之敗症苟能純補脾土而生諸藏多  
有復生者若用寒涼脾胃復傷則肺金失養腎水  
益涸虛火上炎薰蒸於肺吾未見其能生之者其  
唾膿血脈浮大面色赤者俱難治若陰火妄動或  
勞嗽吐膿血者尤難治若膿自止脈浮短濇及始  
萌者易治

### 附治驗

一婦人素血虛發熱咳嗽服痰火之劑後吐膿血  
面赤脈數其勢甚危此膿成而氣血虛也余用八



珍湯補元氣桔梗湯治肺癰而愈

一婦人感冒風寒或用發表之劑反咳嗽喘急飲食少思胃膈不利大便不通右寸關脈浮數欲用疎通之劑余曰此因脾土虧損不能生肺金若更利之復耗津液必患肺癰矣不信仍利之虛症悉至後果吐膿余朝用益氣湯夕用桔梗湯各數劑吐膿漸止又朝仍用前湯夕用十全大補湯各五十劑喜其善調理獲愈

一婦人咳嗽吐痰胃膈作痛右寸關浮滑項下牽

強此脾胃積熱之痰非癰患也以一陳山梔白木桔梗治之而痊

一婦人素血虛內熱時咳甲辰孟冬兩尺浮洪以脾胃不健請治余曰當防患肺症丙午孟春果咳嗽左右寸脈洪數肺癰也膿已成左寸脈仍洪數乃心火尅肺金夏令可憂余用壯水健脾之劑稍愈彼遽自忽不事調攝果歿於夏令

附方藥

青龍湯

治肺經受風寒咳嗽喘急



半夏湯泡

乾薑

細辛

麻黃去節

肉桂

芍藥

甘草炙各一錢

五味子炒五分

附子炮五分

右水煎服

葶藶大棗渴肺湯

治肺癰胸膈脹滿上氣喘急

或身面浮腫鼻塞聲重用葶藶炒黃研末每服

二三錢先用棗十枚水煎去棗入藥再煎食後服

桔梗湯

治肺癰咳而胸膈隱痛兩肢腫滿咽乾

口燥煩悶作渴濁唾腥臭

桔梗炒

炒

貝母去心

當歸酒拌

瓜蒌仁

枳殼麩炒

炒

薏苡仁微炒

桑白皮炒

甘草節

防己去皮各一錢

炒

黃芪鹽水拌炒

百合蒸各一錢半

五味子杵炒

甜葶藶炒

炒

地骨皮

知母炒

杏仁各五分

右薑水煎服

人參補肺湯

治肺癰腎水不足虛火上炎咳唾

膿血發熱作渴小便不調

人參

黃芪炒

白朮

茯苓

陳皮

當歸各一錢

山茱萸去核

山藥各二錢



五味子并 麥門冬 甘草各一分 牡丹皮錢一

熟地黃自製一錢五分

右姜水煎服

參芪補脾湯 治肺症因脾氣虛弱咳唾膿涎中

滿不食宜兼服此藥以補脾土生肺金

人參 白朮各二錢 黃芪錢半 茯苓

當歸 陳皮各一分 升麻三分 五味子四分并

炙甘草五分

右姜水煎服

人參平肺散 治心火剋肺金患肺痿咳嗽喘嘔

痰涎壅盛胃膈痞滿咽隘不利

人參 青皮 茯苓 天門冬

陳皮各一錢 地骨皮錢一 甘草炙五分 知母七分

五味子十粒并 桑白皮炒一錢

右姜水煎服

竹葉石膏湯 治胃火盛而作渴者

淡竹葉 石膏煨 桔梗炒 木通

薄芎 甘草各一錢



右姜水煎服

竹葉黃芪湯 治癰疽氣血虛胃火盛而作渴

淡竹葉二錢 黃芪炒 麥門冬去心 當歸

川芎 甘草炒 黃芩炒 芍藥炒

人參 半夏 石膏煨 生地黃各五錢

右水煎服

二陳湯 方見本卷第五論

六味丸 方見本卷第十一論

補中益氣湯 方見本卷第十論

四物湯

六君子湯 二方見本卷第六論

十全大補湯

八珍湯 二方見本卷第四論

婦人腸癰方論第十三

婦人腸癰因經行產後瘀血或七情飲食所致其症小便如淋發熱惡風身皮甲錯腹皮腫急按之軟如腫狀或腹脹大轉側有水聲或繞臍生瘡或大便出膿其脉遲緊者膿未成用活命飲以解其



毒脉滑數者膿已成用雲母膏以下其膿若一十年  
間遍身微腫大腸與臍出膿此息積之症也多致  
不救內經云腸癰爲病不可驚驚則腸斷而死其  
坐卧轉側宜徐緩時嘗少飲薄粥靜養調理庶可  
保生

附治驗

一婦人小腹腫痛小便如淋此毒結於內用神効  
瓜萋散一劑少愈又薏苡仁湯一劑乃痊  
一婦人小腹痛而有塊脉芤而濇此瘀血爲患以

四物加玄胡索紅花桃仁牛膝木香一劑血下而  
愈

一婦人小腹痛大便便秘濇轉側有水聲脉洪數  
以梅仁湯一劑頓下諸血諸症頓退以薏苡仁湯  
一劑而痊

一婦人小腹脹痛小便不利脉滑數此膿已成也  
服太乙膏五錢膿下甚多脹痛頓退以瓜萋散蠟  
禁丸托裏藥而安

一婦人因經水多服藥止之致腹作痛以失笑散



一服而瘳又用加味逍遙散數劑而經調  
一產婦惡露停滯小腹作痛服瓜仁湯下瘀血而  
痊凡瘀血停滯急宜行之緩則腐化為膿最為難  
治若流注關節則患骨疽多為敗症

附方藥

瓜子仁湯 治產後惡露未盡經行瘀血停滯小  
腹作痛或成癰患

薏苡仁四兩 桃仁尖 牡丹皮 瓜萐仁各一兩  
右每服五七錢水煎

敗醬散 治脈數身無熱腹無積聚按之軟濡此  
為腸癰久積陰冷所成

薏苡仁二兩半 附子炮半兩 敗醬草一兩二錢五分

右每服四錢水煎以小便利為度

牡丹湯 治腸癰腹軟而痛時下膿血

牡丹皮 人參 天麻 白茯苓  
黃芪炒 薏苡仁 桃仁去皮 白芷  
當歸酒炒 川芎各一錢 官桂 甘草炙各五分  
木香三分



婦人煎服  
右水煎服

大黃湯 治腸癰小腹堅腫按之則痛肉色如故  
或炊赤微腫小便頻數汗出憎寒脉遲緊未成  
膿者宜服之

大黃炒 朴硝各一錢 牡丹皮 瓜蒌仁炒

桃仁去皮尖 各二錢

右水煎服

梅仁湯 治腸癰雍痛大便秘澁

梅仁九箇去皮尖 大黃炒 牡丹皮

芒硝各一錢 冬瓜仁研三錢

犀角鎊末一錢

右水煎入犀角末服

神仙太乙膏 治一切癰疽不問膿之成否並宜  
貼之更作丸服

玄參 白芷 當歸 肉桂

生地黄 赤芍藥 大黃各一兩 淨黃丹十三兩

右用麻油二斤入銅鍋內煎黑濾去渣入黃丹  
十二兩再煎滴水中捻軟硬得中即成膏矣如  
軟更加丹雲母膏固効卒難修合太乙膏亦可



神効黃礬丸 最解毒止痛

白礬 末一兩 明亮者 黃蠟 半兩 黃色者 熔開一方用七錢

右和衆手丸 桐子大 每服三十丸 滾湯下 如服金石發疽 更用白礬末一兩 作三五服 以溫酒調下 若遍身生瘡 如蛇頭 服之尤効 此藥能解毒氣內攻也 須多服方驗 亦治蛇咬 熔化 乘熱滴傷處 毒即出 痛即止 仍服兩許 失笑散 治產後心腹絞痛 或血迷心竅 不知人事 及尋常腹內瘀血 積血作痛

五靈脂 去砂 土炒 蒲黃 炒各等分

右爲末 每服一二錢 溫酒調

活命飲 方見本卷第五論

神効瓜萋散 方見本卷第十四論

四物湯 方見本卷第六論

加味逍遙散 方見本卷第四論

乳癰乳巖方論第十四

經云 乳頭屬足厥陰 肝經 乳房屬足陽明 胃經 若乳房忽壅腫 痛結核 色赤 數日之外 焮痛脹潰 稠



膿湧出膿盡而愈此屬膽胃熱毒氣血壅滯名曰乳癰為易治若初起內結小核或如鼈棋子不赤不痛積之歲月漸大巉巖崩破如熟榴或內潰深洞血水滴瀝此屬肝脾鬱怒氣血虧損名曰乳巖為難療治法熯痛寒熱宜發表散邪腫熯痛甚宜疎肝清胃或不作膿膿成不潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫熯作痛晡熱內熱宜補陰血或飲食少思時作嘔吐宜補胃氣或飲食難化泄瀉腹

痛宜補脾氣或勞碌腫痛宜補氣血怒氣痛腫宜養肝血慎不可用尅伐之劑復傷脾胃也乳巖初患用益氣養榮湯加味逍遙加味歸脾可以內消若用行氣破血之劑則速其亡

附治驗

一婦人內熱脇脹兩乳不時作痛口內不時辛辣若卧而起急則臍下牽痛此帶脉為患也用小柴胡加青皮黃連山梔二劑而差

一婦人因怒兩乳腫兼頭痛寒熱此肝經氣症也



用人參敗毒散一劑表症已退用小柴胡加芎歸  
枳殼桔梗四劑而愈

一婦人久鬱右乳內腫硬此肝經血症也用八珍  
加遠志貝母柴胡青皮及隔蒜灸兼神效瓜蔓散  
兩月餘而痊

一婦人先熱瀉至夜尤甚後兩乳忽腫肝脈洪數  
乃熱入血分用加味小柴胡湯而愈

一婦人因怒左乳作痛發熱因表散太過腫熱殊  
甚用益氣養榮數劑熱止膿成因不即針益腫脹

熱瀉針之膿大泄仍服前湯月餘而愈

一婦人因怒左乳作痛胃膈不利此屬肝脾氣滯  
以方脈流氣飲加木香青皮四劑而安

一婦人膿清腫硬面黃少食內熱晡熱自汗盜汗  
月經不行此肝脾氣血俱虛也用十全大補加遠  
志貝母及補中益氣各二十餘劑外用葱熨法而  
消

一婦人膿成脹痛余欲針之不從至數日針出敗  
膿三四碗許虛症蜂起幾至危殆用大補之劑兩



婦人月事  
月餘始愈

一婦人素弱多鬱患時疫後脾胃愈虛飲食愈少因怒右乳脇紅腫應內作痛或用炒麩皮熨之內痛益甚服加減四物湯腫勢愈大胸脇背心相引而痛余謂病後脾弱怒復傷脾用八珍加陳皮黃芪柴胡山梔白芷八劑稍愈去白芷加青皮木香桔梗又六劑而安

一婦人左乳內腫如桃不痛不赤發熱漸瘦此肝脾鬱怒也用八珍加香附遠志青皮柴胡百餘劑

又兼神効瓜萸散三十餘劑膿潰而愈

一婦人久鬱左乳內結核如杏三月不消心脉瀆脾脉大按之無力此肝脾氣血虧損以八珍加貝母遠志香附柴胡青皮桔梗五十餘劑而消

一婦人稟實性躁懷抱久鬱左乳內結一核按之微痛此皆氣血鬱滯以連翹飲十餘劑少退更以八珍加青皮香附桔梗貝母二十餘劑而消

皆乳癰

一婦人右乳內結二核年餘不消朝寒暮熱飲食



不甘此肝脾氣血虧損內服益氣養榮湯外以米香餅熨之年餘血氣復而消

一婦人乳內結核年餘哺熱少食余謂此血氣不足欲用益氣養榮湯彼反服行氣之劑潰出清膿

而歿又一婦乳內結核如粟亦服前藥大如覆碗堅硬如石出血水而歿乳巖已上皆

附方藥

神効瓜萋散 治乳癰及一切癰疽初起腫痛即消濃成即潰膿出即愈

瓜萋一箇爛研 生粉草 當歸酒洗各半兩  
乳香 沒藥各一錢

右用酒煎服良久再服若肝經血虛結核久而不消佐以四物柴胡升麻白朮茯苓甘草若肝脾氣血虛弱佐以四君芎歸柴胡升麻若憂鬱傷脾氣血虧損佐以歸脾湯

玉露散 治產後乳脉不行或身體壯熱頭目昏痛大便澀滯等症

人參 白茯苓 桔梗炒 川芎



白芷


當歸

芍藥

各一錢

甘草

五右水煎服



灸肩尖肘尖二十穴圖

即肩髃肘膠

此穴治瘰癧之秘法益瘰癧屬肝膽二經故患  
 耳前後項腋之間男子多因恚怒虧損肝經之  
 血陰火內作或不慎起居耗損腎水不能生肝  
 血婦女多因恚怒傷肝火動血燥或鬱結傷脾  
 火動血耗或患於胸乳間亦屬於前經此症若  
 因恚怒傷肝氣血雍遏而不愈者宜灸此穴疎  
 通經絡若因久於鬱怒元氣虧損而不愈當推  
 其所屬而調補化源如取其穴當以指甲掐兩



婦人良方

肘兩肩四所患處覺酸麻是是其穴  
見男子治驗  
要婦人見按註婦人良方小兒見保嬰粹要

婦人良方卷之二十四終

承應三年甲曆二月日

行刊



國家圖書館, NATIONAL CENTRAL LIBRARY, TAIWAN, R.O.C.